



8

42



Ex Bibliotheca  
 Major Coll. Rom.  
 Societ. Jesu

119.4.38 37

49  
 D  
 3

~~8-8-e-16-15~~

18-3-0-18







**BIBLIOTHECA  
DOMESTICA.**



FRANC. XAV. MANNHART

SOCIETATIS JESU SACERDOTIS

# BIBLIOTHECA

*Biblio.* DOMESTICA *sec.*

BONARUM ARTIUM

AC ERUDITIONIS

STUDIOSORUM USUI

INSTRUCTA ET APERTA.

*coll.* O P U S *nom.*

SEculi NOSTRI STUDIIS AC MORIBUS

ACCOMMODATUM.

*loc.* TOMULUS I. *sign.*

DE ARTIBUS ET SCIENTIIS UNIVERSE,

AC DE GRAMMATICA SEU

LINGUA LATINA.




CUM PRIVILEGIO CESAREO.

AUGUSTÆ VINDELICORUM,

SUMTIBUS MATTHÆI RIEGER, BIBLIOP.

MDCCLXII. +





## Privilegium Cæsareum.

**C**um D. Matthæus Rieger, Bibliopola  
Augustanus, typis vulgare deside-  
ret Librum, cui titulus: Bibliotheca  
Domestica &c. a P. Francisco Xave-  
rio Mannhart, Societatis Jesu Sacerdote,  
idionate latino conscriptum, Ego MA-  
THIAS STÖTTLINGER, ejusdem Societa-  
tis per Germaniam Superiorem Præ-  
positus Provincialis potestate ad id mihi  
facta ab A. R. P. N. Laurentio Ricci,  
universæ Societatis Jesu Præposito Ge-  
nerali, Eidem ad hanc primam dunta-  
xat dicti Libri Editionem facultatem  
impertio, simulque communico Privi-  
legium Cæsareum, quo Bibliopolis at-  
que Typographis aliis interdicitur, ne  
Librum ullum, a Nostreis scriptum,  
citra consensum Superiorum recudere,  
aut intra fines Sacri Romani Imperii  
inserre præsumant. In cujus rei fidem  
has Ei manu propria subscriptas, & con-  
sueto officii mei Sigillo munitas dedi.  
Augustæ Vindel. 19. Martii 1762.

(L. S.)

MATHIAS STÖTTLINGER

\* 3

ELEN-



# ELENCHUS

## TOMULORUM ET LIBRORUM.

### Tom. I.

Lib. I. *Artes & scientiæ universim spectatæ.*

Lib. II. *Grammatica seu Lingua Latina.*

### Tom. II.

Lib. III. *Poesis.*

Lib. IV. *Rhetorica seu Eloquentia sacra & profana.*

### Tom. III.

Lib. V. *Historia sacra & profana.*

Lib. VI. *Res Numaria.*

### Tom. IV.

Lib. VII. *Res Diplomatica.*

Lib. VIII. *Philosophia Naturalis & Moralis.*

### Tom. V.

Lib. IX. *Mathesis generatim : Singulatim de Geophr. Archit. Civ. & Milit.*

Tom.

Tom. VI.

*Mathesis de Astronomia.*

Lib. X. *Medicina.*

Tom. VII.

Lib. XI. *Jurisprudentia Civilis & Ecclesiastica.*

Tom. VIII.

Lib. XII. *Theologia Positiva, Polemica, Moralis, Scholastica.*

Tom. IX.

*Theologia Dogmatica & Historica.*

Tom. X.

Lib. XIII. *Critica.*

Lib. XIV. *Res Antiquaria Hebræorum.*

Tom. XI.

*Res Antiquaria Græcorum, Romanorum, & Germanorum.*

Tom. XII.

*Index rerum & verborum Generalis, & singularis Scriptorum.*

# EPITOME

## LIBRI I.

DE

ARTIBUS ET SCIENTIIS  
UNIVERSE.

---

### PROOEMIUM.

*Ordo artium & scientiarum, quas præsens Opus Libris XIV. completur. Oeconomia, quæ in singulis libris, atque in arte ac scientia qualibet tractanda servatur. Varii libri, qui Bibliothecæ nomine insigniti hucusque prodierunt. Bibliothecæ hujus character, & ratio stili. Finis huic operi præfixus.*

### CAPUT I.

ENCYCLOPÆDIA SCIENTIA-  
RUM ET ARTIUM.

§. I.



## Epitome Libri I.

### § I.

## *Peregrinatio scientiarum & artium.*



### I.

**O**ri<sup>g</sup>o omnium scientiarum & artium in Deo querenda est: ab hoc illarum semina in Adamum velut transfusa fuerunt. Nepotes ejus ac posterī scientias labore acquirere debebant. Adamus non solum parens, sed etiam magister humani generis a Deo constitutus est.

### II.

Adamus prima principia & elementa omnium scientiarum & artium tradidit nepotibus suis. Falsa jactantia Ægyptiorum ac Græcorum de inventionē artium & scientiarum, quam sibi adscribunt.

### III.

Prima peregrinatio artium & literarum a Chaldaea in Ægyptum: altera ex Ægypto in Græciam: tertia e Græcia Romam, & inde in reliquas Europæ regiones.

## Epitome Libri I.

### §. II.

## *Peregrinatio per artes & scientias.*

### IV.

*Origo Grammaticæ. Linguae primigeniæ. Latine lingue tres ætates, ejusdem instauratio. Poesis natales: Ejus cultus apud Hebræos, & Græcos, Poetæ Græci & Latini insignes. Rhetoricæ initium cum societate hominum: tres illius ætates. Celebres Oratores Græci & Latini.*

### V.

*Philosophiam primus explanavit Moses in Pentateucho. Ægyptiorum Philosophia ab Abrahamo & ex libris Moysis: Græcorum ab Ægyptiis: Romanorum a Græcis. Christiani Philosophia usi sunt ad confutandos sophos ethnicos. Galli, Itali, Germani multis experimentis & systematibus eam exercnarunt. Matthesin, Astronomiam maxime Adamus, Abrahamus & Moses coluerunt: Ægyptii & Græci promoverunt*

## Epitome Libri I.

vunt hoc studium: Romæ aliquamdiu  
viguit: instaurata est in Germania,  
Gallia &c. potissimum per Societates  
Regias. Medicinæ Author ipse Deus:  
Medicorum mentio honorifica in SS. Li-  
teris. Tres sectæ Medicorum. Schola  
Salernitana.

## VI.

Jus naturæ ab Adamo traditum po-  
steris: Jus Oeconomicum per familias:  
Jus gentium familiis in gentes excre-  
scentibus: Jus Civile & Politicum con-  
structis civitatibus: Jus profanum in  
familia Caini, sacrum in Sethi posteri-  
tate viguit. Moses & Aaron in lege  
scripta primi Doctores juris sacri &  
profani. Legislatores inter gentes. Jus  
Romanum in formam redactum a Ju-  
stiniano: Jus Ecclesiasticum a Grego-  
rio IX. Theologica scientia Adamo in-  
fusa, & propagata in posteros. Gen-  
tilium theologia. Theologia veteris &  
novi Testamenti. Hæc ad methodum  
scholæ traducta a S. Damasceno & D.  
Anselmo: perfecta a Petro Lombardo  
& D. Thoma.

§. III.

## *Epitome Libri I.*

### *§. III.*

*Artium & scientiarum arcta inter se necessitudo.*

### *VII.*

*Grammaticæ necessitudo cum aliis scientiis : item Poesis , Historiæ , ac Rhetoricæ.*

### *VIII.*

*Nexus Philosophiæ cum aliis scientiis : item Medicinæ , Jurisprudentiæ , ac Theologiæ.*

### *IX.*

*Proponuntur argumenta contra Encyclopædiam, seu studium plurium scientiarum & artium. Quæstio, an melius sit uni arti vel scientiæ se totum impendere, quam pluribus aut omnibus.*

### *X.*

*Dissolvuntur argumenta, & pro Encyclopædia deceditur. Tusculanum Ciceronis, Platanum Socratis, Saturnalia Macrobiani, ubi disputatum de omni literarum genere. Academiæ Literarum. Cultores Encyclopædiæ.*

*CAPUT*

*Epitome Libri I.*

**CAPUT II.**

**SEDES ARTIUM ET  
SCIENTIARUM.**

§. I.

*Academiæ ac scholæ publicæ.*

**XI.**

**D**escriptio *Academiæ Atheniensis inter ethnicos. Academia Platonis, & Lyceum Aristotelis. Ciceronis Academia in agro Neapolitano, ejusque Lyceum in fundo Tusculano. Descriptio Academiæ Alexandrinæ inter Christianos: in hac primis ævi Christiani temporibus SS. Literarum doctrina tradebatur. Celebres illius Professores, Pantæus, Clemens, Heraclas, Origenes &c.*

**XII.**

*Descriptio Academiæ Romanæ: Ejus status tempore Reipublicæ ac Imperii. Atheniensis Academia Romam migrat. Sanctio Codicis Theodosiani circa Studiosorum & Professorum disciplinam in Roma.*

## Epitome Libri I.

*Romana Academia. Hujus incrementum sub variis Pontificibus. Collapsam restituit Paulus III. Præter Archigymnasium Gregorius XIII. aliud amplissimum erexit sub cura Patrum Societatis. Idem Pontifex per omnem fere Europam Seminaria Studiosorum instituit. Oratio Stephani Tuccii in laudem hujus Pontificis.*

### XIII.

*Descriptio Academiæ Parisiensis, & Sorbonæ: Ejus fundamenta jecit Carolus M. Cladem passa est ob turbas inter cives & academicos. S. Ludovicus sedatis turbis eam instauravit. Sorbonæ inclytum Collegium sub auspiciis S. Ludovici erectum. Academia a variis Regibus amplificata. Viri præstantissimi, qui ex illa prodierunt.*

### XIV.

*Descriptio Academiæ Viennensis. Ejus Conditor Fridericus II. Imp. Amplificata ab Alberto Archiduce, & Maximiliano I. Quatuor Facultates in eam induxit Ferdinandus I. Singularum*

## *Epitome Libri I.*

*rum Facultatum sancti Patroni constituti. Rectoris dignitas & potestas. MARIA THERESIA, Imperatrix & Regina Academiam omni genere literarum & Professorum locupletavit.*

### *§. II.*

*Copia & præstantia Academiarum, Gymnasiorum & Scholarum.*

### *XV.*

*Academiæ præcipuæ totius terrarum orbis secundum seriem seculorum, & annorum, eorumque Conditores.*

### *XVI.*

*Academiæ fere omnes e scholis privatis originem duxerunt. Imperatores vetuerunt divinas, humanasque leges doceri, nisi in celebrioribus civitatibus, uti Romæ ac Constantinopoli. Academiæ quare dicantur Universitates. Solonis judicium de Gradibus honorum in re literaria. Causa, cur Gradus honorum in Academiis constituti fuerint. Auctores istorum Gratianus Bononiæ, & Petrus Lombardus Parisiis*

## *Epitome Libri I.*

*rifiis. Adprobantur in Concilio Vienne-  
nensi. Olendorpii philippica in contem-  
pores horum Graduum.*

### *XVII.*

*Gymnasia unde dicta sint. Gymna-  
sia occuparunt primum Philosophi: tum  
Rhetores: demum relicta sunt mansue-  
tioribus Musis, severioribus Academias  
occupantibus. Schola unde dicta. An-  
tiquitas, utilitas, & necessitas schola-  
rum publicarum.*

### *§. III.*

*Critice supra scholas publicas.*

### *XVIII.*

*Referuntur argumenta quorundam  
contra scholas publicas, ac dilucide re-  
felluntur.*

### *XIX.*

*Argumenta contra scholarum multi-  
tudinem confutantur: restringendam  
tamen esse certis conditionibus hanc mul-  
titudinem ostenditur.*

*CAPUT*



*Epitome Libri I.*

**C A P U T III.**

**VIA AD ARTES ET SCIENTIAS  
COMPARANDAS.**

§. 1.

*Adjumenta ad illas.*

**XX.**

*Adjumentum primum, ut Magistri  
& Professores optimi constituentur,  
qui in literis & moribus excellunt. Ale-  
xandri Præceptores duo: Lysimachus  
adulator, & Aristoteles philosophus.  
Exempla egregiorum tum præcepto-  
rum tum discipulorum.*

**XXI.**

*Liberalitas Principum tam ethnico-  
rum, quam Christianorum in remun-  
rando doctores artium & scientiarum  
tum redditibus tum honoribus. Exem-  
pla gratitudinis discipulorum erga Præ-  
ceptores suos.*

**XXII.**

*Adjumentum secundum libri & bi-  
bliothecæ. Elogium librorum & bi-*

**BIBLIOTH. DOMEST. LIB. I.**

**\*\* blio-**

## Epitome Libri I.

*bliothecarum. Primi bibliothecarum structores. Descriptio Bibliothecæ Alexandrinæ structæ a Ptolemæo Philadelpho, Ægypti Rege.*

## XXIII.

*Bibliotheca Romanæ : Asinii Pollionis, Atrium libertatis in monte Aventino, Augusti Octavia & Palatina, prope templum Pacis, Trajani seu Ulpia, Capitolina. Ornamenta bibliothecarum.*

## XXIV.

*Bibliotheca Vaticana, inchoata a primis Pontificibus : ab Hilario Papa in ordinem redacta, aucta a Nicolao V. & Sixto IV. perfecta a Sixto V. Subinde ab aliis Pontificibus locupletata numismatibus & manuscriptis. Scriptores de hac Bibliotheca. Sacrum Museum non procul a Vaticana Bibliotheca extructum a Benedicto XIV.*

## XXV.

*Bibliotheca Vindoboniensis Cæsarea. Hanc primus instruxit Maximilianus I.*  
*manu-*

## Epitome Libri I.

*manuscriptis & libris undique collectis: Auxerunt successores coemptis aliis plurimis bibliothecis privatis: ornavit magnifice Carolus VI. nova fabrica, aliaque pretiosa suppellectile. Insignes Praefecti hujus bibliothecæ.*

### XXVI.

*Bibliotheca Parisiensis Regia. Bibliothecæ privatae Caroli M. Ludovici Pii, & Caroli Calvi. Bibliothecam publicam primi fundarunt Parisiis Carolus V. & Carolus VI. Typographia in Galliam introducta. Promoverunt & amplificaverunt hanc bibliothecam Reges alii, præsertim Ludovicus XIII. & XIV. Viri præstantes, qui profecerunt ex hac bibliotheca.*

### XXVII.

*Scriptores de bibliothecis universæ. Bibliothecæ aliæ magis conspicuæ in diversis Europæ regionibus. Societates & Academiæ scientiarum, earumque præstantia & utilitas.*

**Epitome Libri I.**

**§. II.**

***Detrimenta artium & scientiarum.***

**XXVIII.**

*Libertas in discendo & docendo noxia.  
Nimia in tradendis scientiis festinatio.  
Vanum placendi studium.*

**XXIX.**

*Superbia & vana gloria vitium literarum inimicum. Novandi studium plerumque periculosum. Philautia seu adulatio indigna homine literato.*

**XXX.**

*Vaga & incauta lectio librorum. Differitur de pernicie, quam inferunt libri falsis principiis, perversis dogmatibus, & calumniis pleni, qui passim & impune circumferuntur. Platonis regula de censura librorum.*

**XXXI.**

*Neglectus disciplinae & virtutis. Quaestio, an magnae doctrinae cum magna religione, ac literis cum virtutis studio bene conveniat. Viri doctissimi ple-*

## Epitome Libri I.

*plerumque etiam religiosissimi. Statuta Academiae Romanae ad disciplinam pertinentia. Leges perpetuae Gymnasiorum Soc. Jes. Sodalitates Mariana in Academiis & Gymnasiis S. J. institutae ad conservandam pietatem in literarum studiosis. Causae deficientis disciplinae.*

### CAPUT IV.

INGENIORUM RATIO HABENDA IN ARTIBUS ET SCIENTIIS.

#### §. I.

*Cultura ingeniorum.*

#### XXXII.

*Quid sit ingenium. Diversitas ingeniorum, uti facierum: unde proveniat? Ingenia juvenum probe examinanda sunt, antequam ad scholas admittantur. Veterum de hac re exemplum. Quinam a Gymnasiis arcendi sint.*

#### XXXIII.

*Huarti opinio de ingeniorum habilitate ad studia. Quenam ingenia sint apta ad varias disciplinas. Modus*

## Epitome Libri I.

*dius tractandi juvenum ingenia. Mediocria ad sublimen scientiæ gradum promoveri possunt per industriam. Exempla, quibus omnia hæc comprobantur.*

### §. II.

## *Moderamen ingeniorum.*

### XXXIV.

*Magna ingenia maxime opus habent moderationis freno. Libertas ingeniorum magnam literis & literariæ Reipublicæ stragem affert, ut experimur. Quorundam ingeniorum audacia, aliorum pertinacia, multorum novandi studium perstringitur.*

### XXXV.

*Disputandi institutum nobile. Quæ olim disputandi ratio; quæ nunc vigeat. Ars & usus speculationum nimius obest doctrinæ: Possèvini hac de re judicium. Magnus hodie scribentium numerus. Scriptionis virtutes & vitia. Scriptores debent esse similes apibus, non fucis.*  
*Quæ-*

## *Epitome Libri I.*

*Quaestio, an typographia inventa plus  
nocuerit, quam profuerit.*

### **XXXVI.**

*Recta in studiis ratio & methodus te-  
nenda. Probari non potest continua in  
methodo studendi mutatio. Non est uni-  
verse probanda veterum methodus in li-  
teris, multaque exoleverunt cum tempo-  
re. Dotes bonæ methodi: debet esse or-  
dinata, optime excogitata, universalis,  
apta ut ætatem ferat. Ratio studiorum  
Romæ confecta a Patribus Societatis  
Jesu.*

## **CAPUT V.**

### **GUSTUS LITERARUM.**

#### **§. I.**

*Gustus bonus & sobrius.*

### **XXXVII.**

**G***ustus literarum in quo consistat.  
Illius semina nobis insita sunt a na-  
tura: perficitur tamen usu, & consue-  
tudine cum hominibus cultis, quin etiam  
arte.*

### **XXXVIII.**

## *Epitome Libri I.*

### **XXXVIII.**

*Dotes hujus gustus : seligit illa, quæ optima sunt : in omnes rite functiones se se insinuat : monstrat, quid in lucubrationibus bonum vel malum sit : liberat hominem a præjudicatis opinionibus.*

### **§. II.**

*Gustus malus & corruptus.*

### **XXXIX.**

*Gustus corrupti radix. Dominatur in omnes fere scientias, in Grammaticam, Poesin, Rhetoricam, Philosophiam, Jurisprudentiam, & Theologiam.*

### **XL.**

*Causæ corrupti gustus : mala institutio : inconsulta lectio librorum : festinatio in literarum studio : prævum exemplum Novatorum : corruptio morum in aliis vitæ actionibus. Parænesis ad Magistros, ut bonum & sincerum gustum literarum discipulis instillent. Sine hoc parum vel nihil in omnibus artibus & scientiis proficitur.*

**LIBER I.**





# LIBER I.

DE

## ARTIBUS ET SCIENTIIS UNIVERSE.

---

### PROOEMIUM.

**D**e bonis artibus & scientiis universe acturus, priusquam ad singulas earum descendam, ante omnia illud a me fieri oportere video, quod Architecti grandis alicujus fabricæ faciunt, quorum primus labor est, ut generalem quamdam illius ideam, quam animo conceperunt, vel adumbratam in charta, vel e ligno sculptam exhibeant: tum vero de arena, calce, lapidibus, tignis, tegulis, ferramentis, omnisque generis supellectile, structuræ vel necessaria, vel utilitati aut ornameto servitura,

BIBLIOTH. DOMEST. LIB. I.

A ut

ut in promptu sit, solícite prospiciunt: demum his instructi præsiidiis alacres manum operi admovent, jactisque fundamentis eundo per partes ab imo ad summum designatam fabricam perducunt. Est itaque instituti mei ratio haud alia, quam construere *Bibliothecam*, facile ac levibus impensis parabilem, mole sua non admodum vastam, quæque semper ad manus esse possit; atque idcirco *Domesticam* adpellare placuit. Complectetur autem hæc Bibliotheca, non librorum numero sed eruditionis studio metienda, præcipuas, quarum præsentē seculo usus est, artes atque scientias, nimirum præmissis illarum adparatu *Grammaticen* seu *Linguam Latinam*: *Poesin*: *Rhetoricam* seu *Eloquentiam sacram & profanam*: *Philosophiam naturalem ac moralem*: *Mathesin* ejusque species quatuor plus eruditionis præseferentes, *Geographiam*, *Architectonicam civilem ac militarem*, & *Astronomiam*: *Historicen*: *Rem Numariam & Diplomaticam*: *Medicinam*: *Jurisprudentiam civilem & Ecclesiasticam*: *Theologiam tum Positivam, Polemicam & Moralem, tum scholasticam, historicam, & Dogmaticam*: *artem Criticam*, ac demum *Rem antiquariam*, seu antiquitates Hebræorum, Græcorum, Romanorum, &

& Germanorum, ita ut quatuordecim libris, in quos eam partiri libuit, absolvatur. Equidem Matthæus Vayerus (a) Principum ac Nobilium eruditioni ac gustui centum librorum Bibliothecam sufficere asseruit. Verum Agrippa nonnisi duos commendat: *Duos tibi ait* (b) *præcipue legendos dabo unum Latinum Plinium, alterum Græcum Plutarchum. Hi duo crede mihi, præ cæteris sufficiunt ad reddendum hominem in omni scientiarum genere utraque lingua doctissimum.* Ego nec centum omnino, nec duobus duntaxat libris Bibliothecam hanc Domesticam instruendam duxi, sed velut media incedens via quatuordecim ad institutum meum delegi, eosque non admodum amplos, in quibus tamen res e plurimis libris non mediocri studio selectæ conspiciendas sese præberent.

Oeconomia illorum hæc est: in singulis præmitto, quæ ad cujusvis artis aut scientiæ, quæ tractatur, commendationem atque ad necessitatem utilitatemve demonstrandam faciunt: Tum historiam ejusdem, seu ortum, progressionem, ac incrementum a primis incunabilis ad hæc usque

(a) *In epistola schola sua Principum subnexa.*

(b) *Lib. 3. epist. 32.*

usque tempora recto ordine deductam exhibeo: Postmodum sequitur œconomia singularis & cuique propria, in qua velut in dissecto secundum Anatomix leges corpore humano, membra, viscera, structura, situs & ordo, totumque artificium illius artis aut scientix ante oculos ponitur: Mox produntur ea, quæ in quovis genere eruditioni serviunt, insignia sapientum dicta & facta, experimenta, monumenta, & Auctores, qui in ejusmodi disciplina versati præclare scripserunt: Denique finem imponit Critice temporibus nostris accommodata, qua quæ perperam fiunt in singulis, deteguntur, quæ vero sapienter ac provide, eo quod merentur elogio decorantur. Non me latet, fuisse plures, ingenio ac eruditione præstantes viros, qui volumina & libros in lucem ediderunt, Bibliothecæ nomine vel alio, qui huic æquiparatur, insignitos, quales sunt: *Bibliotheca selecta, & Adparatus sacer eruditissimi Antonii Possevini S. J. Adparatus Eruditionis Michaelis Pexenfelder S. J. Magnum vitæ humanæ Theatrum Laurentii Beyrlinkii. Bibliotheca Latina, Græca, & Antiquaria Joan. Alberti Fabricii. Bibliotheca Vaticana Angeli Rocbæ, commentario de variis artibus & scientiis illustrata. Polybi-*

*tybistor Danielis Georgii Morbosi de variis ad omnes disciplinas subsidiis. Bibliotheca Bibliothecarum Philippi Labbei S. J. Bibliotheca Bibliothecarum MSS. ad quodvis literaturæ genus Bernardi de Montfaucon. Huc quoque pertinent Monumenta Trevoltiensia. Historia Academiae Regiæ Scientiarum Parisiensis. Respublica literaria Amstelodami aperta. Bibliotheca Britannica. Acta Eruditorum Lipsiensium. Bibliotheca vetus & moderna le Clerc. Historia Academiae Regiæ scientiarum & artium Berolinensis. Non minus Lexica singularia de omnibus fere artibus atque scientiis. Hæc inquam me non latent. Verum ex istis aliqui duntaxat aliquas harum, quas commemoravi disciplinas attigerunt: alii eas solum ad sua, quibus vivere, tempora, a nostris, quæ vivimus, multum jam remota persecuti sunt, dum interea longis, ut ita dicam, passibus ultra progressæ, maximisque auctæ sint incrementis: alii Auctorum in quavis classe materialium, quas commentati sunt, syllabum potius quam ipsarum scientiarum naturam, indolem, & dotes exhibent: rursus alii eruditionis accumulandæ studiosi a via regia velut in campos & sylvas latissime exspatiantur, nec firmo pede in ipsis disciplinarum ady-*

tis consistunt: alii quidam A catholicorum, vel non bene Catholicorum, non paucis sectarum suarum erroribus, ac intemperantibus crisibus libros suos infarciunt: demum alii annorum vel dierum ordinem sine partium nexu & doctrinæ cohærentia secuti non tam artium & scientiarum œconomiam, quam illarum Lexica & Ephemerides proponunt. Meum hoc in negotio consilium & labor fuit, strictim & pede presso, ut loquimur, cujusvis disciplinæ vestigiis inhærere, eaque quæ ad illam seu explanandam seu illustrandam præcipue videbantur pertinere, absque ambagibus & episodii ordine re-cto, & æquabili sermonis tractu exponere, partes inter se colligare, membra jungere membris, atque in unum corpus redigere. Nimirum id, quod facere solent, qui Bibliothecæ instruendæ operam navant, id inquam ipsum & mihi hac in Bibliotheca faciendum duxi. Componunt illi eam e libris, non quos ipsi scripserunt, sed alii: de suo autem conferunt selectum, ordinem, & œconomiam, ut omnes libri sint rite dispositi, collocati debito ordine, catalogis & indicibus instructi. Hunc morem imitatus collegi e probatis Auctoribus, quos in optimis Bibliothecis reperi, varia de singulis his-

hisce artibus atque scientiis, quæ homine erudito vel erudiendo digna mihi videntur, & in adversaria retuli per plures annos, quibus tunc quidem aliis studiis negotiisque eram occupatus. Sæpissime ipsis Auctorum verbis utor, ita ut quod refero, illorum sit, meum vero, quod ad operis totius œconomiam pertinet.

Nolim autem, ut quis existimet, id mihi propositum esse, ut quamlibet scientiam & artem penitus exhauriam, totumque illarum ærarium expilem. Hic profecto & Scribenti & Legenti labor infinitus foret, atque ut Horatius canit, *magno promissor biatu* merito censeri possem: Neque tamen obiter & instar canis Nilum lambendo illas percurram, ita ut quod multis Jurisconsultorum objicitur, librorum Elenchus, aut quod Veteres dixerunt, *Epitomator* esse videar. Mediam tenere viam constitui, sicque negotium hoc satis delicatum tractare, ut licet numeris omnibus absoluta cujusque disciplinæ notitia vel inveniri, vel acquiri ex hoc Opere haud possit, satis perfecta tamen ad formandum de singulis sanum judicium idea facili labore comparari queat; id quod librorum istorum totiusque Bibliothecæ character proprius esto. Dum autem eam tam doctrinæ quam eruditio-

nis studiosis, ut in fronte Titulus præfert, scribere ac aperire decrevi, nosse oportet, discrimen intercedere sat magnum & notabile Doctos inter & Eruditos hoc seculo nostro, quamvis olim docere ac erudire res eadem fuerit, & hominem doctum ac eruditum eadem decempeda metiri consueverint maiores nostri. Est namque hodie Doctorum gens non adeo numerosa, frequens Eruditorum. Quippe Doctos vocare æstimareque solemus illos, qui in una alterave scientia vel arte aut pertinaci studio, aut ingenii tanquam soli bonitate ita profecerunt, ut a superficie ad fundum usque penetrando omnes ejus apices, regulas, placita, & arcana possideant, totamque scientiam vel artem illam quasi sub potestate habeant: Eruditos autem nuncupamus, qui nullibi stabilem figentes pedem per scientias veluti apes per florum germina vagantur, ubique mellis aliquid colligunt, & in apiarium suum deportant; inde cellulas sibi construunt, dulcemque eruditionis favum componunt, etsi fundo careant, dicere volo, licet in nullo scientiarum illarum genere sint probe riteque fundati, ac in arte Magistri. Exemplum huic meæ adfertioni adprime aptum ars pingendi, seu quam *Pictoriam* vocat Ulpianus, suppetat.



ditat. Qui excellere in ea cupiunt, uni plerumque vel alteri artis hujus speciei sese totos impendunt, hi topographicis, illi scenographicis, isti typicis, alii militaribus, alii historicis repræsentationibus, in quibus quoniam ingenium omne, studium, colores & penicillum ad id, quod sibi quisque præfixit, adplicant, celeberrimum Pictorum nomen ac famam adipiscuntur, ad quod honoris culmen rarissimi pertingunt, qui omnis generis omniumque rerum imaginibus depingendis operam suam manumque adhibent, sed ultra mediocritatis limites vix unquam eluctantur.

Jam vero ea, quam designavi, Bibliotheca & ad doctorum & ad eruditorum classem adspirantibus, nisi mea me fallat opinio, prodesse poterit: his quidem, ut suæ seu fami seu siti nonnisi rerum varietate, scientiarum omnium notitia, ac operum mirabilium conspectu satiandæ, nobilique literarum gustui facere satis possint: illis vero, ut præter eam, in qua suavi quodam & tacito naturæ ac indolis impetu abrepti excellere cupiunt scientiam, aliarum quoque si non plenam cognitionem, perfectam saltem ideam, & ad æquum judicium formandum aptam comparare sibi queant, qua illorum do-

Ærina eruditioni sociata multum & juvetur & ornetur. Præter hæc consulere studui publicæ plurimorum sive necessitati sive utilitati. Sunt enim, quos curta domi supellex impedit, quo minus de alia, scilicet librorum plurium supellectile sibi prospicere possint, saltem illorum, qui ad usum quotidianum præstosint: Sunt & alii, quos officii ratio aut negotiorum moles a multorum Auctorum lectione prohibent, quosque pretiosum tempus a publicis bibliothecis frequentandis arcet. Utrisque provisum erit hac Bibliotheca domestica & privata, non adeo vasta, ut non per horas etiam solum subsecivas intra unius anni spatium facile evolvi possit ac revolvi. Denique non modicam industriæ partem in stilum absumpsi, ut latinitate pura & nitida, quantum quidem multa lectione, exercitationeque adsequi a teneris annis hucusque mihi licuit, Bibliotheca hæc in lucem prodiret, tum ne lustrantium ac legentium oculos vestitus offenderet, tum ut ipsum linguæ latinæ, qua si sincera sit, & aurei argenteive seculi æmula, nihil excellentius esse potest ad animi sensus cum fulgore quodam exprimendos, ut inquam ipsum latinæ linguæ studium, ejusque pretium commendaretur. Nescio enim,

enim, qua ratione mos inoleverit, ut hodie omnes propemodum artes & scientiæ in alienis a veteris ævi instituto, & vernaculis linguis, quasi peregrinis induitæ vestibus in publico compareant, quarum aliquæ vel non satis aptæ sunt ad dignitatem illarum sustinendam, vel molitie sua levitateque enervant robur, & integritatem pessumdant, vel quum non nisi ex linguæ latinæ corruptela sint natæ, hanc sensim e regno literario penitus eliminant. Quam paucos invenire est, qui hodie in communem sermonem ac familiare colloquium secum adferant linguam latinam? Si jam id quoque fiat, ut artes & scientias libri vernacula in lingua nobis addiscendas offerant, quanta non latinitatis strages cum tempore consequetur?

Hac igitur uti lingua, tanquam bonis artibus propria decrevi, quamvis res plena difficultatis sit, & perquam salebrosa, scientias & indole sua, & quam tractant, materia tam diversas eodem sermonis huius puri castique genere complecti. Non equidem ausim id spondere pro universo opere isto. Quippe non raro contingit, ut insinuent se etiam non invitatae voces quædam, quæ in Latio civitate non gaudent: frequentius, ut aliis in libris minus

nus sincera latinitate scriptis lectæ velut jure quodam suo sese intrudant. Nihilominus magnam hujus rei curam me habuisse in singulis fateor, ita tamen ut religioni haud duxerim mihi, singulares & veteri Latio ignotas quandoque voces, quas *terminos technicos* vocant, adhibere, ubi opus esse credebam. Aliter enim cum Grammaticis, aliter cum Philosophis, aliter cum Mathematicis, aliter cum Medicis, cum Jurisperitis & Theologis aliter loquendum esse censui, & cuique quod suum est, dare constitui; quamvis & hoc ipsum meo quidem judicio latini sermonis seu integritati seu splendori nihil admodum officiat, quum ingenuitatis ac libertatis quædam dos hæc sit, quam non homines solum, sed & artes ac scientiæ sibi vendicant. Neque etiam eodem in omnibus disciplinis exponendis stili tenore ac sermonis curriculo utendum esse existimavi: Aliæ enim simplex & argutum, ut Grammatica & Philosophia, aliæ amœnum ac ornatum, ut Poesis & Eloquentia, aliæ grave ac sublime, ut Jurisprudentia & Theologia, dicendi genus & stilum non solum amant, sed etiam exigunt; quæ tamen varietas æquabilitatem stili ac sermonis tantum abest, ut turbet, ut suo modo etiam perficiat.

No-

Novimus enim, Tullium, hominem in Latio Patricium ac Eloquentissimum, hac ipsa varietate non tantum fuisse usum, sed maximam inde laudem promeritum. Certe eleganter non minus quam vere scripsit Alphonsus Gartia (c): „Infor-  
 „mandi stili rationem nemo quidem ex  
 „Latinis Oratoribus ante ipsum Cicero-  
 „nem assecutus fuerat. Nam qui ætate  
 „Crassi & Antonii nomen aliquod ex elo-  
 „quentiæ laude sibi compararunt, cum  
 „ad hanc dicendi varietatem, propter  
 „quam ad tantum honorem vivente Ci-  
 „cerone ascendit eloquentia, aspirare mi-  
 „nime possent, cunctas res natura & di-  
 „gnitate dispares, & longe lateque dissi-  
 „miles uno orationis filo pertractabant.  
 „Cicero vero, quæ ejus unius inter cun-  
 „ctos latinos immortalis gloria fuit, pa-  
 „rem rebus orationem & æqualem omni-  
 „no reddere cœpit, cum parva submis-  
 „se, mediocria temperate, & summa gravi-  
 „ter novo quidem & inaudito Romanis  
 „exemplo diceret.,

Atque hæc præfari visum est, & in ipso totius Operis limine conceptam animo ideam fabricæ, Bibliothecæ inquam hujus Domesticæ, in conspectum dare. An huic respondeat res ipsa, meum non est sed

(c) *Lib. de formando stilo c. i.*

sed Lectoris, ferre iudicium, mihi que retro post tabulam cum Apelle standum est. De hoc tamen certum illum esse iubeo, laborem hunc, qualiscunque demum est, non ad famæ aut nominis fumum aliquem captandum, neque subsellii inter ævi nostri Viros literatos, & fortes ut vocant spiritus occupandi gratia, neque ad vanam animi oblectationem, aut eruditionis ostentationem, neque ad aliorum doctissimas hoc in negotio lucubrationes critico dente carpendas, multo minus ad lucrum Religiosæ vitæ professionem inde percipiendum (quæ res non paucorum calamos ad scribendum hoc nostro seculo allicere atque acuere solent) non inquam hos in fines laborem hunc ab auctore suo susceptum fuisse. Alia longe sunt, quæ illius animum invitarent, & scribendi suggererunt consilium, scilicet una ex parte, ut dum hodie tot libri de rebus ad scientias & bonas artes pertinentibus circumferantur, qui partim hæresum sordibus ad incautos lectores decipiendos contaminati, partim heteroclitis opinionibus, paratragædiationibus, & immoderatis crisi bus ad mentes falsis ideis implendas sunt referti, essent denique alii libri, e quibus sana doctrina simul ac eruditio sobria peti, atque

atque de singulis artibus & scientiis re-  
ctum & æquum ferri judicium possit: ex  
altera vero, ut quæ auctor multorum an-  
norum ac vitæ suæ inter labores scholasti-  
cos fere continuos transactæ impensis seu  
docendo ex cathedra, seu legendo ac me-  
ditando ad pulpitem collegit, ea tum ad  
Dei gloriam, sine cujus habita ratione pri-  
ma nihil recte agitur, tum ad Reipublicæ  
literariæ utilitatem, cui quam scriptor  
profitetur, vitæ conditio ex asse devota  
est, publici juris faceret.



## CAPUT I.

### ENCYCLOPÆDIA SCIENTIA- RUM ET ARTIUM.

#### §. I.

#### *Peregrinatio Scientiarum & Artium.*

#### I.

**H**arum omnium originem altius repe-  
tenti dubium esse non potest, quin  
a Deo Optumo Maximo tanquam  
primo & inexhausto fonte proficiantur.  
Quippe ab infinita Sapientia omnis scien-  
tia, ab Omnipotentia omnis ars, a sum-  
ma

ma Bonitate utriusque communicatio, certis tamen limitibus circumscripta in terras descendit. Profecto si supremam illam Mentem introspicere nobis liceret, immensum pulcherrimumque scientiarum & artium quasi theatrum, per infinitum spatium omni ex parte sese porrigens intueremur: quod dum mortalibus in hac vita concessum haud est, Mundum hunc magnum, quem Megacosmum dicimus, creavit, ut in eo vestigia saltem Sapientiz ac Potentiæ suæ conspiciere possemus. Sed hoc non contentus parvum quoque mundum, quem microcosmum adpellamus, id est, hominem condidit, eique mentem cunctarum artium & scientiarum capacem indidit. Et sane, ut communis est SS. Patrum ac Theologorum doctrina, harum omnium notitiam & ideas clarissimas in gradu quodam excellenti Adamo Protoparenti nostro infudit Deus, in posteros quoque eadem veluti mensura diffundendas, nisi fatale cunctis peccatum, quod *Originale* vocant, intercessisset; quo factum, ut lucidissima & ditissima hæreditas illa nonnisi multis involuta tenebris & admodum imminuta ejus portio ad nos pervenerit, nec artium & scientiarum cognitio, uti Adamo, ita & filiis, nepotibus, ac reliquo humano generi fue-



fuerit infusa, sed non absque ingenti labore studioque acquiri debeat. Nimirum in poenam superbiæ primorum parentum, dum *sicut Dii* esse volebant *scientes bonum & malum* (d), justissimum Numen thesaurum hunc velut in terram profunde defodit, ut non aliter ac multo labore atque per partes erui eum necesse sit, semperque plura lateant adhuc, quam pateant curiosis hominibus; neque ulli clavem ad omnia naturæ arcana concessit. Verum ex hoc ipso mira Dei providentia elucet, utpote quæ rem ita ordinavit, tum ut hominum ingenia, natura sua semper inquieta, invenirent ubique & semper, quo utiliter ac honeste sese occuparent, inveniundo scilicet, excogitando, vestigando, experiundo varias artes & scientias, inque iis se perficiendo; tum ut istarum adminiculo in divinorum operum, & per hæc in ipsius supremi artificis cognitionem atque ad summi Boni amorem veluti per gradus ascenderent ac pervenirent.

Jam vero ex his facile patet, ubi prima omnium artium & scientiarum, ut ita dicam, semina sint quærenda; non utique penes alium, quam Protoparentem nostrum Adamum, qui non solum Pater,

(d) *Genes. 3.*

sed

sed & Magister humani generis a Deo constitutus fuit. Ea ut fatear, semper animo meo insedit opinio, Adamum plurimis quibus vixit annis, nongentis supra triginta, filios, nepotes, pronepotes ac abnepotes suos in disciplinarum omnium, quarum notitia copiosissima clarissimaque ipsum Deus vix conditum instruxerat, primis principiis imbuisse, ita ut eodem passu, quo carnis foetus, etiam artium & scientiarum germina sensim propagata fuerint, ac multiplicata. Quod tamen non ita intelligi velim, ac si ex Adami schola prodiissent Candidati probe jam in singulis informati. Neutiquam: crassæ nimium ob naturam recens per peccatum vitiatam tenebræ intellectum tum Magistri tum Discipulorum involvebant, quo minus clare ab eo cuncta exponerentur, multo autem minus ab illis rite perciperentur. Præterea distrahebant eos plurimum, ac impediabant a studio & indagine ulteriori curæ propagandi generis, educandæ prolis numerosæ indies crescentis, quærendi victus quotidiani, quem avara tellus nonnisi *in sudore vultus* subministrabat. Demum vel naturæ ac indolis ductu, vel necessitatis consilio aliqui huic arti aut scientiæ, alii cuidam alteri rudi adhuc minerva perdiscendæ  
ope-

operam dabant: Cain agriculturæ, Lamech venationi, Jubal musicæ, Tubalcain rei ferrariæ, Noema lanificio ac texturæ &c. pauci pluribus; ita ut supellex illa omnium, quam universam in mente sua collectam possidebat Adamus, in minimas quasi portiones distracta posterorum animis insideret. Ne vero temere & absque fundamento hæc asserere me quisquam existimet (id quod a plerisque factum esse conspicio) eundo per aliquas easque præcipuas artes atque scientias (quædam enim ex aliis natæ fuerunt) necessitatem hujus rei perpendamus. Primo quidem necessaria erat primis statim hominibus loquendi facultas sive sermo communis, quem linguam vocamus, atque ad hanc voces, quibus animi sensus invicem sibi panderent: Hebraicam illam fuisse plurimi censent, ab ipso Deo inditam Adamo, quando animantium omne genus, omnesque species *adduxit ad Adam, ut videret, quid vocaret ea, appellavitque Adam nominibus suis cuncta animantia, & universa volatilia cæli, & omnes bestias terræ* (c). Hanc linguam primi ab eo discere debebant, & ab his reliqui: quumque multiplicata familia multiplicarentur etiam res gerendæ, do-  
me-

mentis negotia atque servitia, essetque hominum memoria non minus quam reliquæ animi facultates communi fato debilitata, nec ita fidelis, ut omnia rite teneret ac redderet, opus erat, ne plurimæ res memoria exciderent, signis quibusdam, tanquam characteribus, quædam notare vel in arborum foliis, vel in ligneis tabulis, aliave ratione, quod rursus fieri non potuit inter plures sine quodam studio ac informatione, quam merito dicere possumus rudem aliquam Grammaticam seu artem loquendi & scribendi. Porro non ita hebetes fuisse primos homines credendum est, ut rationis ac mentis illustre donum velut in carne sepultum circumtulerint; brutorum instar vultu in terram defixo, ac ore nonnisi pabulo inhiante incedentes. Quis negare audeat, quod herbas, flores, fruges, arbores intuendo, fontes, flumina, mare ac pisces in iis natantes, totque diversi generis animalia gradientia conspiciendo, aerem, nubila, & aves volantes considerando, contemplando lunam & solem ac splendidissimas illas faces nocturnas in cœlo suspensas, ab ortu in occasum continuo se librantes, (de systemate enim Copernicano nihil adhuc credo ipsis innotuit) quis inquam negare audeat, primos illos homi-

homines in rerum harum naturam, principia, causas, effecta, phœnomena, & leges indagasse, varias inter se quæstiones agitasse, consuluisse Adamum, Doctorem suum ac Magistrum, ut quæ minus recte intelligerent, ipsos doceret; hunc mentem suam aperuisse, & apta propositis quæstionibus responsa dedisse; hæcque ad familias quoque suas ab his primis hominibus transmissa & consignata fuisse? quis, rursus interrogo, hoc negare auit? certe nemo, nisi qui eos potius hominum simulacra & umbras, quam homines, immo truncos & stipites fuisse credat. Ecce! rudem quamdam Philosophiam primi ævi. Neque huic defuit omnino disciplina mathematicos. Qua enim ratione potuissent diem ac horas diei, tempus matutinum a vespertino distinguere non observato solis ortu & occasu, aut mensurare anni tempus per menses, non cognito lunæ cursu? credimusne ipsos non levasse oculos ad cœlum, aut otiosos spectasse splendidissimam siderum cohortem, lunæ phasēs, frequentem solis eclipsem, nec horum omnium rationem rogasse Adamum, & quæ ab hoc oraculo exceperet, suis quoque observationibus notasse, sicque ad posteros transmisisse? profecto non omni arithmetica in computandis generationi-



bus, armentis, & ovium gregibus, nec omni geographia in determinandis agrorum finibus, nec omni architectonica in struendis casis, mapalibus, & demum civitatibus, quarum primam struxit Cain, nec omni mechanica in conficiendis ad agriculturam, & supellectilem domesticam, aliave instrumentis carere poterant.

## II.

Pergamus ultra. Quando *per unum hominem peccatum in mundum intravit, & per peccatum mors* (f), deesse non poterant etiam primis illis temporibus morbi, qui viam sternerent ad mortem. Quis enim sibi persuadere poterit, in tanta familiarum frequentia omnes uno velut ictu mortis boum instar prostratos fuisse, absque præcedentium morborum incurfionibus? an nullas tunc rixas, nec ullum in iis vulneratum censemus, postquam nec duo primi fratres sine unius cæde vivere poterant? neminem lapsu quodam crura fregisse, neminem feбри, viscerum dolore, aliove infirmitatis genere correptum esse? homines fuisse negaret, qui ab hac misera conditione illos eximere vellet. Equidem verum est, hominum naturam recens conditam membrorum &

vi-

(f) *Rom. 5.*

virium robore, humorum temperie ac virtus simplicitate adversus morbos & mortem per annos plurimos satis se defendisse absque pharmacis ac medicamentis. Non æqua tamen in tanta multitudine universorum conditio esse potuit: nec scdo omnes senio extincti fuerunt: nec omnes casus, quos humanos vocamus, evitari poterant. Et quamdiu ætas illa cavuit ingluvie, quæ morborum seminarium est? num gulæ vitium defuit filiis & nepotibus eorum parentum, quos id ipsum paradiso ejecit? an hoc solo caruerunt, qui tot aliis tam perditæ dediti erant, ut Deum *pœnituerit fecisse hominem*, ac pene totum genus diluvii aquis extinxerit? Erant itaque morbi, erant vulnera, erant dolores corporis, ut recentis peccati pœnas sentirent primi homines illi. Sed erant etiam medicinæ, ac pharmaca ad læsam sanitatem restituendam, erat medica mantis. Noverant enim, alii melius aliis, herbarum, plantarum ac frugum vires occultas, didiceruntque quotidiano illarum usu: miscuerunt potiones, emplastra confecerunt, ac domesticorum medicorum munere fungebantur, Deo sic disponente, ut semina hujus quoque artis adeo mortalibus necessariæ ad posteros quamprimum perveni-

rent, qui decreſcente ſemper primo naturæ florentis vigore magis ea opus habituri erant. Id ego facile crediderim, ille ævo necdum medicorum turbam occidiſſe homines. Quid de Juris ſcientia dicam? Neminem latet, illis temporibus celerrimo paſſu genus humanum fuiſſe propagatum, benedicente immo mandante Deo: *Creſcite & multiplicamini* (g). Et licet cuiſvis præceptum fuerit, ut *adhereret uxori ſuæ*, necdum tamen conſanguinitatis aut affinitatis impedimentum aliquod erat lege conſtitutum. Ita factum, ut brevifſimo tempore a primo ſtipite Adamo in plurimos ramos, & generationes diffuſum fuerit genus humanum, e quibus integræ ſurrexerunt familiæ: Familia *Cain*, familia *Seth*, familia *Cainan*, familia *Malaleel*, familia *Jared*, familia *Henoch*, familia *Matbuſalem*, quas omnes adhuc ſuperſtes Adamus viderat, utpote mortuus anno Mundi nongentefimo trigeſimo. Jam vero in tam numerofa republica ex tot familiis veluti compoſita opus erat Rectore ac Gubernatore, poteſtate quadam & legibus ſaltem œconomicis, atque ſtatutis, ut omnia, quantum fieri poſſet, tranquille ſine litibus, jurgiis & malefactis agerentur, cuique ſuum tribue-

(g) *Genef. i.*



bueretur, custodireturque morum disciplina & cultus Dei. Frustra sunt, qui solo naturæ ductu, aut providentiæ divinæ miraculo socialis vitæ vinculum tot inter homines & familias disparis omnino indolis, qualis erat in Caini & Sethi progenie, integrum atque illæsum fuisse conservatum contendunt. Habemus itaque etiam primos inter homines Juris politici & sacri quædam saltem tenuia vestigia. Denique ut reliquas artes & scientias præteream, nec primis Theologiæ cujusdam seu sacre doctrinæ rudimentis ea tempora fuerunt destituta. Non enim est credibile, Adamum Dei, sui que adeo oblitum fuisse, ut filios ac nepotes in iis, quæ ad unius ac veri Dei cognitionem & cultum pertinerent, quæ ad vitam salutemque sempiternam necessaria forent, quæ ad morum probitatem honestatemque facerent, ut inquam Adamus filios ac nepotes suos in hisce rebus non erudiverit, ut divinas perfectiones, quæ *Attributa* vocamus, maxime sapientiam, potentiam, ac providentiam in condendo mundo, formandoque homine, bonitatem in conferenda originis justitia, hujusque donis, justitiam in vindicandis legibus, misericordiam in venia indulgenda &c. ipse nimium vicinus horum omnium

testis non explanaverit, ut peccati originalis remedium, & virtutum præcipue Theologicarum exercitationem eos non docuerit, atque Christi in carne adventum ac gratiam Servatoris non prædicaverit. Erat profecto Religio vera ipsi mundo & primis hominibus coæva, quæ tamen absque istarum, de quibus dixi, rerum notitia & doctrina consistere nequaquam poterat. Quis jam non videt, artium & scientiarum semina, primaque elementa a primo quoque mundi ævo, ab Adamo & proxima illius posteritate petenda esse, eaque nunc magis nunc minus diversis seculis, & in diversis regionibus custodita & exculpta demum ad nos pervenisse, ut adeo nulla fides adhibenda sit Ægyptiis, ac Græcis maxime, genti tam ambitiosæ quam superstitioni & fabulis deditæ, dum modo hunc modo illum civem suum hujus istiusve artis ac scientiæ primum inventorem celebrant; quamvis inficiari non velim, fuisse inter illos populos præstantia quædam ingenia, quæ diu abdita hæc naturæ cimelia, adhuc aspera & impolita, primi in lucem produxere, atque ingenti labore ac pertinaci studio probe expolita & ornata quasi merces palam venales in foro literario exposuere.

## III.

Nunc stabilita prima sede ac velut arce omnis generis Disciplinarum, institutæ earundem per orbem peregrinationis curatius cognoscendæ nos accingamus. Postquam per mille sexcentos annos & amplius intra fines Armeniæ, Mesopotamiæ, ac Chaldææ, regionum intra Tigrim & Euphratem sitarum, per quas se primarum hominum familiæ dilatarunt, postquam diu inquam artes & scientiæ velut quietæ substiterunt, tamque longo temporis spatio utique magis excoltæ fuerunt, deletis ultatricibus diluvii aquis fere toto genere humano non nisi reliquiæ illarum angustissimos intra fines unius familiæ Noemi conclusæ supererant. Pace reddita, istoque cum Deo foedere Noe Patriarcha, uti genus humanum per multiplices generationes, ita & disciplinas qua sermonibus qua exemplis ante oculos positis inter suos instaurare cæpit. His vero ad turrin Babel inter se divisis, & per omnes orbis partes dispersis artes & scientiæ tanquam spolia quædam eos secutæ sunt, cruda tamen & inculta, quum homines illi aliis aliisque regionibus & terris occupandis, & familiarum necessitatibus magis, quam bonarum artium culturæ intenti fuerint, quoque longius a prima sede disciplinarum progressi erant,

co

eo plus barbariei contraxerint. Abraham pater ille multarum gentium, oriundus e stirpe Sem, qui Japheto in Europam, Chamo in Asiam exteriorē & Africam migrantibus ipse in interioribus Asiæ remanserat, Abraham inquam fuit, qui in Chaldæa patria sua felicius illas excoluit; unde Chaldæorum atque Ægyptiorum, ad quos postmodum peregrinatus Abraham, σοφία seu sapientia & eruditio in SS. Literis (h) magnopere celebratur. Prima igitur artium & scientiarum nobilis peregrinatio a Chaldæa in Ægyptum suscepta fuit, ubi tam insignes brevi tempore progressus fecerunt, ut teste Diogene Laertio (i), quamvis Chaldæi priores Ægyptiis ingeniorum culturæ se dederint, illi tamen his rursus usi fuerint magistris. Atque horum literatura imbutus Moses, de quo testatur S. Scriptura (k), quod fuerit *eruditus in omni sapientia Ægyptiorum*, magis hujus quam Ægypti spoliis onustus cum populo sibi commisso longam illam per desertum peregrinationem suscepit. Hac durante variis artium & scientiarum monumentis & ipse inclaruit, & Hebræos instruxit: Philosophia tum naturali, tum morali, Mathe-

(h) 3. Reg. c. 4.

(i) in Proem. §. 4.

(k) Act. Apost. c. 7.

thematica, Geneologia, Arithmetica, Historia, Architectonica civili & militari, Jurisprudentia, & Theologia; quæ omnia ex ipsius Pentateucho luculenter adparent in describenda cœli & terræ fabrica, in designando siderum cursu, in texenda Patriarcharum historia, in numero populi ineundo, in constructione Tabernaculi, in castris metandis, in oppugnatione urbium, in præliis, in judiciis exercendis, in sacris & sacrificiis ordinandis, in præceptis divinæ legis promulgandis explicandisque, quas disciplinas a Mose pleno velut alveo haustas Hebræi secum in Terram Sanctam intulerunt, & ad usque tempora excidii Hierosolymitani multis auctas incrementis conservarunt, quemadmodum e libris Regum & Machabæorum clarissime adparet.

Interea dum in Ægypto bonarum artium studium ad sublinem quemdam gradum ascendere videbatur, excitæ fama exteræ nationes, præsertim Græci, magna frequentia illuc se contulerunt, ut ibidem in vario literarum genere seu informarent se, seu perficerent. Eo certe consilio grandes illi Græciæ Sophi Pythagoras, Thales, Democritus, Plato alique in Ægyptum proficiscebantur, maxime Alexandriam, civitatem Regiam, ubi sub

sub Ptolomæorum patrocínio velut monopolium scientiarum exercebatur: neque etiam sine fœnore in patriam sunt reversi. Nam post reditum suum diversas Scholas & Lycea erexerunt, in quibus Græca juvenus, etiam nobilissima, in literis & bonis artibus institueretur a præstantissimis quibusque magistris, quorum fere singuli in id erant intenti, ut continuo studio & profunda meditatione vagam illam & latissime patentem Ægyptiorum sapientiam ad prima principia & certam methodum reducerent, atque ad scientiæ propriæ dictæ dignitatem eveherent. Ita factum, ut brevi tempore non solum Ægyptiis ipsis, e quorum fontibus literas in regiones suas derivarunt, superiores evaserint, verum etiam disciplinarum fere omnium inventores esse crederentur. Præ aliis autem discendi docendique studium floruit in Attica regione, ubi Athenæ, quas *omnium doctrinarum inventricem* vocat Cicero (1). Nec mirum: erant enim in Græciæ Rebuspublicis ii, qui cæteris eruditione præstabant, maximo in pretio. Eloquentiam & Philosophiam sequebantur honores, potentia, quin & statuz in foris erectæ. Hinc Nobilium quoque liberi Rhetorum scholas

po-

(1) *Lib. I. de Orat. c. 4.*

potissimum frequentarunt, in quibus etiam omne genus literarum simul addiscebant. Nec suis jam contenta finibus Græcorum literatura post subjugatam Asiam in hujus quoque provincias se se extendit. Constat enim multas Asiæ gentes cum lingua græca reliquarum quoque artium disciplinas recepisse, cujus rei testes habemus Ciceronem & Strabonem: prior Antiochiam Syriæ urbem *eruditissimis hominibus, liberalissimisque studiis affluentem* appellat (m). Alter Tharsensium scholas plurimum laudat. Non minus apud Pergamenos, Rhodios, & Ephesinos literas floruisse ævo illo idonei scriptores referunt: quin & ad Sinas usque penetravit præ reliquis Matheſeos disciplina, quam ab ipso mundi exordio, cui coævum volunt esse regnum suum, jam penes majores suos cultam fuisse ambiciosius quam verius gens ista cæteroqui politissima jactat & credit.

Quemadmodum vero Græci in Ægyptum, ita & Romani in Græciam literarum & studiorum causa peregrinati, lætique ac divites cum mercibus istis in Latium reversi sunt. Fatentur hoc ipsimet. Quippe Livius ait (n): *Artes multas ad animarum corporumque cultum nobis erudi-*

(m) *Orat. pro Archia.*(n) *L. 35. c. 8.*

*ditissima gens* (scilicet Græcorum) *invenit*. Non minus Tullius: *a Græcis* inquit (o) *Philosophiam & omnes ingenuas disciplinas habemus*. Nam populus Romanus primus e pastoribus, mox latronibus, demum e militibus coaluit ac propagatus est, neque ullos doctrina præstantes civitate donavit, antequam cum exteris, ac Græcis maxime, rem habere cœpit. Tum vero quum Græci in Romanorum arma & leges jurarunt, Romani vicissim Græcorum scientias & disciplinas utraque manu sunt complexi. Primus, qui literas inde Romam detulit, Ennius fuisse perhibetur, quemadmodum prodit Cornelius Nepos (p) & Lucretius (q):

*Ennius ut noster cecinit, qui primus*  
*amæno*

*Detulit ex Helicone perenni fronde co-*  
*ronam,*

*Per gentes Italas hominum quæ clara*  
*clueret.*

Quanto postmodum quamque incredibili studio & ardore bonas artes excoluerint Romani, satis demonstrant tot monumenta & libri, atque scriptores aurei argenteive sæculi: Quin & ex urbe Roma  
 tan-

(o) *L. 2. de finib.*      (p) *In vita Catonis.*

(q) *Lib. 1.*



tanquam centro in provincias armis sub jugum missas in Galliam, Hispaniam, & adjacentes insulas, ipsam denique in Germaniam felicissimis auspiciis literarum commercium invexere, quavis harum aliquæ citius, aliquæ serius illud admittere ac exercere cæperint. Plurimum quoque ad scientiarum incrementum & splendorem contulit Christiana Religio. Quum enim hæc sine literis & bonis artibus nec satis contra hostes suos se tueri, nec barbarie populis dominante doctrinam suam latius propagare potuisset, Christiani Principes & supremi Ecclesiæ Præsules ubique scholas, bibliothecas, & academias communi velut consilio, magnisque sumtibus erexerunt, ac majoribus dotarunt, in quibus postmodum omnes omnino artes atque scientiæ domicilium fixere. Ex hic hætenus in medium allatis facile patet felix peregrinatio artium & scientiarum per orbem; qua scilicet ratione e primorum parentum patria sede in vicinas Asiæ regiones, ex his in Ægyptum, ex Ægypto in Græciam, e Græcia in Italiam, ex hac in reliquam Europam grandi sane circuitu commigraverint. Quodsi vero universum qua late patet iter istud unum veluti sub aspectum ponere velimus, sequentes

temporis periodos, & locorum stationes  
iisdem figere licebit. *Prima*, ab orbe  
condito circa Mesopotamiam & Arme-  
niam in Adami familia ejusque sinu quie-  
scebant artes & scientiæ usque ad Noe-  
mum & diluvium. A. M. 1657. *Secunda*,  
a Noemo intra Armeniam, Babyloniam  
& Mesopotamiam in ejus familia resusci-  
tatae sunt usque ad linguarum gentiumque  
divisionem. A. M. 1757. *Tertia*, ab hac  
in Chaldæa per Abrahamum ejusque po-  
steros excultæ fuerunt. A. M. 1948.  
*Quarta*, ab Abrahamo, ejusque egressu  
ex Ur Chaldæorum propagatae sunt per  
terram Chanaan & Ægyptum usque ad  
Mosen. A. M. 2373. *Quinta*, a Mose in  
Ægypto, & ab exitu ex Ægypto in De-  
serto & Terra Sancta se detinuerunt pe-  
nes populum Dei usque ad Græciæ sapien-  
tes. A. M. 3400. *Sexta*, a Pythagora &  
Thalete ex Ægypto in Græciam invec-  
tæ floruerunt tum Athenis tum Alexandriæ  
usque ad Ennium aliosque Romanos. A. M.  
3722. *Septima*, a Romanis e Græcia  
allatae in Urbe ac reliqua Italia stabilem  
posuere sedem usque ad Herulorum,  
Gothorum, Vandalorum &c. in Italiam,  
& Turcarum, & Tartarorum in Græciam  
& partem Asiæ irruptionem. A. C. 476.  
*Octava*, a Barbaris, sub quorum domina-  
tu

tu fere ubique ignorantia regnabat, & artes ac scientiæ in exilium pulsæ sunt, usque ad restauratum Imperium Occidentis sub Carolo M. A. C. 800. *Nona*, a Carolo M. & Lothario in Italia, Gallia, Germania &c. ubi sensim instaurari cæperunt, usque ad seculum XIV. & XV. *Decima*, ab his in Italia, Gallia, Germania, aliisque Europæ regnis atque provinciis usque ad præsens tempus immensis laboribus & sumtibus ad summum perfectionis apicem omne disciplinarum genus effectum esse, propriumque in Europa domicilium fixisse videtur.

## §. II.

*Peregrinatio per Artes & Scientias.*

## IV.

Juvat nunc per ipsas tantisper disciplinas peregrinationem instituere, eundo per singulas earum, saltem præcipuas; celeri tamen passu ac sine diverticulis, summa solum vestigia sequendo: diutius enim & commodius commorari licebit, ubi cujusvis originem & progressionem, pleniorque historiam sequentibus in libris exhibebo.

*Grammaticam*, quæ docet recte loqui ac scribere, ipsa necessitas societatis hu-

36      *Cap. I. Encyclopædia*

manæ vix condito mundo seu invenit seu potius suppeditavit, certis legibus constitutis, ut quivis vel præsens vel absens animi sui sensa alteri communicare posset. Hæc linguas informat, quarum prima & princeps merito fuisse creditur Hebræa, quando erat adhuc *terra labii unius & sermonum eorundem* (r). At confusis ad turrim Babel hominum linguis septuaginta illarum diversas prodiisse autumant non pauci, quum tot fere gentes in terram post diluvium divisas fuisse memoret S. Scriptura. Orientalium autem linguarum prima radix ac fons erat *Hebraica*, qua electus a Deo populus utebatur, & a qua postmodum Syriaca & Arabica profectæ sunt: Altera Orientalium primæva fuit *Græca*, dialectis solum apud varias Græciæ nationes varia. Occidentalium vero tres sunt scaturigines; Primo *Latina*, Romanis usitata, quæ nulli quidem genti hoc ævo propria, commune tamen hominum, qui literis instructi sunt, vinculum est, & ex qua post natæ sunt Italæ, Hispana, & Gallica, partim etiam Britannica. Secundo *Germanica*, e qua prodierunt Belgica, Danica, Suecica, partim Anglicana. Tertio demum *Sclavonica*, mater Polonicæ, Bohemicæ, Hungaricæ, &

(r) *Genes. II.*

& magnam partem Moscoviticæ. Hebræam linguam nulla hodie terra loquitur: utuntur tamen illa (quamvis parum sincera) Judæi hinc inde sparsi, & pauci quidam docti, qui studium illius profitentur. Græcam præter Peloponesios, Macedonas, Thessalos &c. insulasque subjectas recepit etiam Græcia Magna, id est. Sicilia cum maxima Italicæ oræ illius parte, quam coloniæ e Græcia ductæ infederant: porro Græcia Asiatica, in qua Æoles, & Jonii habitabant: frequens quoque inter Romanos Literatos græca lingua fuit, quemadmodum inter Nostros Latina. Hæc jam lingua latina, cujus meminisse instituti mei est, primas cunas nata est in Latio, illo paucorum milliarium agro a Roma versus Campaniam se porrigente, angustoque Italiæ angulo, in quo Saturnus e regno Cretæ a filiis suis Jove, Neptuno, ac Plutone pulsus latuit. Initio rudis admodum & aspera fuit, ut ex antiquissimis illius vocabulis, tanquam ruderibus relictis manifestum est: neque cultura adhiberi poterat uti agrorum, ita & literarum inter armorum strepitus & bellorum tumultus, quibus tunc cum vicinis populis perpetuo impliciti erant Romani: iis vero domitis expoliri ac florere cæpit a. U. C. 514. quando

Coff. C. Clodio & M. Tuditano Livius Andronicus primus latinas literas publice docuit, cujus exemplum postea non pauci erigendo scholas & præcepta tradendo sunt imitati, ita ut ad hæc tempora merito juvenilis ætas latinitatis referatur. Imperio autem potita gens Romulidum linguam suam cum jugo multis etiam dissitis populis imposuit. Interea Romæ plus semper exculta sub Livio, Julio Cæsare, & Marco Tullio, regnante Augusto, virilem perfectamque ætatem attigisse visa est. Ab hoc tamen splendore suo sub Tiberio paullisper declinare, sub reliquis Impp. enervari cum moribus, atque sub Antoninis omnino in pejus ruere cepit: fatalem denique ictum inflixerunt tot barbarum gentium incursiones Herulorum, Gothorum, Longobardorum, Vandalorum, Hunnorum &c. quæ cum Romana potentia ipsum quoque nomen ac linguam exterminare conabantur. Certe corruptissima erat per aliquot secula, & plurima barbarie conspersa. Carolus M. fuit & Lotharius, qui instaurato Imperio Occidentali de latina lingua cum aliis bonis artibus ab exilio revocanda consilium & animum capere. Tandem circa seculum XV. adnitentibus Viris præclarissimis Petrarcha, Erasmo, Laurentio Valla, Hermolao Barbaro, Angelo Politiano,

Jo-

Joviano Pontano, Poggiò, aliisque restituta, & dato velut signo in Italia, Gallia, Hispania, Germaniæque sequentibus seculis ad pristinam dignitatem evecta fuit.

*Poesis* eodem fere cum Musica natales habuit. Quippe diversarum nationum homines, dum sacrificia, convivias, & nuptias celebrarunt, primum tibiis & fidibus utebantur: tum etiam voces jungabant & cantus, quin & saltus ad tibie vel citharæ sonum: unde pedum numerus atque mensura, inde harmonia, demum rythmi & metra prodierunt. Erat autem Moses ante Græcos aliosque populos, qui post mare rubrum sicco pede transmissum, demersumque cum exercitu Pharaonem primus edidit Canticum seu carmen hexametrum, quod nos Heroicum vocamus, cujusque initium est: *Cantemus Domino* (s). Non minus inter sacros Poetas, a quibus originem duxere profani, emi-  
nuerunt Job, David, Salomon, Jeremias, Isaias, cæterique Prophetæ, quorum libri ligato sermone conscripti sunt (ut quibusdam videtur) & vaticinationes continent seu prædictiones futurorum, unde postmodum Poetis nomen *Vates* multorum iudicio adhæsit; licet Varro (t) eos a viendis

(s) *Exod. c. 15.* (t) *L. 4. de Ling. latin.*

dis versibus (*viere* autem *vincire* est) ita dictos existimet. Post hos in Græcia maxime floruit Poesis. Quippe ut superius commemorabam, Græci ad literas ediscendas in Ægyptum profecti in sacros ibi Codices incidere, e quibus depromtas historicas narrationes ob rerum sublimitatem & stupendam varietatem admiratione primum, tum etiam metro & versibus complexi sunt, admixtis tamen, quum fidei veritatis luce destituti eas adsequi satis haud poterant, innumeris fabulis de primo chao, de Jove, Saturno, Gigantibus, de Prometheo, Deucalione, Orpheo, Hercule &c. Propriam vero sibi Musarum sedem condiderunt in montibus regionum suarum: Heliconem in Bæotia, & Parnassum in Phocide. In his collocarunt Apollinem tanquam Præsidem Musarum, quibus singulis certum genus carminum velut inventricibus attribuebant. Inde ex fonte Hippocrene, Pegasi ungula excitato, fabulas suas pleno guttore hauserunt, in totum terrarum orbem postea sparsas. Eminuerunt inter græcos Poetas Homerus, Hesiodus, Sappho, Pindarus, Anacreon, Menander. Uti autem Græci ex Ægypto, ita & Romani e Græcia Poeseos artem in patriam suam transtulere, in qua optimi quoque Poetæ Latini non  
tam



tam surrexerunt, quam nati sunt, & quidem in diverso carminum genere Lyrico, Elegiaco, Heroico, Scenico, uti Ennius, Plautus, Accius, Nævius, Terentius; potissimum Augusti Cæsaris & Mæcenatis ævo ut Horatius, Catullus, Tibullus, Ovidius, Virgilius, a quibus omnes artis Poeticæ divitias in hodiernam usque diem in nostra deportamus gazophylacta.

*Rhetorica*, quam bene dicendi scientiam finit Quinctilianus (u), cum stabilita hominum societate initium ortumque suum habuit, præsertim ubi familiæ ampliores, urbes, ac respublicæ constitutæ fuerunt, Oportebat enim in his esse aliquos, qui aliis suaderent, alios defenderent, exhortarentur alios, & recte facta laudibus exornarent; quæ omnia latius quoddam sermonis genus, magis politum & elaboratum, a vulgari & communi diversum requirunt, uti apud Tullium (x) recte animadvertit Zeno dicens: *omnem vim loquendi in duas partes tributam pugno similem esse: quod latius loquerentur Rhetores, Dialectici autem compressius*. Quapropter idem Cicero ejus originem ad primos urbium Conditores & Legislatores refert: Aristoteles autem tribuit

Si.

(u) L. 2. c. 15.

(x) L. 2. de fin.

Siculis, hominum generi acuto & ad dicendum prompto: Quintilianus Empedocli Pythagorico, quem prima Rhetoricæ fundamenta jecisse prodit. Ut paucis omnia dicam, prima & rudia elementa in quibusdam hominibus natura inchoavit: observatio autem, quid quave ratione unus altero melius diceret, adolescentiam ejus promovit: studium vero & ars perfecit virilem ætatem, in Græcia quidem, ubi Athenis florere Viri eloquentissimi Pericles, Isocrates, & Demosthenes: Romæ autem, ubi Crassus, Marcus Antonius, Cato, Sulpitius, Hortensius, præcipue autem Tullius e Græcia redux, qui postquam illius oratores declamantes solite audivit, eloquentiæ latinæ parens ac princeps evasit, unus omnibus aliis superior. Ibidem Quintilianus non tam voce ac exemplo, quam calamo & libris suis Rhetorem numeris omnibus absolutum informavit. Nihilominus fateri oportet, jam ante Græcos & Romanos in populo Hebraico Viros fuisse eloquio præstantes. Certe de Aarone ipse Deus (y) ad Moſen: *Aaron frater tuus, ſcio quod eloquens ſit: ipſe loquetur pro te ad populum, & erit os tuum.* Moſis quoque eloquentiam celebrat Apoſtolus (z), dum ait: *Erat po-*  
*tens*

(y) *Exod. c. 4.*(z) *Act. 7.*

*tens in verbis & operibus suis; cuius eloquentiæ vim satis expertus est Pharaon Rex Ægypti, quando coram eo pro populi libertate peroravit. Interea Romæ Imperio ad unum Principem devoluto, constitutaque Monarchia, dum libertas quæ in Rebuspublicis regnare solet, oppressa fuit, non amplius publico in foro agitabantur causæ dicendo ad concionem, quæ res mirum quantum Rhetorum studia & mercede aluit, & honore accendit: sed Jurisperiti privatos intra parietes eas discutiebant subtilius quam eloquentius, & ad legum apices magis quam ad Rhetoricæ artis præcepta expenderunt. Ita factum, ut & dignitas Rhetorum, & ipsius artis studium langueret, atque ad declamationes duntaxat, panegyricasque orationes Rhetorica deserviret. Latius tamen propagante se Christiana religione profanis Oratoribus succedere sacri, qui e cathedris & suggestibus ad refertissimum populum summa eloquentia, deque summis rebus perorabant, quemadmodum Cyprianus, Chrysostomus, Gregorius Nazianzenus, Augustinus, Leo M. Ambrosius, Gregorius, alique SS. Patrum, vigetque mos iste etiamnum hodie in Ecclesia Dei, in qua profana Rhetorice subito sacram se factam esse miratur & gloriatur.*

## V.

De *Philosophia* ut aliquid proferam, Moses primus erat, qui eam a Majoribus acceptam, tum Naturalem tum Moralem, latius explicavit in suo Pentateucho. Quamvis enim Ægyptii ab Abrahamo peregrinante non modicam illius notitiam hauserint, maximis tamen eam mysteriis & hieroglyphicis involverunt, inter religionis arcana custodientes, usque dum pleniorē apertiorēque doctrinam istam e libris Mosaicis ad se delatis hauserunt. Hanc ipsam magis nonnihil excultam & a superstitionibus purgatam Græci ex Ægypto læti domum asportarunt, ac majori a Sapientibus suis studio elaboratam exornatamque palam professi sunt. Et sane jam a Thalete usque ad Platonem plurimæ veritates prius absconditæ tum in *Philosophia* naturali, tum morali fuerunt detectæ. Tres erant tunc temporis *Philosophiæ* celebres: *Jonica* Mileti a Thalete: *Italica* a Pythagora in Calabria: *Eleatica* in Elea magnæ Græciæ urbe a Xenophonte instituta. Postmodum in varias distracta fuit sectas: in Academicam duce Socrate, e cujus schola divinus ille Plato prodiiit: in Cynicam auctore Anthistene ac Diogene: in Stoicam,

cam, cui Zeno initium dedit: in Scepticam Pyrrhone magistro: in Peripateticam ab Aristotele Platonis discipulo conditam, cui longo post intervallo ante tempora M. Antonini Imp. successit Eclectica a Potamone Alexandrino erecta, quæ singulis e sectis saniora dogmata elegit. Cætera Plato, dum sapientiæ suæ thesauros omnes in Philosophiam effudit, ampliores ei fines constituit, arctiores contra Aristoteles, qui primus eam in argumentandi ac rite concludendi methodum redegit, quam etiamnum hodie tenent scholæ bene moratæ, ac docti omnes mirantur. Ita græcæ Philosophiæ fama ubique se dilatante excitata Juventus Romana magnis passibus properavit Athenas ad hanc disciplinam e puris fontibus hauriendam, probeque imbuta domum rediit; a quo tempore Romæ quoque magno in pretio haberi cœpit, præcipue ea, quæ de moribus agit, uti e Tullii & Senecæ libris luculenter constat. Non minus post Christi adventum, & promulgatam legem Evangelicam, quando Christianis contra ethnicos Philosophos continuo pugnandum erat, ut suam morum doctrinam vanæ illorum Philosophorum doctrinæ opponerent, eorumque errores de mundi æternitate, de  
casu

casu & fato, de animæ mortalitate, de metempsychosi seu animarum transmigratione, deque corporum interitione &c. refellerent; maximi quique inter eos Viri Philosophiæ operam navarunt. Hæc postea magnam stragem passa est barbaris gentibus Italiam inundantibus, ac pene sepulta jacuit. Resuscitata tamen fuit seculo XII. in Hispania Arabum quorundam ope, præsertim Averrois & Avicennæ, qui tamen nimis eam subtilitatibus, argutiis, quin & superstitionibus cumularunt potius quam exornarunt. Secuti sunt meliores Aristotelis interpretes, inter quos eminuit D. Thomas, tenuitque diu hæc philosophandi ratio, donec sub finem seculi XVII. & initium XVIII. in Gallia, Italia & Germania, nova & multiplici experimentorum ac systematum accessione novam quoque formam induerit.

*Matbesin*, maxime partem illam, quæ ad siderum ac temporum notitiam pertinet, Adam in familiam suam, hæc in Chaldæam, Abraham autem in Chanaanæam, tum in Ægyptum quoque illatam felicibus auspiciis propagavit. Præ reliquis autem Moses illam excoluit, quem Arithmeticæ, Geometriæ, Architectonicæ, & Astronomiæ peritum fuisse Philo  
He-

Hebræus testatur, & satis id ipsum relicta in Pentateucho operum ejus monumenta demonstrant. Verum apud Ægyptios post plurium annorum culturam ars tota demum in Astrologiam quandam superstitionem degeneravit. Feliciores in Græcia progressionem fecit a Thaletis tempore, qui scientiæ hujus cognitionem in Ægypto haustam eo secum transtulit, quamque Eudoxus ordinato lunæ cursu, Euclides constructione elementorum, Archimedes sphaera & speculis causticis, alique præclaris aliis inventis & demonstrationibus suis ad satis magnum perfectionis gradum perduxere. His non contenta finibus nimium angustis e Græcia in Italiam, Arabiam, Persiam, aliosque populos Orienti adjacentes Mathesis ejusque studium sese dilatavit: quin etiam in regnum illud vastissimum, quod Sinense vocant. Et vero apud nationem hanc acuti æque ac politici ingenii stabilem veluti sedem, nec seculorum longissimo tractu interruptam fixisse visa est hæc disciplina, utpote quæ Sinensibus præcipuo in amore ac veneratione semper fuit. Profecto, qui primi animarum lucro incitati ad prædicandam Christi legem in interiora hujus Imperii penetrarunt, e Societate Jesu Viri, mathematices scientia probe in-

instructi, Schallius, Verbieſtus, Noe-  
lius &c. non ſine admiratione hujus cultu-  
ram, variam ſupelleſtilem, ephemerides,  
aliaque documenta antiquiſſimis jam tem-  
poribus collecta ibidem invenerunt. Nec  
mirum, quum præ cæteris omnibus huic  
ſtudio maximus ſemper honor exhibitus  
fuerit. Nam qui eo excellunt, *Mandari-  
nis* ſeu Nobilibus accenſentur, & inter  
alia regni Tribunalia illud quoque conſpi-  
cuum eſt, quod Mathematicum adpellant.  
In Europa vero Matheſis Romæ aliquam-  
diu culta mox in Barbarorum manus de-  
lapſa eſt, nec niſi poſt Carolum M. denuo  
inclareſcere cœpit, diverſis Principibus,  
Regibus, Imperatoribus, maxime ſummis  
Pontificibus operam ſuam & opes ad  
ſcientiam tam utilem quam neceſſariam  
inſtaurandam contribuentibus. In Ger-  
mania hunc laborem in ſe ſuſceperunt  
Peirbachius, Mullerus, Copernicus, Ty-  
cho Brahe, Kepplerus, Hevelius, & Hu-  
genius, ac Schottus S. J. in Italia Gali-  
læus, Clavius, Kircherus, Ricciolus,  
omnes tres e Societate Jeſu: in Galliis  
Dechalius S. J. & duo Caſſini. Noſtris  
vero temporibus apicem perfectionis atti-  
giſſe videtur per Societates, ut vocant  
Regias, Pariſienſem, Anglicanam, Bero-  
linenſem, Petropolitanam, perque Inſti-  
tu-



tutum Bononiense, Lipsiense, Viennense, quorum opera Matheseos arcana quæque in lucem protrahuntur, & orbi literato in publicis Actis communicantur.

*Medicinæ* auctorem S. Scriptura celebrat ipsum Deum, utpote de quo, licet omnium aliarum artium & scientiarum fons & origo sit, singulari tamen quasi titulo memorat: *Vere a Deo est omnis medela, & Altissimus creavit de terra medicamenta*(a), atque ab hoc inter alias indita fuit primo Parenti medicæ artis cognitio, ut qui per peccatum suum posteritatem totam omni morborum & infirmitatum generi, ipsique morti obnoxiam fecit, etiam medendi rationem aliquam ac modum subministrare posset. Varia exstant hujus artis vestigia in SS. Literis. Nam in libro Genesis (b) legimus, Josephum, Jacobi Patriarchæ filium, Ægypti Pro-Regem *mandasse Medicis suis*, ut defuncti patris cadaver aromatibus condirent, quorum mira vis erat in ea regione ad corpora a putredine immunia servanda, quæ *Caronomia* adpellamus, & ipsa serviunt vel maxime ad pharmaca præparanda. Rursus (c) mandante Deo Moses legem promulgavit, ut Vir, qui gra-

(a) *Eccles.* 38. (b) *Cap.* 50. (c) *Exodi.* 21.

BIBLIOTH. DOMEST. LIB. I.

D



graviter percussisset alterum, si hic mortuus non fuerit, *operas ejus & impensas in Medicos* ille restitueret. Non minus Salomonem perfectissima omnium herbarum, plantarum, ac fructuum, e quibus medicamenta fiunt, cognitione præditum fuisse testatur liber tertius Regum (d). Hinc dubium esse non potest, jam apud Hebræos & Ægyptios medicinæ artem & cognitam fuisse, & exercitam. Græcia tamen præ cæteris illam sibi vendicavit in Apolline suo, quem inventorem medicinæ de humano genere optime meritum in Deorum numerum retulit: eodem honore filium Æsculapium affecit, quem medica arte sua etiam mortuos ad vitam ex inferis revocasse fabulabatur. Atque in hujus familia scientiæ istius arcana velut sedem fixisse memorant historiæ, ita ut nulli alteri extra eam Medici munus obire licuerit. Ex hac Æsculapiorum stirpe descendit Hippocrates, Numen illud Medicorum, qui dispersa medicinæ dogmata primus in artem collegit, & certa methodo complexus est, relictis posteritati libris doctissimis. Brevi autem in sæctas abiit hæc scientia, quarum tres præcipuæ fuerunt: *Empirica*, quæ sola experientia in medendo nitebatur: *Methodica*, quæ

(d) *Cap. 4.*

quæ rejectis experimentis triplicem morborum fontem, atque ita triplicem quoque curandi methodum constituit: & *Rationalis*, quæ utrique parti aliquid tribuebat, ac experientiæ methodum conjunxit. Magnum erat apud Græcos Medicorum nomen, non item apud Romanos. Nam post breve tempus, quo e Græcia Romam adpulsa est hæc disciplina, Medici ex urbe vel ob avaritiam vel ob inscientiam ejecti fuerunt. Restituit tamen rem Galenus ex Asia advectus, qui Hippocratis placita, quæ admodum corrupta invenerat, tum integritati suæ reddidit, tum meliorem in ordinem distribuit, multaque de suis principiis & arcanis adjecit. Quumque ars hæc tam utilis, quam quæstiosa esset, brevi per omnes Europæ regiones medica gens colonias duxit. Celebris erat olim in Italia schola Salernitana: celebres Medici Paracelsus in Germania, & Helmontius in Belgio. Posterioribus seculis atque nostris potissimum frequentiore usu anatomices ex dissectis animalium & hominum corporibus scientia hæc ita profecit, ut investigatis morborum sedibus, observatis symptomatis, & naturæ crisi- bus, detectis remediorum arcanis, inspectis herbarum virtutibus, & excussis omnibus membrorum angulis im-

mortalitatem hominibus promittere posset, si foret *in medico semper, relevetur ut ager.*

## VI.

*Jurisprudentia* latissime patet. Primum ejus fundamentum est Jus naturæ, cujus prima & generalia principia, quam in se pauca, tam in iis, quæ inde eruuntur, multiplicia manifestat lumen illud naturale, cuivis hominum ingenitum. Hoc lumen, quum in Adamo admodum excellens fuerit, facile ea, quæ ad jus naturæ pertinent, progeniem suam posterosque ille docuit, ac copiose explanavit. Præter jus hoc, quod omnium aliorum jurium regula est & moderatrix, primorum parentum filiis & filiabus, horumque nepotibus in familias distributis jus quoddam œconomicum (civilis species adhuc imperfecta) esse cœpit, sine quo recta familiæ gubernatio subsistere nequit, utpote quod officia uxoris erga maritum, liberorum erga parentes, servorum erga dominos, & familiæ membrorum erga se invicem complectitur. Ubi vero illæ magis magisque auctæ in gentes integras excrevere, ortum est Jus gentium, circa bella, pacis foedera, & commercia mutuo consensu constitutum. Constructis  
au-

autem civitatibus natum est Jus civile seu politicum, quo omnia & singula civitatis membra in officio continentur. Cætera universim Jurisprudencia in sacram & profanam dividitur. Docet enim ipsum jus naturæ, Deo quod Dei est, & homini quod hominis est, dandum esse. Utrumque ab Adamo tanquam juris Doctore a Deo constituto primis hominibus traditum est, ita ut in Caini posteris, quos *filios hominum* adpellat S. Scriptura, Jus profanum: in Sethi vero familia, quæ *Filiorum Dei* nomine venit eadem in Scriptura, Jus sacrum maximam partem custoditum & propagatum fuerit. Extincto per diluvium paucis exceptis humano genere instauratum est a Noemo, & per illius progeniem facta gentium divisione ad alias quoque orbis plagas & regiones, quas occuparunt, translatum. Præcipue post Patriarchas viguit in populo Dei, cujus Principes erant Moses & Aaron, quorum ille, quæ ad hujus regimen & vitæ felicitatem, iste quæ ad divinum cultum & res sacras pertinebant, uterque Dei, Legislatoris supremi, jussu saluberrimis legibus promulgatis ordinabat. Perseverarunt hæc jura intacta post occupatam terram sanctam, tum sub Ducibus populi & Judicibus, tum sub Regibus

Israel & Juda, ita ut Reges profanum, summi Sacerdotes sacrum administrarent, vindicante sæpius Deo gravibus pœnis inflictis, si Reges in jura sacra manus immiscere ausi fuerunt. Tum a populo electo ad alias gentes, regna & provincias Jurium cultura transit. Quippe dum antea suo velut arbitrio, vel sub potentiorum tyrannico regimine viverent populi, Legislatores surrexerunt, homines sapientes & probi, qui partim lumine naturæ illustrati, partim iis, quæ peregrinando per alienas terras e sacro maxime Codice Hebræorum hauserant rectæ gubernationis principia, adjuti conscriptis latisque legibus optimis respublicas regnaque tanquam copiosa supellectile instruxerunt. Mercurius Trismegistus primus leges constituit Ægyptiis, Phoronæus Rex Argivis, Lycurgus Lacedæmoniis, Solon Atheniensibus, Numa Pompilius Romulo succedens Romanis. Fateri oportet, nullibi melius atque augustius Jus profanum fuisse excultum, quam in Græcia, & in Romana Republica, quod ibi ferendis legibus sapientissimi quique Viri, heic fortissimi præessent. Nec deerat his populis Jus sacrum, seu potius simulacrum illius, nempe apud Græcos fabulis, apud Romanos superstitionibus refertum: erant ta-

men

men utrobique Aræ, Sacrificia, Fana, Sacerdotes, quin & Romæ Pontifices Maximi, penes quos sacrorum summa potestas fuit. Ejectis Regibus Romana Respublica duodecim Tabularum, quarum decem e Græcia fuerunt allatæ, legibus regebatur. Juri Romano atque communi initium est datum sub Augusto Cæsare, quod perpetuis Rescriptis ut vocant, Edictis, & Sanctionibus per sequentes Imperatores auctum in eam, qua hodie utimur, Juris Civilis & profani formam a Justiniano Imp. Triboniani potissimum consilio & ope fuit redactum. Eodem fere tempore, scilicet sub Augusto Imp. nato Christo, ac mortem perpeffo sub Tiberio Augusti successore, lege Mosaica exauctorata nova Lex Evangelica, Jusque sacrum ab omni superstitione ac vetustate purgatum in orbe Christiano emicare cœpit, idemque Pontificum Maximorum Epistolis, Responsis & Constitutionibus continuo locupletatum a Gregorio IX. adlaborante S. Raymundo a Pennafort in corpus Juris Ecclesiastici seu Canonici coaleuit: atque ita hoc utroque tam Sacro quam Profano Imperium & Sacerdotium in hanc diem feliciter gubernatur.

*Theologia* tam illa, quam *Naturalem* dicimus, seu quæ lumine naturæ per re-

rum creatorum & mundi hujus contemplationem ad Deum & superna cognoscenda eluctatur, quam ea, quæ *Supernaturalis* vocatur, quæque vires naturæ supergressa cœlesti luce quadam e rebus revelatis ad mysteriorum divinorum arcanâ scrutanda elevatur, utraque a Deo promanat: prior tanquam ab Auctore naturæ, posterior tanquam ab Auctore gratiæ. Nam præter alias omnes vel maxime Theologica scientia Protoparenti nostro Adam in primo statim ortu suo infusa a Deo fuit, quam ille in posteris sedulo propagavit instillando ipsis notitiam Dei rerumque cœlestium, explicando divina mysteria sibi revelata, excitandoque non tam ad hujus, quam alterius vitæ felicitatem perpetuam consequendam. Obscuratum quidem est admirabile hoc lumen tam naturalis quam supernaturalis Theologiæ plurimum per ingentia hominum vitia, præsertim carnis, ante diluvium: post hoc autem, postque gentium divisionem per idololatriam & superstitiones in orbem inventas; nunquam tamen omnino extinctum est. Fuerunt enim semper, etiam inter gentiles aliqui, qui naturalem Theologiam coluerunt, in tres classes a se distributam. Prima erat *Pœtica*, eorum videlicet, qui Deorum suorum



rum laudes, cœlestia opera, & semi-deorum præclara facinora carminibus suis celebravere, uti Orpheus, Musæus, & alii, qui propterea etiam a Patribus quibusdam Clemente Alexandrino, Isidoro, & Augustino (e) Theologi nuncupantur. Atque hoc theologiæ genus a Phœnicibus & Ægyptiis originem traxisse, & ab his in cæteras quoque gentes, ipsamque Græciam penetrasse memorat Eusebius (f). Secunda fuit Theologia *Physica*. Nam quum Poetæ, qui e Prophetatum libris hauserunt Theologiam, sub arcanis sensis & fabulis multas veritates de rebus super-  
 nis abscondissent, non pauci Philosophorum industriam suam studiumque in eo collocarunt, ut præclaram Poetarum doctrinam a commentis & erroribus expurgarent, & detracto cortice veritatis nucleum extraherent. Tales fuere Heraclides, Zeno, Chrysippus, Diogenes Babylonius, Democritus, Aristoteles, Plato, &c. Tertia *Civilis* dicebatur, eratque in civitatibus penes sacerdotes, & continebat ea, quæ ad oracula, responsa, præsagia, sacrificia &c. pertinuerunt, fuitque capitis pœna decreta in eos, qui

(e) L. 18. de Civit. Dei. (f) L. 4. de præpar. Evangel.

qui quidquam in hoc Theologiæ genere ausi fuissent immutare. Ita res circa Theologiam naturalem apud gentes erant constitutæ. At supernaturalis, quæ in populo Dei, nempe in Sethi & Noemi posteris conservabatur, ab Abrahamo strenue propagata fuit, ita ut jam tum tres Scholas Theologicas, in quibus sacra doctrina exponebatur, floruisse ex antiquis Hebræorum scriptis referant Lyranus, & Cornelius a Lapide (g), nimirum unam cui Heber, alteram cui Melchisedech in urbe Cariath Sepher, tertiam cui Abraham ipse summa cum potestate præerat: atque has scholas tum Chaldæi tum Ægyptii frequentabant magno cum doctrinæ proventu. Præcipuus autem inter Veteris Testamenti theologos locus debetur Mosis, qui Dux & Doctor populi electi constitutus, hunc in omnibus, quæ ad cultum ac legem Dei & fidei mysteria adtinebant, assidue informabat, dicente ipsa S. Scriptura (h): *Veniebat ad eum populus exquirere scientiam Dei.* Hunc secuti sunt Prophetæ, quos totidem Theologiæ Magistros dixeris: hi & scholas erexere in Najoth Ramathæ (i) in Bethel, in agro Hie-

(g) *In Genes. c. 25.*(h) *Exod. 18.*(i) *1. Reg. c. 19.*

Hierichontino (k), in Silo, in Galgalis &c. & frequentes in iis discipulos ac auditores numerarunt, quos sacer Codex *Filios Prophetarum* nuncupat, quosque illi Patres in librorum sacrorum intelligentia, in lege Mosaica, in ritibus & ceremoniis, in divinarum rerum contemplatione sedulo informabant. His scholis propheticis amplificata populi fidelis dominatione dignitateque, præsertim Hierosolymis, successerunt publicæ Synagogæ, literarum omnium præcipue sacrarum emporia, in quarum principe intra septa Templi Solymæi collocata servator adhuc duodenis repertus est *in medio Doctorum audiens & interrogans eos* (l). In istis longo annorum intervallo floruit Theologia, usque dum distracta in sectas quatuor (Pharisæorum, Sadducæorum, Essenorum, & Herodianorum) literaria republica, his hæc, aliis alia dogmata vendentibus, ipsa sacra doctrina ingens vitium passa est, & in hæreses palam abire cæpit. Demum abolita penitus lege Mosaica, & Synagogarum fastu suppresso longe aliam sacrationemque Incarnata Dei Sapientia, Christus JESUS, theologiam condidit, in qua Apostolos suo magisterio eruditos primi ordinis Doctores constituit,

(k) 4. Reg. c. 2.

(l) Luc. 2.

tuit, & per hos in omnes orbis partes ire jussos novam Evangelii ac gratiæ legem, recondita mysteriorum & rerum supernaturalium doctrina plenam promulgavit. Legimus in novi testamenti libris Servatorem sapius cum Phariseis, Scribis, ac legis peritis in singulare certamen descendisse: legimus Paullum in Areopago, & Stephanum in Synagoga acerrime disputantes: legimus quoque jam Apostolorum temporibus Alexandriæ, Cæsareæ, & Antiochiæ theologicas scholas fuisse apertas, quibus moderandis doctissimi Viri Pantænus, Clemens Alexandrinus, Origenes, Pierius, alique præfecti fuerunt. Nihil vero magis studium theologicum promovisse visum est, quam quod ad eam susdeque vertendam natum fuit; siquidem exurgentibus tum in Orientali tum in Occidentali Imperio hæresibus doctissimi quique sanctissimique Viri in acie comparuerunt, easque qua libris conscriptis, qua disputationibus institutis, qua Conciliis congregatis profligarunt. E Græcis fuere celebriores Dionysius Areopagita, Ignatius Episcopus Antiochenus, Justinus, Irenæus, Clemens Alexandrinus, Basilus, Gregorius Nazianzenus, Chrysostomus &c. e Latinis Cyprianus, Hieronymus, Ambrosius, Hilarius, Augustinus.

gustinus, Gregorius M. Leo M. &c. Vastissimam Patrum horum Theologiam ad certam scholæ methodum revocarunt primi, S. Damascenus apud Græcos, & D. Anselmus apud Latinos; id quod postmodum meliore adhuc ordine Petrus Lombardus, Episcopus Parisinus, Magister sententiarum nuncupatus, divisit in quatuor libros Patrum Latinorum sententiis præstitit. Hunc secutus grandi huic operi perficiundo, nimirum Theologiæ Scholasticæ, ultimam manum admovit S. Thomas, Doctor Angelicus, sacramque doctrinam universam eam in formam redegit, quæ omnibus admirationi summæ fuit & est etiamnum, in cujus *Summam Angelicam* tot præstantissimi Viri sunt commentati, cujusque vestigia premunt in hodiernam usque diem bene morati Theologi, quamvis non sine uberioris eruditionis, e Conciliis, Patribus, & historiæ Ecclesiasticæ thesauro depromptæ comitatu.

## §. III.

*Artium & Scientiarum arcta inter se necessitudo.*

## VII.

Finita utraque peregrinatione, tum artium ac scientiarum per mundum, tum per ipsas artes atque scientias instituta,

ta, ad Encyclopædiam proprie dictam nos accingamus. Est enim hæc arcta quædam quam illæ inter se habent, necessitudo, mutua societas, & nexus quem Græci ἐγκυκλωπαιδίαν adpellant, dum disciplinæ omnes quasi in orbem eunt, cujus medium seu centrum obtinet illa, cui singulari ratione ac studio se quisquam addixit. Qua de re Viri gravissimi jam olim pronunciarunt: Aristoteles quidem (m), ἐπικοινωνῶνς, πᾶσαι αἱ ἐπισῆμαι ἀλλήλαις, id est, omnes artes communicare inter se. Plato autem (n) πασῶν τῶν δεισµὸς εἷς, seu harum omnium unum esse vinculum. Hoc ut rite intelligamus, per insigniores disciplinas ire juvat, & adamantinum illud vinculum, quo inter se colligatæ sunt, velut oculis intueri.

Grammaticæ ars est, quæ emendate loqui ac scribere docet. Verum hoc intelligi oportet, quantum quidem ad informandam in primis literarum elementis pueritiam opus est. At Grammatici perfecti & in arte Magistri nomen & munus amplius quid requirunt, magisque reconditum, videlicet, ut res quascunque in hac mundi universitate occurrentes insignire possit propriis ac genuinis characteribus, id est, qua vocabulis qua epichetis, quæ na-  
tu-

(m) *Anal. Post. l. I. b. II.* (n) *In Epinom.*

turam, indolem, & virtutem illarum palam faciant: Neque hoc satis est, eos quoque modos ac phrasas loquendi callere debet, quibus res diversissimas ac pene infinitas suis dotibus exornatas, & nativis coloribus depictas veluti spectandas exhibeat, cultu quodam simplice quidem, sed emphatico. Qua vero ratione id faciet, si de cœlo, & sideribus: de elementis, plantis & animalibus, deque aliis naturæ phænomenis: si de bello, prælio, obsidione: de ventis, mari, & navigatione: si de corporis humani, partibus, de morbis & pharmacis: si de juri- bus, tribunalibus, & judiciis publicis: si demum de rebus cœlestibus, de fidei mysteriis, si de sacris ritibus, Angelis & Deo distincte ac scite differendum ipsi erit, nisi harum omnium rerum naturam & proprietates exploratas habeat, nisi aliqua saltem Philosophiæ, Matheseos, Geographiæ, rei militaris, & nauticæ, Medicinæ, Jurium ac Theologiæ notitia sit imbutus? Profecto Tullius dictum aliquod suum *de remigibus cursum navis inhibentibus*, quod libro primo de Oratore protulit, septem annos post melius observata navi aliqua, quæ ad villam suam adpulerat, in epistola 21. libri tertii ad Atticum emendare non erubuit, suumque

que errorem fateri, qui ex inscitia rei nauticæ proficiscebatur, uti pluribus referam libro sequente de Grammatica Cap. III. §. III.

Quanta non Poesis & Historia nobis canit & narrat de ventis & mari, de tempestatibus: de armis, pugnis, obsidionibus, & victoriis: de regionum situ & cultu: de sideribus, de hominum moribus, de sacris, de Diis? describit hæc omnia, & vivis coloribus depingit, ita ut qui legit, præsens esse, ac suis cuncta oculis usurpare sibi videatur. An hoc unquam adsequi posterit Poeta vel Historiographus sine aliarum artium & scientiarum sat multarum adminiculo? novimus Homerum & Virgilium, Livium & Julium Cæsarem non solum artis Poeticæ ac Historiæ principes, sed etiam geographiæ, astronomiæ, artis bellicæ, Ethicæ ac Philosophiæ admodum peritos fuisse.

De Rhetorica res est in propatulo. Nam hujus officium est, si Ciceroni credimus, de omni re bene dicere posse. Debet orator exornare præclara facta, castigare scelera & mores perversos, suadere virtutem, consulere bono rei publicæ, defendere in foro innocentes, & illorum causas ac patrocinium susci-  
pe-



pere. Frustra erit, nec tanti nominis mensuram implebit, si cum sola verborum copia, figuris rhetoricis, & periodorum grandi ambitu in foro & rostris compareat. Quam divite aliarum scientiarum suppellectile, præsertim Philosophiæ quæ de moribus agit, Historiæ, ac Juris Romani Cicero fuerit instructus, non solum ipsius orationes, sed omnes alii quos scripsit libri luculenter demonstrant.

## VIII.

Philosophiæ *disputationibus* Deus totum qua late patet *mundum tradidit* (o). Nescio autem, an de mundo, quem dividunt in *subterraneum, sublunarem, & cælestem*, absque geometria, mechanica, & universa propemodum mathesi; de animæ immortalis, spiritualis & liberæ conditione, de Deo & cælestibus Geniis sine Theologia: de Ethica seu morum doctrina citra juris naturalis ac politici cognitionem rite quis possit philosophari.

Medicina quoque aliarum artium & scientiarum auxiliaribus copiis opus habet. Debet herbarum, plantarum & fossilium naturam & dotes intime perspectas

(o) *Eccles.* 3.

ha-

66      *Cap. I. Encyclopædia*

habere: debet totius corporis humani structuram & compagem, partium fluidarum & solidarum temperationem, sanguinis per venas & arterias circuitionem nosse: debet quoque temporum vicissitudinem, & siderum vim ac potestatem in humana corpora observare: demum debet probe intelligere, quid officii sui sit in adhibendis pharmacis, ac medendi methodo; quidve bona conscientia circa ægros curæ suæ commissos tentare, agereque sibi liceat, ne gravissimam vitæ humanæ ac meliori hominis parti, scilicet sanitati, injuriam ac damnum inferat. Hæc & alia in consilium adhibere jubent Philosophiam naturalem & physicam, Mechanicam & Staticam, Astronomicam & Theologiam moralem.

Ampliores adhuc fines poscit Jurisprudentia, utpote quæ tum ad publica jura de bello & pace, de fœderibus, de monetæ pretio statuendo, de alta ut vocant, seu suprema jurisdictione Principis in bona & vitam subditorum: tum ad civiles controversias de dominiis, de finibus agrorum, de fundis, de ultimis voluntatibus &c. decidendas; tum ad Ecclesiastica munia administranda, ad lites inter sponsores & conjuges componendas, ad beneficia

sri-

erigenda, conferenda, & permutanda, ad pœnas Ecclesiasticas infligendas, ad electionem Præsulum, ad Rectores Paræciarum constituendos &c. se se extendit. Hæc omnia ut rite fiant, historiam sacram & profanam, antiqua & nova Imperii jura, geometriam, notitiam rei quam dicunt numariæ & diplomaticæ, Pontificum & Conciliorum Sanctiones & Constitutiones in subsidium vocare oportebit.

Denique Theologia, quæ inter disciplinas reliquas facile principatum obtinet, sine Philosophia non potest de divinis recte ratiocinari, sine arte eloquentiæ in sacris pulpitis & Conciliis differere, sine Jurisprudencia conscientias regere, ac exposcentibus consilia dare, sacroque in tribunali pœnitentibus jus dicere, sine historia Ecclesiastica debellare hæreses, & antiquorum Patrum ac Ecclesiæ orthodoxiam sartam tectamque servare.

Ecce ! quam dixi encyclopædiam, seu arctissimum artium & scientiarum inter se nexum ac vinculum, quod si rumpatur, mundi quoque pulcherrima, quam supremus Conditor Deus induxit, harmonia in discrimen adducetur. Ut rem hanc exemplo aliquo confirmem, non injucundum erit audire, quid in Architecto

M. Pollio Vitruvius, artis hujus citra controversiam princeps, requirat; nempe quibus disciplinarum præsiidiis ejusmodi Architectus numeris suis absolutus debeat esse instructus. Inprimis qualicunque, ait (p) literarum cognitione polleat necesse est, ut aliorum scripta & inventa legere possit ac intelligere: graphidis quoque sit peritus, ut literis mandare possit ingeniosos animi partus, & operis struendi speciem in charta exprimere: tum geometriæ præceptis imbutus sit oportet, quæ Architecto tam in delineationibus quam in distributionibus figurarum maxima præstat obsequia: præterea Opticam calleat, e qua ratio luminis in conclavia immittendi desumenda: Arithmetica eundem docebit sumtuum necessariorum computum inire; historia vero, ut rationes reddere possit ornamentorum, partibus ædium præcipue fulcris & sculpturis applicatorum: etiam Philosophia, quæ de moribus agit, tinctum esse necesse est, ne arrogans sit, nec avarus, sed magno animo ad moliendas res magnas expedito, facilis, æquus, benignus: Medicina methodum subministrabit aquarum & aeris salubritatem explorandi: Jurisprudentia communium parietum, stillicidiorum, cloa-

cloacarum, fenestrarum, aquæ ductuum jura cognoscendi, ne patrifamilias ædibus exstructis lites moveantur: denique astronomiæ expertem esse Architectum non decet, quæ climatum ac diversarum plagarum tum cognitionem tum naturam docet, in conclavium dispositione neutiquam negligendam. Ita Vitruvius, qui si tot tamque diversarum artium & scientiarum ideas atque notitiam in unius magni nominis Architecti cerebro residere voluit, certe optavit; quid in Rhetore, Philosopho, Medico aut Jurisconsulto eccellente eum exacturum fuisse existimamus? Nimirum probe novit vir sagacissimus, quanta quamque arcta inter disciplinas necessitudo intercedat, ita ut unam sine plurium aliarum comitatu in publicum cum dignitate prodire nefas foret.

## IX.

Verum nec pauca sunt, nec in speciem levia, quæ contra hoc encyclopædiæ parandæ studium a quibusdam opponuntur. Ajunt enim, inprimis tot disciplinarum tractatione, dum vastam nimirum eruditionis molem exstruere conamur, illarum ideas inter se confundi, non secus ac linguas olim ad turrim Babel, quam

Gigantes illi supra nubes attollere tentarunt: animum non tam informari bonis artibus, quam multitudine obrui, cui capiendæ nec mens, nec corpus, nec vita sufficeret: satius igitur fore, uni vel alteri arti aut scientiæ se totum tradere, quam per multas vagari ita, ut omnia excutiantur diversoria, nusquam autem stabile domicilium figatur, atque sic simus ubique hospites, nullibi domestici. Quamobrem præclare dixit ille: *Qui ubique vult esse, demum nullibi erit.* Porro omnium disciplinarum memoria nimium fatigat mentem, ejusque vires hebetat, ita ut postmodum in necessariis deficiat atque succumbat; quæ res plurimum nocumenti adfert reipublicæ, dum non paucos reperire sit illorum, qui quotquot occurrunt, libros impigro studio perlustrant eruditionis comparandæ gratia, interea necessarium ac destinatum publico, quod ipsis incumbit, officio tempus suffurantur, & quantum illi adjiciunt, tantum huic detrahunt; tum vero gravissimas sæpe causas ac seria negotia muneris sui obiter & cum neglectu pertractant; ut nihil dicam, tot diversarum rerum memoriam sanum ac purum judicium, quod tamen omnibus præferendum est, corrumpere. Quippe hoc longa & accurata re-

rerum singularum meditatione atque criterio paratur, quod profecto facere nequeunt, qui desultorio impetu per omnes disciplinas feruntur. Hinc natum est adagium: *Multa memoria obest iudicio*. Præterea plus sæpe vanitatis ac fuci, quam solidæ eruditionis ac doctrinæ hoc in studio latet: *tam vanum nihil esse putata*, inquiebat Laertius, *quam discere multa*. Non raro huic se dedunt homines, qui desperant de conspicuo aliquo inter doctos gradu obtinendo, videri tamen volunt, ac *digito monstrari & dicier: hic est*: ut Poeta satyricus canit. Esse cupiunt Bibliothecæ ambulantes, immo Atlantes, qui totum literarium orbem humeris suis sustineant. Demum ubi sunt fortunatæ illæ insulæ, in quibus nascantur homines, qui simul sint Rhetores, Poetæ, Mathematici, Philosophi, Historici, Medici, Juristæ, Theologi? nimium brevis est vita, quam ut his omnibus disciplinis perdiscendis sufficiat. Bonus civis est, non qui in omnia reipublicæ munia involat, sed qui suo rite fungitur. Hæc sane Veterum quoque sapientum hoc in negotio mens & iudicium erat. Heraclitus dudum pronuntiavit: *πολυμαθὴν νόον ἔδιδάσκει*. *Mentem non docet multiplex eruditio*: Sene-

ca *aportere* ajebat (q) *parari librorum quantum satis est, nihil in apparatusum.* Et alibi unius libri lectionem laudavit: Plinius (r) multum legendum esse monet, non multa: Virgilius quoque cecinit (s):

*Laudato ingentia rura,  
Exiguum colito.*

Atque hoc ipsum est, cur multis prudentum haud probetur juventutis, maxime nobilioris, informatio præcipitata, quæ hoc ævo invalescit, nimirum ut ephebos necdum egressus puer Arithmeticam, Geometriam, Geographiam, Mechanicam, Hydrostaticam, Architecturam civilem & militarem, Historiam, Genealogiam, Heraldicam, Politicam, Oeconomicam, Jus publicum, Naturæ ac Gentium, aliaque majoribus nostris incognita ediscere, ac balbutiente lingua, & memoria adhuc non satis firmâ proferre cogatur, conatus necdum maturos sequente abortu.

## X.

Nihilominus objecta hæc, quamvis magnam illæ vim inesse non diffitear contra illos, qui absque consilio & ductore rem

(q) *De tranquill. animi* c. 9. (r) *Epist.* 9. l. 7.

(s) *Georg.* l. 2.



rem tanti momenti adgrediuntur, tamen Encyclopædiæ studio rite instituto obesse nec posse nec debere fidenter adfirmo. Non enim satis intelligo, cur non in republica literaria liceat, quod in vita civili decorum esse creditur. Quot non sunt, qui si facultates non desint, nec quæ curta domi supellex est, prohibeat, patriæ suæ finibus haud contenti ad exteras regiones invisunt, provincias regna, & plagas etiam longe remotas ac soli seu orienti seu occidenti vicinas, nec sine incommodis ac periculis lustrant, sique maturo judicio polleant aut peritos moderatores ad latus habeant, magna antiquitatum, monumentorum, morum, regiminum formæ notitia, omnisque generis literaturæ supellectile divites domum revertuntur, qua instructi in Nobilium conventibus & literatorum circulis comparantes eruditorum hominum famam & nomen merito consequuntur. Talis erat Ulysses apud Homerum :

*Qui mores hominum multorum vidit  
& urbes.*

Et cur non illis quoque, qui ingenii viribus valent, nec industria destituuntur, per varias Artes & Scientias securis peregrinari liceat, & in harum regionibus

E s

colle-

collectos placitorum, doctrinarum, inventionum ac experimentorum thesauros tanquam eruditionis spolia in literaturæ suæ penum comportare, iisque ditatos, quando fert occasio, in scholis, in publicis congressibus, in libris, inque foro literario comparere? Profecto nimis angustos & Numinis liberalitati & humano ingenio limites ponunt, qui e tot liberalibus artibus ac disciplinis mortalium usui concessis singulas tantum singulis velut ad libram dimensas indulgent, nulli plures concedere volunt. Invenit medicina pro singulis morbis singula medicamenta: quis propterea repudiat Panaceas, Theriacas, Mithridaticum, quæ valent contra omnes morbos? Respublica literaria non minus quam politica habet emporia sua, in quibus varii generis merces quivis, quantum facultates patiuntur, comparare sibi potest: habet diversas stabilesque sedes, ubi artium ac scientiarum cimelia publico conspectui, & quasi venum exponit. Novimus, antiquis jam temporibus fuisse Villam non procul Romæ dissitam seu *Tusculanum Ciceronis*, hortum seu *Plantanum Socratis*, Ferias seu *Saturnalia Macrobiani*, quibus in locis doctissimi quique Viri convenerant, & de varia Scientiarum omnium disciplina sym-

symbolam quisque suam conferebat. Novimus etiam hodie in celebrioribus quibusdam civitatibus Academias institui, in quibus honoratissimi literarum cultores conventus suos celebrant, & præclaras de omni eruditionis genere vel quæstiones proponunt vel dissertationes palam recitant. Et cur non sequamur hac quoque in re veterum heroum vestigia, quorum etiam mutulos pedes aut manus, fragmenta trophæorum, quin & literas vetustate exesas in saxis & marmorum frustris hoc maxime seculo tanto ardore conquirimus, veneramur, & vix non exosculamur? Audeamus etiam aliquid, posteritatis memoria dignum, quod si illi non fecissent, nos certe exemplis ad imitationem & eruditionis propagationem destitueremur. Encyclopædiam excultam fuisse a Platone ac Aristotele satis produnt ipsorum libri, quos ille de Philosophia, Theologia naturali, deque Republica omni disciplinarum genere instructissima, quam *Platonicam* vocant: hic de Pœsi, de Rhetorica, de Dialectica, Physica, Ethica, de Meteoris de animalium historia &c. scripsit. Elæum Hippia testatur Cicero (t) gloriatum esse cuncta pene audiente Græcia, nihil esse in ulla arte rerum omnium,

(t) *Lib. 3. de Orat. c. 32.*

nium, quod ipse nesciret. Idem Tullius prodit (u) de Leontino Gorgia, quod de omni re, quæcunque in disceptationem vocaretur, se copiosissime dicturum esse professus sit, qua de re quisque vellet audire. Ipse Cicero inter tot forenses & civiles curas Orator summus, idem egregius Philosophus, nec Poeta ignobilis, idem Juris peritissimus. Sed quid antiqua nimiumque remota tempora commemoro? habuerunt posteriora secula nobisque vicina Antonium Possevinum, Jacobum Gretserum, Dionysium Petavium, Philippum Labbeum, quatuor ex Societate Jesu, Ludovicum Vives, Picum Comitem Mirandulæ, Justum Lipsium, Laurentium Beyrlinckium: habuerunt postrema Joannem Mabillonium, Augustinum Calmet, Patres Historiographos Antverpienses, quos Bollandistas a primo auctore Bollando vocant, Scipionem Masfeium, Ludovicum Antonium Muratorium, hujusque in præfectura Bibliothecæ Mutinensis successorem Franciscum Antonium Zachariam S. J. qui editis in lucem potissimum vastis voluminibus omnigenæ eruditionis famam sunt consecuti. Monui autem jam in Procæmio, sobrie casteque encyclopædiam esse tractandam, cujus

rei

(u) *Ibidem.*

rei sequentes leges, & veluti canones statuere licebit. Primus esto, ut fortiora duntaxat ingenia, seu homines qui mentis acie quidvis penetrante, ac felici memoria pollent, id laboris in se suscipiant, ne medio in cursu succumbant, nescientes *quid valeant bumeri, quid ferre recusent*. Alter, ut sint eorum e numero, quibus otium & facultas legendi studendive suppetit, ne vel instituti sui ratione, vel publici muneris religione ad unius alteriusve solum disciplinæ professionem adstricti ea negligant, quæ muneris sui sunt, quarumque rationem & Reipublicæ & Deo reddere debebunt. Tertius, ut etiam illi, qui a natura & cœlo dotibus ad rem tantæ molis sustinendam sufficientibus sunt instructi, in una vel altera præ reliquis excellere studeant, aliarum vero notitiam etsi non perfectam, nec tamen mediocrem, sibi comparare studeant, ita ut in illa, quam sibi veluti metam præfixere, sint domestici, in cæteris non peregrini; quemadmodum Plutarchus similitudine usus scite admonebat eruditionis cupidos: *Mercatoris more perambulandas quidem civitates omnes, morandum autem in una*. Quippe admodum rara sunt secula, quæ ingenium omnium disciplinarum capax, ne dicam in  
 omni-

omnibus excellens, fausto partu in lucem dederunt; nec sibi promittere tantam felicitatem facile poterit quisquam, nisi quem præ cæteris amaverit *Jupiter æquus.*



## CAPUT II.

### SEDES ARTIUM ET SCIEN- TIARUM.

#### §. I.

#### *Academiæ ac Scholæ publicæ.*

#### XI.

**P**eregrinationum finis esse solet, ut collectis seu mercibus, seu rerum multarum variarumque hausta notitia tandem stabilis sedes alicubi figatur, ubi opibus istis & multiplici supellectile secum advecta cum voluptate frui, & tranquillam inter spolia isthæc vitam agere liceat. Vidimus peregrinantes longo & temporis & regionum tractu bonas artes & scientias, nullibi tamen stabiles ætate, qua velut de manu in manum transibant, & inter paucas familias illarum arcana sermonis solum & oris beneficio tradita servabantur, atque ut ita dicam

dicam sub œconomica potius quam civili gubernatione stabant. At postquam scholæ publicæ & Academiæ erigi, construi Bibliothecæ, literati conventus institui, ac scientiarum Societates iniri cœperunt, tum enimvero velut peregrinationis suæ terminum & fructum consecutæ domicilium in istis fixerunt, suasque divitias & thesauros palam exposuerunt. Quare Caput istud secundum de Academiis & Scholis tractabit, cujus rei notitia literatum hominem vel maxime decet. Academia græcis ἀκαδημία locus erat nemorosus, mille passus ab Athenis distans, qui nomen suum debet Academo Heroi, vel potius Ecademo, uti canit Horatius (x):

*Scilicet ut possim curvo dignoscere  
reclum,*

*Atque inter sylvas Academi querere  
verum.*

Hoc in loco natus Plato ille divinus postmodum natale solum longo illustrius reddidit erecta schola, in qua Philosophiam professus est, confluyente magna Auditorum frequentia, qui ab hoc ipso loco Academici vocabantur, non minus quam Stoici a Stoa, & Areopago Areopagitæ. Platonem inter discipulos suos conspicuum Heros his celebrat versibus apud Laertium:

*Hoc*

(x) *Lib. 2. Epist.*

*Hos inter dux ille Plato celsissimus ibat,  
Cujus ab ore melos manabat, quale He-  
cademi*

*Arbustis lepida modulantur voce cicadae.*  
Erat igitur Academia inferius Gymnasium  
seu ludus literarius; quippe superiori, in  
quo Aristoteles scholam suam erexit, eique  
præerat, Lycei nomen impositum fuit:  
uterque autem locus & inferior & superior  
*ambulatio* dicebatur, quoniam Philosophi illi  
inambulantes disputabant. Rem totam Ci-  
cero (y) ita prodit: „ Platonis auctoritate  
„ una & consentiens duobus vocabulis Phi-  
„ losophiæ forma instituta est, Academicc-  
„ rum & Peripateticorum, qui rebus  
„ congruentes nominibus differebant.  
„ Nam cum Plato Speusippum sororis suæ  
„ filium quasi hæredem reliquisset, duos  
„ autem præstantissimos studio æque ac  
„ doctrina Xenocratum Chalcedonium,  
„ & Aristotelem Stagiritem, qui erant  
„ cum Aristotele, Peripatetici dicti,  
„ quia disputabant inambulantes Lyceo:  
„ illi autem, qui Platonis instituto in Aca-  
„ demia (quod est alterum Gymnasium)  
„ coetus erant, & sermones haberi soliti  
„ e loci vocabulo nomen habuerunt. „  
Jam vero locus iste veluti fons erat, &  
origo, quemadmodum in primis aquarum  
fonti-

(y) *Lib. I. Acad.*



fontibus quantumcumque parvis, postea tamen in flumina maxima excrescentibus fieri adsuevit, fons inquam erat & origo non solum vastissimæ illius Academiæ Atheniensis, in cujus sinum immigrabant omnis generis artes & scientiæ, in qua tot sapientiæ Proceres quot disciplinarum Professores surrexerunt, in quam totius Græciæ, quin & Romanæ Reipublicæ juvenus erudienda confluit, verum etiam omnium aliarum orbis Academicarum, uti Cicero fatetur (z): *Ex hac urbe doctrinam in omnes terras distributam esse.* Quod autem præclare dixit Tullius tum de Academia, tum de Lyceo Atheniensium, exemplo suo & imitatione illustrius reddere non dubitavit. Nam in villa, quam habuit in agro Neapolitano ad Avernum lacum non procul Puteolis in litore sitam, portu & nemore vicino amænissimam, ipse Academiam quandam instituit ad normam Athenarum, ubi otio literario indulgens & Virorum ævi sui doctissimorum consortio usus varias quæstiones proposuit, simulque conscripsit, quibus *Quæstionum Academicarum* nomen indidit. Præterea in fundo Tusculano Gymnasium aperuit, quod ad Aristotelicæ scholæ imitationem Lyceum nuncupari voluit, de

(z) *Orat. pro Flacco.*

quo

quo (a) ita refert : *Nuper quum essem cum Q. Fratre in Tusculano, disputatum erat. Nam quum ambulandi caussa in Lyceum (id enim superiori gymnasio nomen est) perlegi tuum paullo ante tertium &c.* Hæc de Academia & Lyceo Atheniensi, parente fecundissima aliarum per orbem Academicarum atque scholarum.

Non minus celeberrima illis ipsis temporibus erat Academia Alexandrina. Fuit hæc Ægyptiis, quod Athenæ Græcis fuere. Nam omnium disciplinarum scholæ ibidem florebant frequentia & discipulorum & Magistrorum expertissimorum, uti Strabo (b) testatur; quibus animos & vires addebant Ægypti Reges, Ptolomæi dicti, non solum salariis & præmiis ingentibus, sed etiam bibliotheca celebri septingentorum millium libris instructissima. Huic Academicæ Philosophiam suam fartam tectamque servatam bis ipsa debuit Græcia. Quippe primum post Alexandri M. fatum, quum ob intestina bella, quæ successores illius diuturno tempore ac pertinacissime inter se gesserant, literæ ac artes tota Græcia exularent, viri literati Alexandriam se receperunt, ibique quietum Musis suis portum invenere, donec discussa bellorum tempestate in patriam secu-

(a) *Lib. 4. de Div.* (b) *Lib. 14.*

ſecuris redire licuerit: tum vero vice-  
verſa, quando Ptolomæus Cacergetes di-  
ctus, ſeptimus non tam Rex quam Ty-  
rannus Ægypto dominabatur, optimis qui-  
buſque civibus partim caſis partim in exi-  
lium actis Alexandrini in inſulis & urbibus  
Græciæ aſylum & quæſiverunt & invene-  
runt, quo tempore ipſorum ſapientes  
Athenienſem quoque Academiam literis  
ſuis, in quibus excellebant, cum maxi-  
mo Græcorum proventu illuſtrarunt. Ma-  
jor autem & novus Alexandrinæ urbi &  
Academiæ ſplendor acceſſit SS. Literarum  
doctrina & profeſſione, a primis Chriſtia-  
nis poſt Evangelii promulgationem illic in-  
troducſta, ut meminit Eusebius Cæſarien-  
ſis (c): *Docebat, inquit, Pantænus*  
*Alexandriæ, cum ex antiquo ſchola illic*  
*conſtituta eſſet SS. Literarum, quæ ad noſtra*  
*tempora pervenit.* Huic præfuit primus,  
vir omni eruditionis genere clarus, &  
jam antea inter Stoicos Philoſophos cele-  
bris, de quo dixi Pantænus, cui ſucceſſe-  
re Clemens, Origenes, Heraclas, Dio-  
nyſius, omnes non in ſacris tantum, ſed  
& profanis ſcientiis exercitatiffimi, ita  
ut Nazianzenus ſcholam illam adpellet *offi-*  
*cinam pulcherrimam omnis doctrinæ*, e qua  
prodierunt Eusebius Emiſſenus, Baſilius,  
ejuſ-

84 *Cap. II. Sedes Artium*

ejusque frater Cæsareus. Porro tantæ auctoritatis erat hæc Academia, ut alio haud indigeret studiorum testimonio, qui dicere poterat, Alexandria se fuisse eruditum, sed vel solum hoc sufficeret. Postquam vero diu ita floruit, tandem passa est ruinam sub Aureliano Imperatore, quando urbs ipsa civilibus discordiis concussa regionis maximam partem amisit, quæ Bruchium nuncupatur, atque cum eadiuturnum præstantium hominum domicilium, uti loquitur & testatur Ammianus.

## XII.

Post has duas ante Christum natum præcipuas Orbis Academias memoranda venit Romana, cujus initia ab eo tempore peti debent, quo Romani post devictas gentes & stabilitam Rempublicam e Græcia bonas artes & literas omnis generis in Urbem introduxere. Primum quidem esse quasi colonia quædam Athenarum videri poterat schola Romana tempore Reipublicæ: tum vero semper magis magisque culta, & disciplinis ac magistris aucta in Academiam excrevit, suæque mole stetit tempore Imperii: demum circa seculum V. Athenæ ipsæ cum disciplinis suis migrasse Romam visæ sunt, ibique sedem fixisse, canente Claudiano:

*In*

*In Latium spectis Academia migrat  
Athenis.*

De Julio Cæsare Annales produnt, ab eo liberalium artium Professores, ipsosque adolescentes studiosos civitate donatos fuisse: illos quidem, ut majori cum voluptate, fructu & auctoritate docerent, hos vero, ut tanta dignitate, quæ sane maxima habebatur, allekti eo frequentiores in Urbem confluerent, ac literis addiscendis operam darent. Qui Julio successit Augustus, orbe pacato & clausis belli portis munificentia majestateque sua bonarum artium studia protegebat, fovebatque plurimum, ita quidem, ut licet ob annonæ caritatem peregrinos omnes Urbe excedere coegerit, literarum tamen Professores & Alumnos in ea persistere, deque alimentis abunde iis prospici jusserit. Sequentium quoque Imperatorum aliquot insignes exhibuere favores, quorum monumenta exstant hodie adhuc in Corpore Juris civilis. Ita (d) statuitur: *Cum filius familias viaticum suum mutuum dederit, cum studiorum causa Romæ ageret, responsum est a Scævola, extraordinario judicio esse illi subveniendum.*

Ita

(d) *L. cum. filius familias ff. de rebus creditis.*

Ita (e) *si filius familias legationis vel studiorum causa aberit, & vel furtum vel damnum injuria passus sit, posse eum utiliter judicio agere* (etiam patre absente) *ne dum pater expectatur, impunita sint maleficia.* Ita (f) *Philosophi, Oratores, Grammatici, Medici, qui publice juvenibus præsunt, excusantur a tutelis.* Item: *Romæ philosophantem cum salario vel sine salario remissionem* (scilicet a tutelis suscipiendis) *habere promulgatum est a Divo Severo & Antonino, ita ac si in propria patria doceret.* Quare jam tum vestigia jurium ac privilegiorum, quibus ornati erant Professores artium, & studiosi in Urbe, quæque nonnisi Academiis concedi solent, deprehendere licet. Porro iis quoque temporibus ex omnium provinciarum, quas armis subjugarunt, florentissimis gymnasiis præstantes doctrina viros, libros, quin & ipsas artes Romam migrare jusserunt Principes, eo consilio, ut in Urbe deinceps sola, tanquam Imperii sede, disciplinarum omnis generis studium dominaretur. Certe Erphordio auctore seculo Christi II. Divus Hadrianus sapientiæ domicilium Athenis Ro-

(e) *L. si longius ff. de Judiciis.*

(f) *L. sed & reprobari §. finali ff. de excusat.*

Romam transtulit, ita quidem, ut modo ipsi quoque Athenienses aliquot pueros doctiles eo mitterent, qui latinam linguam & iteras perdiscerent, ad alios postea in patria sua iis imbuendos. Hinc dubium esse non potest, primordia Academiae Romanae inchoatae a Reipublicae, stabilitae vero ab Imperii temporibus esse ducenda, ita ut duo primi ejusdem auctores habendi sint Vespasianus & Hadrianus, quorum primus salaria Professoribus publicis constituit, alter Athenarum seu scholam eisdem construxit. Fateri nihilominus oportet, nunc plus nunc minus floruisse Romana studia, prout erat Imperatorum ac Principum indoles, quorum aliqui effeminati nonnisi luxui, conviviis, atque deliciis indulgebant, alii crudeles quotidianis fere necibus ac laniationibus Christianorum occupabantur: unde etiam nihil Pontifices, nihil Ecclesiae novellae Sapientes ad rei literariae utilitatem ac incrementum Romae conferre poterant. Equidem devotis tyrannis Constantinus M. rerum potitus Ecclesiae pacem restituit, & rempublicam Christianam ad eximium splendoris gradum evexit: sed tunc & Imperator & Christi Vicarii aedificandis Basilicis, convocandis Conciliis, rebusque Catholicae fidei per totum urbem ordinandis erant

intenti: postmodum vero Constantinus in nova Imperii sede Constantinopoli struenda ornandaque, Pontifices in sede sua Romæ stabilienda distinebantur. Major lux adfulsit tum ipsi Academiæ Romanæ, tum ejusdem famæ seculo IV. sub Valentiniano, Valente, & Gratiano, atque Theodosio M. Exstat enim præclara Imperatorum istorum sanctio ad Olybrium P. V. in Codice Theodosiano (g): „ Qui-  
 „ cunque ad Urbem discendi cupiditate  
 „ veniunt, primitus ad Magistratum  
 „ Censuum provincialium judicium, a qui-  
 „ bus copia est danda veniendi, ejusmo-  
 „ di literas proferant, ut oppida homi-  
 „ num, & natales, & merita expressa  
 „ teneantur. Deinde ut in primo statim  
 „ profiteantur introitu, quibus potissi-  
 „ mum studiis operam navare proponant.  
 „ Tertio, ut hospitia eorum solite Cen-  
 „ sualium norit Officium, quo ei rei im-  
 „ pertiant curam, quam se assèruerint  
 „ expetiisse. Idem immineant Censua-  
 „ les, ut singuli eorum tales se in con-  
 „ ventibus præbeant, quales esse debent,  
 „ qui turpem inhonestamque famam, &  
 „ confociationes (quas proximas esse pu-  
 „ tamus criminibus) æstiment fugiendas:  
 „ neve spectacula frequentius adeant,  
 „ aut

(g) L. I. Cod. Theodos. de studiis.



„ aut appetant vulgo intempeſtiva con-  
 „ vivia. Quin etiam tribuimus poteſta-  
 „ tem, ut ſi quis de his non ita in Urbe  
 „ ſe geſſerit, quemadmodum liberalium  
 „ rerum dignitas poſcit, publice verbe-  
 „ ribus adfectus, ſtatimque navigio ſu-  
 „ perpoſitus abjiciatur Urbe, domumque  
 „ redeat. „ Hæc ad diſciplinam bene  
 ordinatæ Academiæ pertinent. Quod  
 vero ad pleniorẽ Academiæ Romanæ  
 notitiã ſpectat, eſt quod Codi-  
 ci Theodoſiano inſertum legitur (h),  
 ubi inter alia, poſtquam literarum  
 Magiſtros, qui privata auctoritate  
 ſe ſe intrudunt, & ſolum ad oſtentatio-  
 nem vulgarem ſerviunt, Urbe pelli præ-  
 cipit, ita pergit Imperator: „ Illos vero,  
 „ qui intra plurimarum domos eadem  
 „ exercere privatim ſtudia conſueverunt,  
 „ ſi iſtis tantummodo diſcipulis vacare  
 „ maluerint, quos intra parietes dome-  
 „ ſticos docent, nulla hujusmodi intermi-  
 „ natione prohibemus. Sin autem ex  
 „ eorum numero fuerint, qui videntur  
 „ intra Capitoli Auditorium conſtituti,  
 „ his omnibus modis privatarum ædium  
 „ ſtudia ſibi interdicta eſſe cognoscant:  
 „ ſcitu-

(h) *L. univerſos. Cod. de ſtudiis liberalibus ur-  
 bis Roma, & Conſtantinopolitana.*

„ scituri, quod si adversus cœlestia sta-  
 „ tuta facientes deprehensi fuerunt, nil  
 „ penitus ex illis privilegiis consequan-  
 „ tur, quæ his, qui in Capitolio tan-  
 „ tummodo docere præcepti sunt, meri-  
 „ to deferuntur. Habeat igitur Audito-  
 „ rium specialiter nostrum in his primum,  
 „ quos Romanæ eloquentiæ doctrina com-  
 „ mendat, Oratores quidem tres nume-  
 „ ro, Grammaticos vero decem. In  
 „ his etiam, qui facundia gravitatis pol-  
 „ lere noscuntur, quinque numero sint  
 „ Sophistæ, & Grammatici æque decem.  
 „ Et quoniam non his artibus tantum  
 „ adolescentiam gloriosam optamus insti-  
 „ tui, profundiori quoque scientiæ at-  
 „ que doctrinæ memoratis Magistris so-  
 „ ciamus Auctores. Unum igitur adjun-  
 „ gi cæteris volumus, qui Philosophiæ  
 „ arcana rimetur. Duos quoque qui Ju-  
 „ ris ac legum voluntates pandant, ita  
 „ ut unicuique loca specialiter deputata  
 „ assignari faciat tua sublimitas &c. „  
 Atque hæc conceptis verbis in medium  
 adducere mihi visum est peropportunum,  
 quum ex iis pateat primo, varias tum  
 temporis scholas fuisse Romæ, sed priva-  
 tas duntaxat: Secundo propriam Acade-  
 miæ auctoritate Imperatoria erectæ, &  
 privilegiis instructæ (quam Auditorium spe-  
 cia-

cialiter nostrum vocat Imperator) quarto jam post Christum natum seculo sedem fuisse stabilem in Capitolio. Tertio, certos diversarum scientiarum & artium Professores in illa fuisse eadem Auctoritate Cæsarea constitutos, quæ duo postrema nonnisi Academiis & Universitatibus propria sunt.

Interea Imperatorum in Academiam hanc studio successit Pontificum summorum non minor cura & liberalitas. Quippe ut alios præteream, Urbanus IV. D. Thomam Aquinatem, solem illum S. Doctrinæ, Romam evocavit, qui ingenio & consiliis Theologiæ studium insigniter promovit, & successoris Clementis IV. hortatu præclara illa in divinam & humanam philosophiam commentaria scripsit. Ab eo tempore schola Theologica *universitas sacri Palatii* nuncupari cœpit, quum eam in ipso Pontificis palatio esse voluerit Honorius III. Papa pluribus constitutis Professoribus, quorum aliqui S. Scripturis explicandis, alii rebus theologicis tractandis, vel hæreticis refellendis incumbabant. Innocentius IV. Generalis studii jura ei concessit. Verba ipsius sunt (i): *Cum de diversis mundi partibus multi confluant ad sedem Apostoli-*

(i) *Cap. 2. de Privilegiis in 6.*

*licam, quasi Matrem, nos ad commune tam ipsorum quam aliorum omnium commodum & profectum paterna solitudine intendentes, ut sit iis mora hæc fructuosa, providimus, quod ibidem de cætera regatur & vigeat studium Juris divinæ & humani, Canonici videlicet & Civilis. Unde volumus & statuimus, ut studentes in scholis ipsis, penes Sedem eandem talibus omnino privilegiis, libertatibus & immunitatibus gaudeant, quibus gaudent studentes in scholis, ubi generale regitur studium, ac recipiant integre proventus suos ecclesiasticos sicut illi. Clemens V. in Concilio Viennensi, quemadmodum habetur *Clement. 1. de Magistris*, decrevit, ut Romæ & ubicunque Romanam Curiam residere contingeret, Hebraicæ, Arabicæ, & Chaldaicæ linguæ Professores inveniantur. Eugenius IV. teste Platina (k) doctorum hominum mirificus cultor multas in Europa Academias instauravit, omniaque gymnasia literarum diligentissime fovit, maxime Romanum, ad quod omne genus literaturæ adhibuit. Hujus vestigiis insistens Nicolaus V. antiquum Romanæ linguæ bonarumque literarum decus Urbi restituit, ita ut Angelus Politianus vir adprime eruditus ad-*  
*fir.*

(k) *In ejus vita.*

firmare non dubitarit: *Quid mirum, ſi nos Latini olim Græcorum literis eruditi nunc Græciam velut anum atque effætam viciffim ſuas doceamus literas?* Pari ſtudio Leo X. magnis impenſis, majoreque ſelectione celebres e diverſis regionibus viros in Urbem accerſivit, qui tum in profanis linguarum & politioris literaturæ diſciplinis, tum in ſacris juventutem informarent, eo maxime tempore, quo & craſſa ignorantia in multis Europæ provinciis adhuc regnabat, & religio orthodoxa ob naſcentes hæreſes in grande diſcrimen adducebatur. Verum Leone extincto quemadmodum Romæ, ita & Academiæ infelicia ſucceſſere tempora. Nam urbs ſæviffimum in modum direpta eſt, & rebus quam maxime turbatis ſiluerunt aliquamdiu ſcholæ, fueruntque redditus & ſalaria Profeſſorum diſtracta ad uſus publicos civitatis regnante Hadriano VI. & Clemente VII. Reſtituit tamen rem Paulus III. & collapsas ſcholas inſtauravit. In his duos inſignes pietate ac doctrina Viros e Societate Jeſu Lainium & Fabrum, D. Ignatii ſocios, ſtationem habere juſſit. Nam ut Maſſejus narrat in vita S. Ignatii *lib. 2. c. 6.* & ex eo Joſephus Carafa in libro de Gymnaſio Romano recens edito *p. 203.*  
 Igna-

94      *Cap. II. Sedes Artium*

Ignatius suam & suorum operam in sacris ministeriis obtulit Pontifici, quam hic in publicis scholis adhibuit. *Neque, ait Maffejus, aspernatus est pia Patrum studia Christi Vicarius, atque in praesentia, donec ejusmodi aliqua se se offerret occasio jussi Faber & Laynez in Almo sapientiae Gymnasio sacras Literas profiteri. quo munere dum alter in Bibliis, alter in Scholastica Theologia, ut appellant, pariter cum eruditione & pietatis laude perfunguntur, atque etiam saepe coram ipso Pontifice de gravissimis rerum divinarum quaestionibus disputant &c.* Post hæc sub Gregorio XIII. hac artium & scientiarum universitate magis magisque crescente duo inde nata fuerunt præcipua Gymnasia, quorum unum *Sapientiae* titulum retinuit, & Archigymnasium dicitur, cujus magnificam fabricam jubente Eugenio IV. a Senatu Romano in Regione, ut vocant S. Eustachii inchoatam, & sub Pontificibus Alexandro VI. Julio II. Leone X. Paulo III. Gregorio XIII. Sixto V. & Urbano VIII. continuatam tandem perfecit Alexander VII. promeritus eam, quæ in externa Ecclesiæ Gymnasii fronte conspicitur, inscriptionem:

ALEXANDRO. VII. P. M.  
 OB ÆDEM. SAPIENTIÆ.  
 TOTO. AMBITU. PERFECTAM.  
 ET BIBLIOTHECA. HORTOQUE.  
 MEDICO. INSTRUCTAM.  
 SACRI. CONSISTORII. ADVOCATI.  
 POS. M. DC. LX.

Præterea idem Alexander adeo amplis hoc Archigymnasium proventibus dotavit, ut omnium artium Professores in eo copiose ali possint, omneque disciplinarum & linguarum genus Viri sapientissimi publice profiteantur, atque honorum gradus tam in S. Theologia, quam in utroque Jure ac Medicina ibidem conferantur. Alterum est Gymnasium, quod Gregorius XIII. de quo dixi, erexit, & pleno jure gubernandum concessit Societati Jesu, in quo & humaniores literæ, & severiores scientiæ Matheſeos, Philosophiæ, Ethicæ, Polemicæ, SS. Canonum, Theologiæ Positivæ, Moralis & Scholasticæ præter linguam Græcam & Hebræicam ac Liturgiæ studium affluentem ex Urbe & vicinia copiosissimam nobilique inventuti traduntur. Pene fidem excedit Pontificis hujus Gregorii XIII. in literas & literatos munificentia. Nam probe cognoscens, quantum præsidii ad Catholicam Religionem

96 *Cap. II. Sedes Artium*

nem inter tot hæresum insultus intactam servandam in literarum studio & recta juventutis educatione positum esset, plurima erexit Seminaria, tanquam totidem fidei orthodoxæ propugnacula, in quibus e quavis fere natione lectissimi juvenes certa lege, numero, & disciplina alerentur: Et quidem in ipsa Urbe Seminarium quod vocant Romanum, ubi simul flos Nobilitatis educatur: Alterum Collegium Germanico-Hungaricum, e quo tot Cathedralium Ecclesiarum Canonici, Episcopi, Archiepiscopi, etiam Eminentissimi Cardinales nationis Germanicæ & Hungaricæ prodierunt: bina Anglis e patria religionis causa exulibus, alia insuper Græcis, Maronitis, Illyricis. Præter hæc ejusdem Pontificis opera fuerunt excitata Seminaria Viennense in Austria, Pragenſe in Bohemia, Græcense in Styria, Olomucense in Moravia, Branspergenſe in Prussia, Muſſipontanum in Lotharingia, Vilnense in Lithuania, Claudiopolitanum in Transylvania, Fuldense in Germania, Dilinganum in Suevia &c. in quibus Alumni quos vocant Pontificii sumtibus Apostolicæ sedis sustentantur, & in sacræ doctrinæ studio potissimum exercentur, adversus prava hæresum dogmata cum tempore in aciem progressuri.

At-



Atque hæc Seminaria & Collegia tum Romæ tum aliis in regionibus Societatis JEſu curæ informationique commiſit Gregorius Pontifex immortalī laude dignus. De his diſciplinæ domiciliis differens Stephanus Tuccius ita hæreticos magna cum gravitate ac libertate adloquitur: *Unus vos lacerat o nocturni prædones, unus vos cruciat. Gregorius, & excita- tis per Germaniam, Galliam, Sarmatiam, Pannoniam juvenum ſeminariis tanquam aggeribus fidei vias veſtris ſatel- litibus intercludit, veſtris vos implicat retibus, & intra fines ac parietes veſtros veſtris vos liberis, veſtris alumniſ impu- gnat: Neque unum ille aut alterum vobis oppoſuit propugnaculum, ſed ſuum ſingu- lis pene gentibus exſtruxit: Prutenis & Sueviſ Bransbergenſe, Vilnenſe Lithua- niſ, Boemiſ Pragænſe, Moraviſ Olmuc- cenſe, Auſtriaciſ Viennænſe, Græcenſe Styriaciſ, Dilinganum Germaniſ, Ful- denſe Saxonibꝯ, Niſſipontanum Scotiſ & Hiberniſ, Helvetiſ Mediolanenſe, Bri- tanniſ Bobemenſe, Claudiopolitanum Tranſylvaniſ &c.*

### XIII.

Post Romanam & antiquitate & ſplen- dore ac fama ſe ipſam ſatis commendat  
BIBLIOTH. DOMEST. LIB. I. G Pa-

98 *Cap. II. Sedes Artium*

Parisiensis Academia. Initium scholæ hujus referunt scriptores magis probati ad Caroli M. tempora circa annum 790. Tunc enim e Scotia in Galliam delati sunt Claudius, Joannes Rabanus, & Alcuinus seu Albuinus, omnes tres olim V. Bedæ discipuli, qui se nullas alias merces præter bonas artes & Sapientiæ studium e patria sua exportasse, hasque venales absque lucro exponere se velle palam profitebantur. Quæ voces ubi ad Caroli aures pervenere, Principis ad literas instaurandas suapte indole pronissimi, ad ejus alloquium vocati id ipsum instituti sui esse asseverarunt, polliciti simul, gratis se doctrinam suam exposituros esse, dummodo locus & alimenta suppeditarentur; qua honestissima conditione accepta cognitaque illorum eruditione mirum in modum delectatus Carolus, eorumque expectationem munificentia sua multum supergressus, Magistros hosce penes se retinuit, ac publicæ Parisiensis scholæ fundamentis jaciendis adhibuit, maxime Alcuinum, quo præceptore ipse Carolus usus est, & hortatore ad grande opus istud moliendum. Quumque felicissimos studiorum progressus & discipulorum frequentia, & Doctorum in omni scientiarum genere præstantium industria suis-

met

met oculis intueretur, ſcholam hanc ad exemplar Romanæ, quin etiam Athenienſis, in Academia dignitatem evexit, tantaque non ſolum privilegiorum, ſed etiam proventuum & poſſeſſionum amplitudine locupletavit, quantum vix omnes Galliæ & Germaniæ, quæ poſtmodum inde natæ ſunt, æquare potuerunt, uti teſtatur Curius (1). Quare ingens concurſus ad eam factus eſt, ita ut veterum Athenienſium, & recentium Romanorum gloriam ſuperatura videretur. Non modicam tamen cladem paſſa eſt turbis Academicos inter & cives Pariſinos exortis, utriſque ut fieri ſolet, jura ſua violata conqueſtis. Quare factum eſt, ut plurimi eorum, qui aliunde acceſſerant, nuncio Pariſiis dato domum reverſi, aut ad exterarum Academiarum dilapſi ſint. Verum S. Ludovicus IX. Rex Galliarum, (ad cujus tempora Fleurius Academiae hujus ortum refert) ratus egregiam fore tunc demum rempublicam, in qua politicum regimen & belli & pacis tempore cum humanarum divinarumque rerum cognitione ac doctrina arcto inter ſe ſœdere neceſſeretur, variis Ediſtis publicis cives ad officium, debitamque Doctoribus venerationem, ac ſtudioſis gratifi-

(1) L. 2. Chronolog.

tificandi studium revocavit. Regnante hoc ipso S. Ludovico famosa illa Sorbona surrexit, id est, Collegium Theologicum, quo præ cæteris conspicuam semper se reddidit Universitas Parisiensis. Principio quidem, ut magnis fluminibus accidere solet, quorum plerumque exiguus fons est, pro pauperibus aliquot artium Magistris, qui Theologiæ studio ea in Academia operam dabant, a Roberto de Sorbona Canonico Parisiensi erectum fuit; qui dum Collegii sui primum lapidem posuit, æreæ laminæ hæc verba inscribi iussit: *Ludovicus Rex Francorum, sub quo fundata fuit Domus Sorbona circa an. Dom. M. CC. LII.* Postmodum auctis per hunc ipsum quem dixi S. Ludovicum aliosque Mæcenates rebus & emolumentis in Collegium Baccalaureorum & Doctorum Theologorum excrevit. Horum duplex classis est: Aliqui sunt Doctores Sorbonici, qui Collegium illud inhabitant: alii socii Sorbonæ, qui post data doctrinæ insignis specimina adgregantur. Amplificavit illud præterito seculo magnopere Card. de Richelieu tum splendida Ecclesia, tum magnifica adjecta fabrica, quæ triginta & amplius Doctoribus satis commodum habitandi spatium præbet. Ipsa vero Academia Parisiensis Regum suo-

suorum favore singulis fere seculis illustrior evasit. Ludovicus IX. & Carolus VI. plurimis eam privilegiis ad studiosos illuc adtrahendos donarunt: Franciscus Valefius doctissimos Hebraicarum & Græcarum literarum, atque artium Mathematicarum Professores constituit: Henricus ejusdem filius insigni bibliotheca eam locupletiore reddidit: Sub Carolo IX. Franciscus Balduinus, magnum inter Jurisconsultos Germaniæ nomen, ad illam Academiam evocatus fuit, ut Jurisprudentiæ scholam excitaret regeretque, quemadmodum ipsemet testatur (m): Etiam Romani Pontifices singulari Academiam Parisinam æstimatione ac favore complexi sunt, præsertim Innocentius, multisque ornarunt privilegiis Ecclesiasticis: Sorbonam autem in rebus gravissimis consulere ejusque judicium exquirere non dubitarunt maximi Principes tum Ecclesiastici tum Seculares. Nec defuere Viri celebratissimi, qui ex hujus Academiae gremio prodierunt: Alcuinus, Rabanus, Petrus Lombardus, B. Albertus M. S. Thomas Aquinas, Joannes Gualensis, qui ob eruditionem & facundiam *Arbor vitæ* nuncupabatur, Joannes Budæus, Phi-

(m) *Ad L. si pacto. Cod. de Pact.*

102 *Cap. II. Sedes Artium*

Philippus Gammachæus, Nicolaus Isambertus, Andreas Duvallius, Honoratus Tournelius &c. Universam Academiæ hujus historiam Tomis sex complexus est Cæsar Egassius Bulæus.

## XIV.

Ad Romanæ ac Parisiensis formam Fridericus II. Romanorum Imperator, ut non solum armis, sed etiam artibus & scientiis Imperium fulciret, & in utroque genere Cæsarem se monstraret, circa annum 1237. Vindobonensem, seu Vienneensem Academiam & eruditionis fama & loci majestate summe conspicuam condidit, quam postmodum Austriæ Archiduces Rudolphus IV. Albertus III. & Leopoldus II. Fratres miro animorum consensu dignaque tantis Principibus liberalitate maximis & proventibus & privilegiis locupletarunt. Inter eos eminuit Albertus. Hic amplissimam domum, quod Archiducale Collegium vocabatur, duodecim artium & Philosophiæ Professoribus habitandam tribuit: impetravit etiam ab Urbano VI. ut Theologiam publice heic profiteri & ejus doctrinæ gradus atque insignia conferre liceret: addidit Jurisconsultorum scholam, & perpetuo edicto sanxit, ut **SENATUS POPULUSQUE VIEN-**

VIENNENSIS ſingulis annis, dum novum Conſulem eligerent, admoneretur, ne vel ipſi quidquam facerent, vel fieri permitterent, unde Academia detrimentum caperet, ſed potius pro ſua virili ſtudioſorum privilegia tuerentur atque defenderent. Quod edictum ſuo adhuc, quo ſcripſit tempore, id eſt, circa annum 1582. vigiſſe teſtatus eſt Middendorpius (n). Ut vero undique confluens ſtudioſa juventus commodius atque minoribus ſumtibus literis vacaret, a variis Mæcenatibus multa ſtipendia conſtituta, multæ domus conductæ, ac habitationes erectæ fuerunt pro quavis fere natione: amplum non minus ædificium eſt conſtructum, quod peregre venientibus & ægrotantibus ſtudioſis ſerviret. At collapſum poſt tempus aliquod Jurisprudentiæ ſtudium Maximilianus I. Imp. denuo inſtauravit evocatis ex Italia Clariffimis Triumviris Joanne Sylvio, Aurelio Siculo, & Hieronymo Balbo: præterea poteſtatem Academiæ conceſſit Poetas excellentes ſolenniter inaugurandi ac coronandi. Multum damni paſſa eſt Academia hæc anno 1529. quando Vienna totius Chriſtiani orbis propugnaculum a Turcis gra-

(n) In Tract. de Academ.

gravissima obsidione premebatur. Verum hac soluta damnum cum fœnore refarcivit Ferdinandus I. ejusque filius Maximilianus II. Impp. constitutis quatuor Facultatibus, quasi totidem Academiæ columnis, quarum singulæ laudatissimo more in alias inde Universitates introducto singulos post Deum patronos sui quæque studii elegerunt, Theologica quidem S. Joannem Evangelistam, Juridica D. Ivo- nem, Medica SS. Cosmam & Damianum, Philosophica Oratoria & Poetica S. Catharinam. Harum Facultatum, totiusque Universitatis Caput est Rector, cujus ea dignitas velut indulgentibus majestatis suæ partem Imperatoribus, ut in omnibus quos vocant Actibus publicis alterum a Principe vel ejus Vicario locum obtinet, atque cunctis Academiæ membris ex æquo & bono jus dicat non solum in civilibus, sed etiam, ubi de crimine agitur. Cautum olim hac in Academia fuerat, ne Rector eligeretur maritus; sed lex hæc seu mos sub Ferdinando I. abrogatus fuit, permissumque ut magistratu istoungi posset etiam qui uxorem haberet, ita tamen, ut per alium Clericum cœlibem in Ecclesiasticas personas jurisdictionem exerceret. Ultimum & supremum huic Academiæ splendorem postremis



mis hisce temporibus adjecisse visa est felicissime regnans Augustissima Imperatrix & Regina MARIA THERESIA, cujus incredibili in literas & literatos studio ac favori ea debet, quod veteribus instauratam, novis autem, quibus seculum hoc gaudet, artibus, Professoribus, & cathedris auctam, omnique jam & doctrinæ & eruditionis genere circumquaque fulgentem in orbis literati theatro se se conspiciat.

§. II.

*Copia & præstantia Academicarum, Gymnasiorum, & Scholarum.*

XV.

**P**ropositis duabus ante, ac tribus post Christum natum Academiis celeberrimis, tanquam aliarum sequentium vel matribus vel exemplaribus, cæterarum in Europa potissimum literarum catalogum texo cum Chronologia emendatiore, quam quæ passim in libris reperitur, ut palam fiat, quas quamque nobiles sedes quovis seculo artes & scientiæ occuparint: neque omnes omnino, sed notiores duntaxat recensere animus est, dum interea plures (ultra centum quidam numerant) earumque descriptiones sparsim apud alios

## 106 Cap. II. Sedes Artium

Auctores inveniri poterunt, nominatim apud Benedictum Pereyram S. J. qui insignem de Academia seu Republica literaria Tomum scripsit : Mendo S. J. de Jure Academico : Jacobum Middendorpium de Academiis universi terrarum orbis : Cæsarem Bulæum de Academia Parisiensi &c.

*Academia Romana*, incerti temporis antiqua : ab Innocentio IV. Pont. Max. instaurata, & Generalis Studii juribus donata anno 1245.

*Mediolanensis*, quando inchoata sit, non constat : Commentator Bartoli J. C. (o) ait : „ Ex antiqua consuetudine Studium universale habet. Virgilius Maro „ bonis artibus heic operam dedisse creditur. Aurelius etiam noster Augustinus eloquentiæ Professor fuit, & Alius „ pius ejus comes Jurisprudentiæ, ut „ l. 5. & 6. Confessionum fatetur. „

## Seculo V.

*Bononiensis* fundata a Theodosio Juniore circa annum 420. instaurata an. 795. illustrata a Friderico II. Imp. circa annum 1220.

Seculo

(o) §. hac autem tria Proam. ff.

Seculo VI.

*Toletana* in Hispania , circa ann. 500. instaurata a Franc. Alvaro loci Archiepiscopo anno 1499.

Seculo VII.

*Cantabrigensis* in Anglia anno 630. inchoata : perfecta ab Eduardo I. Rege anno 1302.

Seculo VIII.

*Parifina* a Carolo M. an. 791. a Ludovico Sancto illustrior redditā anno 1232. Ejus præcipuum Collegium Sorbona anno 1252.

*Papiensis* seu *Ticinensis* in Italia a Carolo M. an. 794. instaurata a Joan. Galeatio, & Barnaba Vice-Comitibus an. 1361.

Seculo IX.

*Tolosana* in Gallia an. 800. instaurata anno 1518.

*Lugdunensis* in Gallia an. 830.

*Oxonensis* in Anglia an. 872. instaurata ab Henrico I. Rege an. 1100.

Seculo XII.

*Leodiensis* in Germania an. 1129.

*Montispeffulana* seu *Montpellierensis* in Gallia a Philippo II. Augusto Rege an. 1196.

Secu-

108 Cap. II. Sedes Artium  
Seculo XIII.

*Salernitana* in Italia a Friderico II. Imp. circa annum 1220.

*Patavina* in Italia a Friderico II. Imp. circa annum 1222.

*Viennensis* Austriæ a Friderico II. Imp. anno 1237.

*Salmanticensis* in Hispania a Ferdinando III. Rege an. 1239.

*Neapolitana* in Italia a Friderico II. Imp. an. 1239.

*Ulyssiponensis* in Lusitania instituta a Dionyllo Rege an. 1290, fundata a Joanne III. anno 1550.

Seculo XIV.

*Avenionensis* in Gallia a Philippo Pulchro anno 1300.

*Dublinensis* in Hibernia a Joanne XXII. Pont. Max. an. 1320.

*Pisana* in Italia an. 1339.

*Cracoviensis* in Polonia a Casimiro Rege anno 1344.

*Heidelbergensis* in Palatinatu a Ruperto I. Electore an. 1346.

*Pragensis* in Bohemia a Carolo IV. Imp. dicta Carolina anno 1348. Postea Ferdinanda a Ferdinando I. Imper. an. 1552.

quæ

quæ duæ coaluerunt in unam ſub Ferdinando III. Imp.

*Erfordienſis* in Germania a Senatu Civitatis an. 1378.

*Senenſis* in Italia an. 1380.

*Coloniienſis* ad Rhenum a Senatu Civitatis anno 1385.

## Seculo XV.

*Taurinenſis* in Italia a Ludovico Duce anno 1400.

*Herbipolenſis* in Franconia a Joanne loci Epilcopo an. 1403.

*Lipſienſis* in Germania a Friderico I. Electore Saxoniz an. 1409.

*Hafniienſis* in Dania ab Erico IX. Rege anno 1418.

*Lovanienſis* in Germania a Joanne IV. Duce Brabantiz an. 1425.

*Mantuana* in Italia a Joanne Franciſco Gonzaga March. I. an. 1432.

*Florentina* in Italia a Cosma Mediceo anno 1438.

*Glasquenſis* in Scotia a Turnballo loci Epilcopo an. 1454.

*Friburgenſis* in Briſgoia ab Alberto VI. Archiduce Austriaz an. 1456.

*Baſileenſis* in Germania a Pio II. Pont. Max. an. 1459.

*Ingot*

110 *Cap. II. Sedes Artium*

*Ingolstadiensis* in Bavaria a Ludovico  
Divite Duce Bavar. an. 1472.

*Trevirensis* in Germania a Senatu Ci-  
vitatatis an. 1472.

*Tubingenfis* in Suevia ab Eberhardo Du-  
ce Würtenbergico an. 1472.

*Uspalensis* in Suecia a Sixto IV. Pont.  
Max. an. 1477.

*Moguntina* in Germania a Diethero loci  
Archiepiscopo an. 1477.

*Budensis* in Hungaria a Matthia Corvino  
Rege Hung. circa annum 1480.

Seculo XVI.

*Wittenbergensis* in Germania a Fride-  
rico III. Elect. Saxon. an. 1502.

*Francofordiensis* ad Viadram a Joachi-  
mo Elect. Brandenburg. an. 1506.

*Complutensis* in Hispania, vulgo *Alcala*,  
a Franc. Ximenio Card. an. 1509.

*Granatensis* in Hispania a Ferdinando  
Talabricensi an. 1518.

*Argentoratensis* in Germania a Senatu  
Civitatis an. 1538.

*Regiomontana* in Borussia ab Alberto III.  
Duce Boruss. an. 1544.

*Jenensis* in Germania a Joanne Friderico  
Elect. Saxon. an. 1548.

*Gau-*

*Gaudiensis* in Hispania a S. Francisco Borgia Duce Gaudiæ, postea III. Gener. S. J. an. 1548.

*Dilingana* in Suevia ab Ottone Truchsessio Card. & Episc. Augustano an. 1549.

*Goana* in Indiis a Joanne III. Rege Lusitanæ circa annum 1550. \*

*S. Dominici* in novo orbe a Philippo II. Rege Hispaniæ an. 1558.

*Eboracensis* in Lusitania ab Henrico S. R. E. Card. postea Rege Lusitan. an. 1558.

*Duacensis* in Belgio a Philippo II. Hisp. Rege an. 1562.

*Cassoviensis* in Hungaria an. 1565.

*Olomucensis* in Germania a Guilielmo Prusmanský loci Episcopo an. 1566.

*Claudiopolitana* in Transylvania a Stephano Battorio Rege Polon.

*Mussipontana* in Lotharingia a Gregorio XIII. Pont. Max. an. 1572.

*Lugdunensis* in Belgio a Guilielmo Principe Arausionensi an. 1575.

*Aitorfina* in Germania a Senatu Norimbergensi an. 1576.

*Helmstadiensis* in Ducatu Brunsvicensi a Julio Duce an. 1576.

*Vilnensis* in Polonia a Stephano Battorio an. 1576.

*Gracensis* in Styria a Carolo Archiduce Austriæ an. 1586.

Qui-

112      *Cap. II. Sedes Artium*

*Quitoana* in novo orbe a Philippo II.  
Hisp. Rege an. 1586.

Seculo XVII.

*Giffena* in Hassia an. 1607.

*Limana* in America a Philippo III. Re-  
ge Hispan. an. 1614.

*Molsbemiensis* in Germania a Leopoldo  
Archiduce Austriae an. 1618.

*Salisburgensis* in Germania a Paride  
Lodronio Archiepiscopo Salisb. an. 1623.

*Gratimalcensis* in America, fundata a  
Philippo IV. Rege Hispan. an. 1628.

*Madritana* in Hispania an. 1629.

*Tyrnaviensis* in Hungaria an. 1635.

*Bambergensis* in Germania a Melchiore  
Ottone loci Episc. an. 1648.

*Lundinensis* Carolina in Suecia a Ca-  
rolo XI. Rege an. 1668.

*Hallensis* in Germania a Friderico III.  
Elect. Brandeb. an. 1694.

*Oenipontana* in Tyroli a Leopoldo I.  
Imp. an. 1673.

Seculo XVIII.

*Uratislaviensis* in Silesia a Leopoldo I.  
Imp. an. 1702.

*Petropolitana* in Carelia a Petro I. Mon.  
Moscov. circa annum 1710.

*Ful-*



*Fuldensis* in Germania ab Adolpho Principe Fuld. an. 1734.

*Göttingensis* in Germania a Georgio II. Electore Hannov. an. 1737.

*Leopolitana* seu *Lemburgensis* in Polonia, concedente Augusto Rege Polon. & confirmante Clemente XIII. Pontif. Max. anno 1759.

\* Goana Academia & amplissimum Collegium, quod ibidem construxit Patribus Societatis Jesu Joannes Tertius Lusitanæ Rex, singularem mentionem meretur, utpote in quo quamplurimi Adolescentes diversissimarum nationum Indicarum instituuntur in omni genere disciplinarum, & inde ex hac schola in omnes Orientis provincias domum quisque suam mittitur, ut adeo totius in Indiis Christianæ Religionis & Reipublicæ Seminarium sit.

## XVI.

Vidimus modo satis longam Academiarum seu domiciliorum, quæ artes & scientiæ habitanda sibi elegerunt, seriem. Nunc pauca de istarum auctoritate ac præstantia differere opportunum erit. Academiæ fere omnes e scholis, quas primo docti aliqui expertique homines privata voluntate instituere cœperunt, originem suam traxere. At splen-

didio rem postmodum faciē induerunt, postquam iis vel instituendis vel confirmandis publica accessit auctoritas. Jam olim Sophocles Athenis legem tulit teste Laertio, ut neque scholæ erigerentur, neque Philosophorum quisquam præesset, nisi magistratus id decrevisset, ne scilicet lucri causa, ut fit, artium & scientiarum Magistri minus periti, in munus hoc reipublicæ cæteroqui utilissimum se se intruderent. Quod exemplum imitatus Cæsar Augustus etiam Romæ, ut major Juris dicundi auctoritas foret, solemnī decreto sanxit, ut nemo de Jure responderet (quod Jurisconsultorum proprium erat officium) *nisi Principis auctoritas accederet* (p), verba legis sunt: *Ut major juris auctoritas haberetur, constituit, ut ex auctoritate ejus responderent, & ex illo tempore peti hoc pro beneficio capit.* Ulterius progressa est Imperatorum hac in re providentia, ita ut nonnisi in majoribus magisque celebribus civitatibus divinas humanasque leges decere permiserint, dicente Justiniano (q): *Hæc autem tria volumina a nobis composita tradi eis tam in regiis urbibus, quam in Beritien-*  
*sium*

(p) *L. Pomponius 2. §. Primus Divus Augustus ff. de origine juris.*

(q) *§. hæc autem tria Proæm. ff.*

*sum pulcherima civitate, quam legum nutricem bene quis appellet, tantummodo volumus, quod jam & a retro Principibus constitutum est, & non in aliis locis, quæ a majoribus tale non meruerunt privilegium.* Ita etiam Romæ solum & Constantinopoli olim divini humanique juris prudentia tradebatur teste Azone Jurisconsulto (r). Metuebant enim gloriosissimi Imperatores, uti Bartolus animadvertit, ne sacrosanctæ leges, quæ cælum ipsum terramque tuentur, in obscurioribus locis ob doctorum virorum penuriam turpis lucri gratia ab imperitis corrumperentur. Ad alias postmodum scientias tradendas, scholasque moderandas se se extendit hæc Principum & Magistratuum auctoritas atque potestas, ita ut sine hac nullam deinceps profiteri publice licuerit. Qua ratione factum est, ut Academiæ etiam *Universitates* adpellari cœperint, utpote in quibus accedente summi Principis voluntate vel approbatione Professoribus & Studiosis literarum collegium & universitatem quandam habere concessum fuit, quod alias in Jure prohibitum erat. Quapropter Academiæ Universitates vocantur non tam eo ex capite, uti quilibet

(r) *In L. unicam C. de Studiis lib. Urb. Roman. & Constantinop. l. II.* H 2

quidam existimarunt, quod universæ artes liberales ac scientiæ in illis doceantur, (multæ enim ad certarum duntaxat sublimiorum disciplinarum professionem eriguntur) quam quod rem universam seu communem faciant sub uno capite seu Rectore, Magistratu sive Senatu, Decanis Facultatum, Cancellario, Judice, quem privilegiorum & jurium Conservatorem seu Gubernatorem vocant, coram quo Studiosi causas dicere debent: item Notario, & Tabellario seu Bedello, cujus officium inter alia est, ut Rectorem eosque, qui graduum honoribus insigniuntur, cum scepro Argenteo præcedat.

Quemadmodum autem in omni Republica, ita etiam in Literaria honorum Gradus aliqui fuerunt instituti, quibus nihil est ad æmulationem excitandam, & insignem profectum faciendum accommodatius. *Opinamur, O Anacharsi, ajebat Solon (s), opinamur desiderium in juvenibus magis accendi, si eos, qui optime se se gesserunt, honorari conspexerint, & in medio Græcorum præconis voce magnifice proclamari; & non pauci ex spectatoribus virtutum ac laborum amore inflammantur: itaque si quis ex communi hominum vita laudis & gloriæ amorem*

(s) *Apud Lucianum.*

*ejiceret, quidnam amplius præclara rei ille nobis faceret reliquum?* Non minus Juvenalis (t) veriffime cecinit:

*Quis enim virtutem amplectitur  
ipsam,*

*Premia ſi tollas?*

Quare etiam Romani ad juventutem, ut in bello fortia agere & pati diſceret, incitandam diverſi generis coronas, quibus victores ornarent, excogitarunt: *Triumphalem ex Lauro*, quæ Imperatoribus poſt victoriam ad Urbem redeuntibus ut triumphum agerent, mittebatur: *Obſidionalem ex gramine* ſervatæ civitatis, quam liberati ab obſidione offerebant ſervatori ſuo: *Civicam e quercu*, quæ obtigit illi, qui patriam & cives periculo belli civilis aut excidio ſubduxit. Erant aliæ quoque coronæ, ut *Muralis*, *Caſtrenſis*, *Navalis*, omnes tres ex auro, & *Ovalis* e myrto, decretæ illis, qui primi præ aliis in ejusmodi certaminibus fortitudinis ſuæ ſpecimen ſingulare dederunt. Quidni igitur uti Martis, ita & Palladis alumnis, qui in diverſis literarum Claſſibus & Facultatibus præ cæteris eminere videntur, Laureæ ac honorum gradus conferantur, quibus & illi laborum ſuorum fructus

&

& præmia retulisse se sentiant, & alii ad præclara priorum vestigia premenda excitulentur?

Quo autem tempore, & ubinam locorum Gradus isti, horumque ordo, nomina & privilegia, ac leges promovendorum in singulis Facultatibus, atque insignia fuerint introducta, satis certo non constat. Equidem S. Nazianzenus (u) testatur, quod Athenis & in Cæsareensi Academia Doctores Basilio M. *& honoris & professionis insignia conferre voluerint*: Sed admodum probabile est, Seculo primum XII. Academias in formam Reipublicæ redactas fuisse, datosque Universitatibus Rectores, Senatores, Decanos, Syndicos &c. ac tribus Disciplinis, videlicet Theologicæ, Juridicæ, ac Medicæ honorum gradus conferendi jus publica auctoritate adtributum esse, quibus postmodum etiam Philosophica Facultas, quæ Artium dicitur, accessit. Sunt qui Bononiæ Gratianum, sunt alii, qui Parisiis Petrum Lombardum morem hunc Doctoratus ac Licentiæ in eas Academias primos invexisse contendunt. Certe tum temporis qui Gratiani Decretum, aut Lombardi sententias vel didicissent, vel prælegissent, Docto-

(u) *In Menodia Basilii.*

Doctores adpellari cœperunt. Verum aucto in immensum numero certæ leges latæ fuerunt pro illis, qui promoveri cuperent; certum Studii tempus, lectionum publicarum auditio, accurata profectus disquisitio seu examen, certum doctrinæ ac morum testimonium &c. Primo quidem adimpletis hisce conditionibus conferri solet *Baccalaureatus* seu publica doctrinæ adprobatio, qua concessa ad ultiores gradus adspirare licet, ita dictus a *Bacca* seu ramusculo & parte quadam Laureæ illius, quæ integra solis Doctoribus convenit. Sequitur gradus *Licentiæ*, qua copia fit ad ipsum Magisterii seu *Doctoratus* gradum capeffendum; quem denique tertium & supremum gradum cum magna solemnitate, in confessu doctissimorum Virorum, cumque insignibus annuli, torquis aureæ, epomidis, purpuræ, ac nobilitatis titulo impertiri Candidato solet is, qui Facultatis cujusvis decreto ad id muneris constituitur. Fuerunt autem hi, ad quos bene meriti, & in literaria palæstra multum exercitati promoventur, honorum gradus in ipso Viennensi Concilio sub Clemente V. adprobati ac commendati, legesque circa sumtus faciendos præscriptæ, ne quis ob inopiam a re tam utili

abstinere cogeretur, uti legitur (x) in *Clement.* Præter hæc ad maiorem in literarum studio & capeffendis gradibus fervorem excitandum multa etiam Ecclesiastica Beneficia, & Dignitates fuerunt institutz, ad quæ nonnifi solemniter in schola promotis patet accessus. Quapropter audiendi nequaquam sunt Martinus Lutherus, alii-que hujus sectæ (utinam non forent etiam aliqui e male feriatis Catholicis) Academiae & honorum Academicorum mastiges, qui grandi superolio hæc sapientiæ ornamenta despiciunt, plenisque buccis in ea debacchantur. Audiant potius hi & illi præclarum Jeannis Oldendorpii testimonium (y): „ Non possum  
 „ me hoc loco continere, quin expostu-  
 „ lem cum Criticis quibusdam, qui tam  
 „ sunt amentes, ut utilem illum longe-  
 „ que pulcherrimum in omnibus Acade-  
 „ miis receptum ordinem titulosque aut  
 „ contemnere aut etiam improbare non  
 „ erubescunt. Quid inquit est Doctoris  
 „ titulus, quid Licentiati, quid Bacca-  
 „ laurei, nisi pecuniarum nundinationes?  
 „ & reliqua id genus ineptiarum multa  
 „ effutiant. Verum legant insulsi homi-  
 „ nes, quid scribant eruditi omnium se-  
 „ culo-

(x) *Clement. 2. de Magistr.*(y) *In Comment. ad leges Tabul.*



„ culorum in bonis artibus antesignani :  
 „ quomodo præparandi sint per ordinem  
 „ studiosi ab incunabulis literarum ad gra-  
 „ viores disciplinas, in quas ne tanquam  
 „ sus in rosas irruerent, quam diligenter  
 „ sint a præceptoribus vires ingenii per-  
 „ pendendæ : & quam tale in bonis arti-  
 „ bus iudicium nullo possit fieri modo,  
 „ nisi in classes dividantur studia, &  
 „ singulis classibus tituli assignentur, qui-  
 „ bus alii ab aliis in scholastica ratione  
 „ discernantur; quales sunt a lauri bacca  
 „ Baccalaureatus, Magisterii, Licentiatus,  
 „ & Doctoratus. Hæc inquam perpen-  
 „ dant, si voluerint, iniqui Censores,  
 „ & facile videbunt errorem suum vel  
 „ conscientia dictante &c. „ Ita scriptor  
 hic, magni nominis Jurisconsultus, qui  
 neutri parti merito suspectus esse poterit.  
 Aliud testimonium non minus grave,  
 quam jucundum auditu nobis exhibet  
 Nicolaus Trigautius S. J. in historia Sina-  
 rum (2), quo patet, quales literis &  
 literatis honores exhibeat gens illa acri  
 iudicio in rebus politicis prædita, simul  
 etiam, quam miro consensu, licet adeo  
 remota, hoc in negotio jam ab antiquissi-  
 mis temporibus cum Europæis convene-  
 rit. Memorat igitur Scriptor iste, nullas  
 qui-

quidem scholas publicas aut Academias in hoc regno, attamen in urbibus celebrioribus esse ludos sive ingentia palatia sumtu publico exstructa. Hos ludos quidam ab Imperatore designatus, & ea qualem apud nos Cancellarii Academicarum habent, potestate instructus quot annis visitat, & feria 9. 12. ac 15. Lunæ octavæ examen illorum instituit, qui privatim a Magistris informati ad gradum aspirant. Sunt autem tres literatorum gradus: primus dicitur *Sicucui*, & nostro Baccalaureatui respondet, nec nisi prævio examine triplici confertur, quique illum adepti sunt, multis immunitatibus gaudent. Alter *Kiugin* cum Licentiatu convenit, & nonnisi selectis ex toto Baccalaureorum Provinciæ aliqujus numero honorifice tribuitur. Tertius *Cin* vocatur, & Doctoratum repræsentat. Qui hunc consequuntur, etiam habitu distinguuntur, & summo honore coluntur ab omnibus. Discamus ergo ab exteris, quos barbaros credimus, æstimare, quod tam salubriter, ut ita dicam, in patria nostra inventum despiciamus.

## XVII.

Postquam de Academiis longior sermo fuit, pauca quoque de Gymnasiis & scholis,

lis, in quibus amœniores literæ sub finem peregrinationis suæ quietam ac stabilem sedem occuparunt, dicenda restant. Gymnasium, græce γυμνάσιον, locus est, in quo fit aliquid exercitationis ἀπὸ τοῦ γυμνάζειν, scilicet ab exercendo. Antiquis loca illa, in quibus palæstritæ exercebantur, peculiari nomine Gymnasia fuerunt nuncupata. Unde Plautus (a) *omnes plateas perreptavi, gymnasia, myropolia &c.* Verum postea per insignem metaphoram Gymnasii nomen ad ludos literarios, omniaque loca, in quibus fit aliquod eruditæ exercitationis genus, translatum fuit, quando scilicet Philosophi gymnasia tenuerunt, atque in illis disputarunt. Hunc in sensum Tullius loquitur (b): *Clamabunt credo omnia gymnasia, atque omnes Philosophorum scholæ.* Succedente tempore Rhetores sibi gymnasia vendicarunt tanquam propria, suisque scholis venerabile nomen imposuerunt, *progymnasmata* vocantes exercitationes illas in dicendo, quæ antequam ad veras causas descenderetur, institui solebant. Denique bonis artibus & scientiis ab exilio redeuntibus Academiæ nomen severioribus disciplinis relictum fuit, amœniores vero literæ Gymnasii titulo contentæ vivere cœperunt;

(a) *In Amph.*

(b) *Lib. de Orat.*

runt; licet multis in locis Rhetorica & Poësis, tanquam artes liberales majorum gentium, Academiis veluti pars corpori adhæreant, vel certe antiquum aliquod cum ea foedus retineant. Gymnasia vero, ut nunc sunt, in varias classes & scholas distribuuntur, in scholas quidem Rhetorices & Poëseos, in classes autem Supremæ, Mediæ, ac Infimæ Grammaticæ. Schola literarius ludus est a græco verbo σχολάζω, quod est *vaco*, quia cæteris rebus omiſſis vacare liberalibus studiis juvenis debet. Alii derivant scholæ nomen a vacatione, quam tanquam honestum animi laxamentum pueris interdum esse dandum canit Ausonius.

*Grajo schola nomine dicta est,  
Juxta laboriferis tribuantur ut otia  
Musis.*

Utraque hæc adpellatio apud Grammaticos controversa in concordiam vocari potest, dicendo scholam Græcis & a vacando literis, & a vacatione a literis nuncupatam fuisse, quoniam utrumque hoc literarum studioſo necessarium est, motus & quies, certis uterque limitibus circumscriptus. Olim in porticibus scholæ fuerunt juventuti apertæ teste Plinio: *Alexandrum* inquit & *Philippum* cum *Minerva*,

*va, qui sunt in schola in Octaviae portibus, & Philippi.* Jam vero harum, ubi humaniores literæ docentur, scholarum usum antiquitas, utilitas, & necessitas satis commendant: antiquitas quidem, dum jam apud Hebræos, Chaldæos, Ægyptios, Græcos & Romanos nihil antiquius fuerit, quam scholas ejusmodi erigere ac ludos aperire pro tenera ætate, in quibus tum primis artium & scientiarum rudimentis ad graviores postea disciplinas cum fructu addiscendas juvenus imbueretur, tum moribus ad honestatem compositis veluti præpararetur Reipublicæ munis cum dignitate ac emolumento ob-eundis: Utilitas vero, dum otio malorum omnium fonte obstructo prima statim ætas honestissime occupatur amœniorum musarum deliciis, ingenia puerorum abster-sa nativa caligine expoliuntur seu ad scientiarum sublimiorum, si horum capaces inveniantur, seu ad mechanicarum artium professionem, quoniam & istæ cultura & mentis acie indigent: animi vero teneri christiana quadam ethica, & morum civilitate imbuuntur. Demum necessitas, quum nemo repente doctus fiat, sed per multos gradus eundo ad Sapientiae templum aditus pateat. Non licet heic Rhodum saltu superare, nec no-dum

dum gordium uno ictu solvere: & tempore, & discendi ordine, & ingenii ad maturitatem perducendi industria opus est. Verum de gymnasiis & scholis differendi commodior, ampliorque campus sequenti libro de Grammatica se se aperiet.

## §. III.

*Critice supra scholas publicas.*

## XVIII.

**Q**uietas atque securas se stare sub umbra Academiarum & Gymnasiorum arbitrabantur bonæ artes ac scientiæ, quum ecce! fuerunt jam olim, & sunt vel maxime hisce temporibus nostris, qui jucundissimam hanc quietem conquistis undique speciosis & cothurnatis argumentis turbare non dubitant. Fuerunt inquam jam olim, nimirum M. Fabii Quintiliani tempore, id est, primo post Christum natum seculo, qui publicis scholis damnatis, vel saltem fama illorum imminuta, privatos intra parietes artium & scientiarum studia constringere adlaborarunt. Nunc autem nostro quod vivimus seculo quis est, quem lateat, quantæ quamque multiplices querelæ premant Academias & publicas scholas, & quot sint pædagogiarum fautores, qui juventutem, præsertim nobilem, procul

cul a literarum palæstris ære publico erectis arcere totis viribus contendunt, vel stimulante quadam invidia, vel lucri causa, vel ideis de recta studiorum tractatione parum sinceris in transversum acti? Duo igitur præcipua hoc in negotio capita discutienda mihi sumo, quæ sane magni momenti esse videntur ad Reipublicæ literariæ tum existimationem, tum utilitatem tuendam. Primum erit, an magis expediat privatim & domi sub Magistro aliquo literis addiscendis operam dare, an vero in Academiis & Gymnasiis? Alterum num obsit potius bono literario, quam profit scholarum multitudo. Ad primam quæstionem quod adtinet, quamque Quintilianus magna cum accuratone ac eloquentia pertractavit (c), quædam quæ in partem contrariam objiciuntur; profectum in literis, alia vero morum honestatem tangunt: utrumque si quid damni pateretur, grande profecto piaculum! Ajunt igitur longe majoris profectus spem imminere, ubi unum duntaxat discipulum informandum habeat Præceptor, cui omne tempus, omnem peritiam suam, omnem industriam, verbo, se totum indulgere potest, quando contra in scholis Magistri laborem & curam quan-

(c) *Lib. I. Instit. Rhetor. c. I.*

quantumvis magnam, in plures, & non raro plurimos divisam esse oportet, ita ut dum omnibus satisfacere cupit, nulli ex integro fiat satis. Porro nequit tanta esse attentio, tamque seria ad præfixum sibi studium adplicatio in scholis, ubi multos inter discipulos uno alterum sæpius interpellante vel omnino turbante prona est animi ad alia quævis distrahendi occasio, quæ domi discipulo sub vigili oculo Præceptoris ac Parentum quotidie constituto, sibi que soli & rebus suis intento penitus sublata est. Præter hæc paucis illis horis, quibus juvenes in scholis detinentur, solum ea, quæ ad doctrinam, & quidem uno in genere, necessaria sunt, iis tradi possunt, dum privatos intra parietes discipulus & pædagogus semper præsto sint, ita ut vix ulla pretiosi temporis particula inanis elabatur, variaque ad multiplicem eruditionem spectantia præter certæ cujusdam disciplinæ studium colligi queant. Demum, quod gravissimum, periclitatur publicis in scholis, præsertim in Academiis, morum & vitæ honestas, præcipuus juventutis thesaurus. Quippe ubi magnus studiosorum numerus, & quasi campus stat apertus, plus semper zizanix quam boni frumenti est reperire. Sufficit una ovis scabiosa ad totum gregem inficiendum:



um: quid ſi inter plures hujusmodi verſeris? libertas, otium, mala ſocietas ſunt totidem ſirenes, quæ in periculoſo academiarum pelago plurimis jam exitio fuerunt, qui ſi domi ſub oculis parentum & procul a pravis ſociis operam ſtudiis dediffent, Metello innocentiores honeſtatis ac ingenui pudoris naufragium nunquam feciffent.

Non auſim ego inficiari, eſſe quædam incommoda, quibus laborant Academiae ac ſcholæ publicæ; fortassis autem non ſuo, ſed eas frequentantium vel his præſidentium vitio, id tamen quod contendendo, eſt, longe plura majoraque commoda in his reperiri, quam in privatis & domeſticis pædagogiis, ita, ut nulla ratione in comparationem venire poſſint cum Athenæis, ſeu doctrinam ſeu mores ſpectemus. Primo quidem educatio publica juvenes mirum quantum excitat, reddit alacres, animos ipsis inſpirat, & innocentem quandam audaciam ſuggerit, ſive publice ſit aliquid proponendum, ſive privato etiam labore quidquam conficiendum occurrit; absque trifti languore illo ac frigore animi, quod ſuapte natura inſpirare ſolet ſolitaria vita, atque intra parietes perpetuo conclufa, ſub oculis forte moroſi cujuſdam Ariſtarchi, aut

plagosi Orbili. *Ante omnia, inquit Quintilianus (d): Futurus Orator, cui in maxima celebritate, & in media Reipublicæ luce vivendum est, assuescat jam a tenero non reformidare homines, neque illa solitaria & velut umbratili vita pallefcere. Excitanda mens & attollenda semper est, quæ in ejusmodi secretis aut languescit, & quemdam velut in opaco situm ducit: aut contra intumescit inani persuasione. Necesse est enim, sibi nimium tribuat, qui se nemini comparat.*

Neque illud veritati consonum esse existimo, obesse in scholis publicis profectui multitudinem: immo vel maxime prodesse illam censeo. Quippe inprimis profectum capere potest juvenis tam ex iis, quæ sibi, quam ex illis, quæ a Magistro aliis dicuntur, ita ut non in se uno, sed veluti in omnibus præsens eodem tempore discat. Quotidie accidit, hujus errores reprehendi ac corrigi, illius recte dicta factaque adprobari: unius desidiæ objurgari, alterius laudari diligentiam, sibi quæ dicta putat, quæ tot aliis dicuntur in utramque partem. Ex hac ipsa re necessario nascitur pulchra æmulatio, & amor gloriæ, qui stimulus esse solet laboris:

nimi-

(d) *Loc. cit.*

nimirum sicut in silice per attritum mutuum excitantur igniculi & foras prorumpunt, ita inter honestorum juvenum certamina & literarias contentiones scintillæ se produnt, dum unus opprobrio sibi ducit cedere æquali, alter etiam tribulem suum superare conatur, quivis inter suos eminere, vel omnino primus suæ classis esse ac palmam præripere satagit. Quare pergit Quintilianus: *Accendant omnia* (loquitur de scholis publicis) *accendant omnia animos, & licet ipsa vitium sit ambitio, frequenter tamen caussa virtutum est.* Hæc omnia commoda, sane maximæ, cessant domesticis in latebris, ubi discipulum terret difficultas, labor debilitat, nec stimulus adest, neque exempla, quibus ad majores passus faciendos excitetur; nec enim habet, cui comparare se possit, nec quem supergredi, sed solus vel semper est primus, vel semper ultimus. Veniamus a discipulis ad Magistros & pædagogos. Fortassis majus emolumentum a privato, quam a publico sperari potest? Ita quidem sibi persuadent nonnulli parentum, ipsi vero Præceptores ita jactitant, sed perperam. Sit enim, quod hi unum duntaxat informando occupati totum illi tempus indulgere queant, ac in diverso disciplina-

rum genere eundem erudire. Quod fieri hoc possit, non diffiteor, sed an fiat, & cum eo fructu, quo in scholis publicis id fit, vehementer dubito. Nam ad hoc munus non sufficit, pædagogum esse hominem utcumque doctum, sed insuper in docendo bene ac diu versatum: deinde ut sepositis aliis negotiis & occupationibus impiger sit in officio suo implendo. At ejusmodi homines sunt *rarinantes in gurgite vasto*: Non pauci sunt, qui multam eruditionem jactant ad fucum parentibus faciendum, interea præter superficiem parum vel nihil solidæ doctrinæ possident; unde *dare non possunt, quod non habent*: Alii sibi ac rebus suis invigilant potius, quam discipulo curæ suæ commisso, nec libenter domi ad transtra sedent: hinc eum præscripto literario penso ad pulpitem hæere cogunt, dum interea foris ipsi varia quærunt diverticula: alii non tam fructuosæ informationis, quam pinguis salarii vel officii aliqujus obtinendi spe in pædagogiam involant. Demum grande discrimen intercedit inter Magistrum, qui animo ad hoc munus publice obeundum præparato accedit, ac numeroso auditorio præst, & inter præceptorem domesticum mercede constitutum: prior enim ipso numero disci-

discipulorum animatur, famæ suæ potius quam lucri studiosus, magnaue virium contentione in promovendo juvenum profectu literario versatur, probe animadvertens, non exiguam boni publici spem in sua industria collocatam esse: posterior vero, qui velut singulos numerando passus cum discipulo suo unico progreditur, nemine spectante, nemine adplaudente, quo fervore, quove conatu, vel potius quanto cum languore, quamque humili voce officii sui partes exequetur? Dici non potest, quantum Magistri alacritas, & animi vigor, ac vocis contentio in explicando docendoque conferat ad discipulos attentos reddendos, ad suscitandam orexin, & sincerum bonarum artium gustum, ad nobiles animi sensus de omni literatura inspirandos.

Restat, ut & illud, quod maximi momenti est hoc in negotio, ad examen vocemus, scilicet num adeo magnis periculis obnoxia sit in Academiis & publicis scholis morum honestas, & recte vivendi ratio, quæ si domi securior foret, & extra teli jactum posita, *potior* ut ingenue fassus est Quinclilianus, *potior mihi ratio vivendi honeste, quam vel optime dicendi videretur.* Verum si rem probe consideremus, magna sane in scholis publicis

bene ordinatis ad virtutem una cum literis addiscendam præsidia sunt. Constituantur Magistri ejusmodi ut plurimum, qui prius ipsi in virtutis & vitæ non solum christianæ, sed etiam religiosæ schola diu multumque exercitati fuerunt, quique munus hoc non lucri, aut vanæ gloriæ causa, sed altiore Dei gloriam & animarum salutem promovendi spiritu animati suscipiunt, quæ potentissima est machina tum ad labores sustinendos, tum ad fructum, qui per hos quæritur, obtinendum. Hi teneræ juventuti cum literarum lacte dei timorem, frequentem sacrorum mysteriorum usum, vitiorum præsertim incontinentiæ fugam, virtutum ac honestatis amorem, & dogmata veræ religionis in reliquam quoque vitam redundatura veluti tacite propinant atque instillant: accedunt adhortationes perpetuæ, ponuntur ante oculos proborum exempla, quæ muti quidem, sed potentes ad persuadendum oratores sunt: Amandantur ac ejiciuntur discoli ac disciplinæ impatientes, virtutis studiosi honorantur ac præmiantur: præmunitur denique indoles juvenum solidis principiis adversus pericula fidei & pietatis christianæ in hoc mundo frequentissima. At hæc omnia domi quoque fieri possunt.

Pos-

Possunt, sed rarissime fiunt. Patres sæpe negotia impediunt, quo minus filiorum bonæ educationi invigilent: matres ex-  
cæcat prolis amor, pædagogi non raro mercenarii sunt, fors etiam ipsi corruptis moribus; vel non audent corrigere disci-  
pulorum errores metu parentum plus æquo indulgentium: imminet quoque pericula non pauca a domesticis, eorumque pravo consortio, ut verum sit, quod Propheta dixit: *Inimici hominis domestici ejus* (e). Ausim dicere, horum atque ipsorum parentum mala exempla sunt fons & origo corruptelæ morum in juvenibus, quæ postmodum mala fide nec sine injuria scholarum indoli adscribitur: neque tam meum hoc est, quam laudati sæpius Fabii, licet ethnici scriptoris, effatum. *Hæc inquit exempla vident singulis diebus, & attendunt ad res, quas deberent per totam vitam ignorare. Fit ex his consuetudo, deinde natura. Discunt hæc miseri, antequam sciant vitia esse. Inde soluti ac fluentes non accipiunt e scholis mala ista, sed in scholas afferunt. Idem esto judicium de Academiis, in quibus non generantur, ut ajunt, vitia, sed propagantur. Nimirum si e prima statim officina domesticæ educationis dissoluta & corrupta ju-*  
ven-

ventus transfertur in secundam inferiorum scholarum, & ex hac parum vel nihil emendata in tertiam officinam, seu Academias, ubi simul liberior aura spirat, quid mirum, si æs rude ac informis truncus mercurii loco prodeat? Sit igitur, ut concludam, inter præcipuas curas parentibus, ut eorum proles a teneris unguiculis probe casteque educatur, primis fidel & literarum elementis rite imbuatur; tum matura nonnihil ætate securi mittant ad scholas publicas, & si facultates permittant, fidum probumque ephorum iis addant, qui ad scholas ducat atque reducat, domique invigilet, ne ab iis quæ inibi didicerunt, deflectant. Spondere auserim, ita fore, ut bene moratos & literarum studiis probe imbutos ex Athenæis filios recipiant, cum suo solatio & reipublicæ emolumento. Quodsi etiam hæc omnia abessent, fortissimum pro scholis publicis frequentandis argumentum hoc unum sufficeret contra heteroclitias quorundam ideas, nimirum quod eæ a summis Principibus & Legislatoribus omnævo immensis sumptibus & curis erectæ fuerint, ac privilegiis maximis ornatae, accedente universi orbis consuetudine, & scriptorum omnium, doctorumque hominum communissima adprobatione.



XIX.

Alterum caput, quod examini subji-  
ciendum heic occurrit, est ut dixi, an  
multitudo scholarum obsit potius, quam  
prosit bono publico. Video enim, esse  
aliquos, qui frequentiam gymnasiorum da-  
mnant, tanquam rei literariæ noxiam. Inter  
hos est Bartholomæus Grammondus, histo-  
riæ non illaudatæ Auctor. Multis hic argu-  
mentis id persuadere conatur. Quippe scho-  
larum copia Academiarum splendor non pa-  
rum minuitur, dum parentes filios nobilita-  
te ac ingenio conspicuos illis subducunt, &  
inter ignobilis cujusdam scholæ parietes  
latere malunt, quam in publica luce Aca-  
demica comparere. Ut nihil dicam tot  
ludis apertis portam quoque aperiri pue-  
ris ad stivam magis quam ad studia fa-  
ctis, a quibus non habet, quod cum tem-  
pore speret respublica, quam ut sint in-  
utile pondus, & fruges consumere nati:  
*Multiplicasti gentem, & non magnificasti*  
*latitiam* (f). Profecto regnum literarium  
non est uti grex armentorum, ubi quo  
plus est taurorum, hoc major grex dici-  
tur. Intran̄t Bœoti, & exeunt Arcades  
Nimirum invitantur parentes vicinitate  
aut præsentia scholæ trivialis, & ad eam  
mittunt filios suos sine discrimine, quos  
nunquam ad Academiam mittere vel po-

(f) *Isai. 9.*

tuissent vel ausi fuissent. Rara in scholis his angustioribus æmulatio, vix ulla emendandi cupiditas, modicus docentium ardor, qui & ipsi sæpe doctores triviales sunt, & non multo discipulis doctiores. Hac autem ratione studia languescere necesse est, quum anima destituantur. Si ex ejusmodi literarum palæstris ineptos tanquam impedimenta & lixarum turbam ab exercitu removeas, paucissimi restabunt bellicosi, qui ad pugnam & victoriam aliquid conferre possint. Contra in Academiis, ubi magnus est concursus, semper quoque ingenia reperiuntur felici fidere nata, polita, magnarum rerum capacia; & ad majora excitantur mutuis congressibus, fervet ambitio quædam excellentiæ; constituuntur Professores & Magistri cum selectu, & quam optimi, famæ suæ simul & profectui discipulorum intenti; unde fit, ut qui e celebri Academia prodeunt, quandam sublimioris scientiæ ac existimationis velut characteristicam & prærogativam secum circumferant.

Verum salvo eorum, qui ita sentiunt, judicio, non ausim ego gymnasiolorum frequentiam vilipendere aut omnino damnare. Non enim propterea Academiæ splendorem perdunt, vel earum vigor exugitur, quod plures amœniorum literarum scho-

scholæ hinc & inde stent erectæ, quam parum olim Romani Imperii robur & majestas fuit imminuta, eo quod ex Urbe velut centro Romani colonias circumcirca in diversis regionibus constituerint: immo inter arcana præcipua politicæ gubernationis erat penes hanc gentem, bene multas quaquaversum colonias ducere, quæ in societatem quidem jurium & potentiæ venirent, nunquam tamen ejus majestatem ac supremam potestatem adæquarent. Hac enim ratione optimos quoque tum pacis tum belli tempore ex illis sublato, seu ad Rempublicam & Imperium armis defendendum, seu ad artibus & scientiis illustrius reddendum adhibuere. Sunt gymnasia hæc velut Academiæ plantaria, e quibus semper florentes quidam furculi, postquam radices egere, in has transferuntur, frugiferæ demum arbores futuræ. Non omnibus parentibus eæ sunt facultates, ut filios primis scientiarum elementis imbuendos statim ad celebriores civitates & Academiæ quasi manumittant; non raro etiam magis est consultum, ut dum literis humanioribus vacant juvenes, in parentum conspectu id fiat, qui si probi sint, & profectum in studiis, & morum honestatem efficacius præsentia sua

sua urgere possunt, quam si longe a patria domo remoti in Academiis versentur, ubi libertas noxia regnat, & cum numero etiam vitia augentur. Quod autem Grammondus, dum minorum gentium scholas eliminatum it, nec nisi magnificas omnes esse vult, quod inquam contendit, ut e templo Sapientiæ tenuioris fortunæ adolescentes arceantur, pessimum est consilium ac reipublicæ perquam noxium: Sane experientia docet, multos eorum ad insignem omnigenæ literaturæ gradum pertigisse tum in sacris tum profanis Curiis, cum maximo patriæ ac regnorum emolumento. Neque enim uti nobilitas, ita etiam sapientia cum sanguine hauritur, nec in re ista semper partus ventrem sequitur. Equidem verum est, quod natura in distribuendis ingenii donis ut plurimum generi hominum infimo novercam se exhibeat: nihilominus parsimoniam hanc non raro compensari videmus in aliquibus magnitudine doni ac ubertate scientiæ.

Est & sua Gymnasticæ juventuti æmulatio, quam non tam multitudo, quam Magistrorum industria accendit: novimus in angustiis acrius sæpe commissum esse prælium, quam aperto in campo, & intra fauces montium ab Alexandri milite  
non

non admodum numeroſo ingentem Darii exercitum fuiſſe ſuperatum. Ubi non adeo magnus eſt numerus, ſæpius eundem athletam cum æmulis certandi ordo tangit, & frequentia velitationum juſtæ pugnæ magnitudinem æquat. Neque etiam in anguſtioribus Athenæis tanta eſt, quanta jactatur, inopia peritorum hominum, qui juventutem bene informant. Ut nihil dicam, multos e municipiis & obſcuris ludis magnam famam in orbem tranſmiſſiſſe, illud contendo, quod experientia docet, plus emolumenti ac fructus in puerorum institutione a Magiſtro referri, qui licet minus peritus, maxime tamen induſtrius eſt in munere ſibi commiſſo, quum non raro magna ingenia tenues hos labores, e quibus tamen rei ſumma pendet, ſaſtidiant, vel ſublimiore docendi methodo limites captus juvenilis tranſgrediantur, ita ut dum paucis proſunt, noceant plurimis, qui grandes Præceptorum paſſus adſequi vel non poſſunt, vel deſperant. Illud nihilominus facile conceſſerim, Gymnaſiorum & ſcholarum numerum reſtringi potius quam ampliari debere, ſi vel nimium exiguus grex ſit, vel in locis ſolitariis, ubi & ingenia & mores ſilveſcunt, vel quando vicinitate ſua unum alterius vigorem immi-

imminuit, quemadmodum in plantis & arboribus nimium propinquis solet contingere, vel demum si in unius duntaxat alteriusve nobilioris conditionis gratiam, aut cantus causa, aliorumque in Ecclesia obsequiorum literarius ludus aperitur, in quem postea plures de rure mopsuli confluunt, & postquam tribus quatuorve annis tempus trivere, celebriora gymnasia & Academias instar locustarum inundant ac fruges consumunt, quibus alii, pauperes quidem, sed magnæ spei ac profectus juvenes sustentari & possent & deberent.



### *CAPUT III.*

#### **VIA AD ARTES ET SCIEN- TIAS COMPARANDAS.**

##### **§. I.**

##### *Adjumenta ad illas.*

##### **XX.**

**N**on agere heic animus est de adjumentis singularibus, nimirum illis, quæ disciplinæ alicui propria sunt & velut domestica, de quibus tractare commodius lice-

licebit, ubi ſequentibus in libris de cujusvis natura, indole ac œconomia ſingulatim pluribus diſſeram; ſed de generalibus & publicis adjumentis, quæ univerſe ad promovendas excolendasque artes & ſcientias pertinere videntur. Conſiſtunt autem hæc tum in Artificibus, ſeu illis, qui ſtudioſam juventutem informant, tum in Inſtrumentis ſeu libris, & quæ ex his componuntur, Bibliothecis. Ante omnia igitur de Magiſtris & Profeſſoribus, quantum fieri poteſt, optimis proſpicere neceſſum eſt, qui publicum de peritia & induſtria ſua, deque morum probitate teſtimonium, non tam in folio quodam characteribus ſplendidis expreſſum, quam in doctriinæ ac prudentiæ fama, & actionum omnium honeſtiſſima compoſitione fundatum, & velut in fronte ſcriptum circumferant. Hi enim ſunt ſcholarum regula & norma, ad quam ſtudioſa inventus in utroque foro & literarum & morum conformare ſe ſolet ac debet. Hæc regula ſi mendosa ſit, & a muneris ſui graviffimi ratione deſectat, quid mirum, ſi diſcipulorum quoque grandes errores & hallucinationes poſt ſe trahat. Nam ut recte cecinit Lucretius :

*In fabrica ſi falſa eſt regula prima,*

*Nor-*

*Normaque si fallax rectis regionibus  
exit,*

*Et libella aliqua si ex parte claudicat  
bilum,*

*Omnia mendose fieri atque obstipa ne-  
cessum est.*

Sunt nutrices, quarum quanto purius incorruptumque lac fuerit, tanto infantum, qui eo aluntur valetudo magis atque robur firmatur: Ita omnino quo plus in doctrina & morum honestate solidiores fuerunt ipsi Magistri, eo firmiora in discipulorum animis relinquent scientiæ & probitatis altius demum surrectura vestigia. Quippe hi facillime imitantur & placita & mores, quos in Majoribus suis assidue conspiciunt, cujus rei exemplum satis luculentum habemus apud Platonem. Nam juvenis ab eo educatus ac eruditus, ubi postea paternos in lares rediit, & sublata voce excandescentem vidit Patrem, dixisse fertur: *Nunquam hæc apud Platonem Præceptorem meum vidi, nunquam didici.* Quartumcunque ferax ac pingue solum fuerit, si hortulani peritia vel industria desit, plus lolii quam florum ac fructuum progignet. Institutionis hujus vim in utramque partem expertus est Alexander M. Duos hic juventutis suæ mode-



moderatores nactus est, unum Lyſimachum, natione Acarnanem, hominem parum literatum, ſui potius quam diſcipuli ſtudioſum, & ſola adulandi arte clarum: qui ſe Phœnicem, Alexandrum Achillem, Philippum Patrem ac Regem Pelea dicere novit. Atque ita placuit Aulæ. Alterum vero Ariſtotelem Stagiritam, qui commiſſum ſibi Regium Juvenem in humanioribus & ſeverioribus literis, in rerum naturalium notitia ſimul & morali Philoſophia ſumma cum diligentia parique fructu erudivit. In Lyſimachi ſchola Alexander aliud nihil præter ingentem illum animi factum, qui ſemper illi poſtmodum adhæſerat, & ſuperbiæ vitium didicit, ita ut demum non Philippi ſed Jovis filium eſſe ſe jactarit, & credi voluerit: At in Ariſtotelis pædagogia egregiam illam indolem tot aliis regiis dotibus fulgentem hauſit, & e parvo Magnus Alexander prodiit. Profecto vix invenire eſt Principem aut Virum honoratum, qui vel regendi arte, vel ſapientiæ fama excelluit, ut non ſimul digito monſtrari poſſit eximius quidam Magiſter aut Præceptor, ſub cujus diſciplina ad id ſaſtigium pervenerit. Parmenides Meliſſi Samii, & Zenonis Eleatis; Zeno Leucippi: Leucippus Democriti: Democritus Pythagoræ Præceptor fuit. Socra-

tes Platonem, Xenophontem, Antisthenem, Aristippum & Euclidem erudit: Platonis auditores fuere Speusippus, Xenocrates, Dion, Heraclides, & Aristoteles: omnes hos, quorum egregia dicta factaque narrat Laertius, Græcia in sapientum suorum numerum merito retulit, ac palam monstravit, quod *non generent imbelles aquilæ columbas*. E Romanis solum Ciceronem adducere juvat. Hic teste Plutarcho (g) primum Philoni operam dedit, quem Romani supra cæteros Clitomachi alumnos & ob dicendi facultatem admirati sunt, & dilexerunt ob morum suavitatem. Tum a Mutio Scævola, viro Senatus principe, Jurisprudentiam hausit. Inde Athenas navigavit, & Antiocho Ascalonitæ se commisit, ejus orationum volubilitate ac venustate captus, quamvis non omnino probaret. Demum in Asiam & Rhodum profectus est: in Asia Xenoclem Adrametinum, & Magnetem Dionysium, & Menippum Carem audivit, Rhodi vero Apollonium Oratorem, & Philosophum Possidonium. Tantis tamque insignibus opus erat Magistris ad unicum Oratorem excellentem ac Virum omni eruditionis genere illustrem formandum. Ut de magnis Principibus aliquid dicam, Apollodorus Pergamenus Augusti Præceptor erat, quem in

(g) *In Cicerone,*

lite-

literis optime eruditum a libidine ac iracundia retraxit, ad quæ vitia principis juvenis prona indoles fuit. Arcadius & Honorius ab Arsenio, Carolus M. ab Alcuino, Otto III. Imp. & Robertus Rex Franciæ a Gilberto Floriacensi Monacho, Carolus V. ab Hadriano VI. postmodum Pontifice, Leo X. ab Angelo Politiano & bonis artibus, & moribus tanto fastigio dignis exculti fuerunt, qui omnes eruditionis laude ac vitæ probitate inclyti erant, ut merito dubites, an discipuli magistris, an vero magistri discipulis majores fuerint. Novimus etiam (ut capite præcedente demonstravi) ingentem illam curam, qua Summi Principes & Sacri Antistites in Italia, Gallia, Germania &c. præstantissimos quosque artium & scientiarum peritos exteris quoque e regionibus evocarint ad Academias suas Romanam, Parisiensem, Viennensem, Bononiensem &c. horum doctrina illustrandas, magnis sumtibus, majoreque honoris significatione.

XXI.

Et sane plurimum confert ad bonum literarium promovendum magnorum Principum liberalitas in constituendis salariis, quibus Professores & Magistri Scholarum & honorifice sustententur, & ad industriam

omnem impendendam animentur. Nullis hac in re impensis pepercere Romani: Quintilianus primus, uti scribit Eusebius(b) Romæ publicam scholam & salarium ex ærario, quod *Fiscum* adpellant, accepit. Nullam enim a discipulis mercedem exigebat, nec admittebat, sed exspectabat a Republica, in cujus emolumentum operam suam contulit. Vespasianus item Suetonio teste (i) primus ex ærario Latinis Græcisque Rhetoribus annua centena, id est, bis mille quingentos Philippicos constituit. Antoninus Pius Rhetoribus & Philosophis non solum Romæ, sed per omnes civitates atque provincias & honores & ingentia salaria decrevit, uti prodit Capitolinus, quæ *Provincialia* dicebantur, & quemadmodum observat Causobonus e Tatiano, sexagena Sestertia, nobis mille quingentos Philippicos, confecere. Eumenius de se ipso fatetur, quod a Diocletiano & Maximiano quindecim omnino millia Philippicorum pro docendi munere obtinuerit: & Athalaricus Gothorum Rex stipendia Doctorum, rebus Romanorum labentibus plurimum imminuta & detracta, rursus restituit, integraque quovis semestri persolvi jussit, si Cassiodoro credimus (k).  
Nihil

(h) *In Chronico.* (i) *Orat. pro Scholis.*

(k) *Lib. 9. c. 21.*

Nihil enim hac profusione detrimenti pas-  
surum esse ærarium, sed potius maximum  
eruditionis & sapientiæ lucrum facturos se  
credebant Principes isti. Plurimum quo-  
que stimuli adfert Magistris, si liberalitati  
accedat honoris exhibitio. M. Antoninum  
Imperatorem, cognomento Philosophum  
Frontoni Cornelio Præceptori suo adhuc  
vivo statuat in foro collocandam a Sena-  
tu impetrasse legimus. Quod hi factis,  
alii verbis honorificentissimis præstiteret.  
Exstat hodie exemplum, ait Gellius (1)  
epistolæ Philippi Macedonum Regis, qua  
terror ille Græciæ testatur, non magis se  
lætari, quod Alexander filius natus esset,  
quam quod Aristotelem haberet, cui pue-  
rum tradere posset instruendum: quin ipse  
Alexander tanta hunc veneratione prose-  
quebatur, ut palam dicere non erubescere-  
ret: *Se illi non minus quam Patri debere,*  
*quod a patre vivendi, a Præceptore bene*  
*vivendi initium accepisset.* Nec desunt  
inter Christianos Principes exempla. Theo-  
dosius Imp. M. Arsenium sedentem docere  
jussit, filios vero Arcadium & Honorium  
stantes discere. Gilbertum Floriacensem,  
de quo dixi, Robertus Galliarum Rex ad  
Insulas Rhemeneses, Otto autem Imp. ad  
Summum Pontificatus solium sub nomine  
Sylvestri II. promoverunt. Ita Platina &

(1) *Lib. 9. c. 3.*

Sigonius (m). Idem supremæ dignitatis fastigium conscendit Hadrianus VI. Caroli V. Præceptor. Etiam post mortem Joannes Quirinus, nobilissima prosapia natus, Benedicto Primulo Magistro suo honorem habuit, dum splendidum e marmore monumentum in æde Minoritana eidem posuit, memor & egregiæ illius bonitatis, & singularis quam sub eo imbibisset eruditionis; cui factò, quod refert, hæc verba subjungit Egnatius (n): *Invisant igitur locum studiosi; juvenes frequenter, ut hoc exemplo edocti, quantum discipuli ipsi præceptoribus suis debeant, perpetuo meminisse velint.* Magistri autem ac Pædagogi auream illam Ciceronis sententiam cordi suo profunde inscribant (o): *Nullum munus Reipublicæ afferre majus meliusve possumus, quam si doceamus atque juventutem erudiamus, iis præsertim moribus atque temporibus, quibus ita prolapsa est, ut omnium opibus refrænanda atque coercenda sit.*

## XXII.

Alterum ad artes ac scientias comparandas adjumentum sunt, ut dixi, Bibliothecæ, quas publicum sapientiæ ærarium, ditissimum omnis literaturæ gazaphylacium recte

(m) *Lib. 7. reg. Ital.* (n) *Lib. 5. c. 2.*(o) *Lib. 3. de Divin.*

recte nuncupaveris. In his tot Doctores, quot bonos libros reperire licet, qui quum post fata sua amplius voce nequeant, tacito quodam numine in scriptis post se relictis legentium animos optimis quibusque disciplinis informant. Vivos non semper ad manus habere possumus magistros, nec nisi in uno aliove literarum genere præstantes : at mortui in Bibliothecis semper præsto sunt, & ad obsequia stant parati : hos in rebus dubiis consulere, horum documenta & placita animo imbibere, ex his oracula excipere omni tempore licet, haud aliis quam sedulæ lectionis sumtibus. Elegans est elogium, quod eruditi aliqujus auctoris libro texuit Lucas Penna(p). Ait enim : „ Liber est lumen cordis, virtutum Magister, vitiorum depulsor : comes itineris, domesticus amicus : semper præsto est : nunquam non morigerus, rogatus confestim respondet : Sincerus consultor, non assentator, nemini parcens, quia neminem timet : contra adversam fortunam defensor, secundæ moderator : paradisu unde ejici non potes, nisi cum volueris, doctor gratus, faciens te gnarum, si reperit ignarum. „ Quodsi hæc Penna de uno libro

(p) *In Rubr. c. de navicular.*

libro docto, quid nos de integra Bibliotheca dicemus? Jam vero si quis in Bibliothecarum originem inquirat, ajo, rem hanc cum ipsis literis adinventam fuisse. Nam simul ac scire & sapere natum est, mox etiam scribere: hoc autem cum fructu esse non poterat, nisi adservarentur quæ scripta & in libros relata fuerunt, disponenturque ita, ut ad præsentem & ad posterorum usum servirent. Privata primum hæc cura fuerat, quovis sibi suisque studiis prospiciente. Postmodum vero Procures Reipublicæ ac Reges illis struendis animum ac operam adjecerunt, reque ad usum duntaxat, sed ad splendorem quoque ac ambitionem. Primus Regum, qui Bibliothecam illustrem condidit, Osymunduas in Ægypto fuisse perhibetur, cujus fronti hæc verba inscripsit teste Diodoro (q): *Ψυχῆς ἱατρειὸν*, seu *mimi media officina*. Primus qui publicis usibus destinatam, velut emporium literarium Athenis struxit, Pisistratus tyrannus erat, qui Auli Gelli testimonio (r) *Magnus vir fuit, (odiosum hoc nomen scilicet tyranni tolle) & cui Homerum etiam digestum & correctum nunquam soluturi debeamus*. Primus vero, quod novimus, *librorum collector fuit, & qui Reges in Ægypto docuit Bibliothecæ structuram* Aristoteles, ut ait Stra-

(q) Lib. I. (r) Lib. 6.

bo



bo (s). Longum foret, per singulas has  
literatorum officinas ire : de omnium præ-  
cipuis solum veteris & recentioris ævi pauca  
commemorabo. Alexandrina Bibliotheca  
facile princeps erat, a Ptolomæo Philadel-  
pho, Ptolemæi Lagidis filio, secundo hujus  
nominis & stirpis Ægyptiorum Rege con-  
structa. Hic incredibili studio ac impensis  
regiis ex Asia, Africa & Europa, scilicet  
a Chaldæis, Ægyptiis, & Romanis libros  
conquisivit, atque in græcam linguam  
transferri curavit, eique Demetrium Pha-  
lareum præfecit, hominem quidem exu-  
lem a suis Athenis, sed scriptis & factis  
admodum illustrem. De numero libro-  
rum, qui in hac scientiarum arce custo-  
diebantur, varia produnt Scriptores. Se-  
neca (t) dicit : *Quadraginta millia libro-  
rum Alexandria arserunt, pulcherrimum  
regiæ opulentia monumentum.* Fortasse  
solum iniit numerum eorum, qui Vulcano  
in prædam cesserunt, non autem illorum;  
qui flammis subtracti sunt. Josephus (u)  
scribit, Demetrium aliquando interroga-  
tum a Ptolemæo, quot millia librorum  
modo numeraret, respondisse : ducenta  
millia admodum, quos tamen ad quingen-  
ta

(s) *Lib. i.* (t) *Lib. de Tranquill. c. 9.*

(u) *L. 12. Antiqu. c. 11.*

ta brevi ascensuros esse speraret. Hæc tamen adeo libris dives & superba Bibliotheca in bello Alexandrino sub Cæsare Dictatore, dum urbs capta a milite direpta fuit, flammis in pabulum magnam partem eessit, fato literatis omnibus deplorando. Nihilominus instaurata fuit non quidem eadem, sed consimilis, eodemque loco, nimirum in Serapeo seu Templo, porticibus vicinis portui & navalibus imposito, adnitente Cleopatra Ægypti Regina, & famosa Antonii amoribus fœmina. Hæc enim a marito illecebris sibi familiaribus impetravit, ut Attalicam seu Pergamenam Bibliothecam in urbem Alexandriam transferri jufferit. Ita combustæ reliquiis, & recens advectæ subsidiis aucta, ornataque prioris famam Christianorum temporibus non solum sustinuisse, sed & superasse visa est. Nam Aulus Gellius & Ammianus (x) copiam ajunt librorum in Ægypto a Ptolemæis Regibus vel emptione conquisitorum, vel descriptione confectorum ad septingenta fere millia ævo suo excrevisse.

## XXIII.

Serius Bibliothecarum cura ad Romanos pervenit, quam tamen moram postmodum earum copia & magnificentia compensavit. Primus ea in Urbe Bibliothecam instruxit

(x) *Lib. 22.*

Cæ-

Cæsare Augusto invitante atque incitante Asinius Pollio, Orator & Senator nobilis, quod Suetonius his verbis testatur: *Primus Romæ Bibliothecas publicavit Pollio, græcas latinasque, additis Auctorum imaginibus, in atrio, quod de manubiis Dalmatarum devictorum magnifice instruxit.* Et Plinius (y): *Asinius Pollio primus bibliothecam dicando, ingenia hominum rem publicam fecit.* Ex horum verbis patet primo, Bibliothecam hanc e græcis latinisque libris compositam fuisse: dein eam a Pollione instructam, ornatam ac reparatam potius fuisse, quam exstructam. Nam diu ante a Tib. Graccho patre Gracchorum magnam librorum copiam eum in locum congestam fuisse Plutarchus alique scriptores memorant. Porro atrium illud erat *Libertatis* in monte Aventino situm, cujus meminit Ovidius (z) conquestus, libellum elegiarum suarum, in Ponto exilii loco scriptum, non fuisse in bibliothecam Asinii receptum.

*Nec me, quæ doctis patuerint prima  
libellis,*

*Atria Libertas tangere passa sua est.*

Demum jam tunc temporis bibliothecas doctorum hominum & Heroum imaginibus

(y) *Lib. 33. c. 11.* (z) *Lib. 3. Trist. eleg. 1.*

bus sculptis, atque pretiosis hostium exuviis, aliisque parergis ad splendorem conciliandum fuisse exornatas. Paulo post, ipse Augustus Imp. manus tam præclaro operi adjecit, duasque publicas erexit bibliothecas, quarum una *Octavia* nuncupabatur, utpote Sororis Octaviæ nomini ac memoriæ dedicata; de hac Dio Cassius (a) ita loquitur: *Augustus porticus & bibliothecas a sororis nomine Octavias dictas exstruxit.* Erat autem porticus hæc, in cujus superiore loco memorata bibliotheca stabat, vicina theatro Marcelli, loco hodie adhuc Romæ noto. Altera *Palatina* dicebatur, quia intra ipsum Cæsaris palatium continebatur, de qua Suetonius (b): *Erat latina græcæque.* (id est græcis latinisque libris instructa) id factum est an. Urbis DCCXXVI. Quamvis autem idem Suetonius asserat, Bibliothecæ huic ab Augusto additum fuisse Custodem seu Præfectum C. Julium Hyginum, insignem Grammaticum, prisca tamen marmora docent, Græcam & Latinam bibliothecam (solis ut credo forulis divisam) seorsim habuisse custodes suos, utpote quorum uni inscripta leguntur hæc verba;

AN-

(a) *In Actis an. Urb. DCCXXI.*(b) *Cap. 29.*

ANTIOCHUS. TI. CLAUDI.  
CÆSARIS. A.  
BIBLIOTHECA. LATINA.  
APOLLINIS.

alteri vero:

C. JULIUS. FALYX. A.  
BIBLIOTHECA.  
GRÆCA. PALAT.

Post Augustum Principes sequentes in condendis bibliothecis veluti de palma certarunt. Tiberius unam condidit in Domo sua, de qua Aulus Gellius (c): *Cum in Domus Tiberianæ Bibliotheca sederemus, ego & Apollinaris.* Aliam Vespasianus, quam adjunxit Templo Pacis, ut denuo ex verbis Gellii colligitur, dicentis (d): *Commentarium Lucii Ælii, qui Varronis Magister fuit, studiose quærivimus, eumque in Pacis bibliotheca repertum legimus.* Aliam Trajanus, de qua idem Gellius (e): *Sedentibus forte nobis in Bibliotheca Trajani:* atque hæc passim *Ulpia* vocabatur, quod nomen adhuc hodie tribuitur Romæ insigni Bibliothecæ medicæ, quæ in magno Hospitali ad S. Spiritum adservatur. Aliam Domitianus ut ferunt, *Capitolinam*, cujus meminit Eusebius (f): *in Capitolium inquam fulmen ruit, & magna inflammatione*

(c) *Lib. 13. c. 8.* (d) *Lib. 16. c. 8.*

(e) *Lib. 2. c. 27.* (f) *In rebus commodi Imp.*

*tione facta Bibliothecam & vicinas quasque aedes concremavit.* Fortassis autem melius & verius dicitur, Domitianum Capitolinam conflagrantem restaurasse. Nam ut Suetonius testatur (g): *Domitianus bibliothecas incendio absumptas impensis sine reparari curavit, exemplaribus undique petitis missisque Alexandriam, qui describerent, emendarentque.* Quibus e verbis patet, etiam tum temporis adhuc Bibliothecam Alexandrinam velut originem & matricem aliarum in honore habitam, & harum corruptos libros ex eadem iterum resectos fuisse & adornatos.

## XXIV.

Hæc de veteris ævi Bibliothecis: nunc de illis, quibus recentiora tempora præ aliis illustrantur, quædam dicenda se se offerunt. Primum sacra dignitate sua locum occupat Bibliotheca Pontificia, quæ vocari solet *Vaticana*. Hujus initia admodum angusta repetere licet a primis D. Petri successoribus, qui sacros Codices, Pontificum aliorumque Patrum epistolas, Decreta, collatos Ordines, & Acta SS. Martyrum, Apologias pro Christiana Religione, hæresum nascentium historias & confutationes, quin & alios

ma-

(g) Cap. 20.

maxime Philosophorum ethnicorum libros, quibus opus erat primis Christianis ad illorum dogmata refellenda, quam diligentissime adservabant. Sed hæc erant Tabularia potius quam Bibliotheca. Unde facile adsentio Onuphrio Panvinio, legitima Bibliothecæ hujus initia ad Hilarium Papam, qui seculo Christi quinto vixit, referenti. Hic enim pace Ecclesiæ reddita optimos quosque libros cum sacros tum profanos collegit, nec non cum reliquis in Bibliothecæ formam redegit, delecto ad fontem Lateranensem loco, ubi diu constiterat. Verum a posterioribus Pontificibus, ut commodior usus foret, in Vaticanum Palatium translata est, ibique a Nicolao V. plurimum aucta, & a Sixto IV. insigniter exulta fuit. Omnes tamen reliquos superavit solita sua magnanimitate in operibus publicis, quibus plena etiamnum hodie Roma est, moliendis Sixtus V. Quippe quum Bibliotheca hæc in loco depresso, obscuro, & insalubri staret, novum e fundamentis ædificium struxit, atque in ejus parte magis edita, perlucida, & salubri thesaurum hunc reposit, subsellis & pluteis hinc inde dispositis, libris ordine selecto collocatis, muris & fornice nobilissimis undique picturis distincto. Ita exornatam hanc eruditio-

ditionis sedem liberalibus disciplinis & publicæ utilitati solemniter dicavit anno MDLXXXVIII. Pontificii regiminis IV. Crevit hæc postmodum illatis in eam variis aliis Bibliothecis nobilissimis: Ducis Urbinatis ab Alexandro VII. Reginae Sueciæ, & Electoris Palatini ab Alexandro VIII. Codicibus quoque plurimis extranearum linguarum a Clemente XI. Numismatum rarissimorum copia a Clemente XII. Manuscriptis bibliothecæ olim Ottonianæ, & libris bonarum artium ac eruditionis Italicæ Marchionis Capponi a Benedicto XIV. Verbo, videre est ingentem apparatus sacrorum & vetustissimorum codicum, volumina exquisitissima nec facile alibi reperienda, libros omnis generis profanæ ac Ecclesiasticæ eruditionis plenos, tanto qui vix iniri potest, numero. Inter Bibliothecæ Præfectos famam præcipue adepti sunt Leo Allatius Chius, qui multa ingenii monumenta reliquit, & Lucas Holsteinius Hamburgensis. Modo florent duo Assemani, Stephanus Evodius Archiepiscopus Apamensis, & Josephus Simonius Bibliothecæ Præfectus, qui in Manuscriptorum Codicum splendido catalogo ac editione desudant, duobus jam Tomis in lucem datis. Plura invenire documenta licet apud Angelum Roc-



Roccam, Mutium Panfam, & Onuphrium Panvinium, qui de Bibliotheca Vaticana copiose scripserunt. Vidi etiam non ita pridem inchoatum a Benedicto XIV. & jam pene absolutum sacrum Museum, Bibliothecæ adjectum, quod Pontifex hic eximia Antiquitatum Ecclesiasticarum, maxime Veteris Romæ, undique collectarum supellectile instruxit, magis magisque augenda.

XXV.

Sequitur Vindobonensis seu *Cæsarea* inter eas, quæ hodie in tota Europa celebrantur, famosissima, cujus historiam Lambecius (h) satis amplam octo Tomis contexit. Equidem omnes Imperatores e stirpe Austriaca oriundos, si a Rudolpho ad nostram usque ætatem eorum seriem persequi velimus, & eruditorum & eruditionis fautores fuisse maximos, quin & Mæcenates deprehendemus: Maximilianus vero I. etiam Cultor erat, qui insignibus quibusque ac heroe dignis toga & sagis factis conspicuus ad Julii Cæsaris imitationem rerum a se gestarum Commentarios conscripsit. Hic ut bonarum artium serius in Germaniam advectarum studio stabiles sedes figeret, in Comitiiis

(h) *Lib. I. Commentar.*

Wor-

Wormationensibus an. 1495. decrevit, ut Septemviri in sua quavis ditione publicas scholas sive Academias instituerent: Ipse vero eam in se curam suscepit, ut Bibliothecam Cæsare dignam Vindobonæ conderet. Primo quidem Manuscriptorum librariam supellectilem a Patre suo Friderico IV. relictam grandi numero collegit Æneæ Sylvii primum, & post Georgii Peurbachii doctissimorum hominum industria: Tum post inventam circa annum 1440. typographiam librorum impressorum immensam copiam comparavit Bibliothecæ inferendam: Demum e capta direptaque Constantinopoli, quotquot volumina communem ruinam atque rapinam evaserant, diligentissime conquiri jussit, eorumque magna accessione bibliothecam auxit. Neque hac contentus Cæsar Maximilianus plurimis codicibus manuscriptis, qui e Monasteriis Austriacæ ditionis extracti fuerunt, & libris, qui e famosa Bibliotheca Budensi a Mathia Corvino Hungariæ Rege maximis sumtibus olim instructa, sed post Budam a Solimanno expugnata ac misere direptam distracta per privatorum manus vagabantur, ære suo redemptis eam locupletavit, adjuvantibus doctos Cæsaris conatus Conrado Celtis, Poeta primo qui in Germania a Friderico

IV.

IV. laurea donatus fuit, & in Vindobonensi Academia munus Professoris eloquentiæ & poeseos sustinuit, & Joanne Cuspiniano, Historiographo & Cæsari a consiliis, qui posthumis ingenii monumentis inclaruit. Maximiliani vestigiis instituerunt Ferdinandus I. Maximilianus II. & Leopoldus I. quippe sub horum glorioso non minus quam munifico regimine, partim translatae partim coemptae fuerunt satis multae bibliothecae privatae, uti Conradi Celtis, & Joannis Cuspiniani, de quibus memini, praeterea Joannis Fabri Episcopi Vindobonensis, Joannis Deutschvammii, Wolfgangi Lazzii, Joannis Sambuci, Augerii Busbequii, Richardi Streunii, Hugonis Blotii, Tychonis Braheii, Sebastiani Tegnagelii, Philippi Edardi Fuggeri, ut ita non immerito Bibliotheca Bibliothecarum adpellari possit. Ultimum accessit ornamentum sub Carolo VI. qui, ut magnificentius habitarent etiam post fata sua fortes illi spiritus, librorum scriptores immortalitate digni, novum ad instar Templi aedificium struxit, cujus medium ambitum occupant Imperatorum e Domo Austriaca statuae, & inter has veluti centrum Caroli VI. marmorea effigies: circum circa vero stant in altis pluteis celebratissimi per orbem Herois, Prin-

cipis Eugenii libri rarissimi, rubro omnes corio cum aureis parergis contexti non sine intuentium delectatione ac admiratione. Curiosius dum Bibliothecam hanc lustrarem, indaganti mihi, quot libri in hoc literarum armamentario continerentur, respondit quidam custodum Bibliothecæ: centum & triginta millia non adnumeratis Manuscriptis, quæ totam superiorem peridromidem implent.

## XXVI.

Parisiensis *Regiæ* Bibliothecæ initia quidam ad Caroli M. tempora reducant, utpote de quo Principe, non minus de Ecclesia quam de bonis artibus præclare merito, constat, quod Bibliothecam libraria suppellectile satis divitem adornarit: Verum etiam constat, libros Bibliothecæ hujus post Caroli mortem ejusdem voluntate divenditos fuisse, pretio in pauperes distributo. Nam *de libris* inquit Eginhardus (i) *quorum magnam in Bibliotheca Palatii sui Aquensis copiam congregavit Carolus, statuit vi testamenti sui, ut ab his, qui eos habere vellent, justo pretio redempti, pretium in pauperes erogaretur.* Non minus Ludovicum Pium Caroli filium & regni hæredem, itemque Carolum

(i) *In ejus vita.*

lum Calvum Imperatoris ex Ludovico Nepotem, qui eidem successit, bibliothecas habuisse produnt Acta Synodi Ticinensis an. 876. congregatæ, quibus subscripsisse legitur Hilduinus Abbas S. Dionysii & *Bibliothecarius* Caroli Calvi. Hæ tamen potius privatæ ac domesticæ, quam publicæ Bibliothecæ speciem præsetulerunt. Longa post annorum serie Carolus V. cognomento *Sapiens*, & Carolus VI. regia magnificentia Bibliothecam publicis usibus servituram moliri cœperunt, conquisitis undique præstantissimis Codicibus, ita ut merito ab his Regibus initia peti debere videantur. Postmodum sub Ludovico XI. quum typographia in Galliam, & primo quidem Lutetiam Parisiorum, circa annum 1470. esset introducta, ingens incrementum sumpsit regia Bibliotheca. Quippe Ludovicus omnes, quotquot tum temporis in publicam lucem prodibant, editiones celebriores in eam tanquam in horreum quoddam literarium conferri iussit, facta etiam Manuscriptorum Codicum accessione. Promovit cœptum opus strenue Carolus VIII. dum Robertum Gaguinum hominem literatissimum ei præfecit, qui postea sub Ludovico XII. multas legationes obiit in Germania, Italia, Britannia &c. quumque magnam ipsi vim pecuniæ ad-

pendisset Rex, veteribus libris ubique Legationum occasione conquisitis & coemptis reversus est in Galliam, doctis his spoliis onustus, iisque Bibliothecam regiam locupletavit. Plurimum quoque profuit opera & industria Joannis Lascaris, e Græca Imperatoria familia oriundi, quem mortuo Laurentio de Medicis ex Hetruria in regnum suum advocavit idem Ludovicus. Nam hic & græcas literas in Galliam, & patriæ linguæ Codices quamplurimos in Bibliothecam introduxit. Manuscriptorum adparatus ingens debetur Francisco I. quem *Literarum Parentem & Scientiarum Restauratorem* adpellant Scriptores Galli. Hic enim Lascaris & Joannis Budæi consilio missis in exterarum regiones Orientales eruditissimis Viris has opes congregavit: Henricus vero II. & Carolus IX. coemendis privatis bibliothecis intenti erant, quibus veluti rivis augeretur magis flumen jam satis vastum. Sub Henrico IV. volumina maximi pretii Latina, Græca, Hebraica, Arabica, Italica, quæ Catharina de Medicis Henrici II. uxor secum adtulerat, in eam migrarunt. Sub Ludovico XIII. integra bibliotheca Philippi Huralti Episcopi Cadurcensis 12000. Librarum impendio comparata illuc fuit translata: quin etiam e Typographia Regia ejusdem  
auspi-

auspiciis in Palatio erecta an. 1640. tot elegantium editionum, quæ inde in Europam prodierunt, omnium aliquot exemplaria in Bibliotheca reposita fuerunt, hodieque visuntur. Coronidem imposuit Ludovicus XIV. qui præter florentissimas Eruditorum Societates in Gallia & Luetitia fundatas, præter varia instituta Doctorum Virorum Collegia, splendorem summum Bibliothecæ conciliavit, missis in varias orbis regiones Viris scientissimis, inter quos Joannes Mabillonius O. S. B. notissimum cunctis eruditis nomen, qui per plurimas Europæ Bibliothecas peregrinati opulentiam ingentem in re literaria. tanquam itinerum suorum fructum reportarunt, huicque Palladis Sacrario intulerunt, e quo 16. millia Codicum manuscriptorum, & 80. millia librorum impressorum continente præterito seculo tot elegantes ingeniorum partus nobis exhibuerunt Mabillonius, D. Baluzius, Montfauconius, Sirmondus, Harduinus, & alii.

XXVII.

Nolin ultra persequi Bibliothecarum historiam, pro qua conscribenda vix ingens vdumen satis foret. Universe de his scriperunt Ludovicus Jacobus, Gabriel

Naudæus, Jodocus a Dudinck, Galeſius, Joannes Lomeierus, præter alios bene multos, qui librorum in ſingularibus bibliothecis catalogos ediderunt. Pene nulla celebrior urbs eſt in Europa, ubi non unam alteramve bibliothecam hoc ſeculo invenire ſit. Sola magis notarum nomina prodo: in Alma Urbe præter Vaticanam ſunt magis conſpicuæ Barbarina, Sapien- tiæ, Borghieſiana, Pamphiliana, Caſan- tenſis, Collegii S. J. Romani, Angelica ſeu Auguſtinianorum, Congregationis de Propaganda. *In reliqua Italia:* Florin- tina ſeu Medicea, Taurinenſis, Parmenſis, Patavina, Veneta S. Marci, Neapolitana, Mediolanenſis ſeu Ambroſiana, Collegii S. J. Panormitani in Sicilia. *In Galia:* Lutetiæ Pariſiorum præter Regiam Col- bertina, Mazariniana, Facultatis Theo- logicæ Sorbonicæ, Collegii S. J. Ludoviciani, S. Germani Ord. Bened. Cong. S. Mauri, Fratrum Prædicatorum, Mona- ſterii S. Genoveſæ, &c. Lugdunenſis, Bi- turicenſis. *In Germania* præter Vinnen- ſem Aulicam, & Collegii S. J. Aquisgra- nenſis, Argentorateniſis, Fuldenſis Meli- cenſis, Auguſtana, Auguſta Bunsvvi- cenſis, Berolina, Monacenſis Aulica, & Collegii S. J. Ingolſtadiana S. J. Lipſienſis ſeu Paulina. *In Anglia:* Regia Weſt-  
mo-



monasteriensis, Oxoniensis, Londinensis in Ecclesia S. Pauli. *In Hispania* Complutensis, Seviliensis, & S. Laurentii in Escoriali. *In Lusitania* Conimbricensis Collegii S. J. *In Suecia* Upsalensis. *In Dania* Hafniensis. *In Bobemia* Pragensis. *In Batavia* Lugdunensis Batavorum. *In Belgio* Lovaniensis, Antvverpiensis S. J. *In Borussia* Regiomantana. Sunt aliae plurimae, maxime privatae Monasteriorum omnis Ordinis, & Collegiorum Societatis Jesu, quae ubique pro Instituti sui ratione Bibliothecis erigendis augendisque invigilat. Verbo, tot hoc seculo sunt, ut ausim dicere, non hominibus Bibliothecas, sed homines Bibliothecis deesse. Ex his aliquae excellunt Manuscriptis, aliquae vetustis Codicibus, aliae raris editionibus, aliae rei Antiquariae, Diplomaticae, Numariae monumentis, aliae libris historicis, Medicis, Juridicis, Theologicis, Mathematicis &c. aliae Codicibus S. Scripturae, ac Disciplinae Ecclesiasticae, Liturgiis &c. aliae omnis sortis & literaturae Lexicis, aliae aliis. Deus bone! quantum hoc ad omne literarum genus, ad omnes artes & scientias comparandas adjumentum, de quo secundo loco dicebam? Huic velut appendix accedit nobile Institutum Literarium Sq-

cietatum, vel ut vocant Academiarum, quibus, si sobrie, sine fastu & vana ostentatione colantur, nihil ad disciplinas magis magisque perficiendas, earumque arcana detegenda utilius, quum nonnisi homines de literatura bene meriti in illis confociantur, doctas lucubrationes suas inter se communicent, selectissimas de variis scientiis quæstiones magno studio & accurate pertractent, easque postmodum sub Ephemeridum, vel Actorum, vel alio sub titulo orbi literato communes faciant. Ejusmodi Societates quatuor erectæ fuerunt Seculo XVII. a quatuor Clarissimis Principibus. Carolus II. Britanniae Rex an. 1660. Londinensem Regiam Societatem auspicatus est. Parisiensem itidem Regiam an. 1666. condidit Ludovicus XIV. Galliarum Rex, ad excellendas præcipue sex disciplinas, scilicet Geometriam, Astronomiam, Mechanicam, Anatomiam, Chymiam, & Botanicam. An. 1647. Societatem Naturæ curiosorum in Germania a Bauschio & Fehrio Medicis Suinfordensibus inchoatam confirmavit atque in fidem recepit Leopoldus I. Imperator. Berolinensis Regia Societas an. 1700. a Friderico Borussiae Rege stabilita fuit. Hoc demum Seculo XVIII. novus bonarum artium Instaurator velut

velut in theatrum prodiit, & quidem in medio nationis tot retro seculis penitus incultæ, nimirum Petrus Russorum Monarcha, qui magnis ipse itineribus per Europam defunctus, ut coram videret culturam literarum, morum & regiminis apud varias nationes, domum redux nullis sumtibus, nullis laboribus pepercit, ut barbariem ac ignorantiam e vastissimis Imperii sui finibus proscriberet, civibusque suis doctrinarum fontes aperiret, atque eum in finem accersitis doctissimis ex Europa Professoribus duas Academias condidit, unam Moscoviæ, alteram Petroburgi.

§. II.

*Detrimenta Artium Et Scientiarum.*

XXVIII.

**O**ptime constituta his, quæ pluribus adduxi, & Artificum & Instrumentorum, dicere volo, Magistrorum insignium & Bibliothecarum adjumentis videri posset Respublica literaria, si non, ut in rebus humanis contingit, detrimenta forent (& fors adjumentis plura & majora) quibus recta studiorum ratio turbatur, & felix artium ac scientiarum cursus sistitur.  
Et

Et primo quidem noxia quædam & exlex disciplinarum libertas priori & hoc potissimum seculo apud non paucos invalescere coepit, qui ut multa subito sciant, parum vel nihil solide ac utiliter scire malunt. Hinc limitum impatientes vagam discendi quin & docendi methodum sequuntur, sine legibus, sine præceptis, id quod omni prorsus Veterum Optimorumque auctorum & in arte Magistrorum sententiæ adversatur, qui tam solícite in cunctis artibus & scientiis certum ordinem, certasque regulas præscripserunt, quibus studiosa juvenus ab uno velut gradu ad alterum pede pressa usque ad fastigium perduceretur. Satisfaciunt hi sibi, ac præclare secum agi credunt, si per varios vagentur libros, quædam, quæ magis arident genio suo, adnotent, apophthegmata aliqua & speciosa dicta memoriæ mandent, parum solíciti de fundamentis, de partium divisione ac nexu, de artificio occulto, de tota artis vel scientiæ structura: omne tempus, quod longiori indagini ac seriæ meditationi tribuitur, perditum esse arbitrantur, ac subtrahi reliquarum scientiarum præcipiti studio conquerruntur, quas omnes brevi manu quasi in suam potestatem redigere se posse sibi arrogant. Hinc diuturnioris itineris per-  
tassi

tæsi citatis equis, & ut vulgus loquitur, *per postam* in eruditionis patriam contendunt. Videtur mihi libertas hæc in literum studio quodam modo esse similis pessimæ illi in religionis negotio libertati, quam qui sectantur, dicuntur esse de secta Libertinorum, nimirum qui avitam veramque religionem, ejusque dogmata & placita averſantes nullius quoque alterius vinculis conſtringi volunt, sed ex omnibus temere quædam arripiunt, & sibi met ipsis religionem fabricant, carni ac sensibus blandientem, cum summa supremi Legislatoris injuria. Non equidem me latet, id quod de apum republica homines isti exemplum pro domo sua adferunt, videlicet eas, etiam dum per florum prata vagantur, & nunc huic, nunc illi, mox alteri flosculo osculum figunt, nihilominus mel optimum colligere, ac favum construere longe dulcissimum. Verum nosse hos oportet, animalcula isthæc hanc mellificandi rationem a natura magistra doceri: At homines literati ac docti fiunt per artem, quam rem longiori temporis spatio, & majori laboris impendio, quam id quod natura dictante fit, indigere in omnibus videmus. Est & alia in docendo non minus noxia libertas, dum quibusdam in regionibus passim ac  
sine

sine delectu docendi munus, & Collegia ut vocant privata & domestica aperiendi facultas conceditur, ita ut scholæ hujusmodi sint quasi tabernæ, ubi hedera exponitur pro optimo, ut jactant, vino vendendo. Prætenditur speciosus titulus æmulationis accendendæ, ac præstantium Professorum plantarii constituendi, dum quis alterum & doctrinæ fama, & auditorum numero superare conatur. Sed re ipsa ut plurimum nonnisi gravium discordiarum tum inter Professores, tum inter discipulos seminarium hoc esse solet, dum unus alterius doctrinam deprimere, suam extollere nititur: interea scholæ publicæ jacent, & Academiarum majestas attenuatur: non tam attenditur, quid solidi cibi adponatur, quam quid juventuti placeat: placent autem huic heteroclitæ opiniones, ostentatio antiquitatis obsoletæ, temerariæ sententiæ, historiæ multo sale in religionem ac sacerdotium conspersæ: ultima cura veritatis, cujuscumque inveniendæ, ac communicandæ gloriæ intolerabili fastu sibi solis arrogant. Qui hac ratione plus famæ apud juvenes rerum inexpertes, & quo hæc omnia tendant, ignaros adipiscitur, pluresque ad se auditores trahit, majus etiam ac ingens sæpe minerval exigit ab iis, quibus foret

foret salubrius ignorantiam ejusmodi doctrinarum magna etiam pecunia redimere.

XXIX.

Alterum genus detrimentorum sunt quædam animi vitia, quæ uti hominibus literarum studiosis maxime insidiantur, ita ab illis, si vere docti esse ac haberi velint, magna circumspectione sunt vitanda. Ejusmodi est mentis quædam elatio, quæ non paucos inflat, & ad ea tentanda stimulat, quæ ipsorum ingenii vires excedunt, quique cum laude fuissent versati in bonis artibus, si cum aurea mediocritate stetitissent contenti: sed dum solis currum cum Phaethonte, ausi sunt conscendere, cum ignominia omni nominis sui ac doctrinæ fama exciderunt. Sunt qui ad Grammaticam, Poesin, Historiam velut nati videntur; at Philosophi quoque, Mathematici, Theologi volunt haberi, quum has scientias vix de nomine quidem norint. Unde fit, ut dum multa de his inepte loquuntur, multa perperam scribunt, merito a rerum intelligentibus rideantur. Non paucos etiam novum quid inveniendi gloria transversum agit, qui aliorum terere vestigia dedignantur, sed vel antiqua novis vestibus induta, vel certe talia proferunt, quæ ætatem non ferunt,

ferunt, fungis similia, qui intra noctem crescunt, & cito dispereunt. Est equidem res in literario regno laude dignissima, novis inveniendis studere, quum plurima sint, quæ Veteres ignorarunt, & a nostris detecta fuerunt, & adhuc multa sint, quæ nos quoque latent, sed a posteris nostris in apricum proferentur. Verum ad hoc studium nemo accedere debet, qui non acri ingenio, indefessa industria, & ad superandas difficultates, quæ contra possunt occurrere, maxima perspicientia est obarmatus, ne medio in cursu navis destituta ventis in sabulo hæreat. Aliud vitium est, quod Græci *Φιλαντίαν*, Latini Philautiam vocant, quo morbo laborant, qui de magna sibi doctrina suspecti, quidquid ipsi e cathedra pronunciant, quidquid scribunt, aureæ ætatis partus esse credunt, aliorum vero doctos labores ad æneam & ferream regerunt. Hi doctrinæ suæ arbitrium ad famam plebis deferunt, & assentatores quærunt, qui plenis buccis eorum eruditionem quaquaversum promulgent, epigrammatibus, rhythmis altum sonantibus ad omnes civitatis angulos adfixis celebrent, & thura ferant semideum horum aris. Nec desunt ut plurimum parasiti, quibus infra utilitatem amicitia est, quique literatos hos Proceres  
ubi-



ubique comitantur, ubique adplaudunt. Vitium hoc eo nocentius est, quo latius se se propagat, ita ut multi vel ingenio debiles, vel similem ore aperto fumum captantes verum ac sincerum literarum cultum negligant, distortas de scientiis ideas imbibant, ac masculæ eruditionis gustum omnem perdant.

XXX.

Tertio loco venit memorandum id, quod quidem inter adjumenta literarum posui, sed per abusum non raro in detrimentum degenerare solet, nempe indiscreta, & vaga, aut nimis curiosa, minusque cauta librorum lectio: Primo modo, si sine delectu instituatur, & ab uno ad alterum argumentum absque ulla mora & animadversione pergatur, multa quidem leguntur, sed non multum: rerum copia obruitur memoria, nec ordo ille, partium nexus & harmonia, qua artes, ac scientiæ gaudent, ipsumque adeo artificium unquam addiscitur, sed chaos quoddam ac indigesta moles animo inhæret, nunquam ad maturitatem perventura. Unde fit, ut fragmenta solum disciplinæ alicujus colligamus, nullo autem tempore ipsam perspiciamus integram œconomiam. Observare hoc grande vi-

BIBLIOTH. DOMEST. LIB. I. M tium

tium licet in multis scriptoribus, qui de arte aut scientia quadam, aliove argumento copiose quidem differunt, multaque erudita inspergunt, sed parum ordinate, sine partium symmetria, absque debita divisione, absque legitimis probationibus & conclusionum nexu fluxuque, ita ut sub finem lector ubique sparsa membra intueatur, nullibi vero corpus inveniat: Secundo modo, si libri ab incertis auctoribus, sine censura publica ad probatione, sine anno, die, ac consule, aut palam ab heterodoxis & heterodoxe scripti a rerum & artium occultarum in inexpertis, maxime a juvenibus legantur. Deploranda res est, videre tot libros per Imperium, per regna, per civitates impune ac sine fræno quasi circumvolitantes, qui sub specioso eruditionis comparandæ, aut certæ cujusdam disciplinæ tradendæ titulo principia atheismi, dogmata Machiavelli, politicas artes humano divinoque juri repugnantes, historias vel potius fabulas ad odium & contemptum adversus Sanctam Sedem, & Ecclesiasticum regimen, ac leges Canonicas instillandum affabre compositas, calumnias & criminationes falsissimas Deo sacrarum personarum, & de Christiana republica optime meritarum, ipsi juri naturæ summe adver-

san-

santes, & veluti per otium non raro a vilissimis Rhyparographis insperfas continent. Venenum autem præsentissimum tegitur sermonis elegantia: siquidem hoc tempore tam concinne texuntur omnia, tam fluidis verbis, tam bene collocatis, tamque blandis & ad delectandum animum idoneis, ut nihil sit adeo falsum, quod non veri speciem induat. Nihil sane istis magis noxium, nihil magis injurium accidere potest tum ipsis scientiis, sub quarum pallio in publicum prodeunt, tum veræ Religioni, quæ scientiarum scientia est. Et tamen si pro merito castigentur, si prohibeantur & damnentur, concurritur, conclamatur, obstrui fontes sinceræ doctrinæ, opprimi libertatem veræ scribendi, eripi e manibus eruditionis thesauros, & ignorantix secula postliminio revocari. Divini Platonis hac in re jam olim regula & lex erat, *noxam reipublicæ reputandam esse, si sine seniorum censura libri vel carmina in publicam lucem prodirent.* Quos obsecro bonarum artium & scientiarum fructus ex ejusmodi cariosis arboribus decerpandos, quam limpidas doctrinæ aquas ex infectis adeo fontibus hauriendas esse credimus aut speramus? At dicunt, utiliter legi posse ejusmodi libros, promendo duntaxat nucleum sanæ doctrinæ, reliqua parerga mi-

nus casta & sobria velut nucum crustas abjiciendo aut certe contemnendo. Sed quinam sunt, qui hæc dicunt? Homines Catholici: utique. Sed qui plerumque jam proni sunt ad libertatem in religionis & morum negotio, qui jam gustum quemdam corruptum de rebus ad Ecclesiasticam disciplinam & forum pertinentibus circumferunt, quique eorum e numero sunt, de quibus Poeta canit:

*Video meliora proboque,  
Deteriora sequor.*

Contingere cum ejusmodi libris solet, quod cum cibus: adponitur quoddam ferculum bene conditum, & palato gratissimum, quod tamen stomacho male affecto noxium esse non ignoratur. Aspicitur bis terve, gustatur parum, quia *parum veneni non nocet*: rursus parum & denuo parum, donec tandem pene totum absumatur. Interea parum hoc veneni in viscera grassatur, & morbus præ foribus stat, non sine sanitatis aut vitæ perdendæ periculo. Abstinentum erat statim initio, dicendumque: *tanti pœnitere non amo*.

### XXXI.

Quartum denique detrimentum omnium gravissimum, cujus discrimini artium & scien-

ſcientiarum ſtudio præcipue in Academiis & Lyceis majoribus ſtat expoſitum, eſt neglectus diſciplinæ ac virtutis. Sunt quidem nonnulli, qui magnæ doctrinæ cum magna religione, ac literis cum virtutis ſtudio non bene convenire exiſtimant, quorum rationes non abs re futurum eſſe exiſtimo, ſi breviter heic expendam. Primam adferunt, quia ſcilicet magna doctrina rigorem aliquem ad ea, quæ religionis ſunt, inducere videtur. Quippe animus a ſtudiis profanis laſſus torporem, & ut ita dicam, frigus periculolum contrahit, quo divinarum rerum ſenſus paulatim extinguitur: non ſapiunt preces & officia pietatis, non cœleſtium ſeria meditatio, quum ab his dulcedine ſublimium cogitationum, & curioſa indagatione arcanorum naturæ mens continuo abſtrahatur. Altera eſt, quia animi elationem & faſtum creat, teſte Apoſtolo: *Scientia inflat.* Nam homines docti ſapientiæ ſuæ teſtimonio ſupra cæteros eveſti alios mediocriſ minervæ facile deſpiciunt velut longe infra ſe poſitos; & dum illis adplauditur, ſemideorum choro ſe immiſcent: verbo: ſibi ſunt omnia. Tertia demum, quia viam aperit non raro ad *Indifferentiſmum* ut adpellant, quod ſane in Rotterodamo, Cardano &c.

jam olim observarunt aliqui, & recentiora habemus exempla in quibusdam heterodoxorum, quos *fortes literarum spiritus* vocant, quorum dogmata & placita, quæ in libris suis venditant, nullius eos esse religionis palam faciunt, ut in libro de Jurisprudencia apertius dicam. Verum facilis est ad hæc responsio. Primo enim, dum homines docti plurimum diei tempus ad studia conferunt, vivunt remoti a deliciis & voluptatibus, quæ vel maxime officiunt veræ religioni ac virtutum exercitationi: & quo plura sciunt, eo melius animum ad auctorem bonorum omnium ac sapientiæ fontem Deum elevant. Certe ut eos solum honorifice compellem, qui encyclopædiam coluerunt, videre est Lipsium, Caussinum, Petavium, Sirmondum, Calmetum, Gretserum, Mabillonium, homines religiosissimos simul, doctissimosque. Dein superbia & fastu laborant duntaxat illi, qui semidocti & scioli sunt. Vere sapientes dum velut emenso aliquot dierum maritimo itinere semper eundem ante se vastissimum scientiarum oceanum adhuc superandum intuentur, facile vela contrahunt, nec tam iis gloriantur, quæ didicerunt, quam ad ea, quæ discenda supersunt, anhelant. Legimus Lipsium gentilitio scuto suo hanc inseruisse epigraphen:

phen: *Virtute & modestia*. Denique nihil ab *Indifferentismo* vel *Atheismo* apud scientiarum simul ac virtutis studiosos timendum. Hæc enim religionis monstra non a literis, sed amoribus flagitiosis apud eos, qui rationis regimen illecebris & voluptatibus subverterunt, nascuntur. Sobria doctrina potius rationi facem præfert, & per mundi hujus tenebras ad ultimum finem suum, ad Deum recta deducit. Quod si contra spem accidat, ut in Athenæis virtus & scientia detrimentum patiantur, magna & præcipua culpæ pars in disciplinæ publicæ neglectum recidit. In illis, quæ sapientissimi Academiarum & Gymnasiorum conditores præscripserunt, Statutis non paucos reperire licet articulos de morum honestate, vitæque totius probitate, quam gravissimis verbis inculcant & scholas frequentantibus, ut observent, & scholiarchis, ut observari faciant. Unum duntaxat, sed conspicuum hujus rei testimonium adduco: De Academiæ Romanæ seu Archigymnasii disciplina & legibus ita loquitur scriptor recens Josephus Carafa (k): „Singulis annis, ait, die 18. „Octobris, quæ S. Lucæ festiva est, ex „antiquissimo more conveniunt in Gymnasium Professores, Rector, Advocati- „que

(k) In *Lib. cit. de Gymn. Rom.* c. 10.

„ que Consistoriales, & sacro celebrato  
 „ legitur e pulpito catalogus Professorum,  
 „ & Edictum Rectoris pro recta studiorum  
 „ ordinatione. Hujus Edicti summa hæc  
 „ est: I. ut singulis diebus cum lectiones  
 „ habentur, celebretur Sacrum in Ecclesia  
 „ Gymnasii, ut ei Professores auditores-  
 „ que interesse possint. II. Monet &  
 „ hortatur Professores auditoresque, ut  
 „ Eucharisticam mensam frequenter adeant,  
 „ atque honeste vivant. III. Jubet in  
 „ scholis totoque Gymnasio universos mo-  
 „ deste, urbane, liberaliterque se gerere,  
 „ præsertim vero a discipulis coli Institu-  
 „ tores. IV. Arcet prohibetque a toto  
 „ Gymnasio ludos omnes, clamores, scom-  
 „ mata, & alia hujus generis, quæ non  
 „ decent loci majestatem. V. Pariter  
 „ vetat armis cujusvis generis munitos  
 „ scholas adire, & mutuis conviciis vel  
 „ ictibus contendere, sive decertare. VI.  
 „ Ne perditæ adolescentæ violent Gymnasii  
 „ sanctitatem, mandat ut nullis liberum sit  
 „ ad Jurium vel Medicinæ studia se confer-  
 „ re, nisi a Rectore veniam impetraverint.  
 „ VII. ut inferiores Gymnasii Ministri ca-  
 „ veant studeantque, ne Professores a  
 „ scholis habendis perturbentur, & ne  
 „ quid sit in Gymnasio indignum, inhone-  
 „ stumque. VIII. ut ne illorum ædes aliis  
 „ lo-



„ locentur, vel vacationum tempore scho-  
„ læ aliis uſibus occupentur. IX. ut qui  
„ violaverint hæc ſtatuta, pœnis ſint af-  
„ ficiendi. X. ut Profefſores ſtatis diebus  
„ & horis non deſint officio ſuo, hortatur  
„ atque mandat. XI. Qui vero deſuerint,  
„ eos ſtatuit puniendos, detracta ſalarii  
„ parte. XII. puniendos quoque decernit  
„ Profefſores, qui nec ſeptem habeant  
„ Auditores. XIII. Quæ omnia ut perſpē-  
„ cta ei ſint, jubet Bidellum ſingulis ho-  
„ ris circumire ſcholas omnes, atque ne-  
„ gligentes inutilesque Profefſores Rectori  
„ indicare. XIV. Edicit, ex ægra valetudi-  
„ ne duntaxat fas eſſe Profefſoribus a ſcholiſ  
„ abeſſe, non vero ex aliis officiis, negotiis-  
„ que, quibus non debuiffent ſe ſe implica-  
„ re. XV. Fas non eſſe Profefſori impedito  
„ vices ſuas alteri demandare, cum id ſpe-  
„ ctet ad Rectorem. XVI. Denique indiſtis  
„ pœnis mandat, ne quis in Urbe ſive priva-  
„ tim, ſive publice ludum literarium inſti-  
„ tuat. Non minus aliæ per Europam Aca-  
„ demix Catholicæ pro diverſitate locorum ac  
„ regionum ſaluberrimas de moribus leges ha-  
„ bent præſcriptas, quibus nocturnæ evagation-  
„ nes, computationes, luſus pernicioſi, ſuſpectæ  
„ domus &c. graviffime interdiciuntur. Ubi  
„ Societas Jeſu Academia regimen obtinet,  
„ tenentur etiam diſcipuli omnes ſingulis die-

bus adfistere sacro, Dominicis Concioni, atque ab hospitiiis frequentandis, & gladiatorum usu abstinere: Gymnasia vero his perpetuis legibus gubernantur (1): „I. Qui „discendi causa Societatis Jesu Gymnasia frequentant, intelligant, Deo „juvante non minus curatum iri pro viribus, ut pietate, cæterisque virtutibus, „quam ut ingenuis artibus imbuantur. „II. Eam quisque classem frequentabit, „quæ illi post examen a Præfecto fuerit „adsignata. III. Singulis saltem mensibus „omnes peccata confiteantur, ac Missæ „sacrificio quotidie constituta hora, Concioni vero diebus festis decenter intersint. IV. Explicationi Catechismi singulis habdomadis omnes intersint, ejusque compendium ediscant, ut a Magistris fuerit constitutum. V. Nemo ex nostris discipulis gymnasium cum armis, gladiolis, cultris, aut aliis ejusmodi, quæ pro locis & temporibus interdicta fuerint, ingrediatur. VI. Abstineant omnino a jurejurando, a contumeliis, ab injuriis, detractionibus, mendaciis, & ludis vetitis, a locis etiam noxiis, vel a Præfecto scholarum interdictis, denique a rebus omnibus, quæ morum honestati adversentur. VII. Intelligant, „in

(1) *Instit. S. J. de Rat. Stud.*

„ in iis, quæ ad mores ac studia bona-  
„ rum artium spectant, cum præcepta,  
„ sive admonitiones, minus proderunt,  
„ Magistros correctoris opera in ipsis pu-  
„ niendis usuros: qui aut pœnas recusa-  
„ rint, aut spem emendationis non osten-  
„ derint, aut cæteris molesti, sive exem-  
„ plo suo perniciosi fuerint, sciant se ex  
„ nostris scholis esse dimittendos. VIII.  
„ Omnes suis quibusque Magistris obtem-  
„ perent; rationem vero studendi ab illis,  
„ præscriptam tum in scholis, tum domi,  
„ quam diligentissime servant. IX. Serio  
„ animum ad studia & constanter adjiciant:  
„ sint in scholis mature frequentandis as-  
„ fidui, in audiendis & recolendis præle-  
„ ctionibus, cæterisque obeundis exerci-  
„ tiis diligentes. Quod si quid minus asse-  
„ quantur, aut si quid dubitent, Magistrum  
„ consulant. X. In scholis ne hac illac diva-  
„ gentur; sed in suis quisque subselliis locis-  
„ que, modeste ac silentio, sibi ac rebus suis  
„ intenti sint; neque schola egrediantur, nisi  
„ facta a Magistro exeundi potestate. Ne sca-  
„ mna, cathedram, sellas, parietes, januas,  
„ fenestras, neque aliud quidpiam pingendo,  
„ scribendo, scalpello, aliave ratione detur-  
„ pent, seu notent. XI. Pravas aut etiam su-  
„ spectas aliorum conversationes fugiant;  
„ cum iis tantummodo versentur, quorum  
„ exem-

„ exemplo & consuetudine in literarum  
 „ studio, virtutumque proficiant. XII.  
 „ A libris perniciosis & inutilibus legendis  
 „ abstineant. XIII. Neque ad publica  
 „ spectacula, comœdias, ludos; neque  
 „ ad supplicia reorum, nisi forte hæreti-  
 „ corum, eant; neque personam ullam  
 „ in externorum scenis agant, nisi data  
 „ prius a Magistris vel a Præfecto Gymna-  
 „ sii potestate. XIV. Sincerum animum  
 „ purumque conservare, ac divinis legi-  
 „ bus summa diligentia obtemperare ni-  
 „ tantur: Deo vero ac sanctissimæ Virgi-  
 „ ni Deiparæ, cæterisque sanctis, persæ-  
 „ pe atque ex animo se commendent:  
 „ Angelorum opem assidue, præcipue ve-  
 „ ro Angeli Custodis implorent. Mode-  
 „ stiam tum alibi semper, tum in templo  
 „ atque in schola potissimum servant. XV.  
 „ In rebus denique, atque actionibus  
 „ omnibus ita se gerant, ut facile quivis  
 „ intelligat, eos non minus virtutum, vitæ-  
 „ que integritatis esse, quam literarum do-  
 „ ctrinæque studiosos. „ Ut vero nihil in-  
 „ tentatum relinqueret Societas, quo bonos  
 „ mores & pietatem in superos (fortissima  
 „ literarum præsidia) tum in Gymnasiis tum  
 „ in Academiis promoveret, in utrisque Con-  
 „ gregationes seu sodalitates, quas vocant,  
 „ Marianas erexit, in quibus sabbatinis vel  
 Do-

Dominicis diebus Conventus instituuntur non solum ad excitandam in juvenum animis teneram erga Deiparentem devotionem, sed etiam ad vitæ vere Christianæ, ac rerum cœlestium principia & dogmata implantanda; quod institutum credi vix potest, quam potens sit juvenilis licentiæ frænum, estque a sede Apostolica amplissime confirmatum, multisque donis spiritualibus cumulatam, atque etiam a Maximis Principibus, qui ejusmodi sodalitiis nomina sua dant, eorumque membra esse non dedignantur, condecoratum. Patet igitur, quanta cura, quantoque studio & Conditores primi, & Majores Nostri literarum cum virtute consortium stabilire contenderint. Jam vero si tam sancte institutarum rerum disciplina negligatur, si vel Patrumfamilias vel Rectorum oscitantia juvenes Academici in media libertatis aura de nocte per plateas vagari, quærere latibula, frequentare domos, quorum Lares sunt Cupido & Venus: de die lufui, computationi, otio, furtivis amoribus indulgere, verbo, saluberrima scholarum statuta impune transgredi permittantur (id quod sub prætexto tuendæ libertatis ac multiplicandæ gentis Academicæ, re ipsa turpis lucri, utpote quod e maleficio trahitur, cupiditate non raro fit)

fit) si inquam ista impune fieri permittantur, quantum non bonarum artium ac scientiarum studio detrimentum inde enascitur? Juventutis Romæ luxus, & Athenis mollities, ubi cœpit invalescere, utriusque Reipublicæ ruinam post se traxit, & exauthorata rigida illa veteri disciplina tum bellica fortitudo, tum literarum fama utrobique evanuit, atque barbaries successit.



## CAPUT IV.

### INGENIORUM RATIO HABENDA IN ARTIBUS ET SCIENTIIS.

#### §. I.

#### *Cultura Ingeniorum.*

#### XXXII.

**A**nte omnia nosse oportet, quid rei sit ingenium, quod unum e præcipuis cœli donis est, & solius naturæ humanæ dos incomparabilis. Fuerunt, qui animum & ingenium eandem rem esse contenderunt; sed hi procul a veritate aberrarunt.

rarunt. Est enim animus seu spiritus ille, qui animat corpus humanum, in omnibus æqualis, nec unus in parvo corpore minor, alter in magno major, neque perfectior in viro vel sene, quam in infante vel puero, uti melior docet Philosophia. Contra vero quis inficiari ausit, in uno homine majus residere, capacius, & sublimius ingenium, quam in altero? Eadem in Græcia fuerunt Bæoti Ætolique homines stupidi, & Athenienses omni scientiarum genere exculti: atque etiamnum famosus ille murus intercedit inter Tartaros gentem barbaram, & Chineses nationem politissimam. Itaque animus est veluti officina, & ingenium est facultas hujus officinæ, seu indoles, qua aut facile aut difficulter artes ac scientiæ addiscuntur. Hæc autem indoles seu facultas plurimum pendet tum a structura cerebri, ejusque vasorum, per quæ spiritus animales ad id feruntur & libere commeant, tum a temperie vel intemperie humorum, quam *temperamentum* seu corporis *constitutionem* Medici vocant; quamvis negari haud possit, non raro ab altiore principio hanc indolem repetendam esse. Certe experientia docet, e humili quoque casa, & sordido rure sublimia prodiisse ingenia, & ut Poeta canit:

*Magnos*

*Magnos posse viros, & magna exempla  
daturus*

*Vervecum e patria, crassoque sub aere  
nasci.*

Cætera ingens diversitas est ingeniorum non minus, quam facierum humanarum, in quibus tot inter myriades vix erit invenire omnia membra, lineamenta, proportionem ac symmetriam, ita conformata, ut nullum omnino discrimen unius ab altero deprehendi queat. Aristoteles (m) duplicis generis statuit ingenia: alia quæ a natura bene formata sunt, hæcque partitur in *ἐὐφῆν* seu vivida, & in *στάσιμα* seu stabilia: alia quæ male, in *μανία* & in *ωδῆα*, quibus nempe nimia vel mobilitas furorem, vel stabilitas stuporem inducit, illustratque rem exemplo: ita, inquit, Alcibiadis & Dionysii Majoris, hominum vivo prorsus ingenio præditorum, posteros in *μανίαις* seu furiosos, Socratis vero & Cimonis, Stoicorum fixa indole gaudentium, nepotes in *ωδῆαις* sive stupidos degenerasse. Ex hoc duplici genere oriuntur variæ ingeniorum species: quædam sunt *præcocia*, quæ solito citius velut propitio sole excoquantur: quædam *serotina*, quæ tardis passibus ad maturitatem perveniunt: alia *felicia*, quæ  
sine

(m) *Lib. 2. Rhetor.*



sine magno labore adsequuntur quodvis  
literarum genus, cui serio se se adplicant.  
Tale ingenium in Poetica nactus est Ovi-  
dus, ut ipse fatetur:

*Sponte veniunt ad carmina Musæ;  
Quidquid conabar dicere versus erat.*

*Infelicia* alia, quorum conatibus neuti-  
quam respondet fructus, quæque semper  
contrarios in sua navigatione ventos ex-  
periuntur. De his Horatius (n):

*Tu nihil invita dices faciesve Minerva.*

*Aliqua velocia*, quæ moras non patiuntur,  
& celeri volatu ad sublimia tendunt: ali-  
qua *tarda*, quæ numeratis passibus, &  
nonnisi de gradu ad gradum eundo ad di-  
sciplinæ alicujus limine perveniunt. Quæ-  
dam demum *acuta*, quæ instar cunei ad  
interiorem penetrant scientiarum medul-  
lam: quædam *obtusa*, quæ repetitis etiam  
ictibus ultra corticem non pervadunt.  
Verum ne apices rerum potius, quam  
res ipsas sectari videar, ex his tam mul-  
tiplicibus tres potissimum classes ingenio-  
rum distinguo, ad quas reliqua omnia re-  
vocari facile possunt; quarum primam in-  
genia magna & sublimia, alteram medio-  
cria, tertiam exigua & humilia consti-

(n) *De Art. Poetic.* tuunt.

tuunt. De his antequam pluribus agam, in causas hujus, quæ inter ingenia intercedit, diversitatis indagandum esse videtur. Plato tres præcipue assignat (o): *humanam* scilicet, *naturalem*, & *divinam*, ut ipse vocat, seu cœlestem. Ad *humanam* pertinet educatio, consuetudo, & lex. Videmus enim quotidie, eorum qui ruri nascuntur, ingenia rus olere, sylvestre aliquid & incultum præferre, nec ultra stivam sapere: proles vero, quæ in nobilium parentum sinu educantur, etiam nobile quid spirare, atque ingenia polita, magnarumque rerum capacia secum circumferre. Magnam quoque vim exercet consuetudo, altera natura. Si pueri a teneris assuefiant parandæ rerum & causarum cognitioni, exercendæ memoriæ, judicio quantulocunque demum de singulis formando, næ hi magnas cum tempore in sapientiæ studio progressionem promittunt. Si parentes industrii sunt, etiam filii non erunt segnes. Nam

*Above majori discit arare minor.*

Quodsi demum bene morata, & legibus salutaribus munita sit civitas vel respublica, prodibit etiam bene morata, & quibusvis artibus atque scientiis addiscendis par

(o) *Dialog. 5. de Legibus.*

par juvenus: Porro ad *naturalem* ingeniorum causam refertur elementorum, alimentorum & totius temperamenti diversitas. Certe acuta & solertia fuerunt Atheniensibus ingenia; retusa vero & hebetiora Thebanis, quod discrimen scriptores acri puro & tenui, quo gaudebat priorum patria, crasso autem & pingui, quo utebantur posteriores, adtribuerunt. Quod de elementis, idem dicendum de alimentis, utpote quæ ex elementis composita eorum quoque naturam induunt, ita ut alia calefaciant, alia refrigerent, humectent alia, alia exsiccent, atque ita diversis modis cerebrum ingenii sedem adficient. Plurimum vero ad ingeniorum varietatem confert temperies vel intemperies humorum: apud quos sanguis dominatur præ reliquis, illi vivaces sunt, semperque excitati ad cogitandum, sed etiam instabiles: apud quos cholera, ii veloces & penetrantes in rimandis naturæ arcanis, sed simul audaces & animi perturbationibus obnoxii: apud quos phlegma, isti segnes & lenti: apud quos melancholia, hi tardi quidem sunt, sed etiam firmi & stabiles in suis opinionibus. Optimum communi fere suffragio ad ingenium & studia temperamentum esse censetur melancholico-sanguineum, ubi sanguis

196 *Cap. IV. Ingeniorum ratio*

spiritus & vitam menti subministrat, melancholia vero ingenium figit, & in suis operationibus stabile reddit. Tertia denique caussa, quam Plato pro ingeniorum diversitate adsignat, *est divina* pendens a sideribus, & ut ait, a potestatibus Angelorum, seu Geniorum. Quodsi Plato per hæc verba innuere duntaxat voluerit, sidera vim quandam, quam *influxum* adpellant Philosophi, sicut in voluntatem & mores hominum, ita etiam in intellectum & ingenium exercere inclinando & excitando, nihil a veritate alienum dicere videtur. Novimus enim (ut de sole tantum loquar, astrorum principe) novimus inquam, velociora esse ingenia vividioraque hominum illorum, qui calidioribus in regionibus, quæ solem in meridie plus vertici sui incumbentem habent, nascuntur: contra vero illorum, qui septentrioni viciniore sunt, aspera & tarda. Rursus nationes quæ plagas orientales incolunt, polito, miti ac placido, qui vero occidentales gravi & profundo ingenio pollere videmus, uti Sineses & Hispanos. Si vero intelligat, vim aliquam dominantem ac cogentem inesse astris, eorumque Rectoribus Angelis, (uti Veteres credebant) ita ut cuivis planetarum certa ingeniorum indoles respondeat, res est palam superstitio-

stitiosa, nec Platoni, quantumvis divino, hac in re adfentiendum est, sed potius Augustino, aperte hoc falsum esse demonstranti in Jacob & Esau, qui tam diversi erant genii ac ingenii, licet sub iisdem sideribus, eodemque temporis quasi momento nati sint.

Jam vero, quum adeo varia sint procausarum, locorum, & temporum varietate ingenia, nec plerumque eorum conditio & habitudo frontibus inscripta circumferatur, sed non raro intimis in penetralibus abscondita lateat, idcirco sapientum omnium, qui juvenum institutioni operam dabant, prima semper & præcipua cura fuit explorandi eorum ingenia, & ad lydium lapidem probandi. Profecto *eminentissimum supra reliquos magistratum esse instituendum* Plato (o) existimavit, *ad quem ingenia examinanda (præsertim puerorum & adolescentum) adducerentur.* Immo Aristoteles non magnum duntaxat, sed totum Reipublicæ bonum in hac re positum esse asseruit. Quod verbis commendebant, id etiam factis comprobaverunt Veteres Philosophi. Quippe priusquam discipulos in scholas suas, atque ad altiores disciplinas admitterent adolescentes, quam di-

diligentissime severissimeque eorum ingenia velut in statera appendebant, perspecturi an debitum ad eas probe capiendas pondus adferrent. Pythagoræ solemne fuit, experimentum sumere de tyronibus, tum arithmeticae plena cognitione, tum indicto per quinquennium silentio, quibus in rebus si satisfecissent, tum demum eos discipulorum catalogo adscripsit. Platonem nullum in suam scholam recepit, si non prius in Mathematicæ elementis, quæ ingenii monstrant acumen, probe versatus fuisset. Socrates illos, qui ad se a parentibus vel cognatis adducebantur, suoque magisterio concrediti fuerunt, multis ac variis questionibus urgebat, ut ex responsis indolem cognosceret. Unde nota ejusdem gnome: *Adolescens loquere, ut te videam.* Illud præ cæteris ingenii probandi specimen, uti ex re nata & incogitatum, ita satis illustre fuit, quod Democritus Philosophus edidisse scribitur a Laertio (q). Ei forte fortuna obviam factus est Protagoras Abderites, puer etiamnum, qui ligna in fascem satis magnum scite composita, & geometrica quadam ratione librata humeris alacer gestabat, ac si omnis expertus oneris foret. Admiratus pueri dexteritatem Sophus fascem solvere, ac denuo com-

(q) *Lib. II. c. 7.*

componere jussit; quod quum Protagoras nihil cunctatus pari facilitate fecisset: *heus adolescens*, inquiebat Democritus, *quum ingenio valeas, me sequere, ut majora melioraque addiscas.* Atque hanc sane maximam in discipulorum auditorumque suorum delectu faciendo, explorandoque eorum ingenia curam, ut dixi, habuere Veteres, quæ si etiam nostris, ut fieri deberet, temporibus adhiberetur, nescio sane, an non variis in locis Gymnasiorum & Academiarum angustiores forent portæ, nec atria tam ampla: & exercitus decimatis legionibus ac remotis impedimentis contractior adpareret, imminuto quidem numero, sed aucto robore. Sunt quidem, qui Gymnasia & Academias fluminibus ac fontibus comparant, quorum aquæ sunt communes: unde cum Nasone conqueruntur:

*Quid prohibetis aquas? usus communis  
aquarum est.*

Sed non advertunt ad necessitatem ineluctabilem, quæ communes facit fluminum ac fontium aquas, utpote e quibus non solum hominibus, sed & asinis ac bobus, & hircis potus quotidianus subministrari debet. Malim ego aptius atque honestius publicas scholas & Athenza comparare cum templis & aris, ad quæ non omni-

bus patet aditus. Nam quemadmodum Ecclesia ab aris omnes fœminas, & mares etiam quosdam abstinere jubet, quos animi vel corporis vitium, aut commissum crimen altaris ministerio sive indignos, sive ut loquuntur SS. Canones *irregulares* facit, ita a sapientiæ templo velut profani arcendi sunt aliqui, quibus natura noverca ingenium, & honeste se sustentandi facultatem negavit, aut qui pravis moribus bonæ juventutis educationi, scholarumque famæ obesse possunt. Quapropter ut paucis dicam, neutiquam induci expedit in Gymnasia & Academias velut in campos Elysios, nisi quos Æacus, Minos, & Rhadamanthus, id est, plurium Doctorum haud suspectum judicium prius probe excusserit. Sed quod dolendum, hanc seu legem, seu utilissimum reipublicæ consilium non raro vel parentum, qui liberos suos e truncis Mercurios sculpi volunt, importunæ & vix non armatæ preces, vel Procerum patrocinia inconsulta evertunt, ut Magistris & Rectoribus non liceat, quod decet ac prodest.

## XXXIII.

Stabilita semel ingeniorum explorandorum necessitate, ac delectus faciendi utilitate, geminæ ulterius magni momenti quæ-



quæstiones occurrunt, quæ ad curam ingeniorum practicam pertinent. Prima est, quænam huic vel illi disciplinæ apta sint, & veluti ab ipsa natura rite accommodata? qua in re mihi multum probatur Joannis Huartes sententia, quam in libro de ingeniorum examine (r) pluribus exponit, licet in aliis quibusdam non parum hallucinetur, uti dum naturæ leges præscribere, & satis heteroclite multis ostendere conatur, qua ratione parentes liberos sapientes ac ingeniosos procreare possint. Igitur eos, qui memoria valent, Grammaticæ, Arithmeticæ, historiæ, studio legum theorico ac Theologiæ *positivæ* non parum idoneos esse pronunciat; cujus rei ratio mihi esse videtur, quod hæ disciplinæ præ cæteris tenacem, fidelem, ac promptam ad præcepta & leges, ad numeros, ad sententias S. Scripturæ ac Patrum, ad majorum facta memoriam requirunt. Illis vero, qui intellectu præstant, Dialecticam, Philosophiam naturalem ac moralem, Jurisprudentiam practicam, Astronomiam, Medicinam theoricam, & Theologiam speculativam convenire censet. Nam hæ scientiæ aciem ingenii penetrantem, subtiles ratiocinationes, ac maturum judicium exigunt. Qui  
vero

vero recte cogitandi virtute ac bonas ideas formandi pollent, hos in omnibus illis artibus & scientiis, quæ ad figuras, ad symmetriam & proportionem, ad harmoniam spectant, ut est Poesis, Eloquencia, Musica, Medicina practica, Mathematicis, reipublicæ administratio, ars pingendi, ars militaris &c. multum profecturos esse existimat, nec absque causa ut opinor, quoniam in cunctis istis forti, clara, & nobili quadam imaginandi vi opus est, simul ac habilitate viva & splendida, rerum animo conceptarum imagines tam verbis tum scriptis exprimendi. Hæc ex Huarte eo libentius adtuli, quo plus luminis subministrant cuivis de suo studiorum cursu recte instituendo, videlicet, ut præ reliquis illi disciplinarum generi animum suum toto conatu adplicet, ad quod sufficientibus, aut omnino præclaris ingenii facultatibus, & dotibus eidem scientiæ propriis (seu sint memoriæ seu intellectus seu imaginationis) a natura ejusque Auctore instructum se se agnoscit. Nihilominus fatendum est, paucos esse ea solertia, ut ingenii sui indolem veluti venando deprehendere possint, aut certe serius, quam oportet, postquam scilicet bona vel melior juventutis pars studiis transacta jam est, & maturior ætas successit. Dein obstat

stat plerumque *Φιλαντία* seu insita quædam de rebus nostris blandiens opinio; quæ mentis lumen ad rectum iudicium de nobis ipsis ferendum obscurat, vel omnino extinguit. Præstat igitur id fieri a bonis ac expertis Magistris sub ipsam statim adolescentiam, & primam studiorum auroram; cuius rei variæ viæ sunt, quibus ingeniorum virtus & facultates explorari possunt: universim illud statuere licet, indicia esse magnæ ad literas capacitatis, magnique cum tempore profectus: 1. *facile percipere quæ traduntur.* 2. *fideliter illa retinere.* 3. *feliciter eadem imitari.* Altera quæstio est, qua ratione tractanda sint ingenia, postquam eorum virtus & valor satis exploratus perspectusque habetur. Dixi, universe tres esse ingeniorum classes, quædam magna & sublimia, quædam mediocria, alia exigua & humilia. De ultima classe res paucis absolvi potest: nimirum ii, quibus hebes ingenium est, & ex horreo nil nisi stramen prominet, vel non sunt admittendi, vel post aliquot conatus frustra adhibitos arcendi tanquam fuci ab apiario scientiarum, aut a sacris vulgus profanum. Si enim diutius in scholis tempus terere permittantur, fit, ut neque studiis neque opificiis amplius apti sint: otiosæ vitæ  
adsue-

adsuescant, atque ita reipublicæ prorsus inutiles, quin & noxii evadant. Quod si nobilitas obstat, quo minus mechanicis artibus admoveantur, curandum est, ut assiduitate laboris tenuem saltem & historicam scientiarum notitiam sibi comparent, & quod præcipuum est, ingenii & doctrinæ inopiam vitæ ac morum honestate compensare studeant. Sic enim si non publicum bonum, ad minus privatum fructu ab his proveniente non carebit. Errant non raro parentes, ac pædagogi, qui vi ac verberibus extundere volunt profectum, quasi segetem repugnante solo sunt ejusmodi ingenia commiseratione potius digna, quam indignatione. Novimus quantam diligentiam, quantas curas Cicero impenderit ad imbuendum in scientiis Marcum filium; sed frustra. Fuit quidem Marcus Tullii filius, sed non hæres ingenii ac sapientiæ. Majoris moliminis res est, magna & sublimia ingenia excolere, utpote in quibus elaborandis jam ipsa natura omnem contulisse operam videri potest. Non autem heic mihi sermo est de iis ingeniis, quæ communis hominum conditionis limites transgrediuntur, & nonnisi post secula aliquot in orbe literato, velut in cælo novæ stellæ comparent: quale erat D. Augustino, vastissi-

mo

mo illi scientiarum omnium Oceano, & Pico Comiti Mirandulano, quem naturæ miraculum dixere: neque de illis, quæ divino magisterio per ardentissimas præces sollicitato potius, quam humano fuerunt erudita, quemadmodum de Salomone, de S. Thoma Doctore Angelico, & de Doctore Eximio Francisco Suarez legitur; de his inquam & similibus, si quæ sunt, ingeniis mihi sermo non est. Nam

*Ignæus est illis vigor, & cælestis origo.*  
Hæc relinquenda sunt spiritui, quo intus aguntur, & nonnisi ad excelsos volatus continuo impelluntur. Sunt alia ingenia quæ dixi, magna & sublimia, quibus præstans memoriæ vis, celeritas cogitandi, sagacitas inveniendi, facilitas sensa sua promendi, & quidam fulgor uti genuinis adamantibus inest. Quantumvis autem sint felicia, opus tamen habent quadam cultura, ne extra orbitam saltent, sed intra certos limites consistere adfuescant. Agri enim quo fecundiores sunt, eo peiores germinant frutices, si sibi relictæ cultura destituantur, aut non purgentur. Hinc Demetrius Phalareus teste Laertio (s) dicere solebat. *Hominum fastuosorum amputandam sublimitatem, sed relinquendam sobrietatem.*  
Ad.

(s) *Lib. 5. cap. 5.*

Admonendi sunt hi, atque urgendi, ut non se totos, suaque omnia confidant ingenio: ut a libris probatis ac magistris doctis leges & præcepta disciplinarum diligenter ac libenter excipiant, neque in sua studiorum ratione exleges esse velint: ut certum ordinem ac statum tempus studendi observent, nec promiscue legant libros, aut scribant solo mentis impetu ducti; ut & bene prius expendant, quæ lucubrant, & postea ad limam vocent, ut fecisse fertur Maro (ingenium utique sublime) qui uno calore quinquaginta versus profundere novit, sed ex his vix decem retinuit. Hæc de sublimibus ingeniis: ex quibus simul patet, ista plerumque non tam cultura, quam freno indigere. Nam ut Tullius prodit (t), Isocrates de duobus Auditoribus suis Theopompo & Ephoro, quorum prior erat acerrimi ingenii, alter lenis & tardi, dicere solebat: *se Ephoro calcaria adhibere, Theopompo autem frenos.*

Venio nunc ad mediam classem, seu ad ingenia mediocria, per quæ non intelligo ea, quæ natura novercam se præbente talia sunt, ut ad nihil grande ac præclarum in artibus & scientiis exurgere valeant, sed intra mediocritatis limites semper

(t) *De Clar. Orator.*

per hærere cogantur. Absit; sed illa intelligo, quæ non quidem suapte indole sunt excelsa, bona tamen memoria, nec modica cogitandi virtute, mediocri sagacitate ac vi penetrandi prædita, quæque accedente multa sedulitate, ac constanti cultura eo promoveri possunt, ut cuiusvis disciplinæ cum laude, atque etiam cum plausu addiscendæ tractandæque paria sint. Horum quum numerus sit ingens, valde exiguus autem sublimium, maxime ratio priorum habenda est. Habent sane ingenia magnam cum agris analogiam, uti pridem observavit Clemens Alexandrinus, qui ea *agros animatos* appellare non dubitavit, iisdemque fatiis & vicissitudinibus obnoxia esse ostendit. In quibusdam terra fertilis est ac felix solum, pronumque ad fruges ferendas, absque cultura operosiore; in aliis vero non ita fecunda tellus est, sed sterilior. Quodsi tamen assiduus labor accedat, subigendo terram, stercoreando, arando, occando, eradicando zizania, plerumque uberior messis suo tempore colligitur e posterioribus, quam e primis, ipso soli ingenio industriæ expensas cum fœnore velut red-dente: porro humani ingenii proportio ad scientiam aliquam est eadem, quæ tel-luris ad semen; non enim universim æqua-lis

lis est, & quamvis aliqua pinguis sit ac fertilis, excolenda tamen est, ac dispi-  
ciendum, cuinam semini sit aptior: deni-  
que tempus quoque idoneum sationi ex-  
spectandum, immo semen enatum expur-  
gandum, nullique labori parcendum, do-  
nec maturescat. Atque hæc fiunt quot  
annis a privatis hominibus lucri ac neces-  
sitatis gratia: cur non etiam boni publici  
gratia idem fiat cum ingeniis? Adjuvan-  
da sunt a Præceptoribus, Magistris & Pa-  
rentibus hæc ingenia nunc animando,  
nunc stimulando, atque ab uno ad alte-  
rum gradum promovendo, quum vel ma-  
xime in scientiarum & artium cultura ve-  
rum sit, *festinando lente* denique ad me-  
tam perveniri. Horum ingeniorum a  
pueritia tractandorum elegantem modu-  
lum suggerit Franciscus Wagnerus S. J.  
in suo libello, quem inscripsit *Crito*:  
„ Ubi, ait, se explicare coepit ratio, pri-  
„ mam auroram occupent literæ. Nar-  
„ rentur fabulæ, ad quas erecta stet inno-  
„ cens & utilis curiositas. Stimulentur  
„ juvenes laude: adplaudatur ipsis, si re-  
„ cte quid discant: in scholas mittantur,  
„ & omnis cura adhibeatur, ut nihil cu-  
„ rent, præter literas & mores: pædago-  
„ gus bonus constituatur: non mittantur  
„ in scholas tantum, ut domi quæta sint  
„ omnia,



„omnia, & post aliquod tempus despon-  
„sentur amatis, cum quibus operam  
„dent liberis &c. „ Quod autem præci-  
puum, in quo Præceptoris ac Magistri so-  
licitudo versari debet circa ejusmodi in-  
genia, est ut in lectione, scriptione, ac  
exercitatione animi constantia excitetur,  
constantia foveatur, constantia roboretur,  
utpote qua præsentēs & futuras difficulta-  
tes vinci necesse est. Sunt quædam juve-  
num ingenia celeria & agilia: in omnem  
partem scintillant, & acumen non mo-  
dicum produnt, quin & sales ac lepores  
spargere norunt. Hæc sunt ingenia, de  
quibus initio dixi, præcocia: sed rara est  
in illis constantia, nec quidquam æstiman-  
dum, nisi quod primo calore effunditur;  
id enim ingenium redolet. Cætera in  
quibus paullo major industria & labor re-  
quiritur, omnia languent, nec quidquam  
vitæ vel spiritus sentitur: dum contra in-  
genia tardiora quidem, sed quæ rebus se-  
mel cœptis pertinacius immorantur, ma-  
xime si sagacitas quædam animi consociata  
sit, priorum celeritatem facile antever-  
tunt. Atque hæc ingenia, si constantia,  
de qua dixi, accesserit, id est, assiduitas  
& exercitatio, profunda scientiarum & ar-  
tium penetrare solent, & in civilibus quo-  
que non sine consilio ac prudentia res ma-

210 *Cap. IV. Ingeniorum ratio*

ximas exantlare norunt, verbo, in omni doctrina palmam ferunt. Habemus illustria veritatis hujus exempla: Cleantes tardissimo erat ingenio præditus, quod tamen industria ac studio longo ita subegit, ut inter primos Græciæ Philosophos haberetur, dictus propterea *alter Hercules sapientiæ*. Non minus Demosthenes & pronunciandi difficultate & cogitandi cunctatione laborabat, gemino vitio Oratori sane fatali. Vicit tamen utrumque improbo labore, omnibusque Græciæ Oratoribus palmam præripuit. M. Cato perpetua exercitatione ita ingenium suum paullo asperius excoluit, *ut Livio teste (u) si arma sumpsisset, natum in armis crederes; si se ad studia convertit, inter literas educatum*. Divo Thomæ initio ingenium adeo hebes & ad studia ineptum esse videbatur, ut *Bovem* adpellarent Socii, sed postea, ut Albertus M. ejus præceptor prædixit, ad Bovis hujus clamorem, id est, doctrinam totus mundus obstupuit. Memoratu dignum est, quod de Baldo produnt scriptores, scilicet eum ætate jam provecta & inclinante ad Juris studium se se accinxisse; quapropter non deerant, qui falso eum convicio impeterent: *Sero nimis, inquebant, ad hæc stu-*

(u) *Decad. 4. lib. 1.*

*studia venis o Balde : sic nonnisi causarum in orbe altero eris patronus.* Sed nihil his territus in opere suscepto perrexit Baldus, & ita profecit, ut tanquam Juris Oraculum antea actis temporibus celebraretur. Neque silentio prætereundus S. Ignatius Lojola, qui jam grandævus addiscendis inter pueros linguæ latinæ elementis martios spiritus impendit, non tam eo consilio, ut sibi scientias & humaniores & severiores compararet, quam ut tot Collegiis & Seminariis, ubi omnis generis artes & scientiæ cum insigni emolumento docentur, ostium aperiret.

§. II.

*Moderamen Ingeniorum.*

XXXIV.

**N**on modica est disceptatio inter Politicos peritos, an regimen Reipublicæ, ubi liber est populus, an vero Imperium præstet, ubi supremo Moderatori populus servire cogitur. Multis præplacet libertas, pro qua tanquam pro aris & focis pugnant : aliis non displicet servitus, in qua si sapientem ut decet Gubernatorem nanciscuntur, subditi magna fruuntur pace ac tranquillitate. Nolim ego hanc litem vel ingredi vel decidere. De regno

literario illud pronunciare ausim, ingeniorum libertatem ei magis esse noxiam, quam servitutem. Libera quidem nascuntur hominum ingenia; etiam artes & scientiæ velut mare liberum sunt, per quod navigare ac mercimonium exercere cuivis impune licet: nihilominus moderatione opus est, ne in syrtes & scopulos impingant, & quo majora sunt ingenia, tanto graviora damna & sibi & reipublicæ inferant. Inprimis igitur ejusmodi, quamvis acie ingenii præstent, caveant magnopere, ne se immisceant illis, quæ fori sui non sunt, & de omnibus disciplinis, quarum multis nunquam, aut non serio studuerunt, judicium ferant, ac Dictatoris potestatem in eas sibi arrogent, pronunciantes audacter, omnia perperam agi, & despicientes cuncta, quæ sibi non probantur. Non paucos hoc ævo est reperire, qui post emensum magna cum festinatione Philosophiæ, ac Jurisprudentiæ, aut Theologiæ curriculum, vix adhuc prima lanugine tecti, vel Parentum importuna sollicitatione, vel Patronorum ope, non raro pecuniis empta, in reipublicæ seu sacræ seu profanæ munera involant, acceduntque tanta doctrinæ ac prudentiæ suæ opinione armati, quanta vix Nestores aut Agamemnones. Heic nova cudunt  
rerum

rerum gerendarum systemata, seniorum consilia spernunt, & Veterum principia, statuta, & mores magno judicio introductos susdeque vertunt cum maximo boni publici damno: verbo, soli sapere volunt. Hi si serius accessissent, solidioreque doctrina instructi, ad curias & negotia Viris exantlanda, puderet ipsos temeritatis suæ: respublica vero & religio grandi periculo liberaretur. Maxime vero in id incumbant, ne profanas manus injiciant in res sacras, in Traditiones antiquissimas, in ritus, ceremonias, Sanctorum cultum, & Ecclesiæ disciplinam. Multis & se & alios periculosis disceptationibus non sine piarum mentium offensione involvunt magna hæc cæteroque ingenia. Credi vix potest, quo audaciæ deducat ingenii sublimitas, si fræno careat. Certe Alphonsus Rex Castiliæ insigni illa, quam nactus est, Astronomiæ scientia atque peritia inflatus in impias voces prorupsisse auditus est: *Se si mundo condendo præsens fuisset, multa melius ac emendatius fuisse facturum.* Est & aliud vitium, cui non raro magna ingenia sunt obnoxia, scilicet pertinacia opinionum, quibus semel vel imbuti fuerunt percepta Magistrorum suorum doctrina, vel proprio studio, & primis quas conceperunt

ideis altius impressis se ipsos imbuerunt. Hi omnes idem sentire, idem probare pro imperio volunt, quod ipsi sentiunt, quodve probant. Nihil in Dialectica, in Physica, in Jurisprudencia, in Theologia recte geri credunt, aut aliam veram, immo ne quidem probabilem esse sententiam, præter suam suorumque Magistrorum. In horum, suaque verba jurare cunctos jubent; quod ni faciant, velut lepra infectos e synagoga & castris eji- ciunt. Duplex autem est hominum isto- rum genus: alii, qui novitatem omnem aspernantur, adeo pertinaciter veteribus adhærentes, ut si in aliquid neotericum forte incidant, extemplo metuant cum Judæis, ne contaminentur & immundi fiant. Non solum examinandis ejusmodi mercibus ex orbe novo adveclis operam dare recusant, sed ne quidem de illis au- dire aliquid sustinent: Nimirum quia, uti cecinit Flaccus (x).

*Nil rectum, nisi quod placuit sibi,  
ducunt,*

*Vel quia turpe putant parere minoribus,  
Et quæ*

*Imberbes didicere, senes perdenda fateri.*

*Ita*

(x) *Libr. 2. Epist. 1.*

Ita quidquid in Philosophia vel Theologia pronunciatur, quod ipsi non didicerunt aut docuerunt, continuo hæresis est, & gravissima censura ob levissimas, quæ pro adversa parte occurrunt, rationes impingitur. Recte ait Melchior Canus, Vir Doctissimus, Ord. Præd. (y) : *Quo loco sane arguendi sunt Scholastici nonnulli, qui ex opinionum, quas in schola acceperunt, præjudiciis Viros alios Catholicos notis gravioribus inurunt, idque tanta facilitate: ut merito rideantur. Nobis autem schola nostra magnam quidem licentiam dedit, ut quodcunque maxime probabile occurrat, id nostro jure liceat defendere: sed non licet tamen eos, qui nobis sunt adversi, temere ac leviter condemnare . . . Non enim si quid aut Scotisticis, aut Thomisticis pronunciatis contrarium est, error illico est.* Contra sunt alii, qui sub signis Recentiorum militant, quique dum Veteres ne de nomine quidem norunt, forte etiam non intellecturi, si eos propius accederent, grandi supercilio spernunt, atque rejiciunt omnes opiniones, quæ vetustatem sapiunt. His caput plenum est novis rerum ideis, nec ullus auctor nec ulla placet sententia, si non novitatis aliquid secum adferat. Expectant impatien-

tienter, uti negotiatores obambulantes continuo portum, donec naves mercibus peregrinis onustæ adpellant, ut istis non solum ipsi splendide incedant, sed & aliis eas venum exponant, non utilitati aut bono publico, sed cupiditati ac voluptati servituras. Utraque hæc ingenia indigent moderatione non exigua, tum ne veterum nimis pertinaci studio jacturam faciant tot rerum ad bonas artes ac scientias spectantium, posterioribus hisce seculis præclare vel inventarum vel excultarum: tum ne præpostero novitatum amore abrepti, quam adeo quærunt, doctrinæ ac eruditionis laudem & famam pessumdent, simulque se & alios in graves sane circa res religionis & morum errores præcipitent. Universim vero probe perpendant isti, quanto se fructu disciplinarum fraudent, qui turpi mancipatu semper aliis credunt, & ex aliorum ore ac judicio pendunt, nunquam vero ad se ipsos revertuntur, nec se in consilium vocant, ut examinent, cujusmodi sint, quæ tanta cura addiscunt.

## XXXV.

Ab hoc pertinaciæ vitio non procul distat aliud, nempe audaciæ, quo laborant, qui nimium sibi atque ingenio suo præfident.



dentes immoderate disputationibus indulgent, ad contradicendum semper proni, ac nulli in opinionibus semel imbibitis ac præjudicatis cedere, obsistere omnibus parati. Est equidem pulcherrimum ac utilissimum disputationum, præsertim publicarum, institutum, eo consilio in Academias & Gymnasia introductum, & per omnes fere scientiarum sublimiorum disciplinas diffusum, ut in juvenibus vigor animi excitetur, ne languescat aut omnino torpeat, atque ut ad studia eo alacriores attentioresque reddantur, quo sæpius cum adversa parte ipsis congregiendum est, vel ut vincant, vel ut vincantur. Accedit ea quoque utilitas, ut altius tum animo infigant, tum rimentur ea, quæ a Magistris suis tradita acceperunt, quin & judicium ferre possint ex hoc ipso contrariarum opinionum æstu atque conflictu, cujusnam Magistri doctrina proxime ad veritatem accedat. Hæc disputationum instituendarum occasio fuit, hic fructus pro juventute scholastica amplissimus. At inter viros ætate provectiores, & qui cathedris præsident, aut scholam moderantur, non tam disputatio, quam sententiarum & rationum collatio in usu erat, non ad victoriam reportandam, sed ad veritatem eruendam intenta. Ve-

rum posterioribus, quibus speculandi mos plus æquo invaluit, temporibus, Juvenum calor & furor quidam etiam in Virorum pectora se se transfudit, ita ut quo clamorior esset, eo solemnior haberetur disputatio, nec jam de veritate invenianda, sed de opinione semel suscepta pertinaciter tuenda ageretur, & victoria stare crederetur penes illum, qui majore cum strepitu acie excessisset. Quod autem dolendum magis, non raro ob quæstiones levissimi momenti ingens bellum inter Doctores exardescit, & pro aliqua opinione recens in cerebro nata tanquam pro patria, proque aris & focus pugnatur: quin etiam subinde clamoribus se se immiscunt cavilli ac dicteria, & adversæ sententiæ graves censuræ non sine charitatis læsione, contra quam monet D. Augustinus (z): *Non intratur in veritatem, nisi per charitatem*. Profecto videmus sæpe citius Reges post mutuas ingentes clades in gratiam redire, quam ejusmodi Doctores post similtates semel circa opinionem aliquam susceptas. Multum tamen hos æstus mitigasse videtur in bene moratis scholis cultior ætas nostra, quæ nimis & inutilibus quas vocant speculationibus columnas posuit, quibus non plus ultra. Et vero

(z) *Lib. 32. contra Faustum c. 8.*

ro dum de speculationibus sermo incidit, hac ipsa in re magnis ingeniis moderamine opus est. Audire juvat gravissimum Antonii Possevini, Viri tam docti quam eruditi judicium: „Sciant, ait (a) qui „solum speculatione pascunt intellectum, „aut sine hac memoriæ tantum mandant, „quæ audiunt & legunt; aut intellectu „& memoria posthabitis unam ipsam vorantem specie pietatis quadam adferunt ad disciplinas, hos absoluto studio- rum curriculo non admodum utiles esse „futuros. Nam vel docere alios nescient, „aut cum avocabuntur a libris, in cœlo- „ne (ut ajunt) an in terris consistent, „ignorabunt: vel occasione studiorum „& speculationis vix fructum aliquem „ferent, ob quem scientiæ ipse compa- „rantur. „ Quid jam de libris, eorum- que scribendorum seu facilitate seu aviditate dicam? Si labor iste vel urgente necessitate ad veram fidem explanandam, ad tuendam sanam doctrinam, ad famam defendendam; vel suadente utilitate satis manifesta boni publici, ac rei literariæ, vel quandoque etiam illustrandæ antiquitatis causa suscipiatur, nihil dicendum mihi esse video: immo & laudandæ sunt hujusmodi scriptiones, si cum dignitate fiant.

(a) *Lib. I. Biblioth. Select. cap. 6.*

220 *Cap. IV. Ingeniorum ratio*

fiant. Contra vero vituperandus est, aut certe moderandus immanis ille scribendi pruritus, qui seculum nostrum invasit, de quo Satyricus intelligi potest, dum ait:

*Scribimus indocti doctique poemata  
passim.*

& alius:

*Tenet insanabile multos  
Scribendi cacoethes &c.*

Vituperandus inquam est pruritus ille, dum scribitur solum, ut scribatur; nec cordi habetur, quid & quomodo, quam bene, quam sobrie, quam juste scribatur. Sane si a non paucis causam scribendi sciscitaremur, aliud forte non obtineremus responsum, quam illud Pilati: *Quod scripsi, scripsi*: His sufficit, nomen suum legi magnis characteribus in libri fronte scriptum, quamvis ipsum librum multi alii scriptores merito vendicare sibi possent. Sed hi forte commiseratione digni sunt, utpote quos egestas loculorum simul & ingenii premit. Alii specioso Antiquariorum titulo libris suis præfixo multis imponunt: & re ipsa eo jam ventum est nescio dicam curiositatis, an dementiæ, ut nisi pes aliquis, manus, aut caput, cassis, balteus, hasta, vel lapidum sepulchralium, urnarum, ido-

idolorum frustra æri incisa, & multis divinationibus circumscripta in libro aliquo inveniantur, iste tanquam recens vinum non sapiat, & nihil dignum erudito hoc seculo & antiquitatis studioso reperiri in eo audacter pronuncietur. Si meam hac in re opinionem proferre liceat, hujusmodi scriptionis genus non solum non vituperatione, sed etiam laude dignum esse censeo, si tale sit, ut ad insignem eruditionem, ad veritatem historię eruendam, ad illustrandam rem magni momenti, ad magnificentiam regni, reipublicę, urbis, antiquę stirpis &c. ostendendam multum lucis adferat, quemadmodum eo usi sunt & utuntur præclarissimi Viri; Papebrochius ejusque Contribules ad Acta sanctorum, Mabillonius ad Monachorum, institutum, Lipsius ad res Romanas, Calmet ad S. Scripturam, Kircherus & Schottus ad naturę arcana, Maffei, Muratorius, Montfaucon, Harduinus, & novissime P. Zacharia S. J. ad omne genus literaturę, Bianchinus ad Romam illustrandam &c.

Quodsi vero, ut hodie non pauci faciunt, de rebus nauci & flocci, de pedis alicujus planta vel digito e terra eruto, de exesibus aliquot characteribus, multa præfando, pauca eruditionis vestigia

222 *Cap. IV. Ingeniorum ratio*

stigia: relinquendo nonnisi ad vanam ostentationem, & famam literati hominis aucupandam ista fiant, vix ad aliud serviunt, quam ad tempus, quod longe utilius impendi & poterat, & forte debebat, curiosis lectoribus eripiendum, ad impensas magnas in ejusmodi libros imaginibus æri incisis bene fartos faciendas, ad vere doctorum & eruditorum hominum indignationem excitandam. Verum levia hæc videri possunt; magis nociva est insolens illa scribendi ratio, quæ hoc ævo, quod politissimum esse volunt, multum invaluit, dum qui ingenio, calamo, stiloque valere se aliquid existimant, subito in aciem progrediuntur, & si hostem non inveniant, ipsi faciunt: nimirum aggrediuntur antiquos ac sæpe præstantes scriptores specie veritatis detegendæ, ac temere arguunt fabularum, falsitatum, ignorantia: in veteres Philosophos, Jurisconsultos, Theologos, quin & omni veneratione dignissimos Patres debacchantur tanquam homines & male credulos, & sublestæ fidel, criticæque artis prorsus expertes: neque ipsis Sanctis parcent, quorum aliquos ad aras antiquissimis jam temporibus pia voce populi promotos ex illis deturbare suo quidem suffragio conantur:

tur: devotas sanctasque fidelium & Ecclesiæ consuetudines tanquam meras superstitiones traducunt, irrident: quidquid scriptorum & librorum obviam fit, canum instar adlatrant, & veterum gladiatorum more in arena literaria comparent, ut mutuis in se ipsos quoque vulneribus sævientes populi plausum & eruditionis famam referant. Nec satis: honestissimorum Virorum doctrinam, libros, famam, ac pene vitam aggrediuntur, & calumniis, dictæriis, scommatibus, impositis falsis criminibus fœdum in modum lacerant atque conculcant, quo elegantiore non raro dictione, eo crudeliore vulnere. Quippe omnes sermonis divitiæ ac ingenii facultates in id impenduntur, ut gravissima quæque convicia, atque mendacia splendidissime vestita compareant. Omnem vero modum excedit, quod ejuscemodi, de quibus postremo loco dixi, scriptores Supremis Principibus libros suos felle ac discordia plenos audeant D. D. D. ut horum auctoritate in ipsa orbis & Ecclesiæ facie maleficio & protegatur, & latius propagetur. Recentissima habemus exempla: Sed

*Tange montes, & fumigabunt.*

Heic

224 *Cap. IV. Ingeniorum ratio*

Heic vel maxime ingeniorum modera-  
 men necessarium foret, quin & publica  
 castigatio, ne impune talia fiant, quæ  
 contra naturæ ac gentium, humana di-  
 vinaque jura fiunt. Prudentes ac Chri-  
 stiani scriptores imitari apes debent,  
 quæ aculeum quidem secum circumfe-  
 runt, ubi opus est defensione, exer-  
 dum; interea mel sugunt, & ad homi-  
 num utilitatem favum construunt: non  
 autem fucos, qui continuo strident,  
 mordent, aculeum figunt, & nihil emo-  
 lumentum publicæ rei præstant, sed potius  
 eam perturbant. Quæstionem movit  
 non memo, quæ prima fronte paradoxa  
 videri posset, nescio tamen, an omnino  
 a moribus nostris abluentem: nimirum  
 an typographia inventa plus commodi,  
 quam damni humano generi adferat?  
 Si commodum spectemus, profecto exi-  
 mium illud est, quum tot libri doctissi-  
 mi, & ingeniorum partus, qui alias per  
 paucorum manus circuibant, velut publi-  
 ci juris per omnem orbem fiunt: At si  
 animum convertamus ad tot quoque  
 libros, non dico inutiles & nullius fru-  
 gi, sed hæresi infectos, venerem olen-  
 tes, prava propinantes morum principia,  
 falsa spargentes dogmata, satyris, calu-  
 mniis & mendaciis, queis aliena fama  
 gra-



gravissime læditur, plenos: Ecclesiæ, Sanctis, ipsique Deo injurios, (qualia mala ante typographiam inventam intra limites unius solum civitatis aut provinciæ latebant, nunc autem quaquaversum per omnes orbis partes ope typi grassantur) quæ olim heteroclita quæstio esse adparebat, hoc ævo propter scribendi pruritum, & inscribendo intemperantiam ac libertatem omnis moderaminis impatientem in problema transire videtur.

XXXVI.

Unum adhuc superest, quod tam ad ingeniorum culturam, quam ad eorum moderamen plurimum confert, immo quo deficiente primum est, ut absque fructu optato, quin & cum damno sæpe gravi juvenum ingenia per artes & scientias evagentur: contra vero hoc si adsit, intra limites constituta secure pergent, conceptasque spes de insigni profectu facile implebunt, ut experientia docet. Est autem hoc recta in studiis ratio & methodus, sine qua scientiarum candidato idem contingit, quod viatori, qui relicta via regia dum hac & illac itineris compendium itentidem quærit, demum in avia & devia delabitur, ita ut vel nunquam, vel non nisi post innumeras ambages ac grande

temporis dispendium ad viæ terminum pertingat. Sed magnæ heic, & vix non sanguineæ rixæ, his Veterum vestigia esse tenenda, nec ab ipsorum nōrma ulla ratione recedendum contendentibus, illis vetera omnia non sine stomacho rejicientibus, & nova quotidie molientibus. Deus bone! quot non ideæ Platonice de discendi docendique methodo his temporibus absque calceis, ut loquimur, & tibialibus circumcurrunt? Quivis vel parum tinctus rore literarum vult esse architectus, novamque ædificii formam præscribere. Quot non Joves cernimus, qui cuneato per vim cerebro nescio quas Pallades progignunt. Sed nosse hi debent, sub hoc Poetarum de Jove ac Pallade figmento latere veritatis insigne documentum, quo illi volebant innuere, artium ac scientiarum, quibus præsidere credebatur Pallas, principium & normam non ex invento humani ingenii, sed ex inexhausto divinæ sapientiæ fonte dimanasse. Non equidem omnia in hoc negotio priscis arbitror esse concedenda: multi eorum admodum reconditas inibant vias doctrinam exponendi auditoribus & discipulis: aliqui ob ipsarum rerum abditam naturam, quam recens detectam necdum in meridie collocare poterant: quidam ob indolis propriæ  
aspe-

asperitatem & invidiam aliquam, nolentes ut alii exiguo labore percipiant ea, quæ ipsi tam longo & improbo studio sunt consecuti, atque propterea tot involucris tecta proponebant placita sua: aliqui demum eo consilio, ut profanum vulgus a cognitione harum rerum, quas tradiderunt, procul arcerent, superstitione credentes, doctrinam & auctoritatem suam ab hoc hominum genere fore contaminandam; hinc paucis duntaxat arcana sua crediderunt. Porro aliorum ex antiquis, quam in disciplinarum studio tenuerunt, ratio & modus longo annorum tractu demum exolevit. Quis enim jam ad Vitruvii regulam ædificat? Quis ex Varronis & Columellæ præceptis arat? Quis cum Dario immixtis elephantis aut falcatis curribus prælium init, vel cum Julio Cæsare mœnia corona circumdat, ariete quatit, & facta testudine expugnat? Quis ex præscripto Hippocratis & Galeni prandet ac coenat? Nimirum in illis multa valere seculis, quorum contraria nunc experimur in cœlo, in terra, in elementis in victu, vestitu, habitatione &c. Quin ut propius ad Institutum nostrum accedamus, olim Jurisprudentiæ stadium vix per decem annos fuit decursum: septem ægre sufficiebant studio Philosophico: qui Theo-

logiæ universæ operam dabant, viginti annos insumebant. Nunc Juri sacro & profano tres, totidem aut duo etiam Philosophiæ, Theologiæ quatuor aut quinque tribuuntur, quod beneficium contracti temporis Magistro sententiarum & Doctore Angelico in Theologia, Gratiano & D. Raymundo Pennafort in jure Canonico, in Civili Accursio & Bartolo, in Philosophia Conimbricensibus Patribus Societatis Jesu debemus, qui vastissimis his & penes antiquos Doctores latissime patentibus scientiis novæ ac bene ordinatæ methodi ope breviores limites maximo cum docentium tum discipulorum fructu posuere. Verum & isti heroes modo Veteribus accensentur. Surrexere novi & recentes, quorum uti doctos labores neutiquam contemnendos esse judico, ita quorundum inconsultum novandi studium multis nequaquam probatur. De his ita loquitur Anselmus Desingius e Familia D. Benedicti, Vir multæ lectionis & scriptionis, majorisque eruditionis (b): „ Si methodi a „ modernis varie excogitatæ spectentur, „ illæ regno rationis potius nocent. Ra- „ tionem enim juvat *Ordo & Constantia*: „ *inordinatæ* sunt, & nihil constantiæ ha- „ bent; præterea etiam ambagibus invol- „ vunt,

(b) *Lib. de Regno rationis.*

„vunt, e quibus nos methodus pristina  
„explicabat: *inconstantes* sunt, quia quo-  
„tidie de una methodo ad aliam transitur:  
„una vix tentata abjicitur iterum, ut alia  
„quæ novitatis characterem recentiorem  
„in fronte præferat, arripiatur paullo  
„post denuo abjicienda. Quisque cur-  
„sum scholarum utcunque absolvit, exem-  
„plo aliorum allectus cogitat de nova me-  
„thodo adornanda. In Philosophia quo-  
„ties jam novarunt cum principiis etiam  
„methodum? nihil tamen effecerunt bo-  
„ni, quod non jam in Aristotelis & D.  
„Thomæ principiis ac methodo esset con-  
„tentum. Propterea neque ætatem tu-  
„lere Lullus, neque Ramus, nec Carte-  
„sius, nec Mallebranchius, neque fert  
„ætatem Nevvtonus, sicut nec tulit Leib-  
„nitius. Et recentissima Wolfii, quæ  
„extra Germaniam nunc incipit sapere,  
„in ipsa Germania jam jam desipit, &  
„novam circumspectant multi. „ Ita ille.  
Ulterior autem hac ipsa de re differendi  
ocasio se se offeret in libro de Gramma-  
tica, de Philosophia, & de Theologia,  
in quas potissimum disciplinas præterito  
& præsentē seculo novandi cupiditas atque  
libertas velut data porta, & factō agmine  
irrupisse videntur. Illud duntaxat interea  
animadverto, magnam inter scientias, &

inter ædificium ac horologium affinitatem intercedere. Architecti parum periti nota est, si novo ædificio jam jam inchoato nunc scalas, nunc atria, nunc conclavia, nunc tectum alio aliove in loco collocet, novamque perpetuo formam ædificio tribuat. Signum hoc est, idæ primæ imperite ac perperam factæ. Horologii vero, si forte occurrit in eo, quod peccat, aut peccare videtur, est non nemo qui facili negotio partes disjungit: rotas, trochleas, & tympana a se invicem segregat, ut meliorem in ordinem redigat. Verum quam sæpe contingit, ut si non in arte Magister sit, nunquam amplius pristinae integritati horrologium restituat, opusque continuo deficiens, & ab instituto suo aberrans circumferre cogatur? Imagines hæ sunt illorum ingeniorum, quæ sibi plusquam par est, fidentia semper mutandæ perficiendæque scientiarum ac studiorum methodo sunt intenta: quia tamen debita scientia atque peritia sunt destituti, vel pluribus negotium totum erroribus implicant, vel omnino destruunt cum ingenti reipublicæ literariæ damno, & vix integri seculi labore reparando.

Cætera, ut methodus in literarum studio tenenda, de qua loquor, sobria, firma & constans sit, his maxime dotibus vesti-

vestita esse debet. Primo ut sit *ordinata*; erit autem talis, si post jacta solícite fundamenta, ab una quasi contignatione ad alteram per leges & præcepta firmo gressu procedatur, nihil per saltum fiat, nec nisi una parte perfectâ ad alteram manus admoveatur: si & materiarum & temporis partitio commoda observetur: si lectioni meditatio, meditationi exercitatio ac scriptio succedat. Dein oportet, ut sit cptime *excogitata*, ventilata, excocta, priusquam in publicum prodeat. Nimirum debent & commoda & incommoda, quæ exinde oriri possunt in utramque partem, ante oculos poni, facta inter se diligenti comparatione; certa relictis incertis arripi, antiqua retineri, si non nova clarescant illis meliora: debent animo prospici non solum præsentia, sed & futura seu damna seu emolumenta, hæc fovendo stabiliendoque, illis præcavendo: Si quæ occurrant emendanda, emendentur, non autem lolium cum tritico evellatur, nec ob partem vitiosam, cui medela facile adhiberi potest, tota fabrica cum fundamento subruenda est. Demum debet esse *universalis*, ut nocere nemini, omnibus prodesse queat. Atque hinc, quum Academia & Gymnasia sint emporia, ad quæ & magnis & mediocribus ingeniis, tum ci-

232 *Cap. IV. Ingeniorum ratio*

vium tum exterorum filiis, tam iis qui in sacra, quam illis qui in profana republica officiis ac ministeriis suo tempore sunt adhibendi, liber accessus patet; opus est, ut talis studiorum ratio & methodus teneatur, unde etiam mediocria ingenia, quæ longe plurima, & ut paullo ante demonstravi, accedente cultura maximarum rerum capacia sunt ad invidiam sublimium, proficere in literarum studio possint: quæ & patriæ usui sit accommodata, & ab exterarum nationum moribus non abhorreat: quæ non solum Jurisperitos, qui reipublicæ civilis fulcra sint, aut Medicos, qui corporum salutem curent, sed etiam doctos Sacerdotes, Theologos, animarum Pastores progignat, qui gravissimum Religionis, divinarum mysteriorum, & totius vitæ Christianæ negotium pietate ac scientia moderentur. Certe uti Imperatores, Reges, alique publicarum scholarum Conditores tot laboribus, tantisque impensis eas haucquaquam instituerunt ad ostentationem & populi plausum, ac ludicra spectacula, ut olim erant gladiatorum palæstræ, sed ad sanam eruditionem, solidamque doctrinam inde hauriendam, ita & methodus talis adhiberi debet, quæ non vane duntaxat oblectationi, polito in nobilium circulis sermoni, sciolorum adsentationi  
aut



aut philautiæ, sed juvenum animis in eo, quod cuivis vel utile vel necessarium aut decorum est, disciplinarum genere rite imbuendis serviat. Quanti autem res hæc moliminis sit atque momenti, ut exemplo quodam palam fiat, eam studiorum rationem ac methodum heic producam ex doctissimo simul ac eruditissimo Possevino, quæ quando scholis tum superioribus tum inferioribus publice admoti fuerunt homines Societatis in diversis mundi partibus ac regnis, Romæ confecta, Principum ac Procerum approbatione recepta, & usu fructuque uberrimo comprobata fuit. Profecto hac studiorum ratione ac methodo in Athenæa publica introducta per centum quinquaginta & plures annos tum in Germania & Polonia, tum in Hispania, Lusitania, Italia, Gallia & Belgio e scholis Societatis prodierunt juvenes, postea Viri & maximis Aularum negotiis, & Ecclesiæ muneribus præcipuis admoti, quorum præclara merita etiamnum vel in hominum memoria versantur, vel publicis annalibus & libris historicis celebrantur, ita ut vix ac ne vix quidem ævi hujus ingenia, meliore ut creditur, metallo fusa, illis comparari queant. Nolim tamen, ut quis existimet, eo id consilio hæc a me dici,

ac si hanc methodum præferrem aliis seu antiquioribus, seu recentioribus aliarum scholarum ac regionum, aut eam omnibus numeris absolutam & undequaque perfectam esse crederem: fuerunt succedentibus temporibus quædam secundum locorum & hominum varietatem omissa, quædam adjecta, alia magis expolita & perfecta, quin & non pauca eorum voluntate, penes quos suprema in publicas scholas potestas est, mutata & in aliam redacta formam. Eo solum res spectat, ut adpareat, quanta cura & sollicitudine, qua circumspeditione ac providentia opus sit, quamque non festinandum, aut levi manu negotium tam grande suscipiendum, ut generalis studiorum ratio & methodus prodeat, quæ ætatem ferat. Igitur sedente ad clavum Ecclesiæ Gregorio XIII. summo literarum ac studiosæ juventutis Patrono ac Mæcenate, qui amplissimum Societatis Jesu Collegium & Gymnasium erexit Romæ, totque per Europam alia Collegia & Seminaria bonarum artium & scientiarum, (uti Cap. 3. de Academiis & Scholis memini) sub hoc inquam Pontifice, quum & alii Reges, Principes, Respublicæ condendis sapientiæ domiciliis intenti essent, eaque regenda Jesuitarum curæ committerent, Claudius

dius Aquaviva supremus tum temporis universæ Societatis Præpositus, ut horum favoribus publici boni literarii, quanta maxima posset, grati animi significatione responderet, communem studiorum rationem certamque methodum omnibus scholis nostris servitutam circa annum 1593. moliri cœpit hoc modo: I. Præmittebantur orationes & opera poenitentiae per totam Societatem indictæ, ad implorandum divinum auxilium, uti in rebus gravioris momenti in eadem Societate fieri adsolet. II. E provinciis disunctissimis evocati fuerunt Viri præstantissimi, ex Hispania Joannes Azor, e Lusitania Gaspar Gonzales, e Gallia Jacobus Tyrius, ex Austria Petrus Busæus, e Germania superiore Antonius Guisanus, Romæ commorabatur Stephanus Tuccius: omnes administrandarum scholarum usu præditi, & in omnibus pene facultatibus versati, libris quoque ac scriptis editis clari; singuli etiam gnari rerum provinciae suæ, ut variarum gentium auditis collatisque moribus ac studiis id communi consilio statueretur, quod locis quoad ejus fieri posset, congrueret universis. III. Antequam manus operi admoverent Patres isti, sistebantur Pontifici, qui vehementer lætatus, adhortatusque ad alacriter perficiendum

236 *Cap. IV. Ingeniorum ratio*

dum tam utile negotium amplissime illis benedixit: Purpurati quoque Patres nonnulli, auctoritate ac doctrina præcipui, re intellecta consilium hoc summopere commendabant. IV. Datum postea initium labori: horæ ternæ diebus singulis in consultatione ponebantur. Universum autem opus in duo capita distributum fuit; in uno de opinionum securiorum delectu & censura agitatum est: in altero traditus fuit ordo ac praxis scholarum, omniumque exercitationum, quibus ad sapientiam ac bonas artes juventus promoveretur, institutio. V. In constituenda certa ratione ac methodo, qua scientiæ ac facultates singulæ tractarentur, recitabantur Patrum deliberationes sive Romæ, sive extra in nobilioribus Societatis Collegiis varia temporum occasione factæ: expendebantur leges Universitatum, & diversi generis alia, Claudio Generali ex Italicis, Hispanicis, Gallicis, Germanicis, Polonicis provinciis transmissa. Ex his antiqua plurima retinebantur, recentioraque adtexebantur, abrogabantur nonnulla. VI. Confectus tandem est Tractatus duplex: unus de opinionibus seligendis; alter de scholarum administratione. Uterque tum sub incudem revocatus: demum a Collegii Romani Theologis, a reliquis dein-

deinde per universam societatem provinciis expendebantur. Atque hic Congregationis de studiis habitæ tam cursus quam exitus fuit. Anno denique vertente sub finem Augusti mensis, quum Decembris initio prioris anni cœpisset, conventus est solutus. Relicti in Urbe tres Patres Stephanus Tuccius, Joannes Azor, & Gonzales ad interpretationes dandas, si dubia occurrerent. Missa dein exemplaria ad omnes provincias, ibi examinanda, relicta potestate proponendi meliora, si quæ in singulis provinciis occurrerent: hisque omnibus in Urbem missis auditisque Romæ conclusum fuit nomine universæ Societatis.



## CAPUT V.

### GUSTUS LITERARUM.

#### §. I.

*Gustus bonus & sobrius.*

#### XXXVII.

**S**ubtile admodum argumentum heic tractandum mihi occurrit, sed quod maximi sane momenti, & gravissimum reipublicæ literariæ negotium est, scilicet  
de

de gustu literarum. Est autem hic, de quo loquor, non ut vulgus accipit, cupiditas & adpetentia ad artes & scientias varias perdiscendas: hac enim qui carent, velut vita & anima bonarum literarum destituuntur, semperque ante fores & in atrio sapientiæ stabunt quasi profelyti, nec unquam aditus illis patebit in ipsa penetralia artium & scientiarum, utpote quarum respublica nulla mancipia, quæ vi & plagis adigi necesse est, sed liberos duntaxat homines recipit, qui sponte sua & numine quodam intus agente illas complectuntur; quam etiam ob causam scientiæ & artes *liberales* adpellantur.

Gustus igitur nomine hoc loco venit virtus & vis quædam discernendi (alii discerniculum nuncupant) vis inquam discernendi tum quæ in Auctorum libris & scriptis, tum quæ in propriis & aliorum lucubrationibus reperiuntur seu laude ac admiratione, imitationeque digna, seu vituperio ac neglectu. Ejus officium est, ut de tota bonitate, veritate, ac pondere idearum, argumentorum, expressionum, styli, characteris aliorumque quæ in quovis themate, oratione, aliave scriptione inveniuntur, sanum, sincerum ac certum  
ju-

judicium ferre norit, qua re id simul consequitur, ut facile deprehendat ac notet, quidquid vitii vel contra naturæ ductum & cultum, vel contra regulas artis aut decorum irrepserit; neque hoc solum, verum etiam ut ipsos fontes vitiorum errorumque quamprimum detegat. Hæc autem vis discernendi partim naturæ partim artis opus est, ita ut initium sui debeat rationi naturali, cui velut congenita est, perfectionem vero arti, quæ intra certas eam leges velut intra fines continet. Profecto quivis hominum, nisi omnino bardus sit, & glebam inter ac stivam educatus, nilque nisi rus cogitare ac loqui adfuetus, prima quædam principia & veluti semina hujusmodi gustus a nativitate secum adfert, quorum adminiculo discriminat, quod recte sit in arte aliqua, ab eo quod perperam agitur; & id quod placet, ab eo quod merito displicere potest, etsi nesciat, cur istud probet, improbet illud. Nimirum sentit aliquod quasi tacitum Numen intus sibi loquens & inspirans vel approbationem vel displicentiam. Atque hoc est, de quo Seneca loquitur (c): *Infusa sunt nobis omnium artium semina.* Res patet in Musica & pictura. Produci-  
tur symphonia quædam vel in Ecclesia,  
vel

(c) *De Benefic. l. 4. c. 6.*

vel in Theatro, sacro aut profano loco, confluente tum Musicorum tum Auditorum magna frequentia: certant inter se voces diverſi generis, ſubtiles, mediocres, altæ, profundæ, lenes, variaque ſonant instrumenta Muſices, fides, chelæ, tibiæ, cornua, tubæ, tympana, organa, omnes ſymphoniæ hujus partes bene concordant, blande in aures ſe ſe inſnuant, dulcemque poſt ſe concentum relinquunt. Quis omnium eſt præſentium, ſeu calleat hanc artem ſeu non, cui non placeat, qui non laudet, immo qui non adplaudat? multi omnino velut extra ſe rapiuntur, & immobiles tanquam delphini adſtant coram Orione, vel ut auritæ arbores ante Orpheum. Verum irrepit forte fortuna vox quædam diſſona, vel vitiata, quam Græci cacophoniam vocant, aut instrumentum minus concordans, vel hiatus aliquis in ipſo choro, indignantur palam omnes, etiam illi, qui artem muſicam ne in limine quidem ſalutarunt. Hos tu ſi interrogaveris, quid adeo ipſis placuerit, quid diſplicuerit hac in ſymphonia, ſi rationem reddere jufferis, nemo (artis peritos excipio, quorum pauciſſimi ſunt) nemo poterit reſpondere verbis, ſed ſolo nutu vel lætitiâ vel indignationem præſeferente. Neſciunt enim  
quid



quid eos bene vel male habuerit; sentiunt tamen aures suas esse vel probe hac musica demulſas, vel vulneratas. Ecce! gustum de quo dixi, & sensum de harmonia, ab ipsa natura hominibus inditum. Quid de picturis dicam? proſtet earum una aut ante Apellis cujusdam ædes, aut in pinotheca Magni Ducis Florentini: sit ad omnes artis regulas composita, certent inter se de palma colores: sit exactissima partium symmetria & proportio: objiciat spectantium oculis Optica larga manuludibria sua, & Architectonica columnarum Ordines, aliasque opes suas: loquantur personæ depictæ, & animi sui sensus reconditos atque affectus membrorum compositione ac situ prodant. Cui non placebit, aut cui displicere poterit ejusmodi pictura, qui vel parum humani sensus habet? non pigebit stare per unam vel plures horas firmo pede ac fixis oculis ante imaginem: nunc hoc nunc illud mirari, pictoris nomen desiderare, illius artem & ingenium extollere, easdem cum rebus pictis animi adfectiones induere, in amorem rapi, ita ut vix ab ea magis magisque contuenda avelli se quis posse credat. Secus vero si parum artis in pictura reluceat, postquam levi oculo lustravit, pedem retro feret, corrugans frontem, dicensque

*non placet*; cur autem placeat vel displiceat, percontanti satis aptam responsionem dare non poterit, sed sensus iudicium hac in re vix non tantum valet apud ipsum, quod ars & usus apud alium, qui huius cognitionem intimam habet. Ecce! rursum nativi gustus argumentum. Plus dico, idem se prodit in culta quadam & ad Rhetoricæ leges exacta Oratione, seu e rostris seu e cathedra ad concionem refertam dicatur; nam adprobationem & plausum feret non solum a sapientibus, sed etiam ignorantibus, non solum a Nobilibus, sed etiam a plebe: amborum gustui satisfiet. *Non enim*, inquit Tullius (d) *de bono Oratore aut non bono doctis hominibus cum populo dissensio fuit.* Utriusque partis idem de Oratore iudicium est, quamvis illud, quod sapientum est, non solum a natura inditum, sed etiam ab arte perfectum sit.

Atque de hoc gustus bene ordinati genere, qui ab arte proficiscitur, relicto altero nunc agendum est. Equidem non ignoro, magnum illum latini sermonis, & artis rhetoricæ Magistrum Fabium Quintilianum in eam delapsum esse opinionem, quod gustus hic seu vis discernendi, quantum

(d) *In Brute.*

tum ad liberales disciplinas adtinet, per artem acquiri non possit, quam parum gustus & odoratus, sensus illi exploratores ciborum & odoramentorum. *Non magis, de priore loquens inquit, non magis arte traditur, quam gustus aut odoratus* (e). Immo asserere non dubitat, in multorum mentibus ne quidem hujus literarum gustus artificiosi vestigia deprehendi, ut merito credatur, solius esse naturæ beneficentiam, a qua donum hoc descendat. Verum pace tanti viri dixerim, prima quidem doni hujus lineamenta in nobis formari a natura, ab arte vero mirum in modum perfici. Si enim crebrior usus & consuetudo cum hominibus cultis acuere potest & expolire hunc gustum seu virtutem discernendi aliis in rebus, etiam apud homines nulli studio addictos, immo eos, quos barbaris accensemus, quid non possit in literario genere ars penes illos, qui hujus regulas & leges in subsidium vocant? Legimus autem & videmus, nationes quasdam barbaras, quas Indos dicimus, novo in orbe, aut orientem versus in Asia habitantes, quæ antea nudo corpore incedebant, inconditis clamoribus aerem replerunt, semî-crudis pecorum aut etiam hominum carnibus vescabantur, ubi lon-

(e) *Lib. 6. cap. 5.*

longiore tempore Europæorum commercio & societate usæ sunt, vestes induere, musicam amare & colere, cibis bene paratis atque conditis mensam instruere rejecta veterum his in rebus morum suorum inhumanitate. Videmus Turcas, Scythicam gentem, post inita cum Christianis plura pacis fœdera, commercia, ac institutas ultro citroque legationes, esse nunc longe cultiores in conversationibus, in politicis negotiis, in conviviiis, in supellectile domestica, in adparatibus publicis. Nimirum monstrante viam, quemadmodum dixi, usu ac consuetudine cum bene moratis hominibus, excitantur reposita in sinu semina & igniculi latentes virtutis discernentis, quod bonum, quod honestum, quod decorum, quod utile, immo quod melius atque perfectius est illo, cui adfuevimus prius, quam lux ista discernendi supra horizontem nostrum oborta fuit. Ut propius ad institutum meum accedam, videmus aliquos seculis istis cultissimis, qui scientiarum & studii expertes, quales sunt ut plurimum rei militaris Præfecti, Ordinum ductores, Mercatores majorum gentium, Satapræ &c. dominante quodam boni gustus sapore præditos esse, qui se ubique prodit absque eo, quod advertant, in sermone, in epistolis, in moribus, in ferendo

do de rebus diversissimis iudicio, dum scilicet aut diuturniore cum rerum peritis familiaritate, aut longiore in exteris regionibus commoratione edocti, quæ audiebant, quæ sunt experti, subito in animum revocant, ac foras cum decore emittunt. Jam vero si in his omnibus, quorum memini, non mediocris discernendi vis reperitur, solo usu ac consuetudine comparata, quis inficiari ausit, hanc ipsam vim, quam gustum dicimus, quantum ad literas & scientias adtinet, arte perfici plurimum posse, vel per earundem regulas & leges, vel per interiorum illarum cognitionem, ut iudicium prudens, firmum, sincerum de cuiuslibet valore aut vitio ferri queat?

## XXXVIII.

Nunc ad dotes illius quam exquisitas tam reconditas & minime obvias oculos & animum convertamus. Prima illarum facile est, quod in auctoribus, quorum lectioni operam damus, detegat nobis idearum & cogitationum, quibus argumentum sibi præfixum exponunt, harmoniam, bonitatem, veritatem & iustum pondus: ambitum & modum dictionis: ordinem robur & firmitatem rationum, quas adferunt: expressiones & caracte-

res naturæ rerum, de quibus agunt, convenientes: totam denique oeconomiam, gratiam, & divitias lucubrationis conspectui sistat. Gustus hic seu discerniculum, quo majus est ingenium, magisque in legendis optimis scriptoribus exercitatum, eo delicatior est, magis vivus, penetrans & firmus. Quantumvis autem sit simplex & unicus origine sua, multiplex tamen adparet secundum diversos, supra quos se se extendit, scriptorum & scriptorum characteres. Præsens adest, seu in prosa seu in versu fiat scriptio, in stilo extenso & contracto, sive materies scribendi sit sublimis, sive humilis, jocosa vel seria: ubique se se prodat, & verum a falso, bonum a vicioso, decorum ab incondito discernere ac separare novit, non secus, ac sensus ille, quem gustum dicimus, si integer sit, cibos sapidos ac sanos a noxiis & insipidis quamprimum distinguit, uti observat Fabius (f): *Quod sentitur latente judicio velut palato*. Idem illi usu venit in Scriptoribus: Terentius, Phædrus, Cæsar, Tullius, Sallustius, Virgilius, Horatius &c. quam diversi sunt in rebus, de quibus agunt, in ornamentis, quæ adhibent, in stilo quo utuntur? Nihilominus tamen minus, quemadmodum omnes  
hi

(f) *Lib. 6. c. 6.*

hi scriptores ipsi in tanta varietate ingeniorum præcellens aliquid habent, & in genere suo perfectum, ita & gustus sive virtus discernendi tincturam ut ita dicam illius spiritus, qui omnibus communis est, optime dignoscit, eosque ab aliis sequioris metalli scriptoribus aperte fatis discriminat. Nimirum Tullii gustum sequitur, qui de claris oratoribus, diversæ tamen indolis, ita fatur (g): *Nec refert, quod inter se specie differant, cum in genere consentiant . . . . omnes eandem sanitatem eloquentiæ ferunt, ut si omnium pariter libros in manum sumpseris, scias, quamvis in diversis ingeniis esse quandam iudicii ac voluntatis similitudinem ac cognationem.* Altera gustus dos est, quod sphaera illius latius pateat, quam creditur. Quippe coarctari se non patitur intra scientiarum limites; ulterius progreditur, & omnes alias artes pervagatur. Quippe quasi manu ducit cultores suos, ut sicuti in scientiis & libris discernendi vim exerunt, inquirendo confestim & notando id, quod splendidum, decorum, ordinatum & naturæ conforme est, idem omnino faciant in architectonica, musica, pictura, sculptura &c. observando debitum partium

(g) *Dial. de Orator. c. 25.*

tium dispositionem, symmetriam, harmoniam, elegantiam, & quid tum ornamentorum, tum nobilis cujusdam simplicitatis inest, etsi nonnisi in superficie illarum notitiam possideant, & regulas illis proprias ignorent. Quod plus est, etiam moribus publicis hic gustus se se communicat, atque ab eo plurimum dependet bona & ordinata vivendi ratio, quam *politiam* vocamus. Manifestat enim quamprimum nobilem illum spiritum, qui in gestuum & corporis totius modesta compositione, in sermonis elegantia minime fucata, in amœnitate conversationis absque levitatis nota, in affectuum moderatione, ne plus foris se prodant quam oportet, & decora gravitate cum libertate conjuncta residet. Juvat laudabilem hanc gustus evagationem exemplo illustrare. Prodit Plutarchus de Paulo Æmilio (h): Magnus hic Bellidux, rei militaris peritissimus post subjugatam Romano Imperio Macedoniam convenientibus ad se Græciæ Proceribus grande convivium instruxit, in quo quum omnia splendissimo vasorum aureorum argenteorumve adparatu, admirabili ferculorum exquisitissimorum ordine, ac symmetria, cubitorum ambitu magnifico peragerentur, præsentium pluri-  
rimi

(h) *In vita Paul. Æmil.*



rimî non satis mirari poterant, qua ratione cuncta tam belle tamque ordinate disposita fuerint, contra quam ab homine inter arma educato & militiæ dedito expectabatur: quod quum animadverteret Æmilius, velut ægre ferens hanc eorum admirationem: *An nescitis inquebat, quod illud ipsum ingenium, quod aciem instruere & exercitum ordinare docet, etiam doceat epulas bene ordinare!*

Tertia dos est, & præcipua, quod in ipsas Cultoris sui lucubrationes se se insinuet, & viam monstret, quam ille in iis ad perfectionem deducendis tenere debeat. Inprimis enim splendidam quamdam imaginandi rationem suggeret, qua res illas, de quibus differere constituit, in mente sua concipiat, ita ut nihil tritum, nihil humile, nihil obscurum, nihil tortum aut confusum adpareat; sed ubique exquisitum, dilucidum, & optime ordinatum elucescat. Porro facit, ut quæ mente concepit, proferat elegantia & cultu naturam rerum æmulante, cujus vestigia pede pressa & fidelissime sequitur, secluso omni tumore affectationeque seu ratiocinationis seu stili: præterea est sobria & moderata etiam in ipsa ornamentorum & divitiarum abundantia, easque nonnisi ad iudicii mensuram, atque cum gratia per

suas lucubrationes dispensât, nunquam mancipium, semper suarum opum domina. His ita condire novit orationem suam, uti peritus cocus cibos, ut etiam post finitas epulas, mensamque remotam orexin adhuc excitent. Demum nequaquam decipi se sinit, & oculorum aciem perstringi falso quodam argumentorum splendore: ponderat ea ad exactissimam criticæ bilancem, nec extra limites justæ ratiocinationis evagari permittit, sed omne quod redundat, nec ad rei summam pertinet, quantumvis belle luxuriat, tanquam inutiles pampinos absque miseratione refecat, quemadmodum Horatius canit:

*Recideret omne*

*Quod perfectum traberetur.*

neque tam indulget ingenio, quam inniturus judicio. Nam ut ait Quintilianus: *Quoties ingenium judicio caret, specie boni fallitur.* Quarta dos est, quod mentem a præjudicatis opinionibus liberam reddat. Sunt enim non pauci, qui Magistrorum, quibus operam dederunt, inscitia vel oscitatione circa ornatum, dictionem, argutias, argumentationem perverfas ideas animo impressas circumferunt, & depravato gustu laborant: Sunt alii, qui suoapte ingenio transversum aguntur,

nil

nil nisi sublimia, subtilia, delicata, & blandimenta sermonis sectantur, atque relictis gemmis & adamantibus vitro & conchiliis inhiant, hisque solis delectantur: sunt denique, qui postquam primis labris scientiæ cujusdam mel degustarunt, totum se favum exhaustisse credunt, & ipsi sapientiæ ab intimis consiliis esse se gloriantur. His omnibus, ubi attenta optimorum Auctorum lectione, observatione præclararum scriptorum, longaue exercitatione verum atque sincerum gustum hunc sibi compararunt, brevi post desipiunt veteres ideæ, deponunt præjudicia, abjiciunt crepundia, atque ab antiquis suis erroribus subito liberatos se gaudent. Simile quid, ut exemplo utar, notæ eruditionis ac doctrinæ Viro M. Antonio Mureto contigit, uti de seipso fatetur (i); Hic admodum Adolescens ad Jurisprudentiæ civilis studium animum adplicuit, & ut erat perspicaci præditus ingenio, ac ore promptus, eos fecit progressus, quos in tantula ætate mirabantur singuli, quibusque in publicis concertationibus adplaudebant omnes. Verum ubi postea in manus illius venire libri quidam, veteris Græciæ & antiqui Latii eruditione pleni, circumspicere se cœpit attonito similis, facileque  
agno-

(i) *Orat.* 15.

agnovit, quanta essent, quæ ignorasset hucusque. Visus sum, ait ipse, de cœlo decidisse, aut in alium quemdam orbem delatus esse: neque aliter affectus sum, quam egeni & inopes homines interdum solent, qui cum totam noctem somniarunt, se divites repente factos esse, ubi diu gemmas, aurum, purpuram dormientes contrectarunt, exporrecti omnia domi suæ obtexta telis aranearum vident. Quapropter velut pertæsus ignorantiam suam, & moræ impatiens in exteras regiones se contulit, ut Jurisprudentiam suam locupletiores redderet, opesque illas ac sincerum literarum, in quibus postea excelluit, gustum sibi compararet.

## §. II.

*Gustus malus & corruptus.*

## XXXIX.

**E**quidem monent sapientes, *de gustibus non esse disputandum*, id quod eam ob causam dictum esse existimo, tum quod nimis magna sit gustuum varietas, nempe tanta, quanta est rerum innumerarum, ad quæ is extendere se potest; tum quod labor foret inanis, tot hominum gustus ad unam velle regulam com-  
po-

ponere. Nihilominus si non disputare, saltem differere de illis licebit, & quidem hoc secundo loco de corrupto literarum gustu, ejusque causis, e quibus ea, quæ prius de bono ac sobrio dicta fuerunt, clarius relucebunt. Ante omnia vero nosse oportet gustus mali in re literaria radicem, quæ optime explicari potest per analogiam cum corrupto in cibus gustu. Hic enim a ventriculi & humorum mala adfectione ortum suum trahit; unde dulciaria, falsamenta, & acetaria plerumque adpetere videmus eos, in quibus bilis & humor acidus dominatur, cujus illa sunt alimentum. Ita profecto corruptus literarum gustus provenit ab interiore ingenii œconomia vitiata, & a sinistris de vario literarum genere ideis, quibus imbuta semel mens extra ordinem fertur in ea, quæ ingenium magis magisque depravant. Ire juvat per diversas artes atque scientias: In Grammatica seu arte latinitatis non pauci heroes esse sibi videntur, si verba grande quid sonantia & inflata, aut voces e Pacuvii armamentario depromptas, ac phrasas metaphoris bene fartas adferant, quum vera latinitas non nisi cultum simplicem amet, quem verba a probatis auctoribus, & primo fonti hujus linguæ vicinioribus usurpata, nitida, &

& in propria sua vi significandi adhibita, rectoque ordine sermonem perspicuum reddente collocata conciliant. In Poetica eo meliora quibusdam carmina videntur, quo altius assurgunt versus, ipsa tacturâ sidera, quoque audaciores fuerint tropi, pluresque fabulæ fabulis implexæ. Non sunt contenti Pegaso suo, si non in omnem partem calcitret, nec Musæ placent, si non tendant plectrum, usque dum fides rumpantur. Sed plane falluntur; nam ars hæc venam fluidam poscit, non turgentem: fulgurantes sententias, non fulminantes: fabulas instar condimenti parce adpersas, ac descriptiones verosimiles, quæque naturam proxime imitantur. In Oratoria facultate multi omnem vim ponunt in ornatu, in figuris, in periodorum ambitu, in dictione grandiloqua, quæ ipsius Demosthenis ac Tullii eloquentiam transcendant, nescientes hæc vestimenta duntaxat esse, quibus detractis nuda & pauper non raro adstat oratio, destituta argumentorum pondere, sententiarum energia, virtuteque movendi animos auditorum, ac in omnem qua lubet partem flectendi. In Philosophia quot capita, tot sententiæ: nihil placet, quod non Cartesius ad tornum excogitavit, quo novam mundi fabricam molitus est: nihil quod

quod non uncis & hamis e naturæ officina extraxit Gassendus: nihil quod non *vicentripeta* & *centrifuga*, in vorticem circum-egit Nevvtonus: nihil quod non geometricis methodi suæ passibus emensus est Wolfius. Interea solida & firma ratiocinandi virtus ac philosophandi ratio velut humi prostrata jacet, & naturæ arcana, quæ quivis horum detexisse se cum plausu jactitat, pluribus ac densioribus quam antea tenebris involvuntur. In Jurisprudentia alii primas deferunt leguleis, qui uno halitu bene multas citare leges norunt, licet pluribus obnoxia sint interpretationibus: alii *Actionum* peritis, qui ab una ad alteram dextere litem transferre sciunt, causamque ut corium extendere: alii novis Jurisprudentiæ oraculis, qui e statu puræ naturæ, qui nunquam existit, nec existet, æqui & justî principia deducunt, servitura hominibus, qui esse potuissent, non qui sunt: pauci illis, qui *statum questionis*, & *punctum juris* ut vocant, ante oculos positum habentes, nec ab eo damnosis ambagibus deflectentes, causas ex æquitate naturali, legum suffragio adjuta, definiunt. In arte Medica præplacent, qui ore latissimo Hippocratis & Galeni aphorismos & axiomata adplicare ægrotis possunt melius, quam medicamen-

camenta : qui velut ex tripode morbi originem, effectus, symptomata, crises &c. attonitis, qui ægrum circumstant, domesticis gravi sermone explicare valent, non raro autem virtutem herbarum, pharmacorum compositionem, rectamque medendi methodum ignorant, hariolantes multum, parum contra vim morbi ac mortis arte sua proficientes. Etiam in ipsam adeo Theologiam, sacram illam doctrinam, corrupti gustus se se insinuant; dum hi omnis ecclesiasticæ eruditionis otores totos se se subtilibus, quas speculationes dicunt, quæstionibus immergunt, & dialecticis artibus sacrum hoc forum implent: alii contra excusso ratiocinationis legitimæ iugo per ecclesiasticæ historiæ campos ubique evagantur, fidei vero dogmata & gravissima religionis mysteria velut intacta relinquunt: aliqui sprete Patrum auctoritate, antiquissima dogmata & traditiones convellere, abolitos pridem ritus & mores instaurare, totamque Ecclesiæ disciplinam & doctrinam ad intemperantis criseos tribunal vocare non verentur. Ecce! depravatos in omni fere artium ac scientiarum genere gustus, hoc maxime seculo dominantes.



## XL.

Jam vero ut ad causas singulares hujus mali descendam, facile prima est mala institutio a Præceptoribus ac Magistris accepta. Contingit autem istud partim quod hi ipsi sæpe laborent eodem morbo, & pretiosi hujus gustus literarum sanique judicii expertes sint, partim quod regularum traditione, auctoris alicujus explanatione, correctioneque mendorum contenti ad interiora artis aut scientiæ illius, qua discipulum informant, non penetrent, nec quid in ea luminosum, nitidum, sapidum, ac nobile, contra vero quid obscurum, pingue, austerum, siccum, humile sit, quasi digito monstrent, neque adsuefaciant ipsum juvenem, ut dum legit aut scribit, ad has ipsas dotes animum advertat.

Altera causa est inconsulta lectio auctorum. Plurimum sane refert, quem quis auctorem primo legat, sibi que imitandum proponat: nam

*Quo semel est imbuta recens, servabit  
odorem*

*Testa diu.*

Si in latinitate addiscenda, in Poesi vel Rhetorica, aliove disciplinæ genere auctor, qui primus in manus incidit, vel

nimum sublimis, vel omnino humilis incedat: si Laconum more sensus abruptos proferat, vel ubicunque janua patet, latissime evagetur, vix domum rediturus: si nimium presso pede minutias quasque sectetur; vel contra sine ordine sine lege plurima coacervet, si eodem sermonis tenore cultuque parva, mediocria, & magna persequatur &c. fieri haud potest, ut ex ejusmodi malo prototypo non prodeat quoque ectypon vitiosum, & quod primis labris fugitur lac morbidum, sanguinem & humores non inficiat. Pejus adhuc foret, si disciplinæ alicujus Candidatus obviis quibusvis scriptoribus promiscue ac sine delectu evolvendis operam daret: contingeret enim illi, quod convivæ alicui in mensa laute ac dapsiliter instructa, qui ex omni ciborum genere, calido & frigido, lixo & frixo, dulci & salso vegetigal sibi ipsi penderet; næ hic ventriculum oneraret supra vires, tantaque varietate brevi facultatem digerendi, omnemque gustum sobrium pessumdaret? Tertia causa est festinatio in literarum studio. Qua enim ratione illi, qui nunc hanc nunc illam scientiam vel artem in superficie degustant, plenam vel unius notitiam sibi comparabunt, e qua verus probusque gustus nascitur? consistit hic,

ut dixi, in recte judicandi ac discernendi arte, ad quam nunquam perveniet, qui leviter duntaxat tinctus est, & veluti e Nilo lambit solum, non haurit aquas. Si in ulla alia re verum est tritum illud adagium, *quod cito fit, cito perit*, profecto in artibus & scientiis addiscendis id valet. Sunt enim illarum principia, placita, & veritates velut semina, a quibus, si non profundius in terram demittantur, & longiore tempore sub ea lateant, nunquam seges ac messis expectari potest.

Quarta causa est pravam exemplum, quo aliquis, qui raris naturæ dotibus instructus formam & popularem adplausum sibi conciliavit, cæteris præit: sufficit enim vel unus ad malum gustum ac stilum corruptum introducendum; quippe non raro fit, ut ejusmodi sublime ingenium secreta quadam ambitione stimulum, quo veluti a turba scriptorum, Oratorum, Philosophorum ac Theologorum se se distinguat, singularem sibi hippodromum aperiat, in quo cum novo dicendi genere, cum novo cœli aut terræ systemate, cum novis dogmatibus compareat, & spreta Veterum Magistrorum auctoritate de novorum discipulorum sua vestigia prementium comitatu sibi prospiciat. Ita

brevi cedere cogitur existimationi recta ratio, solidum fulguranti, mirabili naturale ac verum, dumque præstigiola quadam vi ac dulci incantamento reportatur admiratio, præsto sunt, qui spe similis successus animati imitentur, suaque clientela hujusmodi novitatem firment atque corroborent. Ita sincerus gustus antiquus pellitur, eique novus succedit, secumque integram sæpe nationem, etiam doctorum hominum, torrentis instar abripit. Non desunt hujus rei exempla: Plus æquo delectatus est scriptor quidam (quis primus fuerit, non satis patet) figura illa Rhetorica, quam *similiter cadentium* verborum dicunt, eamque frequentius adhibuit. Et ecce! brevi gustus hic ita inter scriptores alios invaluit, ut Sanctos quoque Patres, ingenio, sententiarum gravitate, ac dictionis elegantia cæteroqui summe conspicuos corripuerit, quemadmodum in illorum sermonibus & homiliis passim adparet. Gothi & Longobardi usi quadam libertate illiberali latina verba & voces puras castasque addendo unam vel plures syllabas, demendo, mutando e verbis in adjectiva, ex adjectivis in substantiva & adverbia, veluti ceram in omnem partem & figuram inflexerunt, atque post hos multis seculis etiam docti quique Viri & Scri-

Scriptores morem hunc barbarum in sermonem, in libros, in scholas omnium fere disciplinarum invexerunt, ita ut necdum radicitus evelli potuerit, sed tristes adhuc reliquiae supersint. Inter Nortmannos, ultimae Saxoniae & Scandiae populum, qui Seculo IX. Galliam, Hispaniam, & Italiam occuparunt, quidam Leo nomine fuit, aut alius conditor versuum, quos Leoninos vocant etiamnum hodie, hisque gentem suam & aliquot post se secula infecit, licet ut plurimum essent versus barbari & primis suis parentibus similes: exstantque multa adhuc vestigia in saxis sepulchralibus. Cartesius in Gallia manum adplicuit ad novum mundi systema fabricandum, cui ipsemet fidem non adhibuit, ut suo loco videbimus: nihilominus Cartesianae sectae fermentum brevissimo tempore tam late se propagavit, ut qui Cartesianus non esset, e Philosophorum Catalogo indicta causa expungeretur. Wolfius in Germania novam philosophandi methodum geometricam cudit, & confestim invenit sectatores bene multos, qui strepitum ingentem excitarunt, & sine hac nihil, per hanc omnia Philosophiae ac naturae arcana demonstrari jactitarunt: quumque ex ipso Wolfio demonstrarent Viri doctissimi, quam vana, & inanis sit

R ;

hæc

hæc methodus, subito conclamarunt, eos Wolfium nec intelligere posse, nec velle. In Theologiam cum insolente sua arte Critica Dupinus, Clericus &c. irruperunt, nec Patribus, nec Conciliis, nec antiquissimis Ecclesiæ traditionibus parcere adsueta: alii temere proscripta speculandi ac ratiocinandi circa divina mysteria methodo omnes paginas Patrum sententiis, dogmaticis sanctionibus, & historiæ Ecclesiasticæ fragmentis implerunt; hæcque novandi libido quam plurimos hoc ævo invasit, ut pauci modo Theologos Scholasticos, sed plerique Criticos & Dogmaticos non sine injuria sacræ hujus doctrinæ se profiteantur. Ita unius vel paucorum ut dixi pravo exemplo debemus corruptos in plerisque artibus & scientiis gustus. Accidere heic mihi videtur, quod de quodam Francorum Rege legisse me memini, scilicet, quod Rege nescio quo fato aut casu claudicante continuo satrapæ omnes claudicantes inceserint, vel ne Rex solus hoc pedum vitio laborare videretur, vel quod perquam honorificum sibi ducerent imitari Regem, etiam deformando id, quod benigna natura in ipsis tam belle formavit. Quinta demum caussa est corruptela morum aliis in rebus ad vitam humanam pertinentibus, quæ corruptelam quoque veri gustus in literis post se trahere solet.

let. Diximus enim non ita pridem, gustum quemdam rerum a natura nobis insitum esse, eundemque quem in literis sentimus, si arte perficiatur, in omnes quoque humanæ conditionis actiones etiam diversissimas se se insinuare, ut recto ordine, provide, & decore fiant. Quodsi bonus in his gustus semel vitium contrahat, succedatque malus, brevi etiam idem fatum in re literaria experietur, ac sensim depravabitur. Jam vero quis nescit, quam multi sint, qui veteris in vestitu modestiæ ac gravitatis pertæsi exteris pannis, fimbriis, monilibus, armillis, togis & pileis, verbo, habitu a capite usque ad calcem peregrino, & quidem identidem mutato, incedant? qui sobrietatis antiquæ obliti variarum nationum gustus in mensas & epulas introducant, & altitia ac pisces, vina massica aliosque potus, herbas & fructus atque lautitias a patriæ moribus alienas e remotis sæpe regionibus magnis impensis advehant? qui linguæ, quam cum lacte biberunt, tædio adfecti aut aliis addiscendis operam dent, mireque in iis glorientur, aut suam novis vocabulis, nova pronuntiatione, vocumque inflexione continuo in alias formas migrare jubeant, relicta primæva oris ac cordis simplicitate? Taceo alias vitæ nostræ actiones, quas quotidianæ variationi obnoxias

ipsi reddimus. Quid mirum, si hac perpetua novandi cupiditate ac consuetudine abrepti in literis quoque primigenium ac sincerum gustum perdamus, semperque magis corruptum induamus? Hanc ipsam quam adtuli causam postremam, eleganter explicat Seneca in una suarum epistolarum (k). Nam interpellatus ab amico sciscitante: *Quare quibusdam temporibus provenerit corrupti generis oratio?* quave ratione contigerit, ut ingenia Oratorum in non pauca vitia prolapsi fuerint, dum aliqui audacius quam par est, talia proferrent, quæ omnem fidem egrederentur: alii abruptis & concisis sententiis orationem implerent, quæ plus negotii facefferent capiti, quam auribus: aliqui translationis jure uterentur satis invereconde? huic inquam scite respondit Seneca proverbio apud Græcos domestico: *Talis hominibus fuit oratio, qualis vita.* Aiebat enim: *Quemadmodum uniuscujusque oratio dicenti similis est, sic genus dicendi aliquando imitatur publicos mores . . . si disciplina civitatis laboravit, & se in delicias dedit, argumentum est luxuriæ publicæ orationis lascivia . . . non potest alius esse ingenio, alius animo labor . . . cum assuevit animus fastidire, quæ ex more sunt, & illi pro sordidis solita*

(k) *Epist.* II 4.



*ta sunt, etiam in oratione, quod novum est, querit &c.* Exemplo esse poterunt Gothorum tempora, quibus gens hæc relicto bono gustu Architectonicæ Romanæ inconditas ædificiorum moles struxerat, ponderosis crassisque ornamentis prægraves, absque debita proportionem, vix ulla cum symmetria. Et ecce! non minus ævi illius Auctores inconditum, impositum, inordinatum, multisque hiatibus patens scribendi genus sunt amplexi, uti testantur librorum monumenta posteritati relicta.

Quapropter nihil magis cordi habere deberent Doctores atque Magistri, quam ut bonum & sobrium literarum disciplinarumque, quibus præsunt, gustum juventuti a se informandæ tum a teneris instillent, tum solícite eundem conservare, ac perpetim excitare studeant, cogitentque se grandis hujus ut vocant *Depositi* custodes esse constitutos. Consuetudines, leges, mores populorum, quin & artes ac scientiæ continuo variant. Multa quæ olim velut sacrosancta habebantur, hodie ne usui quidem sunt, & moribus nostris repugnant: quædam quæ prius rara, maximique pretii erant, nunc ipsa copia evi-

blicarum multarum forma, gubernandi ratio, totaque facies ita mutata est, ut nil fere præter umbram prioris nostris temporibus superstes relictum sit. At bonus & genuinus gustus super principia immobilia stabilitus omni tempore idem est, ac esse debet, atque in omnibus artibus & scientiis dominari. Sine hoc (qui ut initio dicebam, consistit in virtute quadam ac vi discernendi, sanumque ferendi iudicium, quid in unaquaque disciplina nitidum, nobile, decorum, splendidum, quisque proprius ejusdem character sit) sine hoc inquam nihil recte agitur, neque unquam ad perfectionis apicem pervenitur. Nihil est pulchrius, nihil utilius historia, sed qui contentus est onerare memoriam infinita rerum & factorum multitudine indigesta, totamque sollicitudinem Chronologiæ ac Geographiæ difficultatibus enucleandis impendit, quin cognoscere satagat genium, mores, characteres gentium, grandiumque heroum, quorum inibi mentio fit, cumque sui temporis genio & moribus diligenter conferat, parum se profecisse noverit. Nihil arte Oratoria magnificentius; sed qui in solo præceptorum, periodorum, troporum ac figurarum vestibulo se se detinet, nec ad interiora, in quibus vis argumentandi, urgendi, elevandi

vandi consistit, & ad energiam splendoremque dictionis, & sententiarum maiestatem penetrat, continget illi, quod Cicero prodidit de Cleanthe dicens (l): *Scripsit artem Rhetoricam Cleanthes, sed sic, ut si quis obmutescere concupiverit, nihil aliud legere debeat.* Philosophia nobilissimum studium est, sine quo vix scimus, quod in mundo vivamus. Quis neget? Verum si curiosarum duntaxat rerum, machinarum & effectuum mirabilium cognitione intellectum pascere juvat, nec solida circa res & opera naturæ rationatione, certaue methodo universi totius harmoniam complecti satagis, & ad veritatem investigandam, morumque doctrinam animum advertis, vix aliud laboris stipendium præter barbam & pallium Philosophi promereberis. Quod de tribus dixi, hoc de cunctis artibus & scientiis dictum esse velim, memor illius, quod Quintilianus pronunciavit (m): *Illud dicere satis habeo, nihil esse, non modo in orando, sed in omni vita, prius consilio, id est, bono gustu & iudicio.*

Hæc de artibus & scientiis universe dicta sufficiant. Nunc ad illas speciatim

(l) *De Finib. l. 4.*

(m) *Lib. 6. cap. 6.*

268 *Cap. V. Gustus Literarum.*

tim ea, qua in Procœmio dixi, ratione ac  
methodo explanandas illustrandasque nos  
accingamus, ita tamen, ut in singulis  
non obliviscamur, quæ de universis  
in medium prolata fuerunt.



INDEX



# INDEX

## RERUM ET VERBORUM

### LIBRI I.

P. Indicat Proœmium. L. Librum. N. Numerum Libri.

#### A.

*Abrabamus excoluit artes & scientias in Chaldæa.* L. 1. N. 3.

*Academiae Literatorum.* L. 1. N. 10.

*Academiae Platonis, & Ciceronis.* L. 1. N. 11.

*Academia Alexandrina.* L. 1. N. 11.

*Academia Romana: ejus origo: jura & privilegia.* L. 1. N. 11.

*Academia Atheniensis migrat Romam.* L. 1. N. 12.

*Academiae Romanae locus olim Capitolium: Eam fovent & instaurant Pontifices.*

*Clemens V. linguarum Professores in ea constituit.* L. 1. N. 12.

*Academiae Parisiensis origo: concursus ad illam.* L. 1. N. 13.

*In-*

## Index Rerum

- Instauratur a Ludovico S. Rege.* L. 1. N. 13.  
*Reditibus & privilegiis augetur a Regibus & Pontificibus.* L. 1. N. 13.  
*Prodeunt ex ea Viri præstantissimi.* L. 1. N. 13.  
*Academiæ Viennensis conditor Fridericus II. Imp.* L. 1. N. 14.  
*Eam amplificavit Albertus Archidux.* L. 1. N. 14.  
*Jurisprudentiæ studium instauratur a Maximiliano I.* L. 1. N. 14.  
*Quatuor Facultates in eam induxit Ferdinandus I.* L. 1. N. 14.  
*Academici Reſtoris dignitas & potestas.* L. 1. N. 14.  
*Academiæ Viennensem Maria Theresia. & R. literis & Professoribus auxit.* L. 1. N. 14.  
*Academiæ præcipuæ totius orbis secundum seriem seculorum: earum Fundatores.* L. 1. N. 15.  
*Academiæ ortæ e scholis privatis.* L. 1. N. 16.  
*Cur Universitates dicantur.* L. 1. N. 16.  
*Academiæ Romanæ statuta ad disciplinam morum pertinentia.* L. 1. N. 31.  
*Adamus parens & magister humani generis: erudit nepotes suos in omni artium & scientiarum genere.* L. 1. N. 12.  
*Al-*

*& Verborum Lib. I.*

- Alphonſi Caſtiliæ Regis impium dictum.*  
L. 1. N. 34.
- Architeſti officium.*  
L. 1. Pr.
- Item e Vitruvio.*  
L. 1. N. 7.
- Artes & Scientiæ omnes a Deo proficiſcuntur.*  
L. 1. N. 1.
- Earum inventionem male ſibi tribuunt  
Ægyptii ac Græci.*  
L. 1. N. 2.
- Artium & Scientiarum prima Sedes.*  
L. 1. N. 3.
- Earum peregrinatio.*  
L. 1. N. 3.
- Quomodo ad Græcos pervenerint.*  
L. 1. N. 3.
- Florent Athenis.*  
L. 1. N. 3.
- Illarum propagatio in Aſiam, Galliam,  
Hiſpaniam & Germaniam.*  
L. 1. N. 3.
- Quomodo ad Romanos pervenerint.*  
L. 1. N. 3.
- Religio Chriſtiana multum iis profuit.*  
L. 1. N. 4.
- Artium & Scientiarum periodi ac ſtationes.*  
L. 1. N. 4.
- Illarum detrimenta.*  
L. 1. N. 28.
- Archigymnaſii Romani fabrica ſplendiſſima.*  
L. 1. N. 12.
- Auguſti Imp. favor erga magiſtros & ſtudioſos Romæ.*  
L. 1. N. 12.
- B. Bul-

## Index Rerum

### B.

- Baldus qua ratione evaserit Juris oraculum.* L. 1. N. 33.  
*Bibliothecæ nomine varii libri gaudent.* L. 1. Pr.  
*Bibliothecarum encomium.* L. 1. N. 22.  
*Bibliothecam primus struxit Osymundus Ægypti Rex.* L. 1. N. 22.  
*Primus publicis usibus dicavit Pisistratus.* L. 1. N. 22.  
*Primus modum instruendi docuit Aristoteles.* L. 1. N. 22.  
*Bibliotheca Alexandrina.* L. 1. N. 22.  
*Bibliothecæ Romanæ: Pollionis; Augusti Octavia & Palatina: in monte Aventino dicta Atrium Libertatis: prope templum Pacis: Trajani seu Ulpia: Capitolina.* L. 1. N. 23.  
*Earundem ornamenta.* L. 1. N. 23.  
*Bibliotheca Vaticana: inchoata, in ordinem redacta, aucta, & perfecta a Pontificibus.* L. 1. N. 24.  
*Nobilitata numismatis & manuscriptis.* L. 1. N. 24.  
*Ejusdem Præfecti, & Scriptores de illa.* L. 1. N. 24.  
*Bibliotheca Vindobonensis structa a Maximiliano I. aucta a reliquis Imperatoribus, ornata a Carolo VI.* L. 1. N. 25.

Huic



## § Verborum Lib. I.

*Huic intulit bibliothecam suam Eugenius Princeps Sabaudiae notissimus.*

L. 1. N. 25.

*Bibliotheca Vindobonensis historia.*

L. 1. N. 25.

*Insignes illius Praefecti.*

L. 1. N. 25.

*Bibliotheca Parisiensis Regia.*

L. 1. N. 26.

*Bibliotheca privatae Caroli Magni &c.*

L. 1. N. 26.

*Publ. Parisiensis Conditores.*

L. 1. N. 26.

*Aucta, ornata, & dilata a reliquis Regibus.*

L. 1. N. 26.

*Viri praestantes tum Praefecti hujus bibliothecae, tum qui ex ea profecerunt.*

L. 1. N. 26.

*de Bibliothecis Scriptores universe.*

L. 1. N. 27.

*Bibliotheca aliae magis conspicuae in Italia, in Gallia, in Germania; in Anglia, in Hispania, in Lusitania: in Suecia, in Dania, in Bohemia: in Batavia, in Belgio, in Borussia.*

L. 1. N. 27.

## C.

*Canis Melchioris dictum de libertate opinandi.*

L. 1. N. 34.

*Cicero variis scientiis excultus.*

L. 1. N. 6.

*Frustra Marcum filium in scientiis informare conatur.*

L. 1. N. 33.

**BIBLIOTH. DOMEST. LIB. I.      S      Cou**

## Index Rerum

*Congregationes seu sodalitates Marianaæ in  
Academiis & Gymnasiis S. J. ad virtu-  
tem cum literis conjungendam institutæ.*

L. 1. N. 31.

*Corona triumphalis, Obsidionalis, Civi-  
ca, Muralis, Castrensis, & Navalis.*

L. 1. N. 16.

## D.

*Disciplina Magistrorum & Discipulorum  
Romæ.*

L. 1. N. 12.

*Disciplinæ defectus unde oriatur.*

L. 1. N. 31.

*Discrimen inter doctos & eruditos.*

L. 1. Pr.

*Disputandi ardor nimius reprehenditur.*

L. 1. N. 35.

*Disputandi studium præclare introductum  
in Academiis.*

L. 1. N. 35.

*Disputandi ratio qualis olim fuerit inter  
Magistros & Doctores.*

L. 1. N. 35.

## E.

*Encyclopædiæ studium: argumenta in  
utramque partem, pro & contra hoc  
studium.*

L. 1. L. 9.

*Encyclopædiæ cultores.*

L. 1. N. 10.

*Eruditionis nimia cupiditas plerumque  
plus obest, quam prodest.*

L. 1. N. 9.

F. Fa.

¶ Verborum Lib. I.

F.

*Faber S. J. e primi S. Ignatii sociis docet  
in Gymnasio Sapientiae, Romae.*  
L. I. N. 12.

G.

*Grammaticae necessitudo cum aliis scientiis.*  
L. I. N. 7.

*Grammatici perfecti officium.* L. I. N. 7.  
*de Gradibus Literariis Solonis dictum.*  
L. I. N. 16.

*Cur in Academiis instituti.* L. I. N. 16.

*Auctores primi horum Graduum.*  
L. I. N. 16.

*Quot sint ejusmodi Gradus.* L. I. N. 16.

*Graduum literariorum defensio ex Olendorpio.*  
L. I. N. 16.

*Gregorius XIII. insignis Patronus studiorum.*  
L. I. N. 12.

*Ejus elogium funebre.* L. I. N. 12.

*Gustus literarum quid sit?* L. I. N. 37.

*Gustus boni semina a natura nobis insita sunt.*  
L. I. N. 37.

*Perficitur usu & consuetudine cum hominibus cultis: etiam arte.* L. I. N. 37.

*Dos gustus boni consistit in delectu optimorum.*  
L. I. N. 38.

*Insinuat se tum in artes & scientias, tum in alias vitae functiones.* L. I. N. 38.

## Index Rerum

- Gustus monstrat, quid bonum quid malum sit in lucubrationibus.* L. 1. N. 38.
- Liberat hominem a præjudicatis opinionibus & male conceptis ideis.* L. 1. N. 38.
- Gustus corrupti radices in vario scientiarum genere.* L. 1. N. 39.
- Ejus causæ multiplices: mala institutio: inconsulta lectio.* L. 1. N. 40.
- Festinatio in literarum studio: prævum exemplum Novatorum: Corruptio morum in aliis vitæ actionibus.* L. 1. N. 40.
- Gustus hujus sæculi corruptus in vestibus, in cibis, in linguis.* L. 1. N. 40.
- Senecæ judicium de corrupto literarum gustu.* L. 1. N. 40.
- Gustus bonus & sincerus mature instillari debet discipulis.* L. 1. N. 40.
- Sine hoc in quavis arte & scientia parum vel nihil proficitur.* L. 1. N. 40.
- Gymnasium celebre S. J. erigitur Romæ a Gregorio XIII.* L. 1. N. 12.
- Gymnasia unde dicta.* L. 1. N. 17.
- Quinam primi occuparint Gymnasia.* L. 1. N. 17.
- Constat scholis & classibus.* L. 1. N. 17.
- Gymnasiorum S. J. leges perpetuæ.* L. 1. N. 31.
- Aditus non debet patere cunctis absque discrimine.* L. 1. N. 32.
- H. Ha-

& Verborum Lib. I.

H.

*Hæses studium theologicum promove-  
runt.* L. 1. N. 6.

*Historia necessitudo cum aliis scientiis.*  
L. 1. N. 6.

I.

*Ingenium quid sit?* L. 1. N. 32.

*Multum dependet a temperamento;*  
L. 1. N. 32.

*Sæpe ab altiore principio.* L. 1. N. 32.

*Ingeniorum divisio ex Aristotele.* L. 1. N. 32.

*Alia sublimia, alia mediocria, alia bu-  
milia.* L. 1. N. 32.

*Rursus alia præcocia, & serotina: fe-  
licia & infelicia: velocia & obtusa.*  
L. 1. N. 32.

*Diversitatis causas tres assignat Plato.*  
L. 1. N. 32.

*Temperamentum ingeniis aptum.*  
L. 1. N. 32.

*Ingeniorum indolem tribuere planetis su-  
perstitiosum est.* L. 1. N. 32.

*Ingenia diligenter examinabant præsci  
Philosophi.* L. 1. N. 32.

*Ingenium Pythagoræ tentat Democri-  
tus.* L. 1. N. 32.

*De Ingeniorum aptitudine Huarti opi-  
nio.* L. 1. N. 33.

## Index Rerum

*Ingenia alia memoria valent: alia intelligendi virtute: alia vi cogitandi: singulorum aptitudo ad varias disciplinas.*

L. 1. N. 33.

*Ingenium bebes quomodo tractandum.*

L. 1. N. 33.

*Ingenia calitus afflata.*

L. 1. N. 33.

*Ingenio agros animatos adpellat Clemens Alexandrinus.*

L. 1. N. 33.

*De Ingeniis acribus, & tardis dictum Isocratis.*

L. 1. N. 33.

*De Ingeniis sublimibus Demetrii Phalaræi dictum.*

L. 1. N. 33.

*Ingenia mediocria quomodo tractanda.*

L. 1. N. 33.

*Per industriam promoveri possunt ad sublimem scientiæ gradum.*

L. 1. N. 33.

*Exempla in Cleante, Demosthene &c.*

L. 1. N. 33.

*Ingenia juvenum tractandi ratio e Wagnero S. J.*

L. 1. N. 33.

*Institutum Bononiense, Lipsiense, Vienneense.*

L. 1. N. 5.

*Jus naturæ ab Adamo traditum Nepotibus.*

L. 1. N. 6.

*Jus Oeconomicum in familiis viguit.*

L. 1. N. 6.

*Gentium inter Gentes.*

L. 1. N. 6.

*Civile & Politicum in Urbibus.*

L. 1. N. 6.

Pro-

## ¶ Verborum Lib. I.

*Profanum in familia Caini.* L. 1. N. 6.

*Sacrum in Sethi posteritate.* L. 1. N. 6.

*Juris Doctores primi in lege scripta Moses  
& Aaron.* L. 1. N. 6.

*Jus sacrum apud gentes per Pontifices ad-  
ministratum.* L. 1. N. 6.

*Juris Romani & Communis initium sub  
Augusto.* L. 1. N. 6.

*Auctum a sequentibus Imperatoribus.*  
L. 1. N. 6.

*In formam redactum a Justiniano Imp.*  
L. 1. N. 6.

*Juris Ecclesiastici initium sub primis Pon-  
tificibus: a Successoribus auctum: a Gre-  
gorio IX. in corpus Juris Canonici reda-  
ctum.* L. 1. N. 6.

*Jurisprudentiæ necessitudo cum aliis scien-  
tiis.* L. 1. N. 7.

*Jurisperiti non poterant respondere Romæ  
sine Augusti auctoritate.* L. 1. N. 16.

*Jurisprudentia Romæ ac Constantinopoli.*  
L. 1. N. 16.

*Julii Cæsaris favor erga studia Romæ.*  
L. 1. N. 12.

*Juvenis a Platone instructi dictum egré-  
gium.* L. 1. N. 20.

*Juvenibus constantia in labore literariis  
commendatur.* L. 1. N. 33.

## Index Rerum

### L.

*Lainicus S. J. docet in Gymnasio sapientiæ.*

L. 1. N. 12.

*Lectio librorum inconsulta, vaga, vel nimis curiosa plus nocet.*

L. 1. N. 30.

*Lectio auctorum quæ tyroni vitanda.*

L. 1. N. 40.

*Legislatores inter gentes: Mercurius Trismegistus, Pboronæus Rex, Lycurgus, Solon, Numa Pompilius.*

L. 1. N. 6.

*Leges tam divinæ quam humanæ olim non poterant doceri, nisi in civitatibus.*

L. 1. N. 16.

*Leo X. Pont. literaturam plurimum promovet.*

L. 1. N. 12.

*Liberalitas Imperatorum erga artium doctores & præceptores.*

L. 1. N. 21.

*Libertas in discendo & docendo noxia.*

L. 1. N. 28.

*Libri non pauci magnam bodie stragem fidei & morum edunt.*

L. 1. N. 30.

*Librorum scriptio quandonam bona sit.*

L. 1. N. 35.

*De libris Antiquariorum hujus ævi.*

L. 1. N. 35.

*Lingua prima fuit Hebraica.*

L. 1. N. 4.

*Aliæ primigeniæ: Græca, Latina, Germanica, Slavonica.*

L. 1. N. 4.

*Linguae latinae ætates: ejus instauratio.*

L. 1. N. 4.

Lin-



## & Verborum Lib. I.

- Linguae latinae neglectus.* L. 1. Pr.  
*Eam corruerunt Gotbi, & Longobardi.* L. 1. N. 40.  
*Lipsii epigraphæ.* L. 1. N. 31.  
*Livii elegans elogium de Catone.* L. 1. N. 33.  
*Literis an cum virtutis studio bene conveniat.* L. 1. N. 31.  
*Lyceum Aristotelis & Ciceronis.* L. 1. N. 12.

### M.

- Matbesin, maxime Astronomiam docuit Adam, Abraham & Moses.* L. 1. N. 5.  
*Promoverunt Ægyptii, Græci, Sineses.* L. 1. N. 4.  
*Romæ aliquandiu culta.* L. 1. N. 5.  
*In Germania & Galliis instaurata.* L. 1. N. 5.  
*Eam societates regiae multum perfecerunt.* L. 1. N. 5.  
*Mathematici Germani insignes: Peirbachius, Mullerus, Copernicus, Tycho Brabe, Kepplerus. Hevelius, Hugenius, Kircherus, Schottus.* L. 1. N. 5.  
*Mathematici Galli præstantes: Decbalus, D.D. Cassini.* L. 1. N. 5.  
*Medicinæ auctor ipse Deus.* L. 1. N. 5.  
*Medici in Ægypto Josephi Proregis tempore.* L. 1. N. 5.  
*Medicinam promovit Salomon.* L. 1. N. 5.  
*Medici Græci insignes: Apollo, Æsculapius, & tota bujus familia.* L. 1. N. 5.

## Index Rerum

*Medicorum tres sectæ: Empirica, Metb-  
dica, & Rationalis.* L. 1. N. 5.

*Medici Roma pulsi.* L. 1. N. 5.

*Medicinam restituit Galenus.* L. 1. N. 5.

*Medicinæ necessitudo cum aliis scientiis.*  
L. 1. N. 7.

• *Medicina in Germania plurimum exulta.*  
L. 1. N. 5.

*Methodus studendi continuo mutata non est  
proba.* L. 1. N. 36.

*Methodus veterum nec est universe proban-  
da, nec tota rejicienda.* L. 1. N. 36.

*Multa veterum in variis disciplinis exo-  
leverunt: in Architectonica, in re  
agraria, in arte medendi.* L. 1. N. 36.

*De varitate in Metodo docendi & di-  
scendi crisis Desingii.* L. 1. N. 36.

*Bonæ methodi dotes: debet esse ordinata,  
optime excogitata, & universalis.*  
L. 1. N. 36.

*Mos eligendi SS. Patronos pro singulis Fa-  
cultatibus Academiaram Catholicarum.*  
L. 1. N. 14.

*Moses hebræos crudivit in omni scientia-  
rum genere.* L. 1. N. 3.

*Mureti Antonii mirabilis profectus in li-  
teris.* L. 1. N. 38.

*Museum sacrum, erectum a Benedicto XIV.  
prope Bibliothecam Vaticanam.* L. 1. N. 24.

## ¶ Verborum Lib. I.

### N.

*Nicolaus V. Pont. Romanam linguam restituit.* L. 1. N. 12.

*Novandi studium plerumque periculosum.* L. 1. N. 29.

### O.

*Oratores celebres Græci, Latini, Sacri.* L. 1. N. 4.

### P.

*Pantæmus primus S. Doctrinam tradit Alexandriæ.* L. 1. N. 1.

*Patres Theologi Græci & Latini.* L. 1. N. 6.

*Paullus Æmylius eodem ordine aciem & convivium instruit.* L. 1. N. 38.

*Philosophiam primus explanavit Moses.* L. 1. N. 5.

*Ægyptii didicerunt ab Abrahamo & Mose.* L. 1. N. 5.

*Philosophia Jonica, & Eleatica. Item Eclectica.* L. 1. N. 5.

*Eam Romani a Græcis hausserunt, maxime moralem.* L. 1. N. 5.

*Philosophiæ studuerunt Christiani ad refellendos hæreticos.* L. 1. N. 5.

*Collapsam restituerunt Averroes, & Avicena.* L. 1. N. 5.

*D. Thomas eam interpretatus est.* L. 1. N. 5.

*Galli, Itali, & Germani experimentis, novisque inventis exornarunt.* L. 1. N. 5.

*Pbi.*

## Index Rerum

- Philosophi Græci.* L. 1. N. 6.  
*Philosophiæ necessitudo cum aliis scientiis.* L. 1. N. 7.  
*Pbilautia seu adulatio indigna homine literato.* L. 1. N. 29.  
*Platanum Socratis.* L. 1. N. 10.  
*Platonis regulæ censura librorum.* L. 1. N. 10.  
*Poesis natales.* L. 1. N. 4.  
*Poesin Græci hauserunt e sacris libris.* L. 1. N. 4.  
*Poesis necessitudo cum aliis scientiis.* L. 1. N. 6.  
*Præceptores Alexandri M. Lysimachus & Aristoteles: utriusque discrimen.* L. 1. N. 20.  
*Præceptorum ac Discipulorum egregiorum exempla.* L. 1. N. 20.  
*Præceptores avocant a vitiis.* L. 1. N. 20.

## Q.

- Quæstio, an melius sit uni, quam pluribus scientiis se impendere.* L. 1. N. 9.  
*Quintilianus pro juventutis informatione primus Romæ salarium accipit.* L. 1. N. 21.

## R.

- Rhetorica ortum habuit ex hominum societate, & civitatibus.* L. 1. N. 4.  
*Ejusdem ætates.* L. 1. N. 4.  
*Rhe-*

## & Verborum Lib. I.

*Rhetoricæ necessitudo cum aliis scientiis.*  
L. 1. N. 6.

### S.

*Saturnalia Macrobiani.* L. 1. N. 10.

*Schola salernitana olim inter Medicas præcipua.* L. 1. N. 5.

*Scholæ Theologicæ primorum Christianorum.* L. 1. N. 6.

*Schola unde dicta.* L. 1. N. 17.

*Scholæ olim in porticibus.* L. 1. N. 17.

*Scholarum antiquitas, necessitas & utilitas.* L. 1. N. 17.

*Scholæ publicæ an præferendæ sint privatis.* L. 1. N. 18.

*Pro scholis publicis effata Quintilianus.*

*Contra scholarum multitudinem.* L. 1. N. 19.

*Pro scholarum frequentia.* L. 1. N. 19.

*Moderamen circa scholas.* L. 1. N. 19.

*Scholarum multitudinem impugnat graviter, sed male Grammonodus.* L. 1. N. 19.

*De scholarum Præceptoribus & Magistris.* L. 1. N. 19.

*Sciatorum genius reipublicæ noxius.* L. 1. N. 34.

*Scriptorum bujus ævi vitia quædam.* L. 1. N. 35.

*Scriptores debent similes esse apibus, non fucis.* L. 1. N. 35.

Non

## Index Rerum

- Non debent manus profanas injicere in  
res sacras, & traditiones Veterum.*  
L. 1. N. 33.
- Seminaria plura eriguntur a Gregorio XIII.*  
L. 1. N. 12.
- Societates Regiæ: Parisiensis, Anglicana,  
Berolina, Petropolitana.* L. 1. N. 5. & 27.
- Harum societatum Patroni Principes.*  
L. 1. N. 27.
- Sorbona inclytum Collegium Theologicum.*  
L. 1. N. 13.
- Ejus initium & progressus.* L. 1. N. 13.
- Sæpius consulitur a Principibus & Pon-  
tificibus.* L. 1. N. 13.
- Speculatio nimia obest doctrinæ.* L. 1. N. 35.
- De speculationibus judicium Posssevini.*  
L. 1. N. 35.
- Studiorum recta ratio tenenda.* L. 1. N. 36.
- Studiorum tempus olim longius, nunc bre-  
vius.* L. 1. N. 36.
- Theologiam contraxit D. Thomas: Jus  
Canonicum Gratianus, Raymundus  
Pennafort: Civile Accursius & Bar-  
toli: Philosophiam Patres Conimbri-  
censes.* L. 1. N. 36.
- Studiorum ratio pro Academiis & Gym-  
nasiis Soc. Jes. Romæ confecta.* L. 1.  
N. 36.
- Superbia & vana gloria vitium literis ma-  
xime noxium.* L. 1. N. 29.  
T. Theo-

& Verborum Lib. I.

T.

- Theologia tam naturalis quam supernaturalis a Deo est.* L. 1. N. 6.
- Theologica scientia ab Adamo propagata in posteros.* L. 1. N. 6.
- Theologia naturalis Gentilium.* L. 1. N. 6.
- Hæc divisa erat in Poeticam, Physicam, & Civilem.* L. 1. N. 6.
- Theologia supernaturali viguit in populo Dei.* L. 1. N. 6.
- Theologica scholæ apud Hebræos.* L. 1. N. 6.
- Theologiam Moses tradidit Judæis.* L. 1. N. 6.
- Eam magis excoluerunt Prophetae.* L. 1. N. 6.
- Theologia veteris Testamenti in quatuor sectas distracta, Phariseorum, Sadducæorum, Essæorum, & Herodianorum.* L. 1. N. 6.
- Theologia novi Testamenti instituta a Christo, & per Apostolos propagata.* L. 1. N. 6.
- Eam ad scholæ methodum traduxere apud Græcos S. Damascenus, apud Latinos S. Anselmus.* L. 1. N. 6.
- Petrus Lombardus in quatuor libros collegit sententias Patrum.* L. 1. N. 6.
- S. Thomas Theologiam Scholasticam perfecit, uti hodie traditur etiamnum.* L. 1. N. 6.
- Tu-

## *Index Rerum & Verb. Lib. I.*

- Tusculanum Ciceronis.* L. 1. N. 10.  
*Typographia inventa an plus nocuerit, vel  
profuerit.* L. 1. N. 35.

### *V.*

- Vates unde dicantur.* L. 1. N. 4.  
*Versus leoninos Nortmanni invenerunt.*  
L. 1. N. 14.  
*Universitas S. Palatii.* L. 1. N. 12.  
*Urbanus IV. S. Thomam ad docendum Ro-  
mam vocat.* L. 1. N. 12.



*LIBER II.*



*LIBER II.*  
DE  
GRAMMATICA  
SEU  
LINGUA LATINA.

BIBLIOTH. DOMEST. LIB. II.

## *Index Rerum & Verb. Lib. I.*

*Tusculanum Ciceronis.* L. 1. N. 10.

*Typographia inventa an plus nocuerit, vel profuerit.* L. 1. N. 35.

### *V.*

*Vates unde dicantur.* L. 1. N. 4.

*Versus leoninos Nortmanni invenerunt.*  
L. 1. N. 14.

*Universitas S. Palatii.* L. 1. N. 12.

*Urbanus IV. S. Thomam ad docendum Romanam vocat.* L. 1. N. 12.



*LIBER II.*

*LIBER II.*  
DE  
GRAMMATICA  
SEU  
LINGUA LATINA.

BIBLIOTH. DOMEST. LIB. II.

THE  
MUSEUM  
OF  
THE  
CITY OF  
NEW YORK



# EPITOME

## *LIBRI II.*

DE

GRAMMATICA,

SEU

LINGUA LATINA.

---

### *CAPUT I.*

ENCOMIUM ET VINDICIÆ  
GRAMMATICES.

§. I.

*Necessitas & utilitas hujus artis.*

I.

*Grammatices disciplina, quamvis videatur exilis, jejuna, & litigiosa, minusque plausibilis, plurimum tamen utilitatis ac fructus reconditum habet.*

\* 2

II.

## Epitome Libri II.

### II.

*Grammaticæ studium olim Romæ quantum floruerit. Illustres illius ibidem Præceptores. Damna neglectæ Grammatices.*

### §. II.

## *Vindiciæ Grammatices.*

### III.

*Vindicatur Grammatica a querelis, quarum prima est, quod sit solum ars puerilis. Ejus ignorantia magnam labem asperfit mediæ ævi scriptoribus.*

### IV.

*Vindicatur ab altera querela, quod sit minium litigiosa. Bella intestina Grammaticorum inter se. Officium probi Grammatici.*

### V.

*Vindicatur ab alia querela, quod minus apta vel omnino inutilis sit ad severiores disciplinas. Causæ neglectus linguæ latinæ per aliquot secula invalescentis. Recensentur aliqui, qui in diver-*  
*so*

## Epitome Libri II.

so literarum genere eleganter, ac polite  
latine scripserunt.

### VI.

Veteres scriptores de Grammaticæ  
disciplina bene meriti. Insignis de  
Grammatica tradenda locus e D. Hie-  
ronymo ad Lætam. Caroli M. Imp.  
studium ad expurgandam a barbarie  
linguam latinam.

## CAPUT II.

### HISTORIA GRAMMATICÆ.

#### §. I.

Ortus, Progressus, & Occasus  
linguæ latinæ.

### VII.

**L**inguæ latinæ natales in Latio : inde  
Romam & in subiectas Provincias  
propagata fuit. Enumerantur quatuor  
ætates latinæ linguæ, & præcipui, qui  
in illis floruerunt. Misera conditio hu-  
jus linguæ sub barbaris Italiam inva-  
dentibus.

## Epitome Libri II.

### §. II.

## *Instauratio Linguae Latinae.*

### VIII.

*Instauratio illius inchoata est jam Seculo VIII. & IX. sub Carolo M. & Lothario I. sed modico progressu. Refloruit autem XIV. Seculo. Scriptores præcipui bene meriti de lingua latina. Iudicium de quatuor ætatibus latinitatis, & de vocum vi significandi.*

## CAPUT III.

## OECONOMIA GRAMMATICÆ.

### §. I.

*Vestibulum Grammatices, seu literæ ac scriptio.*

### IX.

*Inventio literarum. Varii modi scribendi ac pronunciandi apud Veteres. Scribendi materia subjecta, ubi de corticibus arborum, de tabulis, de membrana, papyro, & charta, deque atramento: de instrumento scriptionis seu de stilo & calamo.*

### §. II.



## Epitome Libri II.

### §. II.

## Definitio, & Partitio Grammaticæ.

### X.

*Quid sit Grammatica : hanc dividunt aliqui in bene loquendi scientiam, & in Poetarum ac Historicorum enarrationem : alii in Artificialem, Historicam, & proprie dictam Grammaticam : alii hodie melius in Theoreticam, quæ in præceptorum cognitione, & in Practicam, quæ in exercitatione versatur.*

### XI.

*Paucitas eorum, qui veram germanamque latinitatem callent. Differitur de causa hujus rei. Dotes genuinæ latinitatis, scilicet latini sermonis proprietas, elegantia, & copia.*

## Epitome Libri II.

### §. III.

#### *Prima dos linguæ latinæ : Proprietas.*

### XII.

*Agitur de proprietate verborum. Propria sunt, quæ communi hominum eloquentium usu & consuetudine sunt adprobata. Fugienda novata, barbara, & obsoleta. Superstitiosum est, nolle uti vocabulis aliis, quam ex aurei argenteive seculi scriptoribus. Enumerantur auctores probi in quavis artium & scientiarum classe.*

### XIII.

*Ostenditur, qua ratione utendum vocabulis vetustis : item quando novis, scilicet si necessitas, vel auctoritas, aut utilitas suadet. Commendatur Adparatus Eruditionis Pexenfelder, & Dictionarium Pomeii Soc. Jesu.*

### XIV.

## *Epitome Libri II.*

### **XIV.**

*Agitur de proprietate sententiarum. Vitandi idiotismi. Consuetudo ex eruditorum consensu sumenda.*

#### **§. IV.**

*Secunda dos linguae latinae:  
Elegantia.*

### **XV.**

*Sermo latinus non solum sit emandatus, sed etiam elegans. Ostenditur in quo sita sit hæc elegantia. Agitur de selectis loquendi modis.*

### **XVI.**

*Quatuor, quæ elegantiam conciliant linguae latinae. 1. Aptus particularum, præpositionum, proverbiorum, conjunctionum usus. 2. Verborum collocatio recta. 3. Flores latinitatis seu phrasæ selectæ. 4. Idoneus par-*  
\* 5 *tium*

## *Epitome Libri II.*

*tium omnium sermonis nexus. Singula exemplis illustrantur.*

### **XVII.**

*Deteguntur spuria elegantia, & reprehenduntur, qui harum ope de latinitatis sublimi gradu vane gloriantur.*

#### **§. V.**

*Tertia dos: Verborum copia.*

### **XVIII.**

*Paucitas eorum, qui copiose loqui ac scribere norunt. Hac in re excelluit Cicero. Verborum ac sententiarum copia paratur sex modis: 1. Synonymia. 2. Ennalage. 3. Periphrasi. 4. Metaphora. 5. Comparatione. 6. Æquipollentia. Cavenda in oratione nimium frequens variatio, & inutiles circuitus vitandi.*

**CAPUT**

*Epitome Libri II.*

*CAPUT IV.*

**STILUS, SEU DIVERSA  
DICENDI GENERA.**

§. I.

*Varietas stili.*

**XIX.**

*Natura & ars ad stilum concurrere debent. Est varius in eodem etiam auctore pro rerum varietate. Scriptores facile e stilo cognosci & discerni possunt.*

**XX.**

*Agitur de stilo Laconico, Attico, Asiatico, Rhodio. Explicatur cujusque indoles, & exemplis ostenditur, quas quilibet horum dotes habeat.*

**XXI.**

## *Epitome Libri II.*

### **XXI.**

*Differitur de stilo tenui, mediocri, & magnifico. Describitur triplex hæc classis. Quinam Veterum in qualibet eminuerint.*

### **§. II.**

### *Subsidia stili.*

### **XXII.**

*Horum primum est lectio auctorum ordinata; & cum animadversionibus ad proprietatem, ad elegantiam, ad diversitatem, & ad copiam sermonis.*

### **XXIII.**

*Alterum subsidium est imitatio. Alia convenit tyronibus, alia provectiori in hoc studio ætati. Duo vitanda in auctorum imitatione.*

### **XXIV.**

## Epitome Libri II.

### XXIV.

*Tertium subsidium exercitatio, quam quotidianam fecit Hortensius. Gradus exercitationis: 1. Conversio ex una in aliam linguam. 2. Variatio sententiarum. 3. Amplificatio. 4. Characterum expressio. Quinam de stilo præclare scripserint.*

## CAPUT V.

### METHODUS DOCENDI, DISCENDIQUE GRAMMATICAM.

#### §. I.

*Critice circa methodum docendi.*

### XXV.

*Opiniones variae circa methodum docendi. Rectum hac de re iudicium proponitur, & contra Novatores ostenditur, antiqua non esse contemnenda,*

## *Epitome Libri II.*

*da, vel leviter rejicienda, sed ubi opus est, emendanda vel potius perficienda.*

### **XXVI.**

*Societas Jesu in suis gymnasiis methodum docendi antiquitus constitutam retinere satagit. Afferuntur rei hujus graves rationes, & testimonia scriptorum Catholicorum æque ac A catholicorum.*

### **XXVII.**

*Societas Jesu methodum suam pro rerum ac temporum vicissitudine magis perficere semper studuit. Ostenditur hoc e scriptoribus novissimorum temporum de docendi methodo.*

### **XXVIII.**

*Exponitur palam tota oeconomia doctrinæ ac methodi, qua Jesuitæ utuntur circa tradendam cum fructu Grammaticam in suis Gymnasiis.*



## *Epitome Libri II.*

### *§. II.*

## *Critice circa methodum discendi.*

### *XXIX.*

*Refellitur querela eorum, qui nimis diu juventutem in Scholis Grammaticæ detineri criminantur. Multa alia præter linguam latinam utilissima addiscunt Adolescentes toto eo tempore. Rejicitur festinatio nimia ex Quinctiliano.*

### *XXX.*

*Refellitur querela aliorum, qui multitudine regularum ac præceptorum obrui juventutem clamitant. Ostenditur ex sola auctorum lectione addisci non posse linguam latinam.*

### *XXXI.*

*Nullus fructus est sperandus absque cognitione regularum & artificii. Adferuntur exempla tum Romanæ juventutis, tum aliarum artium. Gravissimi*  
*multi*

## *Epitome Libri II.*

*num hac de re testimonium Ludovici Vives.*

**XXXII**

*Refellitur illorum querela, qui ajunt, vix ullum fructum referri ex institutione juventutis hodierna. Aliæ longe causæ, ac veriores modici apud multos profectus adducuntur.*



**LIBER**



*LIBER II.*  
DE  
GRAMMATICA,  
SEU  
LINGUA LATINA.

---

*CAPUT I.*  
ENCOMIUM ET VINDICIÆ  
GRAMMATICÆ.

§. I.

*Necessitas & utilitas hujus artis.*

I.

**D**e Grammaticæ disciplina quoniam  
omnium primo loco differere  
constitui, ipso statim in limine  
opus esse video, ut illorum seu  
admirationi seu querelæ occurram, qui  
BIBLIOTH. DOMEST. LIB. II. A ar-

2      *Cap. I. Encomium*

artem hanc, qualemcunque demum, nimis exilem, & apinis adnumerandam esse judicant, atque indignam censent, ut in corona Virorum literatorum compareat, & in mensam inferatur tanquam primi missus ferculum, quod ipsis adeo pueris ut plurimum nauseam solet excitare. Neque enim ex universis ullum disciplinarum genus tantopere molestum esse videtur, macrum, & sine succo, quam eadem Grammatica, utpote quæ nonnisi literarum, syllabarum, nominum ac verborum, & quæ sunt hujusmodi, horumque omnium certo quodam ordine, symmetria & proportionem ponendorum ambitu (exiguïs sane finibus) continetur, atque in venatione solæcismorum magnam, immo potissimam partem occupatur. Ut nihil dicam de Grammaticorum futili logomachia, & circa literarum quisquilias bello plusquam Trojano, ad quod extinguendum utinam tantum animi & virium semper adferrent, quam ad incendendum. Hæc quæ vulgo dicuntur, an & qua ratione vera sint, aut veri speciem præferant, paullo post amplior dicendi campus se se aperiet.

Nunc præclara illa M. Fabii Quintilianî sententia se mihi offert, quam protulit, quum de hac ipsa Grammaticæ disciplina  
dispu-

disputat (a) : *Operum fastigia spectantur, inquit, latent fundamenta.* Quæ verba Oratoris æque ac Grammatici summi sic intelligenda esse censeo, nimirum scientiis & bonis artibus idem fatum obtingere, quod ædificiis, in quorum duntaxat fastigium, quod supra solum eminet, spectantium oculi feruntur, parum curiosi substructionis, ac fundamenti sub terra latentis, quod tamen præcipuum est, in quo Architecti labor & industria exerceri debet, ne hoc temere jacto, aut male materiato reliqua moles omnis, quantumvis pulchra & augusta, corruat, & in pristinum chaos relabatur, e quo sumta est. Ita profecto cæteræ artes atque scientiæ, Poesis, Eloquentia, Philosophia, Mathesis, Medicina, Jurisprudentia, Theologia, & quæ aliæ sunt, illustre quid habent, suoque fulgore procul etiam intuentium oculos perstringunt, aut velut in convivio quodam suaviter palatum afficiunt, dum cibus solidis, opiparis, dapilibus & optime conditis hospites suos recreant. Contra vero Grammaticæ ars, de qua loquor, literulas, vocabula, declinationes, numeros, genera, conjugationes, idiotismos, phrasas, & his similia  
velut

(a) *L. I. Instit. Rhet. in Prolog.*

velut cruda legumina & nuces ad famem pellendam adponit.

Nihilominus fateri oportet, eandem Grammaticæ disciplinam, licet minus habeat plausus & ostentationis, plus tamen utilitatis ac fructus in sinu suo reconditum circumferre. Est enim fundamentum reliquarum artium & scientiarum omnium, quæ sine illa nescio quid rude, impositum, insipidum & graveolens præseferunt; parum dico, etiam multa barbarie foedantur, & totum fere decorem suum pessumdant. Hujus rei triste experimentum dedit illud, quod *medium* vocant, *ævum*, quando toti Romano Imperio, latissime tunc patenti, bellorum moles ex ultimis terræ finibus excita incubuit, & omnem pene Europam barbarici exercitus instar locustarum Ægypti & ranarum inundarunt. Pro! quantis sub id tempus tenebris scientiarum sol immersus latuit, quantumque amoenam faciem suam ac benignos radios Phœbus orbi subtraxit! Non in mores solum, sed in linguas quoque barbaries se se transfudit, & misera contagione universas scientias adflavit, immo propemodum extinxit, quæ pristino vigori haud poterant restitui prius, quam pauci quidam, sed docti Grammatici, prima linguæ latinæ elementa, & cum  
his

his puritatem ac elegantiam sermonis quasi postliminio revocarent, & Augiæ barbarici stabulum a sordibus purgarent. Tunc enim vero sepultæ inter ruinas Imperii liberales artes ac disciplinæ caput cœperunt erigere, ac perpetuis auctæ incrementis in eum, quem hodie intuemur, splendorem ac majestatem excreverunt. Actum fuisset de illis, & in hanc diem sub jugo scythico gement, nisi vincula rupisset Grammatica, & e carceris squallore in lucem eas extraxisset.

II.

Sed redeamus ad antiqua tempora, quibus vel sola utilitas commendasse videtur Grammaticen, ad cujus postmodum curam & studium uti vidimus, necessitas ipsa nos compulit. Post Syllæ Dictatoris ætatem (b) Romæ adeo vulgatus erat latini sermonis usus, ut eum sub ubere matris parvuli velut cum lacte sugerent, nec Romanus haberetur, qui non idem foret Latinus, ita ut arte ac præceptis opus esse non videretur ibi, ubi nascendi conditio & usus quotidianus Magistrorum munus obibant. Nihilo tamen minus Gram-

(b) *Suetonius lib. de Illust. Grammat.*

## 6 Cap. I. *Encomium*

maticæ cura tanta fuit, ut teste Suetonio viginti & plures scholas non ignobiles una Urbs Roma in gremio suo foverit, & ingens Grammaticis minerval constituerit ad acuendam tum docentium, tum discen-  
tium industriam. Fuerunt autem illustres ante alios artis hujus Præceptores Romæ *Savius Nicanor*, qui primus docendo famam adeptus est: *Didymus*, quem omnibus Grammaticis Macrobius anteposuit: *M. Antonius Gnipho*, cujus scholam *M. Tullius* post forensia negotia frequentabat: *Orbilius Pupillus* justo acerbior in reprehendendo, & plagosus: *Q. Cæcilius*, ad quem Cicero epistolas aliquas exaravit: *Verrius Flaccus*, qui docuit in atrio Domus Catilinæ, & Sestertia centum (c) in singulos annos mercedis loco tulit: *C. Julius Hyginus*, Bibliothecæ Palatinæ Præfectus: *M. Valerius Probus*, qui totus fuit in antiquorum scriptis emendandis, discriminandis, & adnotandis: *Asinius Pollio Trallianus*, qui bellum civile Cæsaris & Pompeji scripsit: *Spurius Carbilus*, inventor literæ G. cujus loco Veteres Romani C. adhibuerunt, ut ex antiquis inscriptionibus patet. Accessit & aliud non minus grande testimonium sollicitudinis atque æstimationis, qua in disciplinam istam

(c) *Seu florenos 3333.*



istam ferebantur Quirites, quum Clarissimi Viri, toga sagoque nobiles, inter quos Julius Cæsar & Corvinus Messala, de singulis literis singulos conscribere libros, ut juvenes magni facere, colereque discerent hanc artem, cui operam laborumque suum ipsi civitatis Principes tot inter Reipublicæ negotia gravissima indulgerent.

Hanc autem apud Romanos impensam Grammaticæ curam non fuisse supervacaneam, nec nostris esse temporibus, facile intelliget, qui attentius damna non mediocria pependit, quæ illius neglectus tanquam inhustam appendicem post se trahere consuevit. Quis non videt, immo quis non manibus palpat sexcentos errores, qui tum in Poeticis, Oratoris, Historicis, tum in Medicis, Juridicis, Theologicis, aliarumque disciplinarum lucubrationibus ac libris non raro utramque paginam implent? Quam sæpe inepta occurrit interpretatio? quantopere claudicat, vel dissoluta incedit oratio; quanti hiatus periodorum, lacunæ sententiarum, dictionis obſcuritas, œconomix totius misera compages, aliaque innumera latinitatis menda se produnt? Id quod neutiquam accideret, si hujusmodi scriptores, dicam

an Rhyparographi, prius Grammatican sedulo addiscerent, antequam ad scribendum seu animum seu calamum adjicerent. Novi quemdam, dum Eloquentiæ docendæ operam daret, & ut fieri amat, discipulorum pensa scholastica ex altiore loco reliquis audientibus prælegeret, laudanda quæ bepe, quæ vero perperam scripta essent, reprehendenda & corrigenda; novi inquam, eum non absque consilio & studiose nonnunquam illa duntaxat splalmata in scriptionibus istis notasse, quæ tum contra Ortographiæ ac Grammaticæ præcepta, tum contra latini sermonis integritatem, vocabulorum propriam vim & potestatem, verborumque in usum aliquam sententiam conspirantium ordinem atque concentum admissa fuisse reperit; luculenter hac via demonstrans, partim quam jejuna, hispida, scabri, & sine sale ac pipere, uti loquimur, injucunda prodeat oratio ex neglectu vel inscitia legum & arcanorum Grammatices, partim quam splendida & ornata incedat, si hisce cimeliis, quibus tam exiguum multi pretium statuunt, probe vestita compareat. Aliquando etiam ejusmodi pensa, cæteroqui non mala, quin & quandoque egregia, arrepto stylo paucis expunctis, nonnullis adjectis, quibusdam mutatis,  
 vel

vel in ordinem meliorem redactis, ita castigabat, ut modicis sumtibus longe aliam & oratore, quantum fert tenera ætas illa, dignam faciem induerint. Atque hac ratione illud est consecutus, quod sibi proposuit, scilicet ut multi juvenes optima indole ac præclaro ingenio præditi & intelligerent necessitatem famulatus, quem Grammatica Eloquentiæ præstat, & cautiores simul fierent, ne illius destituti præsidii deinceps hallucinari pergerent, atque res bonas malo usu corrumperent. Hæc experientia docuit: pridem vero id ipsum Quintilianus observavit (d): *Quominus inquit, sunt ferendi, qui banc artem (de Grammatica loquitur) ut tenuem ac jejunam cavillantur; quæ nisi Oratoris futuri fundamenta jecerit, quicquid superstruxeris, corruet.* Tum hoc eleganti epiphonemate concludit: *Grammatica necessaria pueris, jucunda senibus, dulcis secretorum comes, Et quæ vel sola ex omni studiorum genere plus habet operis quam ostentationis.*

Juvat nunc audire querelas & cavillationes quibus honestissimam hanc disciplinam semi-doctorum vulgus passim impetit. Sunt, qui eam temnunt, tanquam artem puerilem, & balbutientis linguæ severam ac tristem magistram, quæ nonnisi voces inflectere, nomina declinare, conjugare verba, numeros & tempora metiri, genus masculinum a foeminino, foemininum a masculino, & ab utroque neutrum distinguere docet, nec nisi de hisce inaniis tota die differere novit. Ita ineptum Rhetorem, nec magis aptum Grammaticum, Rufonem Pictaviensem olim perstrinxit amaro carmine Ausonius, dum sic illum loquentem producit:

*Rufus vocatus Rbetor olim ad nuptias,  
Celebri fit ut in convivio,*

*Grammaticæ ut artis se peritum ostenderet,*

*Hæc vota dixit Nuptiis:*

*Et masculini & foeminini gignite,  
Generisque neutrius filios.*

Pueris igitur relinquenda, inquit, hæc ars, quibus quotidie plagosus & virgator  
ad-

adstat Orbilius. Enimvero pueris traditur Grammatica, quis nescit? sed iccirco traditur, ut juvenes primis elementis ad majores in latino sermone progressionem faciendas promoveantur, & Viri firmam cui insistant basin habeant, cuique reliquam scientiarum molem tuto possint superstruere: nec enim ad ullius rei summam nisi præcedentibus initiis perveniri potest. Nam ut recte notat D. Hieronymus (e): *Non sunt contemnenda tanquam parva, sine quibus res magnæ consistere non possunt.* Cur non item Musicam, Poësin, & Philosophiam rejicimus tanquam artes pueriles, in quibus æque parva & exilia sunt primordia? in Musica, ubi primum per omnes humanæ vocis sonos, quasi per gradus ascenditur & descenditur, molestissimo plane aurium & oris labore; atque guttur ad modulos Lydios instar serpentis in omnem partem torquetur: in Poësi, ubi carminis pedes in digitis numerare jubemur, & versus, ut ajunt, scandere non sine frequenti lapsu & crurifragii periculo, nec non oculos in syllabarum quantitatem assidue intentos habere, plusquam navarchus in pyxidem nauticam: in Philosophia, ubi per spinas Dialecticæ cruentis pedibus incedendum, &

per

(e) In Epist. ad Latam.

per terminorum anfractus ac syllogismorum mille modos & figuras *directe, indirecte, reflexe* ambulandum est, donec *pons asininus* superetur. Cur inquam non his quoque artibus tanquam puerilibus in republica literaria igne & aqua interdiciamus? Quamvis quum de Grammatica heic mihi sermo est, non eam intelligo, quæ solummodo in minutiis ejusmodi ceu colligendis, quæ cadunt e mensa, micis occupatur: longe ampliores sunt illius fines, & complectitur in se, quidquid intra latinitatis puræ, elegantis ac copiosæ ambitum continetur, quemadmodum brevi palam fiet. Verum sit disciplina hæc puerilis, talis tamen est, qua carere probrosum est Viris. Negari haud potest, fuisse summi ingenii scriptores, medio etiam ævo, qui de variis sublimibus scientiis divine commentati sunt; sed stylo tam lutulento, tam legum grammaticarum experte, ut legentem quantum doctrinæ præstantia oblectent, tantum dictionis squallore offendant. Quin etiam illis, quibus primo in flore fuit latina lingua, temporibus aureis, & quidem in ipsa Urbe Roma, grammatices vel neglectus vel incitia labem non modicam publicis monumentis aspersit. Ejusmodi sordida quædam vestigia producit eruditus  
in

In paucis Antonius Ludovicus Muratorius (f), nimirum inscriptiones nonnullas imperante Cæsare Augusto Romæ positas, postea vero extra urbem in via Appia effossas An. Chr. 1726, & in lucem editas a Cl. V. Francisco Blanchinio (g). Inter cæteras etiam hæ sunt :

Dis Manibus  
... S. Aug. Lib. Bathyllus Æditus  
(*pro Ædituus*)

Templi Divi Aug.  
II. & Divæ Augustæ, quod est in Palatium  
(*pro Palatio*)

Immunis & Honoratus.

\* \*

Telephus Livæ L.

Dat

Fufiæ Clymene & Fufiæ  
Euche. Sorores (*pro Sororibus*).

\* \*

Gemina L. Augustæ

Ornatric.

Irene sua dat olla (*pro ollam*)

Aliam adhuc corruptam suppeditat Mabilionius, peritissimus antiquitatis scrutator

(f) *De Antiq. Ital. Tom. II. Dissert. 32.*

(g) *In lib. Inscript. Sepulchr. Libert. & Serv. Aug.*

tator (h) sub titulo : *Veterrimæ inscriptionis Romanæ, ab Hieronymo Alexandro brevi commentario explicata, quæ sic habet:*

HONC. OINO. PLOIROME. CON-  
SENTIONT. R.

DUONORO. OPTUMO. FUISE VIRO.  
LUCIOM. SCIPIONE. FILIOS. BAR-  
BATI.

CONSOL. CENSOR. AIDILIS. HIC.  
FUET.

HEG. CEPIT. CORSICA. ALERIA-  
QUE. URBE.

DEDET. TEMPESTATEBUS. AIDE.  
MERETO.

Hanc vero Vir Eximius Sirmondus ita legendam censet:

Hunc unum plurimi consentiunt Romæ  
Bonorum optimum fuisse Virum

L. Scipionem. Filius Barbati

Consul, Censor, Ædilis hic fuit.

Hic cepit Corsicam Aleriamque urbem.

Dedit tempestatibus ædem merito.

id est: *ædem Tempestati Deæ sacram statuit ex voto.*

IV.

(h) *In Supplem. de re Diplom. cap. 3.*



IV.

Alii averſum a Grammatica gerunt animum propterea, quod nimium quantum ſit litigioſa, & altera Xantippe, cum qua domi pacem colere nemo ſapiens poſſit, niſi Socratis pallio involutus. Certe perpetua ſine induciis bella inter Grammaticos fervent, atque internecina; & quidem circa res viliffimas paratragediare dudum conſueverunt, circa *literulas, ſyllabas, nomina, pronomina, verba, caſus, genera, gerundia, ſupina*, & quæ ſunt alia. Indecoras ejusmodi pugnas hominum iſtorum facile intelliget, qui Poggii & Petri Rami cum Valla, Politiani cum Scala & Merula, Scaligeri cum Sanctio, Scioppii cum Donato & Probo certamina de verbulis & ſententiolis leviſſimis, de nugis nugaciſſimis legerit: Similia produnt de literarum ſignificantiâ Strabo (i) & Rutilius (k), de vocum flexione Gellius (l) de verborum pronunciatione Petrus Suffridus, & alii. Nimirum immortalitati nomen ſuum tranſcribere ſibi videntur hi Logodædali, quum de rebus iſtis nauci floccique inter ſe certant

(i) *Lib. 4.*

(k) *In vita Publii Rutilii.*

(l) *Lib. 2. cap. 25. Noct. Attic.*

tant tantis studiis, quantis nec Reges & Imperatores de Provinciis ac ditionibus integris, pugnantque adeo fortiter adversus eos, qui secus quam ipsi sentiunt, ac si contra rempublicam conjuratum fuisset. Ita de Francisco Philelpho Tolentinate, Emmanuelis Chrysoloræ genero prodit Jovius (m), quod cum Timotheo quodam Græculo de vi ac potestate cujusdam syllabæ contendens barbam victo inexorabili superbia deraferit: hac enim ratione inter eos convenerat prius, quam in Grammaticæ disputationis arenam descenderant, ut barba victus mulcetur. Quoties non Latinitatis modo, sed severiorum etiam disciplinarum Censores semetipsos constituunt, & dictatoriam quandam potestatem in sapientum quasvis lucubrationes grandi supercilio exercent; de qua re pridem conquestus est Horatius (n):

*Men'moveat cimex Pantilius? aut crucier, quod*

*Vellicet absentem Demetrius? aut quod ineptus*

*Fannius Hermogenis ladat conviva Tigelli?*

*. . . . . Demetri teque Tigelli.*

*Disi-*

(m) Orat. 2. de util. ling. Græc.

(n) Satyr. ult. l. 1. Serm.

*Discipulorum inter jubeo plorare cathedras.*

Adeo antiquis temporibus hæc arrogantia (qua nec nostra omnino carent) invaluit, ut neque ipsis Imperatoribus parcerent Grammatici, quos inter dicacitate sua emittit M. Pomponius Marcellus, quem quum Tiberii Cæsaris dictum minus latinum in ejus oratione, quam ad Senatum habuit, palam reprehendisset, Attejus Capito illud esse latinum, vel certe futurum esse defendens false castigavit: *Jam inde mentitur*, inquit Capito Tiberium intuens, *Tu enim Cæsar civitatem dare potes hominibus, verbis non potes?* Suetonius vero dignum epiphonema adjungit his verbis: *Tanti igitur Imperator Grammatico non fuit; ut Grammaticæ legibus solveretur?* Neque recentiora tempora hoc caruisse vitio videntur. Ita memoriæ prodidit Cuspinianus, in Synodo Constantiensis Sigismundum Imperatorem oppido disertum, & multiplicis linguæ peritum, quum *Schisma* masculino, non neutro genere, ut Grammatici docent, protulisset, a Cardinale Placentino interpellatum fuisse; cui tamen e vestigio non sine sale respondit Sigismundus: *Placentine, Placentine, ut omnibus placeas, minime nobis*

*places, qui minoris nos auctoritatis existimas, quam Priscianum Grammaticum, quem offendisse me asseris: quæ festiva Cæsaris excusatio maximo omnium qui aderant, cachinno excepta fuit. Verum his, qui ejusmodi querelarum genus adferunt, breviter respondeo, non Grammaticæ vitium id esse, sed Grammaticorum quorundam, quibus vel curta domi supellex, unde ad disciplinæ hujus litus sedentes puerorum instar margaritis neglectis certant invicem de conchis, & ubique in scirpo nodum quærunt; vel quibus triste nimis ac severum ingenium cum Aristarcho & Aristophane obtigit, ita ut nihil prætermittant, nisi virgula censoria notatum castigatumque. Hi ubi potestatem arrogantius sibi sumunt, atque mordacius aliorum dictis oblatrant, merito sunt explodendi cum illa sua facundia canina, dicique in aurem ipsis potest: *Quomodo sunt boni, quibus bonus est nemo?* Ita fit, ut artes optimæ ac utilissimæ in invidiam vocentur, dum imperiti aut temerarii artifices earum exercitatione abutuntur, malumque usum ad bonas artes secum adferunt. Manet sua laus & honos illis Grammaticis, qui de integritate ac copia verborum, de varietate splendoreque sententiarum, deque latini sermonis genui-*

genuina indole rectum ferre iudicium norunt, legitima scripta secernunt a spuris, antiqua faciunt nova interpretatione sua, & quæ multo explicant labore, dictionis etiam fulgore illustrant. Atque hi sunt pro merito suo ex illa Grammaticorum classe, quos Veteres adpellabant Criticos, dum bene digesta *κρίσις* seu adnotamenta proferunt cum ingenti & reipublicæ literariæ emolumento, & bonarum artium incremento. Sed de his plura dicendi locus erit postmodum.

V.

Nunc aliorum criminatio diluenda est, qui Grammaticam vilipendunt, ac si minus apta, vel omnino inutilis foret ad superiores disciplinas, Philosophiam, Medicinam, Jurisprudentiam sacram & profanam, Theologiam &c. Quippe isti, nescio quo pacto sibi persuadent, atque aliis etiam persuasum cupiunt, quasi scientiarum genus istud latinæ nitorem ac elegantias subtilitate sublimitateque sua aspernaretur, & instar ferocis equi sessoris Grammatici foret impatiens. Et vero non ita multis abhinc seculis, quibus literaria respublica necdum a sordibus ab eluvione barbararum gentium relictis expurgari potuit, Scholasticorum turba ad clavum se-

dente, omnis fere ritor & locutionis ornatus in tradendis sublimioribus disciplinis exulabat; cujus rei multiplex reddi potest ratio. Quippe partim fontibus aut infectis aut omnino exsiccatis aqua pura defecerat, nec verba reperire fuit, quibus rite animi sui sensa explicarent: partim res a sensibus valde remotas, & vix naturæ ipsi cognitæ dum tractarent, sermonis quoque naturam immutarunt, & novis rebus nova quærebant vocabula, non ex usu legitimo, sed ex cerebri sui officina: partim subtilibus intenti quæstionibus, dum laudem ingenii ac ostentationem avidius venabantur, sermonis cultum curamque neglexere: partim timor pannicus eos subiit, ne cum hæreticis conspirare viderentur, qui erroribus suis splendorem, vel potius fucum e Grammaticæ gazis conciliarunt. Ita factum, ut illis temporibus multa linguæ barbarie doctorum cæteroqui hominum & libri & cathedræ conspucarentur, & scientiarum aquæ saluberrimæ impuris propinarentur cyathis. Certe Ludovicus Vives, Scriptor non inelegans (o) id ipsum queritur his verbis: *Quoties, inquit, illud mihi Joannes Bullardus (p) ingessit: quanto eris melior Grammaticus, tanto*

(o) *L. 2. de causis corrupta Grammatica.*

(p) *Gandavensis, docuit Philosophiam Parisiis.*

*tanto peior Dialecticus Et Theologus.* Sed hæc criminatio tanti non est, ut illos sapientiæ candidatos, qui ad sublimiores scientias animum adjiciunt, a Grammaticæ cultu amoreque violenter abstrahat. Equidem satis deploratum credi posset ævum illud, quo tam foeda lues bonas artes plurimum corrumpit atque vastavit: irascamur itaque plus tempori, quam scriptoribus, quorum sane multorum id duntaxat crimen est, quod in mala tempora inciderint. Quam sublimia fuerunt ingenia S. Thomas, Scotus, Cajetanus, Bartholus, Baldus, Accursius, & alii (nam & his non parcit maledica Criticorum quorundam lingua & calamus) quam in divinis humanisque juribus & naturæ arcanis scrutandis acria, in explanandis perspicacia? sed eo seculo nata, quo politiones literæ aut conciderant, aut in sacra profanaque eorum septa non penetraverant, qui rerum potius, de quibus scripserunt, dignitati utilitatique, quam sermonis ornatui ac gloriæ serviebant. Verum missa faciamus Media hæc tempora: repetamus & vetustiora & lustremus propinquiora. Nisi mea vehementer me fallat opinio, ætates istæ Grammaticæ artem omni crimine objecto quamprimum absolvent. Platonem & Aristotelem con-

fule: nihil stylo Platonico in græca lingua magis nitidum, nihil Aristotelis dictione magis eloquens, quem ipse Cicero *aureum Eloquentiæ flumen* nuncupare non dubitavit, quod vel maxime adparet in Morali-  
bus, quæ prima in lucem edidit, quamquam in Physicis ob brevitatem, quam explicandi methodus poscebat, concisior fuerit, quandoque etiam consulto obscurior. Non minus utriusque Philosophiam sermone admodum culto exposuerunt Theophrastus, Alexander Aphrodisiensis, Themistius, Simplicius, item Joannes Grammaticus, & Ammonius. Adi antiqua Christianæ Theologiæ lumina Clementem & Athanasium Alexandrinum, Justinum, Gregorium Nazianzenum, Basilium, Gregorium Nyssenum, Joannem Chrysostomum, Theodoretum, aliosque Patres ac Ecclesiæ Doctores; & continuo videbis, quantam eloquentiæ vim & copiam in sacrum hoc forum isti secum attulerint, vix non invidendam ab ipsis Romani eloquii principibus, quamvis rhetoricis floribus & grammaticæ cimeliis abstinerint, aptis potius ad profananda, quam auguste exornanda rerum divinarum sacraria (q). Excute demum postrema tempora,

(q) *Pluribus ista exponit Ant. Possevinus S. J. de cult. ingen. c. 18. Et 16.*



quibus post abstersam barbaricarum linguarum fuliginem incredibili studio conatuque doctissimorum virorum & præstantium Grammaticorum bonæ artes pristinæ sedi, & sincera latinitas primævo splendori dignitateque suæ restituta fuit; eodem sane momento intelliges, bonas cum bonis linguis artes posse facilius, quam cum barbarie copulari, maximosque scriptores omne disciplinarum genus accuratius & rectius purissimo sermone fuisse complexos. Paucos e plurimis adduco:

Franciscum Petrarcham, qui primus fere mitiores Musas ab exilio revocavit in Italiam.

Julium Scaligerum Italum, & patre etiam majorem Josephum Scaligerum in Gallia natum, qui duo eruditionis reconditæ velut Dii quidam ævo suo sunt habitæ.

Michaelem Pexenfelderum & Franciscum Pomey S. J. qui tot rerum adpellationes novas, technicasque voces congegesserunt, ut de omnibus vitæ communi necessariis rebus latine loqui possimus.

Franciscum Wagnerum S. J. Viennæ Austriæ, immortaliter meritum de sermonis latini casto usu, ac nitore, ejusque discendi methodo.

Paulum Minutium, Antonium Muretum, Perpinianum, et Josephum Juvenium S. J. eloquentiæ tum sacræ tum profanæ Proceres.

Famianum Stradam, Romanum S. J. bellum & res gestas in Belgio exquisitissimo & Liviano stylo describentem: Masfeium & Turselinum S. J. Tacito & Cornelio Nepote non inferiores: quibus adde Sfortiæ Pallavicini S. J. Historiam Concilii Tridentini, Romana & gravi eloquentiæ translata ex Italica lingua in latinam.

Justum Lipsium, qui in Romanis rebus explanandis, & Stoicorum Philosophia doctrinaque politica illustranda non sine plausu desudavit.

Jacobum Sannazarium, cui carmen de partu Virginis 30. annorum labore stetit: & Jacobum Balde ac Mathiam Sarbievium S. J. Horatio ac Juvenali pares.

Conimbricenses S. J. Patres, qui in *Curriculo Philosophiæ* sincerissimam philosophandi methodum cum aptissimo dicendi genere conjunxerunt: Fortunatum Brixiam Ord. Min. Josephum Mangoldum & Bertholdum Hauserum S. J. qui recentiore Philosophiam non sine styli elegantia conscripserunt.

Mel-

Melchiorem Canum Ord. Præd. Dionysium Petavium S. J. Coelestinum Sfondrati Ord. Bened. Leonardum Lessium S. J. novissime Honoratum Tournelium Doctorem Sorbonicum, qui subtilitatem Theologicam cum latini sermonis gratia felicissimo foedere conciliarunt.

Taceo Philologos præclarissimos Polydorum Vergilium, Erasmus, Nicolaum Caussinum & Antonium Possevinum S. J. Jacobum Gretserum S. J. Antonium Muratorium, Bibliothecæ Mutinensis Præfectum, aliosque qui copiosissimam eruditionis supellectilem cum maxima sermonis elegancia venalem exhibent orbi literato. Hoc universim de isto quod vivimus seculo licet asseverare, a multitudine potius quam ab inopia literatorum hominum esse timendum, scilicet ne dum omnes in omnibus disciplinis eruditi cupiunt videri, pauci sint qui veram literarum laudem ac præmium consequantur.

VI.

Nihil itaque, ut hætenus liberaliter demonstrasse me credo, Grammaticæ officere possunt querelæ ac criminationes, quas seu doctum seu indoctum vulgus vel ex præjudicata opinione vel ex inscientia in eam solet conjicere. Profecto non tam

exilem, inveniſtam, ac ſordidam eſſe hanc diſciplinam oportet, quam tot tamque præſtantes omnes generis proci adamarunt, cujuſque velut thori conſortium maximo ſtudio ambiverunt. Si Philoſophos deſideres, ecce tibi Divinum Platonem, quem in Philebo legimus demonſtraſſe, qua via liceret literarum doctrinam inſtitui: Ariſtotelem, qui ultra Platonis initia progreſſus, genera quæ primis elementis efficerentur, comprehendit, comprehenſaque poſteritati commendavit: Theodectem Ariſtotelis magiſtri veſtigia prementem, qui dum Philoſophiæ operam daret, ſimul grammaticis ſtudiis ingenium ſuum improbo labore excoluit. Nam ut ait Quinſtilianus, Ariſtoteles atque Theodectes verba & modos, & nomina, & conjunctiones tradiderunt, videlicet quod in verbis vim ſermonis, in nominibus materiam, in conjunctionibus autem rerum complexum eſſe judicaverunt (r): M. Varro-  
nem, Philoſophum ſummum, qui de arte Grammatica concinnavit libros doctiſſimos, quos latinæ linguæ commentarios inſcripſit. Si Poetas, Oratores ac Reipublicæ principes Viros quæras, en! Valerium Catonem, qui ſe-  
veris illis Syllæ temporibus patrimonio  
exu-

(r) *Lib. I. cap. 4.*

exutus, nobilibus pueris Romæ ludum aperuit, seque magistrum latine linguæ præbuit. Hinc distichon, illud:

*Cato Grammaticus, Latina Siren,  
Qui solus legit Et facit Poetas.*

M. Tullium, qui dum filium literis instituit, sane rigidus latini sermonis exactor fuit, quin etiam doctor Grammaticæ; quam in prima elocutionis parte statuit, libro de Oratore (s), ubi latinitatis præcepta tradit: Cajum Julium Cæsarem; hic licet civili bello implicitus ad Ciceronem de Analogia, hoc est, de ratione latine loquendi accuratissime scripsit, asserens verborum delectum originem esse eloquentiæ (t). Nec ævo Christiano defuerunt Viri præclarissimi, qui amore simul laboreque suo hanc artem illustrarunt. Summum illud Ecclesiæ Doctorem D. Hieronymum non puduit ad Latam de institutione Grammatica filiola tradenda ita scribere: „Fiant ei literæ vel bu-  
„xæ vel eburnæ; suis nominibus appel-  
„lentur. Ludat in eis, ut & lusus ipse  
„eruditio sit. Et non solum ordinem te-  
„neat literarum, ut memoria nominum  
„in canticum transeat, sed & ipse inter  
„se crebro ordo turbetur, & mediis ul-  
„ti

(s) Cap. 3. (t) Cicero in Bruto.

„tima, primis media misceantur, ut eas  
 „non sono tantum, sed & visu noverit.  
 „Quum ergo cœperit tremente manu  
 „stylum in cera ducere, vel alterius su-  
 „perposita manu teneri, regantur articu-  
 „li vel in tabella sculpanitur elementa,  
 „ut per eosdem sulcos inclusa imaginibus  
 „trahantur vestigia, ut foras non queant  
 „evagari. „ Hucusque Hieronymus.  
 Purpurato huic Patri adjungo Imperatoria  
 dignitate fulgentem Carolum M. qui non  
 solum patrio sermone Grammaticam scrip-  
 sit teste Cranzio (u), linguamque Teu-  
 tonicam absterfa barbarie regulis ac præ-  
 ceptis cultiorem, æmulamque Græcæ ac  
 Romanæ reddere studuit, verum etiam  
 publico decreto sanxit, ut sacri emenda-  
 rentur Codices ab erroribus librariorum  
 oscitantia & interpretum inscitia invec-  
 tis, ne in divinis lectionibus templisque inter  
 sacra Officia inconditi solæcismi, & in-  
 concinni barbarismi præsentium auribus  
 obstreperent (x). Silens prætereo alios  
 disciplinæ hujus cultores æstimatoresque  
 eximios, quorum nomina partim jam pro-  
 didi, partim prodam deinceps. Tibi au-  
 tem O nobilissima Grammatices disciplina  
 cano Virgilianum illud epinicium :

*Sem-*

(u) *Lib. 2. saxon. c. 8.* (x) *Aventinus lib. 4.*  
*Annal. Boic.*

*Semper bonos, nomenque tuum, laudes-  
que manebunt.*

Hæc tum de laudibus, tum de vindiciis  
Grammaticæ satis.



## CAPUT II.

### HISTORIA GRAMMATICÆ.

#### §. I.

*Ortus, Progressus, Et Occasus linguæ  
Latinæ.*

#### VII.

**I**d modo agendum mihi esse video, ut  
ad interiora istius artis & adyta ipsa pe-  
netrem. Prius autem quam hoc fiat,  
operæ pretium erit, ortum, progressum,  
occasum, ac instaurationem latinæ lin-  
guæ, cujus magistram se profitetur Gram-  
matica, breviter & quasi aliud agendo in-  
spicere. Hoc ut rite ac ordine fiat, in  
quatuor ætates eam dispescere lubet,  
quemadmodum hominis vitam, Infantiam  
nempe, Adolescentiam, Virilem, & Se-  
nilem. Infantia repeti potest a primis cu-  
nis, quas nacta est in Latio, angusto Ita-  
liæ angulo, qui nomen illud traxisse fer-  
tur

tur a *latibulo*, in quo Saturnus a regno Cretæ a filiis suis Jove, Neptuno ac Plutone pulsus latuit (y).

*Dicta quoque est Latium terra latente Deo.*

Reipsa olim Latina gens cum lingua sua in hoc paucorum milliarium agro, a Roma versus Campaniam se porrigente, aliquamdiu delituit. Tum vero victricibus armis late dominans, & Imperio potita, una cum jugo linguam hanc multis imposuit populis. Nam ut D. Augustinus observat (z), Romani a Legatis & Præsidibus ac Judicibus in provincias missis quæcunque negotia nonnisi latio sermone confici præceperunt, ut hac ratione subditis necessariam redderent eam linguam, qua ipsi utebantur, eosque Romano Imperio sermonis quoque vinculo arctius conjungerent. Quin etiam velut lege cautum erat apud Romanos, ne alio quam latinæ uterentur locutionis genere, si quæ ipsis negotia cum Græcis intercederent, uti Valerius Maximus prodit (a). *Illud magna cum perseverantia custodiebant, ne Græcis unquam, nisi latine responsa darent*

(y) Ovid. lib. Fast. 2. (z) Lib. 19. de Civitate Dei c. 7. (a) Lib. 2. c. 2.



rent.... Quo scilicet latinæ vocis bonos per omnes gentes venerabilior diffunderetur. Qua in re Veterum Romanorum morem imitari voluisse videtur S. Mater Ecclesia Catholica, in qua nulla alia præter Romanam lingua toto terrarum orbe communis est, quum in ea Sacram Bibliam vulgari præceperit, quæ sola *Canonica* est, Divinique verbi auctoritatem nanciscitur; atque in hoc, nec alio, idiomate Religionis nostræ sanctissima mysteria pertractari debere decrevit, ita ut lingua hæc latina immortalitatem quodam modo participet ab Ecclesia Catholica, quæ secundum Christi promissionem in æternum duratura est. Verum ista, de qua loquor, lingua primis temporibus, ut fieri amat, latis infirma fuit & cruda per quingentos & amplius annos post Romam conditam usque ad Livium Andronicum; & quamvis Viri docti non defuerint, pauca tamen literis mandata fuerunt, quum uti ait de primis Romanis Sallustius (b): *Optimus quisque facere quam dicere malebat.* Pius etiam tunc honoris adhuc deferebant Romani Græcæ, quam Latinæ seu propriæ linguæ, nescio qua seu verecundia, seu reverentia tæti, quoniam & leges & bonas artes e Græcia recens in Latium, ipsamque Urbem

(b) *In Conjurat. Catil.*

bem Romam transvexere, quemadmodum canit Horatius (c):

*Gracia capta ferum victorem cepit, &  
artes*

*Intulit agresti Latio.*

Idcirco infantilis hæc ætas, qua Latini balbutire cœperunt, parum utilitatis affert, nec usui esse potest nobis, quum præter dictionis quædam rudera in antiquissimis scriptoribus & columnis exstantia fere nihil sermonis istius ad nos pervenerit.

Infantiam excepit juvenus latinitatis circa annum U. C. DXIV. Coss. C. Clodio, & M. Tuditano, atque a tempore Livii, de quo dicebam, Andronici, qui primus Romæ latinæ literas docuit, adusque Ciceronis ævum centum fere annorum finibus circumscribitur, quo ævo clauerunt Oratores quidem Cethegus, M. Cato, C. Lælius, P. Scipio, L. Crassus, M. Antonius &c. Poetæ vero Q. Ennius, M. Accius, Plautus, Pacuvius &c (d). Hæc tamen ætas multa communiter usurpabat verba, quæ sequens omnino repudiavit, aut ad limam vocavit, quemadmodum *Adolabilis*, quod est, sine dolo apud Ennium. *Alteras*, pro alias apud Festum: *Futabat* illic, pro sæpius fuit:

(c) *Lib. 2. Epist. 1.* (d) *Cicero in Bruto.*

fuit: *Suom mareitom*, suum maritum: *joussit* jussit: *omneis*, *Maneis*, omnes, *Manes*: *Joucundus* jucundus: *Porporea*, *Sop*, purpura, super: *Turbassitur*, pro turbatur: *Endo testato* pro intestato, *Indepoñito* pro imponito, *Pos*, *Fros* pro pons, frons, *Postidea*, postea, *Poplicus* pro publicus, *Mebe* pro me, *Mereto ornivet*, pro merito ornavit, *Inclutus*, pro inclytus, & sexcenta id genus, ex quibus integras quoque inconditas formabant sententias, qualis illa est apud Scaligerum: *lex Tribunitia: Qui aliuta facsit, cum prgunia familiaque sacer esto. Si quis em occisit, paricida nec esto.* Id est: Qui aliter fecerit, cum pecunia & familia sacer esto. Si quis eum occiderit, parricida ne esto. Plura ejusmodi fragmenta passim exstant apud Gellium, Festum, Pompejum, ac Priscianum. Quare in secundæ hujus ætatis auctoribus legendis delectum habere oportet ac judicium, ne Ennil, Accii, Plauti, & Pacuvii verbis temere utamur, licet quandoque cum eruditionis laude adhibeantur in Interiptionibus, & Epitaphiis, in legibus condensis, in tragœdiis & comœdiis, ubi vel ad ostendendam vetustatis peritiam, vel ad auctoritatem conciliandam, vel ad excitandos tristitiæ lætitiæve affectus non

ineleganter servire possunt. Hæc de juventute.

Sequitur virilis ætas, quam etiam Latinismum adpellant, cujus initium a Ciceronis ævo ducunt, finem vero ad Augusti & Tiberii mortem extendunt, ita ut florentissimum hoc latinitatis regnum non multo plures quam octoginta annos complectatur, & vix tertium Imperatorem conspexerit. Augusti profecto limites, si temporis ratio habeatur: non item si contemplemur ubertatem ac fecunditatem soli, dum maxima protulit ingenia in arte Oratoria, Poetica, & Historica, dignaque quibus assurgant sequentium ætatum scriptores omnes, quosque posteri ad imitationem simul & admirationem sibi proponant. Inter hos numerari solent J. Cæsar, T. Livius, Sallustius, Cornelius Nepos, Vitruvius, Virgilius, Horatius, Ovidius, Catullus, Terentius &c. Primum vero locum merito sibi vendicat, & familiam ducit M. T. Cicero, quem ipsam eloquentiæ vocem, atque cœlestem in dicendo Virum nuncupat Quintilianus. Hæc igitur ætas est Procerum latinitatis, quorum omnium libri & scripta inoffenso pede (si Poetarum quorundam spurcicias sustuleris) legi possunt & merentur. Et quamvis eruditione, stylo, & ingenio multum dispa-

disparēs sint, sermonis tamen sinceritate ac elegantia, velut sanguinis communione, pares existunt, ita ut forma & exemplar veræ Latinitatis jure haberi debeant.

Supereſt, ut de ultima & quarta ætate, devexa nimirum, & ad ſenium paulatim inclinante pauca in medium proferam. Poſt Auguſti mortem imperante Tiberio maſcula Romani eloquii virtus cum moribus ſenſim cœpit emolliri ac enervari, & lingua Oratorum ac Poetarum, quæ prius nonniſi reipublicæ commodis, juſtitix ac virtuti ſervire, modo privatorum fortunæ adulationique Principum venalis fieri conſuevit. Numerat hæc ætas Velleium Paterculum, Curtium, Senecam utrumque, Celſum Medicum, Valerium Maximum, Pomponium Melam, utrumque Plinium, Statium, Lucanum, Apuleium, alioſque, apud quos novas quasdam voces a primis fontibus recedentes eſt reperire, quemadmodum *converſatio* pro vitæ ſocietate, *Exceſſus* pro delicto, *Taxo* pro reprehendo, *Privilegium* pro beneficio, *ſub meo nomine* pro meo nomine, & his plura ſimilia. Fateri tamen oportet, ſermonem latinum, quo uſi ſunt hujus ævi ſcriptores, neque contemnendum neque negligendum eſſe ab eo, qui eruditioni politæque dictioni

operam navare cupit. Ut enim aurei illius seculi scriptores, ait Andreas Schottus (e), ad imitandum proponendi, sic hujus ad rerum cognitionem parandam legendi sunt aliquando, formato jam stylo Ciceroniano. Hæc latinitatis facies erat usque ad Antoninos Impp. spatio fere centum & quinquaginta annorum, post quod magnis passibus in pejus ruere, ac turbatis fontibus lutulenta fluere occepit. Fuerunt tamen & isto tempore, quorum hæc in re conatus non omnino spernendi sunt: Palladius, Gellius, Arnobius, Tertullianus, Minutius Felix, Lactantius, Ausonius, Prudentius, Macrobius &c. qui sedulo studio & imitatione priorum laudem aliquam sunt consecuti. At subsequenti-  
bus annis, & maxime ad finem Seculi IV. diviso in Honorium, & Arcadium Imperio, quum ab utroque sole locustarum instar advolantes innumeri Barbari, Gothi, Vandali, Hunni &c. omnia late vastarent, etiam bonas artes & literas barbaris moribus & vocibus fœdum in modum corruperunt. Tunc primum insuetas aures perculerunt vocabula illa horridum quid sonantia: *Totaliter*, ex integro, *Bannire*, id est, proscribere, *Clocca* campana, *Flasca*, lagena, *Bastardus*, Nothus, *Hostagius*,  
obses,

(e) Tull. *Quest. lib. I. c. 14.*

obſes, *Reiteri Equites*, *Morgengeba dos*, *Tornare*, haſta certare, *vidimare* recognoscere, & ſexcenta alia. Quare vix ullus ſcriptor, pauculis exceptis, qui e communi naufragio tabulas aliquas ſubtraxere, vix inquam ullus ſcriptorum fuit, qui non ferrum & lignum loqueretur, ac lutum ſpueret, eoque chartas ac libros contaminaret.

## §. II.

*Instauratio linguæ latinæ.*

## VIII.

E quidem ſeculo jam octavo de latinitate inſtauranda cogitatum fuiſſe non levis eſt conjectura ex Diplomate Caroli M. cujus meminit Baronius. In hoc Imperator Paulinum, poſtea Aquileienſem Patriarcham, Virum non minus pietatis quam eruditionis fama celebrem, nuncupat *artis Grammaticæ Magiſtrum*. Quin Monachus quidam Engoliſinensis in vita ejusdem Caroli a ſe conſcripta (f) prodit ingens illius ſtudium, quo ad reſtaurandas in regnis ſibi ſubjectis latinæ literas ferebatur, his verbis: *Domnus Rex Carolus iterum a Roma artis Grammaticæ & com-puta-*

(f) *Apud du Chesnium Tom. II.*

*putatoria Magistros secum adduxit in Franciam, & ubique studium literarum expendere jussit. Ante ipsum enim Dominum Regem in Gallia nullum studium fuerat liberalium artium.* Nono etiam seculo Lotharius I, Ludovici Pii filius, in Italico cui præerat regno collapsam rei literariæ fortunam erigere totis viribus nitebatur, cujus rei egregium adfert testimonium Antonius Muratorius (g) producens *Capitulare* ab eo promulgatum, e quo satis constat, Lotharium in octo regni illius civitatibus scholas instituisse, ad quas conterminarum urbium adolescentes confluere, si vellent, possent. His in singulis urbibus nonnisi unicum præesse jussit Magistrum, qui commissos curæ suæ discipulos in arte Grammatica instrueret, quæ tamen paullo latius tum temporis patebat, nec solum linguæ latinæ rudimenta, sed etiam Poetarum, Historicorum, Oratorum, immo etiam ipsius S. Scripturæ, sanctorumque Patrum doctrinam, quæ palam explicata fuit, complectebatur. Verum hæc rudia duntaxat initia fuerunt, & primi velut conatus emergentis e cœno latinitatis; barbarie scholas, cathedras, musea passim occupante per nongentos propemodum annos, donec tandem circa

Sc-

(g) *Tom. 3. de Antiq. Ital. Dissert. 3.*



Seculum XIV. præclari aliqui latinæ lingvæ vindices prodirent, & ignorantiaæ asyllum eversum irent junctis viribus. Inter hos numerandi veniunt Musatus, Petrarcha, Erasmus &c. quos longo agmine, multaque cum laude secuti sunt Laurentius Valla, Poggius, Vergerius, Blondus, Berottus, Bembus, Muretus, Manutius, Sadoletus, Christophorus Cellarius, Vorstius, Borrichius, du Fresnius, Nizolius, Gotlieb Heineccius; pluresque Societatis Jesu Viri præstantes (h) Schönsiederus, Andreas Schottus, Nieslius, Possevinus, Jacobus Pontanus, Pexenfeldemus, Pomayus, Tursellinus, Juvenicius, & novissime Wagnerus & Kropfius, qui utilissimis laboribus suis agrum latinæ lingvæ innumeris filicibus & loliis expurgant, optimumque suffecerunt triticum, eo fructu, qui in seram quoque posteritatem redundabit. Profecto plurimum emolumenti præsens hoc seculum inde percepit, quo bonæ artes ac literæ, præsertim sedula ac indefessa latinæ lingvæ quasi ab inferis revocatæ cultura, supremum apicem attingisse videntur; neque jam timendum, ne discentium atque docentium inopia, sed

(h) *Allegambe in Bibl. Script. S. J. ultra 70. numerat.*

sed nimia fortassis copia illorum, qui literati ac eruditi cupiunt videri ac digito monstrari, regno suo excidat; & in pristinum chaos atque barbariem sensim dilabatur.

Ecce! quatuor latinæ linguæ ætates; infantiam, adolescentiam, virilem ac senilem; & quod mirere, hanc ipsam pristino vigori restitutam. Sed præter istam alia passim apud Grammaticos Scriptores occurrit distributio, in ætatem auream, argenteam, ferream, & luteam, quam distributionem, ut credo, ab illa Nabuchodonosoris statua (i) in SS. Literis celebrata satis apte sunt mutuati, cujus *caput ex auro optimo, pectus autem & brachia de argento, venter & femora ex ære, tibiae ac pedum quædam pars erat ferrea; quædam fictilis.* Quemadmodum enim Daniel quatuor orbis terrarum Monarchias hac metallorum varietate designabat, ita isti quatuor diversas Scriptorum Latinorum classes in orbe literato suis velut characteribus insignivere, scilicet optimos, meliores, mediocres, & infimos. Nolim ego heic longum eorum syllabum texere, ac dubios Auctoribus illis fines ponere, tanquam certos, quum nonnulli collocent in ætate argentea, quos alii adscribunt aureæ,

(i) *Daniel. 2.*

aureæ, vel damnent ad luteam, quos ænea sive ferrea sibi merito vindicat. Res hæc circa non paucos Veterum Scriptorum satis est incerta, nec firmiorem meretur fidem, quam celebris apud Philosophos divisio aeris in tres regiones, quas elemento huic adsignant quasi pro imperio, nullis unquam certis limitibus finientas. Quare hoc in negotio facile adsentior Juvencio nostro, qui monet, magis attendendum esse ad Auctores, qui scripserunt, quam ad tempora, quibus singuli scripsere: esto iudicium non de ætatibus, sed de scriptoribus, qui meliores non raro sunt ætatibus suis. Certe receptissima sunt & civitate donata vocabula permulta, quæ Suetonio, Macrobio, Symmacho, Sidonio Apollinari, Petronio Arbitro, Apuleio, Apicio in re coquinaria, Columellæ in rustica, in militari Vegetio, in medica Celso debemus, quibus tamen postremum fere subsellium in ænea vel ferrea ætate quidam tribuunt. Quid? quod neque omnia vocabula hodie probentur, quæ in aureæ ætatis scriptoribus inveniuntur, apud Q. Ennium, M. Pacuvium, M. Accium Platum &c. utpote ipso usu primo detrita, & jam exoleta. Nam verba & voces in communi sermone sunt sicut monetæ, quibus valorem non unico

tempus vel antiquitas tribuit, sed etiam & vel maxime Principum & Communitatum auctoritas; ita verborum potestatem ac pretium non solum a vetustate, sed etiam & magis ab auctoritate scriptorum insignium pendet, qui vel primi invenerunt, vel priores in usum deduxere; in iis præsertim artibus & disciplinis, quas aut nullis aut obscuris præcedentium vestigiis tritas sibi excolendas unusquisque suscepit. Quapropter etiam hoc loco rejiciendi omnino sunt dicaces quidam Grammatici, & metallo sequiore fusi Critici, qui SS. Patres & Mystagogos audent reprehendere, quod vocibus nonnullis utantur, quas Roma Nova, Ecclesia Romano-Catholica instituit, quibusque vim sacra fidei nostræ mysteria significandi adtribuit, ut *Incarnatio*, *Trinitas*, *Passio Christi*, *Personalitas* &c. quasi vero non haberet Respublica Sacra æque ac Profana potestatem condendi certa vocabula ad finem præfixum necessaria, quibus absque ambiguitate ac circumlocutione de rebus ad se pertinentibus rite possit sermocinari, id quod vel fabris ac tonsoribus cuique in arte sua nunquam non licitum fuisse novimus. His Aristarchis jure possumus respondere, quod olim Cypri Episcopus Spiridion Triphyllo pariter Episcopo, cætero-

teroqui eloquentissimo, quem quum in Concilio Nicæno I. S. Scripturæ locum *Tolle grabbatum tuum* (k) politiore nonnihil sermone usus exponeret dicens: *Tolle lectum tuum*, non sine aculeo his verbis redarguit: *Tune melior illo* (nimirum Christo) *qui dixit grabbatum, ut ejus verbis uti dedigneris?* Nempe aliter loquendum est, si cum Tullio verferis in agro Tusculano, aliter si de summis mysteriis verba facias in Ecclesiæ Romanæ gremio. Neque enim aliquorum superstitionem probare possum, qui ne a Cicero-  
ne, Cæsare, Livio recedant, non verentur recedere a locutione Patrum recepta, sæpe etiam cum veritatis & fidei dispendio, quum ex verbis minus recte pro-  
latis, immo in ipsis verbis reperiantur hæ-  
reses, quemadmodum probe advertit D. Au-  
gustinus (l); & satis nos docuit in Eccle-  
sia græca vox unica *ὁμοιόσιον* seu *similis*,  
loco *ὁμοούσιον* seu *consubstantialis*, quæ to-  
tum Orientem sævissima hæresi Ariana &  
Semi-Ariana per annos sexaginta & octo  
funestavit. Mihi placet summopere gra-  
vissima Eximii Oratoris, & gloriosi in  
Anglia Martyris Edmundi Campiani S. J.  
hac super re sententia (m): „ Verbum re-  
„ cipio

(k) *Marci* 2. v. 9. (l) *Lib. i. de Trinit. c. 3.*

(m) *Libell. de Imitat. c. 25.*

„cipio nullum, ait: quod non ille (Ci-  
 „cero) recepisset; multa autem admitto  
 „quæ ille non protulerit, prolaturus sine  
 „dubio, si tulisset occasio .... Nempe  
 „apud Ciceronem *perpeffio*, non passio  
 „invenitur: num propterea Christiani  
 „non audebimus Christi *Passionem* tot-  
 „idem literis & syllabis enunciare? per  
 „me quidem potius in Tyberim omnia  
 „Ciceronis opera proficiantur, quam hu-  
 „jus unius dictiunculæ jactura fiat. „



### C A P U T   I I I .

#### OECONOMIA GRAMMATICÆ.

##### §. I.

*Vestibulum Grammatices, seu Literæ,  
 ac Scriptio.*

##### IX.

**C**omplanata per Historiam hucusque  
 recensitam via ad interiora hujus ar-  
 tis adyta penetrare licet: prius ta-  
 men quam hoc fiat, velut in Vestibulo hu-  
 jus disciplinæ nonnihil immorari juvat,  
 ac literarum originem inspicere. Si pri-  
 mas quasi cunas hujus artis investigare  
 voli-

velimus, deprehendemus eas non esse alias, quam literas, omni quidem hominum ac populorum generi communes, pro diversitate tamen gentium & nationum diversas, quæ sunt rerum indices & signa verborum, quibus ea *inest vis, ut nobis dicta absentium sine voce loquantur*, inquit Isidorus (n). Quum enim homo sit animal, sensa sui animi manifestat alteri, duorum sensuum, quos auditum & visum adpellamus, ministerio, ita ut quod auribus obijcitur, vox sit; quod autem oculis, literæ, quas Græci *γράμματα* & *χαράκτες* ab inscribendo & exculpando vocant. Sunt autem literæ in duplici differentia: prima est, quod notæ sint, quibus sensa nostra exprimimus; quales fuerunt Ægyptiorum literæ hieroglyphicæ, dum varias animalium effigies, aut armatorum hominum simulacra suis obeliscis insculpserunt, quæ vel Regum gloriam, vel eorum persoluta vota posteris monstrarent, vel armorum conflictus & victorias commendarent; quemadmodum Tacitus (o) testatur: *Primi, inquit, Ægyptii per figuras animalium sensus mentis effingebant, & antiquissima monumenta memoriæ humanæ impressa saxis cernuntur.*

(n) *Episc. Hispalens. l. i. Etymolog.*

(o) *L. 13. Hist.*

*tur.* Ita per speciem *apis* mella conficiē-  
tis regem indicabant, cui aculeus quidem  
inēsse debet, moderante tamen illum ju-  
cunditate quadam: per *accipitrem* deno-  
tabant rem, quæ cito perficitur, quoniam  
hæc avis velocitate reliquis antecellit.  
Altera differentia est, quod etiam notæ  
sint vocum, quæ cogitationum humana-  
rum simulacra sunt; atque his propria li-  
terarum adpellatio congruit. Quis pri-  
mus eas invenerit, uti antiquissima, ita  
innumeris apud Scriptores litibus obnoxia  
quæstio est: Diodorus (p) & Cicero (q)  
Inventionis gloriam Mercurio cuidam  
Ægyptiorum Regi vendicant; Plinius As-  
syriis (r), Lucanus Phœnicibus.

*Phœnices primi, famæ si credimus, ausi  
Mansuram rudibus vocem signare figuris.*

Eupolemus vero teste Eusebio (s) earun-  
dem originem tribuit Moſi; Philo autem  
Abrahamo; Josephus denique (t) liberis  
Seth ab Adamo A. M. 130. progeniti. Mihi  
placet præ reliquis eorum opinio, qui  
Adamum characteres hebræos, procul  
dubio ab ipſo Deo rerum omnium Aucto-

re

(p) *Lib. i.*

(q) *Lib. de nat. Deor.*

(r) *Lib. natur. Hiſt.*

(s) *Lib. 10. de præpar. Evang. c. 7.*

(t) *Lib. i. Antiquitat.*



re supremo acceptos, filiis suis communi-  
 casse arbitrantur, ne genus humanum diu  
 literarum commercio, ad vitam socialem  
 tam necessario, carere debuerit. Rem  
 hanc oppido confirmat illa de duabus co-  
 lumnis historia, quam Josephus, de quo  
 dixi, memoriæ prodidit: Quum enim ex  
 Adamo intelligerent Nepotes, humanum  
 genus duplici clade deletum iri, aqua &  
 igne, duas struxere columnas lapideam,  
 alteram lateritiam, quibus omnium disci-  
 plinarum ab Avo haustarum elementa in-  
 scripserunt, eo consilio, ut vel lapidea  
 undis, vel lateritia flammis superstes es-  
 set, hacque ratione prima bonarum ar-  
 tium semina nullo unquam ævo interirent.  
 Ex his primam usque ad ætatem suam in  
 Syria durasse affirmat idem Flavius Jose-  
 phus (u). Quoniam vero literarum he-  
 braicarum mentio post diluvium prima  
 occurrit in Tabulis Mosi a Deo traditis,  
 inde factum, ut Moses primus earum in-  
 ventor haberetur, a quo acceptas Judæi  
 superato mari rubro in Palæstinam & Phœ-  
 niciam intulerunt: ex his Cadmus in Græ-  
 ciam, & ex hac Pelasgi aut certe Arca-  
 des, in Italiam adpulsi cum Evandro, de-  
 nique in Latium; ex quibus accedente  
 postmodum in tam longa quasi peregrina-  
 tione

(u) *Lot. cit. c. 4.*

tione figurarum immutatione natæ sunt tres præcipuæ orbis linguæ matrices: *Hebraica, Græca, & Latina*. Varia vero pro temporum varietate literarum fortuna fuit, & tum pronunciandi tum scribendi ratio. Olim diphtongus *Æ* efferebatur ut *ai*: hinc occurrunt in antiquis editionibus, & Poetarum carminibus *Aulai, Pictai, Musai* pro *Aulæ, Pictæ, Musæ*. Item literæ *I*. longæ præponere solebant Veteres aliam *E*: *omneis, naveis, beic*, loco *omnis, navis, hic*. Brevi autem mos iste exolevit, quamvis Claudius Imperator feratur illum lege voluisse reducere. Sunt ramen non pauci, qui *beic* pro *hic* etiamnum hodie scribant consulto ad discriminandum adverbium a pronomine, uti etiam *quum* loco *cum* ad discernendam conjunctionem a præpositione. Literam quoque consonam *V*. quemadmodum Germani *W* pronunciare consueverunt: *C*. vero eundem sonum reddebat, quem *K*. sic lapidibus insculpta & in diplomatibus vetustis leguntur hæc verba: *Karus, Parkarum, Kastitas*. Pluribus adhuc vicissitudinibus obnoxia erat literarum figura. Et quidem vocales quosdam scribebant quondam duplices, uti monstrant numi veteres: *FAAUSTUS. FEELIX.* vel transversa notabant virgula,

la, eg. Lēgebam. Loco S. substituebant C. & A. referebat figuram A. Nullus quoque priscis seu græcis seu latinis accentuum vel virgularum usus erat, quibus adverbia a reliquis vocibus distinguerentur, qui mos nunc quoque seu in typographiis seu in MSS. velut postliminio incipit revocari. Illud universim animadvertere licet, veteres literas latinas græcis simillimas fuisse, exceptis iis, quas ipsi latini proprio Marte addiderunt, nimirum F. Q. H. Hæc pauca sufficiant: plura tum scriptionis tum pronunciationis apud antiquos usitatæ exempla eruditissimus Lipsius (x) curioso lectori suppeditabit. Jam vero ex literis syllabæ & verba componuntur; ex his autem oratio, quæ aliud non est, quam contextus verborum cum sensu: nam sine sensu nulla est, & mortua oratio, quemadmodum sine anima corpus; quum oratio dicatur teste Isidoro (y) quasi *oris ratio*. Quare ut hæc plena sit, literis, syllabis, verbis & sensu eam constare oportet.

Ut de materia quoque subiecta, cui literæ inscribi solent, pauca disseram, ea priscis temporibus varia fuit: Imprimis

cor-

(x) *In Dial. de rect. pronunc. ling. latin.*

(y) *Lib. I. Etymolog.*

BIBLIOTH. DOMEST. LIB. II. D

cortex interior, seu tunica subtilior arboribus detracta & probe lævigata, quibus characteres suos & animi sensa his expressa Veteres committebant. Corticem ejusmodi late ac longe patentem, & literis oppletum convolutumque Latini *librum* aut *volumen* dixerunt. Ejusmodi integra volumina characteribus græcis inscripta, e famosis Herculaneæ civitatis rudibus in lucem non ita pridem protracta, Portici prope Neapolim intueri & admirari mihi licuit: Palmarum quoque aliarumque arborum in foliis scriptitabant; hinc librorum paginae etiamnum *folia* dicuntur. Alia materia erant tabulae lignae candidae, quas nigra cera subtilissima obdoxere, ac stilo seu graphio ferreo literas iis impresserunt, labore quidem non mediocri, non tamen sine omni commodo. Nam si quid mutandum erat aut delendum, stilum de quo dixi, una parte acutum, altera vero latum subito vertebant, ceraque deducta errorem corripiebant. Quapropter hodie etiamnum erroris correctionem *lituram*, & corrigere scripturam *stylum vertere* dicimus. Eboreis quoque laminis, plumbeis, atque æreis tabulis utebantur, quibus ea, quæ diutissime conservata cupiebant, mandarunt, quemadmodum Romani leges duodecim tabularum, aliaque

mo-

monumenta, atque foederum cum nationibus exteris initorum formulas, uti legimus libro primo Machabæorum. Eboreæ etiam parvæ, ac citreæ ad memoriam juvandam adhibebantur, quas *pugillares* nuncupabant, vel quod ob exiguam molem pugno comprehendebantur, vel quod stili ope in his pungendo scribebatur: atque horum pugillarium vestigia etiam ante tempora Trojana invenire licet apud Homerum & Catullum. Postmodum fruticis usus invaluit, qualis præcipue in Ægypti palustribus ad Nili litora succrescit: hujus folia in modum viminis extensa, aliis transversum impositis, & glutine quodam oblitis, lævigatisque adaptarunt, ac ex iis chartas confecere acu divisas in prætenues & latissimas phyliras, quæ ab hujus fruticis adpellatione papyri nomen acceperunt teste Plinio. Hic usus obtinuit fere ad seculum Christi duodecimum. Rursus aliam literis inscribendis materiam præbuit membrana, seu corium ovium vitulorumque membris detractum atque siccatum. Membrana hæc *charta Pergamena* uti nunc, ita olim dicebatur, quod vulgo crederetur inventa esse Pergami, Aliæ Græcæ civitate, regnante Eumene, cujus magnam copiam Rex Attalus Romam misisse fertur, ut penuria chartæ pellibus pen-

faretur; & in nuce inclusam Iliada, Homeri carmen, in membrana ejusmodi scriptam perhibet Plinius. Denique charta, qua nunc utimur, e contritis linteis coagulata est, eundemque nobis usum præbet, quem olim Ægyptiis præstabat papyrus. Equidem jam priscis temporibus chartæ genus quoddam fuit, a *Carthagine*, ubi inventa est, ut ajunt, sic dictæ. Varro chartam in Victoria Alexandri M. repertam fuisse scribit: alii Ptolemæum chartas, Eumenem vero membranas invenisse tradunt, quorum alter Pergami, alter Ægypti Rex fuerat, uterque vero maximas amplissimasque instruxit Bibliothecas: Plinius autem putat, chartarum usum fuisse jam temporibus Numæ, qui ætate Alexandrum M. longe præcessit, idque auctoritate Cassii Heminæ confirmat, qui Cneium Terentium scribam, agrum suum in Janiculo repastinantem, invenisse ait arcam, in qua Numa Rex situs esset, & in ea libros illius in charta scriptos. Verum chartarum genus hoc vetustum e linteis quidem, sed integris & glutine quodam firmatis, non e tritis ut nunc fit, & in pollen reductis compositum erat. Certe hanc, quam hodie adhibemus, ante annum Christi 1100. nullo in usu fuisse satis constat. Porro scribendi instrumenta sunt vel  
stilus,

stilus, quo in tabulis ceratis utebantur veteres, quemadmodum nunc chalcographi nostri in cupreis: vel calamus in atramentum intinctus, quo in charta, membrana, papyro, libris scribitur, ut jam pridem Cicero ad Quintum Fratrem: *Calamo inquit, & atramento temperato res agitur.* Principum tamen epistolæ *Rubrica*, id est, minio, cinnabari, aut sanguine Purpuræ scribebantur, aliquando etiam auro. Quod ad scribendi modum & ordinem adtinet, Hebræi a dextra ad sinistram lineas ducunt: Græci & Latini contra a sinistra ad dextram: nonnulli olim a chartæ capite incipientes ad calcem usque deorsum, ac denuo sursum pergebant: alii in una pagina continua scripsere, tam ampla, ut totam quæ scribenda erat, materiem caperet, idque ad usque Julii Cæsaris ævum, qui primus dicitur librum in plura distinxisse folia: neque utramque paginæ faciem, sed unam duntaxat, seu adversam characteribus signabant, aversam vacuum relinquentes. Demum epistolas & codicillos tabulis e buxo ceratis inscribere solebant Veteres, unde illarum bajulis *Tabellariorum* nomen adhæsit. Ita Cicero in Catil. *Introductus Statilius cognovit manum & signum suum: recitata sunt tabulæ.* Sic scriptas vero

ligabant lino seu filo multis spiris circumducto, totamque tegente epistolam: ipsi autem lino impressum erat adhibita cera vel creta signum: quod vel scribentis aut cujusdam e Majoribus imaginem referebat. E quo prisco more originem traxit phrasis ea, qua dicimus *obligare* epistolam, & *obsignare*.

Verum quæ hucusque dixi, ut melius intelligantur, juvat ea scriptorum Veterum testimoniis illustrare. Inprimis ad libros & volumina quod adtinet, Isidorus (z) ait: *Liber est, interior tunica corticis, quæ ligno cohæret, in qua antiqui scribebant.* Hac adpellatione etiam venit apud Suidam: *Pbilyra*, inquit, *est arboris species, quæ librum (corticem) habet similem biblo papyri.* Quare si libri etymologiam consideremus, ejus conscribendi materia cortex fuit: forma vero volumen, ab ipso circumvolvendi more sic nuncupatum, de quo Paullus J. C. (a) *Volumen appellatum, quod veteres volumina in cylindri, id est, volutarii morem complicare solebant.* Clarius adhuc rem explicat Joannes Pierius (b), dum ait: „ Sciendum, libros olim fieri solitos du-  
„ ctu

(z) *In Orig. l. 6. c. 14.*

(a) *L. 3. sentent. 6. §. 87.*

(b) *L. 34. Hieroglyph. c. 38.*



„Ita plurimum perpetuo, una quippe  
 „pagina, (non ut nos illis disiectis, &  
 „in quaterniones, quos dicimus, con-  
 „sertis) & quia complicabantur ad instar  
 „piræ convoluti, inde volumina dicta sunt  
 „a volvendo: in extrema autem pagina  
 „similitudinis ergo parvus admodum ba-  
 „llus ex cedro quippe, aut buxó, cu-  
 „pressove, vel ex ebено, vel ex arbore  
 „alglutinabatur, ad latitudinis modum,  
 „quia membrana præcisa erat. Hunc um-  
 „braticum adpellabant, cujus quidem ca-  
 „pitula volumine complicato hinc & inde  
 „præstabant, solebantque ex argento,  
 „veletiam gemmis ad ornatum præmu-  
 „niri. Hujus rei ignoratione non  
 „pauci decipiuntur, dum si a prisco scrip-  
 „tore tot & tot libros & volumina in lu-  
 „cem duci legunt, nescio quot spissorum  
 „codicum ideas sibi formant. Nam ut re-  
 „cte notat Conringius (c): *Quum legimus  
 in Græcis latinisque Veterum bibliothecis  
 triginta, immo quadraginta, aut sexcen-  
 ta millia librorum, non est, quod juxta  
 morem nostræ sæculi, ubi volumen dici vix  
 solet, nisi spissior grandiorque Codex, to-  
 tidem grande. Codices numeremus; libri  
 enim & volumina fuerunt, quorum hodie*

cen-

(c) In epist. ad Brineburgum.

centena aliquot unus grandior noster codex complectitur. Profecto, quis sibi persuadeat, Bibliothecam Antiquissimam Ro-  
 lemaicam, & alias tot centenis voluminum millibus divitem fuisse, si volumina, qua hodie, decempeda metiri placeat? Pridem hoc agnovit Ulpianus (d) in-  
 quiens: *Si quis haberet Homerum totum in uno volumine, non quadraginta octo libros computamus, sed unum Homeri volumen pro libro accipiendum est.* Quod vero ad Codicis adpellationem spectat, antiquis Codex nominabatur plurium tabularum contextus. Ita Seneca (e): *Plurium tabularum contextus caudex apud antiquos dicitur; unde publicæ tabellæ codices dicuntur.* Ita quoque Justinianæus quo utimur Codex per antonomasiam *Coex* nuncupatur a Jurisconsultis: & Baonius in Martyrologio Romano ad annum 485. narrat *Codicem Divi Matthæi in schedulis* (id est, tabellis) *ligneis perscriptum inventum esse in monumento D. furnabæ.*

Quid autem tabularum nomine intelligatur, rursus explicat Ulpianus (f): *Tabulas testamenti accipere debemus omnem materiæ figuram: sive igitur tabula sint lignea,*

(d) L. 52. ff. de Legat. III §. 1.

(e) De Brev. vit. c. 13.

(f) L. ff. de bonorum possessione.

*lignæ, five cujuscunque alterius materia, five chartæ, five membranae sint, vel in corio alicujus animalis, tabula recte dicentur.* De plumbeis tabulis egregia exstant monumenta apud Kircherum, & Montefalconium. Prior in Museo suo Tab. X. libellum plumbeum septem laminis plumbeis constantem, & in sarcophago quodam inventum literis & signis ignotis eodem insculptis exhibet. Alter (g) narrat: „ Dum Romæ agerem, incidi in „ librum plumbeum inscriptum literis & „ figuris Basilidianorum, emptumque obtuli Serenissimo Principi Cardinali de „ Bouillion, ita tamen, ut depicta omnia penes me remanerent; est is libellus longitudine circiter quatuor pollicum, latitudine duorum & dimidii, operculis vero duobus plumbeis totus compingitur; sex folia item plumbea sunt, ab utraque facie incisís literis aut figuris. Duæ partes operculi assumendo plumbeo, clavis item plumbeis asserto & firmato junguntur; virgula plumbea foliis a tergo per anulum plumbeum ipsis hærentem inserta ipsa folia retinet, ne dimoveantur; denique omnia plumbum. In singulis partibus

(g) *Lib. 2. Palaeograph. Græc. c. 2.*

„ginis Basilidianorum figuræ comparent;  
 „in quatuor primis tantum verba quæ-  
 „dam sub figuris posita incisa sunt: prima  
 „& secunda pagella hetruscis literis exa-  
 „ratur, tertia & quarta græcis; ex utris-  
 „que tamen tam hetruscis quam græcis  
 „tantundem notitiæ expisceris; adeo  
 „sunt obscura omnia, & tenebris opple-  
 „ta. „ Nolo longius his immorari,  
 quum ad Grammaticæ infantiam potius  
 quam ad ipsam artem pertineant. Nam  
 ut eleganter scribit Quintilianus (h):  
*Grammaticæ plus habet in recessu, quam in*  
*fronte. Et alibi: Interiora velut sacri*  
*bujus adeuntibus apparebit multa rerum*  
*subtilitas, quæ non modo acuerè puerilia*  
*ingenia, sed exercere altissimam quoque*  
*eruditionem ac scientiam possit.*

## §. II.

## Definitio &amp; partitio Grammaticæ.

## X.

Jam ad finiendam & partiendam hanc  
 disciplinam progredi juvat. Et quidem  
 Veterum æque ac recentiorum suffragio  
 definitur Grammatica, quod sit ars, quæ  
 in emendate loquendo scribendoque con-  
 sistit. Hoc tamen non ita intelligi velim,  
 ac

(h) *Lib. i.*

ac si totum ejus negotium sola locutione ac scriptione absolveretur sine intelligentia eorum, quæ ore vel calamo proferuntur: id enim & psittacis & calculatoribus est commune; sed ut recte ait Vives (i): *Ars hæc grandior facta docuit puerum intelligere, quæ in lingua, quam didicit, scripta fuerunt.* Hæc autem intelligentia satis amplos fines jam apud antiquos nacta est, nimirum non ad vocis sonum duntaxat moderandum, & verborum interpretationem, sed etiam ad historiarum cognitionem, & poetarum pertractationem teste Cicerone (k) ac Quintiliano se se extendit. Quare ut latine loquamur, non solum in id incumbendum nobis est, ut verbis utamur, quæ peritorum aures offendere nequeant, nec reprehensione digna sint, eaque sic inflectamus casibus, temporibus, genere ac numero, ne quid perturbatum & discrepans sit, vel ordine præpostero ponatur, sed etiam ut aptis & probe latinis vocibus sententiarum, quæ in auctoribus poeticis, historicis & oratoriis occurrunt, sensum & rationem reddere possimus. Quapropter jam olim varia ejusmodi scriptorum genera pueris exposita fuerunt; & recte.

Nam

(i) *Lib. 2. de Grammat. corrupt.*

(k) *Lib. 3. de Orat.*

Nam quid quodque significet, quem sensum reddat, hoc demum callere Grammatici est. Fatendum tamen, errasse nonnullos Priscorum, qui limites prætergressi contendebant, Grammaticum omni genere artium imbutum esse oportere. Quippe tantum non vendicat sibi ars ista, sed disciplinarum nexus quidam mutuus est, quem qui plene consecutus fuerit, eum cum *Quintiliano Mortalem Deum* adpellare fas est: quamvis nec inficiari ausim fuisse aliquos in omni scientiarum & artium genere quam excultissimos, qui tantum abest, ut Grammatici nomen probro sibi ducerent, ut etiam adfectarint. Rara tamen ætas fuit, quæ tam perfectas, nec facile immitabiles sapientiæ vivas effigies in lucem edidit. Mihi sufficit explicasse naturam & indolem Grammaticæ, simulque Grammatici officium palam fecisse, quod in eo versatur, ut primum os pueri & manum ad rite loquendum ac scribendum formet; dein eum ad intelligentiam scriptorum promoveat, quæ ad cæteras postmodum artes perdiscendas ipsum veluti manu ducat.

Ut de partitione hujus disciplinæ aliqua quoque dicam, antiqua est *Quintiliani*, qui *Tullium* secutus eam in in duas divisit partes, *in bene loquendi scientiam, & in*

in *Poetarum ac historiarum enarrationem*, de quibus primum ante memini: recentior (1) Dionysii & Taurisci, qui tres assignarunt, scilicet *Artificialem*, *Historicam* & *Propriam*. *Artificialem*, quæ literarum elementa, partes Orationis, & orthographiam complectitur: *Historicam* de personis divinis & humanis, atque heroicis factis agentem, quam nonnulli rejiciunt, tanquam non satis stabilem, nimiumque vagam; *Propriam* demum quæ circa Poetas & historicos versatur. Hodie communior meliorque Grammatices partitio est in *Theoricam*, quæ præceptorum cognitione occupatur, & in *Practicam*, quæ in exercitatione consistit. Hanc vero exercitationem partim in γένεσι, partim in ἀναλύσει constituunt. Prima tum viva voce tum scripto perficitur, dum vel artis præcepta fideliter memoriæ mandata exigenti Magistro a puero redduntur, vel impositum pensum seu in schola, seu domi ad regularum apices exacte persolvitur: Altera vero aliorum scripta dictaque tum cognoscit audiendo legendoque, tum judicat, quando ex optimis auctoribus excerptæ nobiliores phrasæ, sententiæ ac progymnasmata, velut totidem latinæ linguæ cimelia, explicando

(1) *Apud Joan. Franc. Picum Mirandolanum.*

do percipiuntur, & de horum dotibus, prærogativis, & elegantissimum sanum fertur iudicium. Atque propterea Grammatici a Cælio (m) dicti sunt *Analektæ ἀπὸ τῶν ἀναλέκτων*, quod quasi reliquias ciborum conservent ea, quæ in scriptoribus variis legerunt; quo in numero apud latinos fuerunt Gellius, Macrobius, & alii.

## XI.

His breviter expositis patet nunc aditus ad ipsum disciplinæ hujus artificium, quod fortasse multis exile nimium ac tenue videbitur; ego autem unum e maximis esse iudico, auctoritate simul & usu quotidiano soltus. Nam si accuratius Scriptorum monumenta ponderare velimus, ex tanta illorum farragine, quæ hodie occurrit, & vel invitis nobis obtruditur, paucos est reperire, qui argumenta illa, quæ in omni fere scientiarum & artium genere magno cum ingenio, doctrinæque maxima ubertate tractant, vera germanaque latinitate vestita norint oculis legentium exhibere, id quod palam facit, eos dum reliquo scientiarum commeatu omni abundant, Grammaticæ artis inopia laborare, curtamque illius supellectilem domi suæ habere. Amplius quid dico: paucissimi sunt,

(m) *Lib. 13. Antiq. Lect.*



sunt, qui hanc artem probe callent, seu pro dignitate æstimant; cujus rei hanc posse causam assignari arbitror, quoniam dum pueri eam in ludo, magno licet labore sudoreque docentur, nec attentionem debitam, nec indolem ac ingenium satis capax secum adferunt, ut præceptorum seriem, doctrinæ ordinem & nexum, totiusque disciplinæ istius œconomiam percipere possint; sed ea solummodo addiscunt, quæ quibusque diebus, mensibus, & annis discenda præscribuntur, contenti ascendere per classium gradus, nec respicientes, unde aut quo, quibusve passibus pervenerint. Ita in singulos dies vivunt & student in partes distracti, nunquam ad rei summam attenti. Ubi vero e scholis Grammaticæ sunt egressi, amœniorum Musarum illecebris capti, & majoris momenti, ut ipsis videtur, negotiis occupati, non amplius abstrusæ huic arti penitus pernoscendæ se impendunt. Quamobrem cura illius & æstimatio brevi ex animo dilabitur, latini sermonis neglectu protinus insequente. Nimirum contingit heic literarum alumni, quod mercatoribus maritimis: hi dum longo itinere per Oceanum vela faciunt, in navigio suo velut per otium multas nauticæ artis phrasés & regulas percipiunt, Castora & Pollucem,  
cur-

cursumque siderum cum aliis observant, ventorum indolem & patriam scrutantur, maris æstum & fluxiones reciprocas contemplantur, & ex acu magnetica locorum intervalla metiri discunt: major tamen eos sollicitudo tenet, ut continuo provehantur longius, & portui adpropinquent; quem ubi attigerunt, quamprimum mercibus vendendis emendisque occupantur, & quæstui faciendo inhiant diu noctuque, haud amplius nauticæ artis aut memores, aut satis gnari, certe parum curiosi. Ut itaque pauca de artificio Grammaticæ disseram, (quippe Instituti mei non est, universæ artis ideam proponere, omnesque illius partes enucleate complecti, sed id solum agere, ut quisque sanum de illa iudicium ferre possit) postquam bene jacta sunt fundamenta prima emendatæ, atque ad regulas Syntaxis elaboratæ constructionis, altius enitendum est disciplinæ hujus Candidato, idque unice curandum, ut latini sermonis præcipuas dotes *proprieta-tem, puritatem, elegantiam & copiam* sibi comparet. Neque enim sufficit Grammatico, ut sine solœcismo scribat aut loquatur, & summa declinationum, generum & conjugationum capita norit, (qui infimus hujus artis gradus & labor est) quemadmodum nec Poetæ, ut errores metri

metri evitet , & syllabas metiatur. Sed ut pure, eleganter, ac copiose loqui sciat. Operæ igitur pretium erit, singulas has dotes exprimere vivis characteribus, & velut oculis legentium conspiciendas præbere.

## §. III.

*Prima dos linguæ latinæ, proprietas sermonis.*

## XII.

**P**ura idiomatis latini ratio seu proprietas quærenda est tum in vocibus, tum in sententiis. Nam sæpenumero contingit, ut singulæ voces, ex quibus componitur integra sententia, agnoscantur mere latinæ, ac civitate donatæ, ipsa vero sententia a sincero latinæ ingenio, totoque Latio vel maxime remota sit & aliena. Quod jam ad vocum proprietatem adinet, has ejusmodi esse necessum est, quæ latini sermonis indoli ac moribus propriæ sunt, & apud homines eloquio præstantes usu perpetuo receptæ. Hoc ut penitus intelligatur, nosse oportet, Grammaticam linguæ latinæ magistram, quemadmodum Dialecticam & Rhetoricam, ex usu & observatione hominum natam esse,

ita ut non idiomatis latini parens sit hæc disciplina, sed filia potius hujus ipsius idiomatis. Quippe dum homines rei hujus curiosiores vel in quotidianis colloctionibus, vel in publicis congressibus, ubi pro concione dicebatur, quid absonum, scabrum, rude ac distortum; contra vero quid consonum, politum, teres ac speciosum esset, studiosissime observarent, postmodum in usum & consuetudinem maturo consilio deduxere, certasque leges ac præcepta statuerunt, quibus bene loquendi artem complexi sunt, nimirum hanc ipsam, quam dicimus Grammaticam. Quare geminos locutionis magistros assignare licet: si consuetudinem observemus, populi Morem; si vero præcepta & regulas, Grammaticam. Posterius hoc satis loquuntur tot scholæ ac gymnasia ubique magnis sumtibus constructa, in quibus quotidie pueri ac juvenes incredibili labore, simul ac patientia informantur: Prius vero dudum Julius Cæsar commendatum reliquit his verbis: *Origo eloquentiæ est delectus & observatio vocabulorum ac sententiarum.* Amplius quid asserere ausus est Priscianus: *Quamvis regula concedat dicere, tamen nisi in usu inveniamus, non temere debemus proferre.* Horatius autem de arte Poetica  
æqua-

æqualem ipsi Regibus potestatem tribuit  
usui, dum canit:

*Quem penes arbitrium est, & vis &  
norma loquendi.*

Ex quibus palam est, ea demum vocabula  
puram latinam sapere, quæ communi  
hominum eloquentium usu trita; & con-  
suetudine adprobata; impura vero, nec  
in Latio ferenda, quæ vel consuetudinis  
istius auctoritate destituta, vel barbaris  
illis temporibus recens nata, aut ex lin-  
guis alienis in sermonem inuenta, vel usu  
contrario sunt abrogata. Quapropter tri-  
plex vocum rejicularum classis statui po-  
test, scilicet earum, quas vocamus  
*Novatas, Barbaras & Peregrinas, Obso-  
letas.*

Hæc de proprietate vocum universe:  
singillatim vero illæ omnium iudicio erunt  
puræ ac defæcatæ, quæ depromptæ fue-  
rint ex auctoribus ætatis virilis, seu aureæ  
atque argenteæ, de quibus non ita pridem  
memini; quod similitudine aptissima de-  
monstrari potest. Quam enim aquam di-  
cimus esse puram, nisi quæ vel propior  
est fonti, vel ex ipso fonte hauritur? Te-  
stem habemus Poetam canentem:

*Purius ex ipso fonte bibuntur aquæ.*

Si ita est, ea quoque vocabula latina erunt pura & propria, quibus usi fuerunt scriptores, optimis Romanæ Reipublicæ temporibus vel non multo post florentes, quæque auctoritate sua, velut Principes effigie propria monetas, signarunt. Nam inclinata Republica sermonis quoque integritas sensim deflectere cœpit, & instar aquæ longius a fonte decurrentis misceri fœcibus, vel alluvione peregrinarum linguarum, vel propriæ non satis custoditæ corruptela. Nolim autem angustos nimium limites ponere regno latinitatis, ut nil nisi aurum & argentum e felicibus illis seculis in medium adferre liceat. Quamvis enim tyrones, qui primis linguæ hujus elementis atque principiis rite percipiendis operam navant, hac in re admodum religiosos, atque etiam supersticiosos esse velim, ne sine freno licentius quam cautius incedentes in varia idiomatis istius vitia prolabantur, & quod Quintilianus monet (n), assuescant teneris annis sermoni, qui postea dediscendus sit. Quando tamen confirmatis per prima principia viribus scholæ mancipatui liberior ætas successerit, ubi suo quasi ære vivitur, paullo plus licebit, nec crimini dabitur, si voces quædam melioris metalli etiam e scri-

(n) *Lib. I. cap. I.*

e scriptoribus ætatis argenteæ vel æneæ, ut Plinio, Curtio, Suetonio, Seneca, Floro, Statio &c. apte adhibeantur. Suffragatur enim his præjudicata opinio, eos non usuros fuisse hisce vocabulis, nisi ea vel jam probata a majoribus accepissent, vel merito probanda a posteris credidissent. Multo minus illorum sententiæ accedo, vel potius stultæ religioni, qui pollui ac execrari sermonem suum existimant, si non omni ex parte Ciceronianus sit, aut vocula irrepit, quæ non sit e Principis istius sacrario deprompta; quasi vero solus Cicero totum Latinitatis ærarium expilasset, ita ut reliqui omnes post ipsum mendicata vivere cogantur. Quis obsecro recte loqui aut posset de multis artibus ac opificiis; de Poemate, Historia, Architectonica: de textrina, sutrina &c. de quibus altum in Cicerone silentium? Neque ipse tam amplum sibi arrogavit in voces latinas dominatum, & veluti monopolium: immo fatetur lubens, se aliquando in significato vocabuli cujusdam ob rei nauticæ imperitiâ deceptum fuisse. Nam quum libro primo de Oratore dixisset: *ut concitato navigio, cum Remiges inhibuerunt, retinet tamen ipsa navis motum & cursum suum intermisso impetu pulsque remorum &c.* errorem suum ag-

novit emendavitque in epistola ad Atticum vigesima prima libro tertio, quam septem aut octo annis post scripserat, his verbis: *Arbitrabar sustineri remos, cum inhibere essent Remiges jussi. Id non esse ejusmodi didici veri, cum ad villam nostram navis appelleretur: non enim sustinent, sed alio modo remigant. Id ἀποχῆν remotissimum est . . . .* Inhibitio remigum motum habet, & vehementiorem quidem remigationis, navem convertentis ad puppim. Quare illorum sententia mihi semper placuit, qui in arte *Oratoria* cum Cicerone ac Quintiliano: in *Poetica*, cum Virgilio, Ovidio, Horatio, Martiali, Catullo, Juvenali, Phædro: in *Historia* cum Jul. Cæsare, T. Livio, Cornelio Nepote, Sallustio, Tacito, Curtio, Suetonio: in *Philosophicis* cum Annæo Seneca, Plinio, Lucretio: in *Comicis* cum Terentio, & aliquando etiam cum Plauto: in re *Militari* cum Frontino, Vegetio, Cæsare: in *Medica* cum Cornelio Celso: in *Architectonica* cum Vitruvio: in *Epistolis* cum Cicerone, Plinio Juniore: in re *Rustica* cum Palladio, Catone, Columella: in *Grammaticis* cum Varrone, Quintiliano, ac Gellio loquendum esse arbitrantur, quum plurimæ vocum notiones in his omnibus occurrant, quæ in singulis deside-  
ran-



rantur; & quemadmodum Magistris in arte sua credendum est, ita etiam vocabula, arti per eos scite accomodata, sunt probanda, vel certe non temere rejicienda.

## XIII.

Verum, inquiet fortasse aliquis, etiam post beata hæc florentis latinitatis secula nunquam defuere Viri doctissimi ac ingenio summo pollentes, qui densas inter tenebras artium linguarumque ævo illo, quod Medium vocant, scripserunt idioma-  
te latino & præclara in vario scientiarum genere monumenta nobis reliquerunt. An horum omnium verbis & vocibus aqua & igne in Latio interdictum volumus? Non ausim ego quidem inficiari, uti omnem ætatem, ita illam quoque scriptores progenuisse doctrina & ingenio maxime conspicuos, latinitatis tamen Proceres fuisse neutiquam concessero. Magnum etenim quemadmodum inter voces, ita etiam inter scriptores ipsos discrimen fieri oportere contendo. Fuerunt procul dubio illis quoque temporibus Auctores non pauci, eximia mentis acie instructi, qui diversos pulcherrimosque in sublimioribus præcipue scientiis fructus ingenii sui nobis obtulerunt; sed in vasis plerumque sordidis &

lutulentis, nec tam suo, quam temporum illorum vitio, uti pridem monui: siquidem Viri illi boni non tam de verbis, quam de rebus solliciti erant, cum Nani-lio canentes (o):

*Ornari res ipsa negat, contenta doceri.*

Quare voces barbaras, quæ ante illorum oculos continuo obversabantur, & circum aures quotidie strepebant, calamo profuderunt liberalissime, & si quæ pura vocabula e linguæ Romanæ fontibus hausta sæpe velut incogitantes proferebant, mox usu malo & idiotismis contaminarunt. Itaque quotquot eruditionis studio incensi Auctores istos legunt, conchyta imitari debent, qui postquam margaritas collegerunt, conchas procul abjiciunt.

Supereft, ut vocibus barbaris & peregrinis a sermone latino abesse jussis, adhuc pauca dicam de verbis tum iis, quæ Obsoleta, tum illis, quæ Novata vocamus, qua ratione vel noceant, vel profint ejusdem integritati. Prioribus, licet Ennii, Pacuvii, & Accii ætate in honore habita fuerint, modo tamen pretium vix non omne ipsa vetustas abstulisse videtur, & plus serviunt legentium admirationi, quam loquentium aut scribentium usui; fere

(o) *Astron. lib. 3.*

fere sicut antiquarum arcium rudera viatoribus spectanda quidem se præbent, neutiquam tamen habitanda. Quodsi parce nec sine consilio adhibeantur, antiquitate sua conciliare auctoritatem possunt sermoni, vel certe leporem, præsertim vocabula Plautiniana, quæ non modo tolerabilia sunt, sed sæpe etiam pergrata. Nam ut Nicolaus Caussin noster, vir in literarum negotio expertissimus, observat: *antiquum verbum in loco positum dignitatem & gratiam habet*; quam ne perdant, opus est, ut non sint crebra, nec manifesta, neque ab extrema vetustatis Thule petita, secus enim plus ostentationis præferrent, quam eruditionis, id quod optime advertit Erasmus, jure dicens, rideri hodie illos, qui immodica & intempestiva affectatione vestutatis e duodecim Tabulis, ex Ennio Lucilloque petunt sermonem, proinde quasi cum Evandri matre loquerentur; nec ullum verbum elegans esse putant, nisi quod sit ab usu vulgari remotum. Quid? quod pene ridiculum sit, malle sermonem, quo locuti sint homines, quam quo loquuntur (p). Itaque antiqua verba

*Pacuvii Proavis, Atavisque utenda  
relinque.*

At

(p) Fabius Lib. i.

E 5

At de posterioribus seu verbis novatis non ita pronum est certam ferre sententiam. Sunt enim, qui novas voces, quæ nullo in priscis Auctoribus vestigio se produnt, non minus nauseant, quam novos mores, aut novas vestes. Satis divitem esse contendunt Romanæ linguæ penum, ut necesse non sit, aliunde alimenta conquirere, quibus vocabulorum famem pellere possis. Accedit, quod si semel hæc porta pandatur, quilibet pro libitu suo novorum verborum plaustra in Latium invehet, & antiqua Gothorum ac Vandalorum tempora redibunt, quæ tantam Romano Imperio & bonis artibus vastitatem intulerunt. Sed nescio, an satis justa sit querela hæc: ut nihil dicam, hoc nova vocabula passim reprobandi studio pauperem denique reddi linguam latinam, non secus ac ærarium, de quo semper aliquid demas, & nihil unquam novi addas. Certe auctoritas, necessitas, & utilitas longe aliud suadent. Auctoritas quidem; nam si Ciceronem consulamus, aperte probat novitatem quandam in latino sermone, dum ait (q): *Etiam verba parienda sunt, imponendaque nova novis rebus nomina. Quod quidem nemo mediocriter doctus mirabitur, cogitans in*  
*omni*

(q) *Lib. de finib.*

*omni arte, cujus usus vulgaris communis-  
que non sit, multam novitatem nominum  
esse. Tum postquam satis longum eorum  
syllabum produxit, hæc subjungit: Quo  
magis hoc Philosopho faciendum est: Ars  
est enim Philosophia vitæ, de qua differens  
accipere verba de foro non potest. Orato-  
ris judicio suffragatur Poeta. Nam Hora-  
tius canit (r):*

*In verbis etiam tenuis, cautusque  
serendis*

*Dixeris egregie, notum si callida ver-  
bum*

*Reddiderit junctura novum si forte  
necessum est,*

*Indiciis monstrare recentibus abdita re-  
rum.*

Non raro etiam necessitas ad hoc facien-  
dum nos cogit, & vel nolentibus amicam  
vim infert. Quippe ea vivimus tempora,  
quibus & reipublicæ sacræ & profanæ ra-  
tio plurimum immutata est. Profecto longe  
diversam hodie induerunt faciem res Ec-  
clesiasticæ, Politicæ, Tribunalia, Scho-  
læ, artes Musicæ, Bellicæ, Philosophicæ,  
Medicæ, ipsa adeo opificia, & rura; quas  
novitates cunctas ut ore vel calamo de-  
center apteque exprimas, frustra eris,  
si

(r). *De art. Poet. v. 46.*

si totam aureæ argenteæve ætatis, aut etiam æneæ ac ferreæ suppellectilem excutias. Exemplum adfero e re militari depromptam; unum quidem, sed quod in ar plurimorum in omnibus fere displicinis. Audies forte voces *Ravelinum*, *Bomba* &c. Indignaberis, & e Julio Cæsare aut Vegetio substitutes priori *propugnaculum portæ civitatis præstructum*: posteriori *globum missilem*, vel *ollam igniariam*. Sed nescio qui fiat, ut necdum bene intelligamus id, quod *Ravelinum* aut *Bombam* vocamus. Nam & *forcipula simplex* vel *composita*, item *opus cornutum* aut *coronatum* solet exstrui ante portam, quin sit *Ravelinum*; & globus ferreus ignitus est *Missilis*, ac *mortarium* est *olla igniaria*, quin sit *Bomba*, per quam significatur globus ferreus, cuius venter cavus est, & pulvere pyrio refertus, quoque incenso ille in auram ejaculatus in frustra dissilit. Quantum autem sæpe nos premit necessitas, & ad inveniendas novas voces urget, tantum alia ex parte invitat utilitas, dum quod unico ejusmodi verbo absolvi posset, longa & odiosa circuitione sit exponendum, quæ rem oppido reddere solet obscuram, ac linguæ nuditatem non satis honeste tegit. Idem esto judicium de quibusdam vocabulis,

bulis, quorum in Philosophia, Juris studio, & Theologia non infrequens usus est. Unum rursus pro multis exemplum pono. Quid prohibet, dicere *Ens*, *Essentia* &c. dicente Quinctiliano (s): *Multa ex Græco formata, nova sunt, ut ens & essentia, quæ cur tantopore aspernemur, nihil video, nisi quod iniqui iudices adversus nos sumus, ideoque paupertate sermonis laboramus.* Omnium vero maxime, ne verborum novitatem tantopere aversemur, jure quodam suo expetunt tot artes vel recens inventæ, vel in dies plurimis auctæ incrementis incredibili hominum seu curiosorum seu sagacium industria, quæ sane non possunt carere technicis vocibus, quam parum arbores foliis. Est autem tanta earum copia, ut Viri eruditi integra de illis lexica magno labore, majoreque patientia conscripserint. Non injucundum credo accidet audire, quæ hac de re Adamus Fridericus Kirschius, scriptor A catholicus, in *Cornucopia linguæ latinæ* sextis vel septimis jam typis edita satis eleganter præfatus est: „Permultarum, inquit, rerum nomina, & loquendi formulæ Latinis pariter ac Græcis ignotæ, nostris tamen temporibus Germanis & Gallis aliisque Nationibus usitatæ, omnibus  
 „fer-

(s) *Lib. 8. cap. 2.*

„ ferme in Lexicis sive Dictionariis ma-  
 „ nualibus frustra quærantur, quæ tamen  
 „ in lucem proferendæ sint, & juventuti  
 „ scholasticæ aut vetustatis imitatione, aut  
 „ verborum nova compositione, aut vo-  
 „ cabulis novis vel fictis, vel quasi nati-  
 „ vis, aut permutatione, a Græcis atque  
 „ Latinis vocabulis translatis, suppeditan-  
 „ dæ. Hunc autem laborem, cum (meo  
 „ quidem judicio) nemo exceptis *RR. PP.*  
 „ *Michaele Pexenfeldero, & Francisco Po-*  
 „ *mey, Societatis Jesu Sacerdotibus, Viris*  
 „ haut vulgaris eruditionis, in se suscepe-  
 „ rint, ea ex causa immortalem respu-  
 „ blica literaria eis adhucdum debet gra-  
 „ tiam; Isti enim tot rerum adpellationes  
 „ novas, ille in Adparatu suo Eruditionis,  
 „ hic in Dictionario suo, orbi litterato re-  
 „ liquerunt, ut de plurimis, quin imo  
 „ omnibus necessariis vitæ communis par-  
 „ tibus & terminis technicis artificum &  
 „ operariorum, pariter ac rei militaris,  
 „ latine loqui possemus &c. „ Ne vero,  
 „ ut supra objectum est, voces novandi li-  
 „ centiæ porta pandatur, duplex regula sta-  
 „ tui potest: prima, ut antiqua verba pura  
 „ & casta, rebusque novis significandis sat  
 „ idonea religiose retineantur, & eligantur  
 „ præ deterioribus: altera, ut nova tunc,  
 „ quando nonnisi longa circuitione res ex-  
 „ pli-



plicari æque bene per vetera possit, aut hæc omnino deficient, rejecta omni superstitione assumantur.

## XIV.

Satis multa verba fecisse videor de proprietate vocum : restat, ut paucis de illa, quæ sententiæ est, dicam, ad quam non sufficit, ut verba probe latina, maximeque propria, & ad regulas Syntaxis rite conformata, velut materiam operi struendo præparatam, adferas, si non ipsa sententiæ structura sit ejusmodi, quæ respondeat locutionis methodo, apud latinitatis germanæ cultores passim receptæ. Habent enim non solum voces, sed etiam sententiæ characterem quemdam sibi proprium, quo puræ ac genuinæ a spuris & impuris discriminantur ; idemque faceret, qui verba quidem apta in unam orationem cogeret, moribus tamen linguæ latinæ ac usui repugnantem, quod pictor, qui ad Palladis effigiem formandam optimos adhiberet colores, eo tamen situ cultuque membrorum, qui ab humani muliebrisve corporis imitatione plurimum abhorret ; quo fiet, ut Palladis loco Medusa quædam prodeat. Et utinam non hoc vitii genus quam turpe est, tam frequens foret  
etiam

etiam apud vulgus Grammaticorum, qui soli clavem ad Latii portam sibi videntur custodire, dum solœcismorum venatione perpetuo occupati, & vocibus minus latinis exterminandis ubique intenti, nihilominus scholæ subfellia, & integra non raro volumina humilibus implent sententis, e trivio petitis, vel suoapte ingenio altius non eluctante, vel idiotismi vitio, dum verba latina ad patriæ linguæ morem ac sensum bona quidem fide, sed malo exemplo detorquent. Idiotismum voco, seu sermonis modulum, quo nulla caret lingua, seu Græca seu Latina, sive Gallica, Itala, Hispana, sive Germana, quum quælibet proprias quasdam rem, de qua loquitur, exprimendi formulas velut congenitas sibi habeat. Si jam germanico aliove utaris idiotismo, eumque latinis vocibus ad verbum reddas, profecto necesse est, ut absōna, jejuna, & misera prodeat oratio. Exempli loco sit vel unica hæc dictio: *Plurimi milites partim ex defectu vitæ remediorum, partim per manus hostium in campo manserunt.* Sehr viele Soldaten sind theils aus Abgang der Lebensmittel, theils durch die Hände der Feinden in dem Feld geblieben. En! quid latinus singulis verbis? Quid vero magis a sincera latinitate abhorrens, quam  
tota

tota sententia? Hanc si melioris ævi Auctores sequaris, ita reddes vere latinam; *Plurimos militum partim annona inopia, partim hostilis gladius in castris sustulit.* Nimirum sunt vocabula non pauca, quæ significandi proprietatem, quam habent, perdunt continuo, si aliis male jungantur. Atque ab hoc vitio maxime sibi cavere debent tyrones, quando vel suis relictis viribus latino idiomate pensa scholastica persolvunt, quæ in vernacula lingua fuerunt imposita; vel quando familiari colloquio utuntur, ubi valde pronum est, ut dum vim potestatemque sermonis hujus & bonorum auctorum lectione nondum satis cognitum habent, ad idiotismos suæ linguæ proprios deflectant, & miseras plane sententias invita Minerva progignant; cujus rei triste habemus testimonium in plerisque libris a Seculo IX. usque ad XIII. & ultra conscriptis. Neque hunc errorem gravissimum meo quidem judicio tolerabilem reddere potest consuetudo, quæ alias uti legum, ita verborum optima interpretes est. Sed huic ipsi necessarium est judicium teste Quintiliano (t): Nam consuetudo, *si ex eo, quod plures faciunt, women accipiat, periculosissimum dabit præ*

(t) Lib. I.

*præceptum non orationi modo, sed quod majus est, vitæ. Semper enim plures erit reperire, qui licet videant meliora probentque, tamen deteriora sequantur. Igitur consuetudo loquendi, qua quis inter literatos tueri se possit, erit consensus eruditum, sicut vivendi consensus bonorum. Hæc de prima dote linguæ latinæ.*

## §. IV.

*Secunda dos : Elegantia.*

## XV.

**A**d alteram pergamus, scilicet ad ejusdem elegantiam, quæ secundas, sed priore non minores curas requirit. Imitari hac in re oportet civitates bene moratas, quibus satis non est, ut plateæ sint mundæ, & a sordibus expurgatæ, ut ædes non sint fuligine conspersæ, aut hiatibus plenæ, ut viæ publicæ ruinis ac ruderibus non impediantur : sed magna insuper cura, & sumtus non modici eo convertuntur, ut tota civitas privatarum domuum nitore, palatiorum magnificentia, fori & curiæ amplitudine, fontium aliorumque operum publicorum structura elegantiam induat, quam fieri potest maximam : quin videmus, cultiores quasque gentes,  
etiam

etiam Moscos, Persas, & Turcas, hisce præsertim seculis, in vestibus, conviviis, conclavibus, hortis, ritibus sacris ac profanis, non solum mundicie, sed etiam delectus cujusdam & gratiæ perquam esse studiosos. Cur igitur non etiam decoris ratio habeatur, & simile studium linguæ ac sermoni, præcipuo illi humanæ societatis instrumento impendatur? Hæc autem sermonis latini elegantia, de qua loquor, sita est in quodam loquendi genere a communi usu ac vulgi moribus remoto, quod nobile aliquid, & splendidum præferat necesse est, quemadmodum in humanæ vitæ negotiis quotidie experimur, ubi maximum intercedit discrimen, rusticus sit an nobilis, qui munere quodam fungatur: alio enim iste cultu & venustate rem eandem perficiet, ac ille. Ipsum vero loquendi genus hoc gemmas illas latinitatis complectitur, quas Grammatici *modos loquendi* seu *pbrases* adpellant, ex optimis aurei præcipue seculi scriptoribus collectas, quæ singularem quemdam nitorem saporemque reconditum in se habent. Ejusmodi tres centurias Sylvius, multas selectiores Buchlerus, plurimas vero Hadrianus S. R. E. Cardinalis S. Chrysogoni in egregio opere *de sermone latine loquendi* congeffit; quorum vestigiis insi-

stens Franciscus Wagnerus S. J. vir de literis optime meritis integram Phraséologiam lectissimis linguæ hujus floribus refertam hoc ævo Viennæ vulgavit, nunquam satis laudandam. Has igitur phrasés opus est, ut qui sermonis elegantiam student, familiares sibi reddant tum lectione multa, tum longa exercitatione. Ita fiet, ut nobile hoc alimentum, a summis in latio heroibus subministratum, in proprium veluti sanguinem & succum convertant, dataque loquendi aut scribendi occasione vel iisdem vel non multum dissimilibus orationem suam condire noverint, sine quibus cæteroqui jejuna erit & insipida, vel certe, quod Tacitus dixit, *magis extra vitia, quam cum virtutibus.*

## XVI.

Juvat ad interiora hujus artificii penetrare. Quatuor potissimum sunt, quæ miram dictioni elegantiam conciliare solent: Primo quidem aptus particularum, seu Præpositionum, Proverbiorum, Conjunctionum &c. usus, qui latissime patet, & singulis fere periodis redit; quemadmodum si dicas: *Res hæc nihil admodum negotii facessivit*, pro vix aliquod negotium: *Sub noctem in urbem rediit*, id est, circa

circa noctem : *Præ foribus stat, loco ante fores. Malum indignantis est : Quanam malum ! ista turpis servitus est ? Nibilominus sæpe non ineleganter dividitur : Nibilo tamen minus. Æque jungitur cum Ac : nemo rei bellicæ æque peritus fuit ac Vegetius. Quoad refertur ad locum & tempus : Quoad Alexander Romæ sub parentum disciplina fuit, probus erat. Secus pro male : Recte an secus, parum ad me adinet. Tanti pro expedit : Tanti est, rem silentio tegere. Temere pro casu : Non temere ad te accessi. Usque adeo epiphonemati servit : Usque adeo expedit in bello celeritate uti. Hujusmodi particularum formulas invenire licet in aureo Horatii Tursellini S. J. opusculo sane quamplurimas, quas sedulæ apis instar ex optimorum auctorum floribus collegit. Exilis quidem hic labor cuidam videri posset, particularum istarum cognitione occupari; sed jure illud Poetæ heic dixerim :*

*In tenui labor, at tenuis non gloria &c.*

Alterum quod sermonis elegantiae servit, est verborum collocatio. Plurimum enim interest, quo ordine verba ponantur, qui si bonus fuerit, sententia quoque nitida erit, secus squallida; quemadmodum in

cubiculo fieri amat, cujus decens ornatus vel maxime pender a recta sellarum, mensarum, vasorum, picturarum &c. ordinatione. Ita quamvis verbum plerumque periodum claudat, tamen eleganter *meus, tuus, nullus* &c. in illius finem rejicitur: *Si consilium admitteres meum: res hæc commodum fert nullum, onus vero imponit maximum.* Genitivum inter & substantivum scite interjicitur vox aliqua: *Tui pectoris admiratus sum magnitudinem.* Comparativa & superlativa initium ac finem amant: *Tua dicendi methodo nihil ordinatius, elegantius nihil invenitur.* *Magis, quam* belie conjunguntur: *Stulti vituperio delector magis, quam laude sapientis.* Vocabula composita non raro disjunguntur: *Rem vero publicam strenue defendit.* Præpositio sæpe collocatur post *cujus, quorum: cujus in ædibus? quorum ad conventum?* Item accusativus post infinitivum: *Mirari se ait.* Particulæ *si, nisi, ut* eleganter verbo proxime adhærent: *Hoc tu si promiseris: e conspectu quamprimum ut abscedas, suadeo.* Plura ejusmodi collocationis exempla suggerit Sylvius, hac in re mire sagax & industrius; quemadmodum & in singularibus quibusdam, quos congeffit, latinitatis floribus, quod tertium elegantiae genus est.



Hi autem flores non ex agris & campis vulgariis ac recentioribus, sed ex antiquorum & omni exceptione majorum scriptorum hortis sunt legendi ac decerpendi. Artificium quod in iis observarunt gnari latinitatis, consistit potissimum primo: in frequentiore participiorum & ablativi absolute positi usu, ut si dicas: *Nuper admodum proficiscenti mihi in Germanum exhibitæ sunt literæ, nunciantes mortem Cognati, Viri sane optimi: Nulla interjecta mora in patriam redii, etiam relicto itineris socio, & abjecta spe amplioris fortunæ.* Ecce! quam elegantior est hæc sententia præ ista, quam fortasse alius de plebe proferret: Primum nuper, cum in Germaniam proficiscerer, datæ sunt mihi literæ, quæ nunciaverunt mortem Cognati, qui sane vir optimus erat: Nullam moram interjeci, sed statim in patriam redii, postquam itineris socium reliqui, & abjeci spem amplioris fortunæ. Secundo, si duas sententias in unam latente artificio contrahas in hunc fere modum: *Veniam dabis nimio in te amoris meo: insolens quædam sciendi cupido facit, ut dies noctesque vigilem.* Quam longe alia pulchriorque facies est hujus sententiæ, ac illius, quam subjungo: *Veniam dabis, quod nimium amem te: diu*

noctuque vigilo, quia nimis sciendi cupidus sum. *Tertio*, si apte immisceantur quidam locutionis modi, quorum rationem aliam dare non possumus, præter morem præstantis alicujus auctoris, v. g. *Triste lupus stabulis: varium & mutabile semper femina*. Virgilius: *Parentes, iberos, fratres vilia habere*. Tacitus: *Hæc me ut confidam, faciunt*. Cicero: *Ultimum dimicationis* (scilicet tempus) Livius &c. Plura ejusmodi locutionum genera qui cœsiderat, Sylvium consulat.

Quartum, quod elegantix non parum adfert sententiis, est idoneus partium sermonis omnium inter se nexus; sicut in humano corpore membra quævis, licet a natura sint optime formata, officio tamen suo fungi non possunt, nisi nervorum, vertebrarum & musculorum ope tota compages bene cohæreat. Fit autem nexus iste per metatheses seu transitiones, ut vocant, dum per particulas aliquas, vel etiam, si prolixior est oratio, per integras sententias quasi via sternitur, qua non solum impune, sed etiam cum decore liber transitus pateat ab una parte ad aliam. Ejuscemodi sunt prioris generis: *Et, ac, nec, neque, ut, quam, quod, ne quidem, nihilominus, nisi, quare, igitur: quamvis, enim, quippe, profecto, sano*

*sane &c. posterioris vero: Satis multa verba fecisse mihi videor de honestate: restat, ut de utilitate dicam.... Longum est persequi singula, manebo ut institui, in genere universo.... Jam vero ad id, quod est hujus causæ caput, accedamus.... Sed hæc fortasse ferenda: illud vero quis ferat? Atque ego de re ipsa postea disseram: nunc de consilio dicere libet. Nolo plura dicere quam temporis ratio postulet.... Quorsum alio nolentes abrepti sumus? ad rem redeamus.... Hactenus quæ domi gessit, nunc quæ foris.... Hæc missa facio: illud quæro, & quæ sunt alia rei hujus paradigmata e Ciceroniana penu deprompta. Verum hæc connectendi cura non sit nimia, & studiose quæsitæ. Potius naturam dictionis sequi oportet, quam artem, quæ in his sæpe plus fastidii quam delectationis post se trahit. Ipse Cicero in aliquibus tam orationibus, quam epistolis suis de variatione nexus non admodum sollicitus fuisse videtur, sed grata quadam quasi negligentia & simplicitate usus est.*

## XVII.

*Sed quid de illis dicendum elegantiss, quas nonnulli, idque satis frequenter, tum e Parnasso, tum e figurarum & troporum armamentario non sine vi ac stre-*

pitu in sermonem adducunt? Certe sunt nostra quoque ætate, qui in tanta latinitatis luce cæcutiunt, & aureo natos seculo se arbitrantur, quando audacibus metaphoris, coacervatis synonymis, verbis modo similiter cadentibus, modo rubigine exesis, & poeticis phaleris orationem conspurcant potius quam exornant. Quis ferat pacificis auribus dicentem: *Sed nunc vela sermonis mei plenis buccis & murmurantibus sibilis ex alto inslent Æolicæ aulae Proceres, & orationis navigium concitatis remis per falsos Oceani campos in epilogi optatum portum invehant. . . .* Quid dicam de studiosis otiosis? nunquid sunt reipublicæ literariæ glaucoma? Sunt enimvero. Nunquid sunt scholarum gangræna, temporis charybdis, ærugo ingeniorum, hydropisis nummorum, uno verbo, mundi literati apostema? Sunt enimvero. An tu non hos ad Garamantas & Indos, & in ultimam Tbulen averruncantis naturæ vomitu rejiciendos existimas? Illud vehementer dolendum, quod ejusmodi homines de nescio qua sublimi eloquentia sibi metipsis sint suspecti, immo palam sibi gratulentur, seque in Latio gigantes esse credant; alios vero, qui nugas istas & quisquillas sermonis averfantur, tanquam pygmæos grandi supercilio despiciant.

ciant. Hos latinitatis mangones nullius ætatis suffragio comprobatos, quisquis bonas literas amat, cane pejus & angue fugiendos sibi existimet. Ea enim est linguæ latinæ majestas, ut phaleris hujuscemodi ac parergis opus minime habeat; sed nativo quodam cultu ac nitore vestita in publicum prodire assuevit. Præclara est, & critica M. Tullii hac super re sententia, dum a humili non minus, quam a superba dictione cavendum esse Isocratis exemplo monet (u): „Dicebat Isocrates, doctor singularis, se calcaribus in Ephoro, contra autem in Theopompo frenis uti solere: alterum enim exultantem verborum audacia reprimebat, alterum cunctantem & verecundum incitabat. Neque eos similes effecit inter se, sed tantum alteri affinxit, quantum de altero limavit, ut id conformaret in utroque, quod utriusque natura pateretur. Quare apud probum Magistrum officii pars non minima erit, ita tyronum studia moderari, ne extra latinitatis orbitam saltent; crebroque putandæ vites erunt, & reseccandi inutiles pampini, quamprimum luxuriare incipiat sermo; secus frustra expectabitur vinum merum & defæcatum.

§. V.

(u) *Lib. de Orat. n. 36.*

*Tertia dos: Verborum copia.*

## XVIII.

**T**ertia demum se se offert idiomatis latini dos, nimirum copia verborum. Hæc si desit, cæteræ parum adferent præsidii ad tuendum linguæ latinæ honorem. Quis enim est, qui hoc in negotio tanta ingenii egestate laboret, ut ne unam quidem alteramve sententiam propriis ac genuinis verbis, quod ad primam dotem, atque etiam cum elegantia quadam, quod ad alteram spectat, proferre possit? At, qui copiose loqui ac scribere norint, sane paucos est reperire. Quæ tamen dos est adeo necessaria, ut qui ea destituuntur, nullam orationis longioris moram cum dignitate sustinere, vel prolixioris paullo sermonis iter emetiri queant; sed vel omnino quasi deficiente habitu ab instituto cursu cessandum ipsis erit, vel eadem semper verba, atque eadem phrasas recurrent cum maximo seu legentium seu audientium fastidio. Quis obsecro non stomachetur, si eandem quotidie offam, eundemque cibum in mensam inferat coqus, nec alio jusculorum aut condimentorum genere variatum, semper fixum, nun-

nunquam assum aut frixum? Quem Musica demulcebit, quando similes semper voces, nec dispares soni se auribus assidue ingerant? Non frustra eloquens & copiosa oratio flumini comparatur, quod si aquis duntaxat iis, quas e fonte secum trahit, aleretur, nec aliis rivis per intervalla se in illud exonerantibus perpetuo augetur, brevi deficeret, nec nisi sicca post se vestigia relinqueret. *Non igitur dubium est*, si Quinctiliano credimus (x), quin linguæ latinæ *velut opes sint quædam parandæ, quibus ubicunque desideratum erit, possit ei constare copia rerum & verborum*. Sed copia rerum non tam ampla est, ac verborum. Ea enim est rerum indoles, ut nonnisi propriæ sint singulis sententiis, quibus explicantur, paucis communes. At verba latissime patent; secus modica illorum cura esset habenda, quum velut sponte sua cum ipsis, quas significant, rebus se se offerant. Equidem verum est, esse aliqua ex verbis, quæ solum cum certo rerum genere vel cum certa specie congruant, sicuti: *Agni balant, porci grunniunt, aviculæ minu-riunt, leones rugiunt, leopardi rictant, elephanti barriunt, ranæ coaxant, equi hinnunt, canes latrant, asini rudunt, tauri*

(x) *Lib. 10. cap. 1.*

tauri *mugiunt*, lupi *ululant*, corvi *crocitant*, gallinæ *glocitant*, pulli gallinacei *pipiunt*, ciconiæ *gloctorant*, hirundines *fritinniunt*, serpentes *sibilant* &c. plerumque tamen non singulis rebus singula duntaxat verba respondent, sed plura sæpe eandem rem significant, aut certe eidem adplicari possunt, ita tamen, ut alia sint magis propria, vel magis ornata, vel melius sonantia, aut plus energię contineant, quam alia. Quare in promptu sint oportet, atque ut ita dicam, in conspectu, ut quando dicendum est scribendumve, facilis sit optimorum electio. Est autem hæc, de qua loquor, verborum copia in eo potissimum sita, ut aliis atque aliis verborum formulis eandem rem convestire, illique novam compluries speciem inducere noverimus. Ita fiet, ut dum idem dicimus, aliud semper dicere videamur, absque inani verborum circuitu, quem Græci Battologiam, vel Tautologiam vocant, quæ inter vitia sermonis ponuntur. Hac in re ita excelluit Cicero, ut si forte in aliquo dicendi genere parem habuerit, in hoc plane neminem se superiorem. Nam in orationibus suis tanta verborum & figurarum varietate idem sæpenumero argumentum persequitur, ut novum semper splendorem ac vigorem,



gorem, novam vim & energiam præferat, nec altius attolli posse videatur. Hac arte ita Verris & Antonii flagitia perstrinxit, ut horrenda oculis adparerent, & auribus intolerabilia: ita populum in suam flexit sententiam, ut vix non prius quam ipse suaderet, ille persuasus jam esset: ita in Cæsaris animum ejus facta prædicando penetravit, ut Vir cæteroqui sibi maxime constans tamen sub eadem oratione sæpius vultum mutasse legatur.

Si jam in artificium inquirere libeat, quo hæc verborum copia paretur, ad sex præcipue capita revocari potest, e quibus ipse Tullius id depromsisse videtur. Primum est synonymia, seu congeries verborum, idem fere significantium, ut si gladii loco *ensem*, *ferrum*, *mucronem*, pro jucundus *lætus*, *bilaris*, *festivus*, *amænus*, *suavis* dicas. Integram horum silvam subministrant Phraseologiæ, synonyma, & Flavissæ. Alterum est, Enalage, latinis commutatio unius partis in aliam, e.g. adjectivi in substantivum, numeri pluralis in singularem, verbi in nomen, & vicissim, ut *elegantia sermonis* pro elegans sermo: *omnem angulum excussit* pro omnes angulos: *vehemens pluvia cecidit*, pro vehementer pluit. Tertium est Periphrasis seu circumscriptio per definitiones,

nes, caussas, effecta & adjuncta; quemadmodum si in locum hujus sententiæ: *Apostata factus est*, substituas sequentes: *A vera fide defecit: noxia libertas vivendi a vera fide eum abstraxit: veram fidei semitam deferendo per avia & invia errorum misere circumferebatur: dum male cautus aures errorum præconibus præbuit, & voluptatum illecebris inescari se permisit, brevi tempore eo prolapsus est, ut veram cum falsa religione permutavit &c.* Quartum caput est metaphora (translationem Latini dicunt) quando scilicet verbum a propria vi significandi ad aliam ob similitudinem quandam, quæ intercedit, transfertur. Ita Virgilius (y): *Quid non mortalia pectora cogis auri sacra fames?* nempe fames pro cupiditate: *Duo fulmina belli Scipiadas* (z), fulmina pro acerrimis belliducibus. Servit huic figuræ totus fere mundus: elementa, mineralia, arbores, plantæ, animalia, quin & cœlestia, quorum omnium natura quo magis perspecta habebitur, eo felicius probibit metaphora. Quintum est comparatio: sic hominem inconstantem recte appellabis *Proteum*, vel *luna mutabilorem*: avarum, a quo pecunias difficilius, quam a pumice aquas obtinebis. Postremum denique

(y) L. 3. *Æneid.* (z) *Lib. 6.*

niq̃ue Ifodynamia græcis, Logicis Æquipollentia, perquam fœcunda varietatis mater, quæ verbis contrariis constat, addita vel demptâ particula *non*, vel alia simili, ut si dicas; *nihil albedinis inest Aethiopi*, pro niger est Æthiopis; *Minime omnium egena frugum est hæc regio*, pro fertilis est. En! quantæ sint opes, quas in Latium profundit verborum copia, & fontibus istis studiose quæsitæ: & quamvis initio res hæc non careat difficultate apud tyrones, si tamen lectioni præstantium Auctorum frequens exercitatio styli accedat, etiam non rogatæ aderunt hæ sermonis charites. Gemini autem scopuli hac in re sunt vitandi, mōnentē Quintiliano (a), tum ne frequens adhibeatur variatio, quæ meris constat synonymis. *boc enim esset puerile, & cujusdam infelicitis operæ*, nec nisi ad turbam verborum serviret, in qua quodvis sine discrimine quemvis occuparet locum dictionis: tum ne in variatione ista plus speciosum aliquem locutionis circuitum quæramus, quam significandi vim, dicente eodem: *Nobis autem copia cum iudicio paranda est, vim orandi, non circulatoriam voluptatem spectantibus.*

CAPUT

(a) *Lib. 10. cap. 1.*

BIBLIOTH. DOMEST. LIB. II,

G



## CAPUT IV.

### STILUS, SEU DIVERSA DICENDI GENERA.

#### §. I.

#### *Varietas Stili.*

#### XIX.

**E**xplicatis linguæ latinæ dotibus operæ pretium erit, de stilo differere paullo curatius, quoniam plurimum interest, non solum ut ejusdem characteres probe sint noti (id quo nihil ad intelligendos æstimandosque auctores magis necessarium) verum etiam ut stilo quam optime latino a teneris studiosa juvenus informetur, utpote quem non tam facile maturior facta dimittet; quemadmodum

*Quo semel est imbuta recens, servabit  
odorem*

*Testa diu.*

Veteres, qui sermonis latini præcepta literis mandarunt, diversis usi sunt nominibus, quibus stili rationem exprimerent: modo phrasin, dictionem, characterem, modo filum sermonis, ejusdemque habitum,

*Cap. IV. Stilus, seu div. dic. gen. 99*

tum, modo tenorem, formam, & figuram dicendi nuncupant, diversis quidem vocabulis, sed eodem sensu. Communius autem, & ad rem præsentem accommodatius dici potest, stilum de quo heic loquimur, esse habitum quemdam sermonis, a natura cujusque hominis inchoatum, & ab arte perfectum. Utraque enim harum ad efformandum stilum concurrat necesse est: natura quidem, ut is velut sponte fluat, nec violenti aliquid secum adferat; ars vero, ut ejusdem regulis expoliatur, & intra limites contineatur, ne fluctuet vel vagetur. Nullus autem certior index est ad cognoscendos explorandosque auctores, quam stilus, qui quamvis pro ratione ætatis, in qua scribitur, vel argumenti, de quo scribitur, vel animi habitus, qui ad scribendum adfertur, non raro in eodem auctore nonnihil varietur, nunquam tamen ita faciem omnino mutare solet, ut dignosci non queat, e quo fonte manarit. Observare id licet in Cicerone, stili latini perfectissime ordinati principe, ut multi credunt. Alio enim hic stilo utitur in Philippicis orationibus, quas senex, alio in Verrinis actionibus, quas juvenis calente ingenio effudit: alio dicendi genere Milonem defendit, quam quo Marci Marcelli causam

egit : non minus aliud ab his diversum genus stili adhibuit, quando Philosophorum more de Officiis differuit : & multo quidem ornatius informat Oratorem suum, quam præcipit de inventione rhetorica. Nihilominus ita de his rebus diversissimis tractat, ut facile auctorem in omnibus agnoscas, & ubique Ciceronem invenias. Nimirum quod in humani generis propagatione plerumque fit, ut in liberis parentum habitus frontis, oris, oculorum, totiusque corporis conformatione repræsentetur, idem contingere solet in auctorum libris scriptisque, quorum veluti parentes sunt, ut totius ingenii ac mentis ipsorum simulacrum miræ stili consensione reluceat. Profecto hac ratione illi, qui scriptorum notitia quadam pollent, plus quam superficialia, inter profanos Ciceronem, Cæsarem, Livium, Quintilianum, Cornelium Nepotem, inter sacros Hieronymum, Augustinum, Ambrosium, Cyprianum, Lactantium, Leonem M. etsi nomina illorum tantisper subducas, unum tamen ab altero quibusdam stili insignibus & notis privatis distinguere norunt.

XX.

Sed ut ad stili rationem propius accedamus, diversas inter nationes (de illis solum loquor, qui græce ac latine cultius loquebantur, & scribebant) semper diversus erat. Quis enim tot gentium sermonem in unam formam atque figuram veluti in pistrinum cogere velit? Alio utebantur stilo seu dicendi genere Lacones, alio Attici, Asiatici ac Rhodii alio, quæ omnes gentes græce loquebantur, & scripserunt, sed mira varietate. Et ab his Græciæ incolis, sicut alia bonarum artium monumenta, ita & stili diversitas a Romanis in Latium translata fuit. Describere juvat ac notare singulorum characteres. Stilus *Laconicus* justo brevior & abruptus est, ita ut plura intelligere nos jubeat, quam legere. Erat enim gens Laconum natio præ cæteris ambitiosa & suspicax: atque ita breve ac abruptum dicendi genus illi præplacebat, quali usa fertur, quando Macedonum Regi Philippo, qui proluxa & verbosa epistola bellum eidem inferendum est minitatus, aliud non respondit, quam Διονύσιος ἐν κορίνθῳ, seu *Dionysius Corinthi*, quibus verbis significare voluit: caveret sibi Philippus, ne eadem fors illi obtingeret, quæ

Dionysio, qui Siculis olim metuendum se præbuisset, nunc vero Corinthi vitam degeret ignobilem, tantaque pressam paupertate, ut Ludimagistri munere fungi cogeretur. Hic stilus Laconicus vix laudem meretur, nec sine ambitionis nota adhiberi potest, nisi inter amicos epistolis ultro citroque missis, cujusmodi sunt Ciceronis ad Atticum, ad familiares Plinii & Lipsii. Ecce! exemplar stili Laconici in Epistola vigesima secunda Ciceronis ad Atticum. *Pedem in Italia video nullum esse, qui non in istius (Julii Cæsaris) potestate sit. De Pompejo scio nihil: eumque nisi in navem se contulerit, exceptum iri puto. O celeritatem incredibilem! hujus autem nostri (nempe Pompeji tarditatem). Sed non possum sine dolore accusare eum, de quo angor & crucior. Tu cædem sine causa times: non quo minus quidquam Cæsari expediat ad diuturnitatem victoriæ & dominationis (nihil enim violentum diuturnum esse potest). Sed video, quorum arbitrio sit acturus. (Scilicet Antonii, Pansæ, Hircii, Cælii, Curionis & Dolobellæ, hominum improborum) recte sit. Censeo cedendum de oppidis istis. Egeo consilii. Quod optimum videbitur, facies. Cum Philotino loquere: atque adeo Terentiam habebis Idibus.*

Ego



Ego quid agam? qua aut terra aut mari persequar eum, (Pompejum) qui ubi sit nescio? & si terra quidem, qui possum? mari, quo? tradam igitur isti me? (nempe Cæsari) fac posse tuto. Multi enim borian-  
tuntur. Unum etiam honeste? nullo modo. Quid? (igitur agendum?) a te petam consilium, ut soleo? explicari res non potest; si quid in mentem venit, velim scribas, & ipse quid sis acturus.

Aliud sermonis genus est, quod vocant Atticum, qui multis parasanguis superat Laconicum. Attici enim inter omnes Græcos ornatissime loquebantur, uti contra pessime Siculi. Unde Plautus de quodam ait: *Non atticissat, sed sicillissat.* Et Ciceroni (b) idem est, scito sermone, & attico loqui. Stili hujus dotes sunt brevitās, ornatus sine affectatione, acumen, elegantia. Exemplum esse poterit locus ille Plinii, quo bonarum artium & literarum studium commendat (c): *Reliqua rerum tuarum post se alium atque alium Dominum sortientur: hoc nunquam tuum esse desinet, si semel cæperit.* Et (d) *O rectam sinceramque vitam! O dulce otium honestumque, ac plene omni negotio pulchrius!*

(b) *De nat. Deor.* (c) *Epist. I. 3.*

(d) *Epist. I. 9.*

*ebrius! o litus rerum secretumque μυστήριον? quam multa dictatis? Proinde tu quoque strepitum istum, inanemque discursum, & multum ineptos labores, ut primum fuerit occasio, relinque, teque studiis vel otio trade. Satiuse enim est, ut Attilius noster eruditissime simul ac facetissime dixit, otiosum esse, quam nihil agere. Eodem seu attico stilo usus est in historia Sallustius, in epistolis frequenter Cicero, nonnunquam etiam Seneca.*

Huic opponitur stilus *Asiaticus*, qui breves quasdam sententias multis verborum ambagibus exprimit, dum contra ille multas ideas mente conceptas arctis verborum limitibus circumscribit: verbo Atticus paucis multa, Asiaticus multis pauca dicit, unde etiam præter copiam & ubertatem vix quidquam admirationis dignum relinquit. Hinc est, quod conqueratur Petronius (e) *nuper*, inquit, *ventosa isthæc & enormis loquacitas Athenas ex Asia commigravit*. Quippe initio Athenæ solæ fuerunt eloquentiæ palæstra ubi vero in Asiam propagatum hoc studium fuit, redundare cœpit ac in deliciis haberi uberrimum & undique diffuens dicendi genus, quod ipsum postea in Græciam reversum Athenas ipsas inquinavit. Non  
desunt,

(e) *Satyr. c. 2.*

desunt, qui exempli loco adferunt, simulque carpunt illam Ciceronis periodum, (recte an perperam, dixisse nolim) qua pro Milone usus est: *Est hæc non scripta, sed nata lex, quam non didicimus, accepimus, legimus, verum a natura ipsa arripuimus, hausimus, expressimus, ad quam non docti, sed facti, non instituti sed imbuti sumus, ut si vita nostra in aliquas insidias, si in vim, si in tela aut latronum aut inimicorum incidisset, omnis honesta ratio esset expedienda.* Hæc enim omnia tanto verborum ambitu prolata in unam recidunt sententiam brevissimam, scilicet, jure naturæ licitum esse, defendere se contra quemcunque, qui injuste nos aggreditur.

Denique Rhodius se se offert stilus, presior Asiatico, & Attico nonnihil spatiosior, quique mediocritatem verba inter & animi sensa observat. Hunc Æschines docuit Rhodios, ad quos exul delatus Rhetoricæ scholam primus ibi constituit, quæ postmodum diutissime floruit. Eundem Cicero adhibuit satis frequenter. Exemplum esto pro Lege Manilia: *Quo minus, ait, incerta est hominum ac minus diuturna vita, hoc magis respublica, dum per Deos immortales licet, frui debet hominis (Pompeji) vita atque virtute.* Item:

*Neque enim potest is exercitum continere Imperator, qui se ipsum non continet; neque severus esse in judicando, qui alios in in se se severos esse judices non vult.* Neque solum adhibuit Cicero, verum etiam probavit his verbis (f): *Rhodii Oratores Asiaticis saniores, & similiores Atticis.* Talis plerumque est stilus quoque Cornelii Nepotis, Julii Cæsaris, & Titi Livii, quorum lectio quam utilis sit juventuti, bene moratæ latinitatis scholæ omnes experiuntur.

Quapropter quum nec Laconicus nec Asiaticus stilus, uti hæctenus vidimus, multum laudis habeat, his præferendus, & in ipso Latii vestibulo ætati teneræ instillandus erit stilus Atticus & Rhodius. Fateri nihilominus oportet, ingeniorum hac in re rationem diligenter habendam esse, ne quidquam invita Minerva tentent, aut mancipare se uni cogantur. Est enim diversa ingeniorum, uti animorum indoles. Nonnulla ad Plinii pressio-rem, quædam ad Cornelii Nepotis aut Cæsaris concinnum & elegantem stilum; alia demum ad Ciceronis amplam eloquentiam velut naturæ ductu feruntur. Hæc omnia velle ad unam dicendi formam & habitum redigere, aliud non est, quam

\* (f) *In Bruto c. 13.*

quam velle naturæ limites ponere, quorum impatiens est. Quo autem ingenia collineent, æstimare licet ac deprehendere ex ipsa Auctorum lectione. Quippe legentibus nobis is stilus quam maxime probare se solet, ac orexin excitare, qui genio nostro plurimum convenit.

XXI.

Hactenus de diverso diversarum nationum, præ cæteris seu Græcæ seu Latinæ linguæ studiosarum stilo, quo vel loquendo vel scribendo usi sunt, disseruimus. Nunc aliam ejusdem distributionem ante oculos ponere juvat. Triplex enim dicendi genus Veteres ipsi distinxerunt, etiamnum hodie receptum, scilicet *Tenue*, *Mediocre*, ac *Magnificum*, ita Aufonius (g):

*Trinum dicendi genus est, sublime, modestum,*

*Et tenui filo.*

Ita etiam Tullius (h) de tribus latini sermonis generibus mentionem facit: & hoc ipsa etiam rerum natura demonstrat, quæ triplicem disserendi materiem nobis offert: vel enim sunt res, quibus stilum indulgere necesse est, sublimes, vel tenues,  
vel

(g) *In Griphe.* (h) *Ad Brutum l. i.*

vel mediocres. Itaque ut ab infimo initium ducam, Tenuis stilus, quem alii humile ac gracile dicendi genus adpellant, ac fundamentum reliquorum, quoniam in sola elegantia & sermonis proprietate positus esse videtur, est concinnus sed minime ornatus. In hoc sane omnium judicio excelluit Julius Cæsar, qui Commentarios Gallici civilisque belli tanto nitore tantaque venustate sermonis latini conscripsit, ut majore quidem non potuisse videatur Ciceroni, qui eorum meminit his verbis (i): *Atque etiam Commentarios quosdam scripsit rerum suarum, valde quidem inquam probandos. Nudi enim sunt, recti, & venusti, omni ornatu orationis tanquam veste detracto.* Præter Julii Cæsaris Commentarios epistolæ pleræque Ciceronis ad Atticum, & septimus epistolarum liber ad Trebatium in tenui orationis figura, humilique stilo versantur: tales etiam, ut de Poetis quoque aliquid commemorem, sunt Virgilii *Eclogæ*, & comœdiæ omnes Terentianæ ac Plautinæ tenui filo contextæ. Quænam autem hujus dicendi generis dotes sint, ex ipso Tullio intelligere licet: *Tenuis Orator*, inquit, modo sit elegans, in faciendis verbis non erit audax, sed in transfe-

*rendis*

(i) *In Bruto c. 75.*

*rendis verecundus & parvus, in priscis reliquisque cum verborum tum sententiarum ornamentis demissior, translatione fortasse crebrior, qua frequentissime sermo utitur non modo Urbanorum, sed etiam Rusticorum. Quodsi vero latinitatis proprietas & concinna dictio desit, stilus hic tenuis in siccum atque jejunum degenerat.*

Mediocris seu temperatus stilus est, qui uno orationis tenore æquabili, & placido amænoque decursu, limpido amni similis fluit: illius vero ratio tota in copia & amplificatione rerum earum, quas expone-re, quasque extollere decrevit, potissimum consistit, quemadmodum videre est apud Ciceronem oratione pro Archia Poeta, aliisque. Multo magis autem stili hujus modestia in illius libris de Officiis relucet, quos æquabili stilo temperatoque a se conscriptos fuisse ipse testatur. Idem Cicero historicum stilum ipsamque historiam ad temperatum hoc dicendi genus referri debere censet, utpote quod eloquentiæ flores, leporem, suavitatem, aliaque ornamenta larga manu suppeditat. Enimvero ad Atticum scribens historiam de rebus in Consulatu suo gestis græce se texuisse fatetur, in quam *Isocratis myrothecia & discipulorum Aristotelis arcu-*  
las

*las se profudisse* gloriatur. Huic mediocri stilo opponitur *inconstans* & *inaequalis*, ubi puris lutosæ, concinnis dissoluta, & incompta ornatis miscentur: atque initio magna promittuntur, sub finem parum respondente promissis exitu, quod pridem observavit Horatius canens:

*Amphora capit*

*Institui, currente rota cur urceus exit?*

Tertius est stilus magnificus, seu sublimis ac grandiloquus. Vulgi homines, quidquid est sententiarum varietate conspicuum, verborum floribus exornatum, & figurarum coloribus pictum, atque ad numeros compositum, id denique genus dicendi maximum esse ac sublime judicant; sed falluntur summopere. Novimus Isocratem sermonem suum multis illinivisse pigmentis, omnesque eloquentiæ delicias in eo ornando prodegisse. Quis vero est, qui Isocratis stilum dictioni Periclis (uterque Græcus erat) præhabere auit, cujus orationem fulgurasse ac tonuisse, totamque commovisse civitatem Aristophanes prodidit? Recte Tullius hoc sublime dicendi genus descripsit, quod sit grandiloquum, amplum, vehemens, ornatum, varium, copiosum, grave, acre, ardens, & ad convertendos præterea animos



*ſeu diverſa dicendi genera. III*

mos inſtructum & paratum. Hoc certe ſtilo idem Tullius Marcum Antonium confixit, Catilinam e Senatu & Urbe Roma eiecit, Clodium terruit, Piſonem proſtigavit. Jam vero ſtilus iſte qui non ſolum latinitatem concinnam & ornatam poſcit, ſed ſublimem quoque ac fulgurantem dictionem, duobus potiffimum paratur, verbis ſcilicet & figuris: verbis, quæ dignitate ac amplitudine ſplendescunt, ut ſunt nomina Deorum, Imperatorum, Regum, civitatum, cœleſtium corporum, marium &c. ita Cicero in Orat. pro Cornelio Balbo, quam quum diceret, circumfuſam multitudinem jam non potuiſſe ſibi temperare a conclamando teſtatur Fabius Quinſtilianus: *O nomen noſtri Imperii, O populi Romani excellens dignitas, O Cneii Pompeii ſic longe lateque diſfuſa laus, ut ejus gloriæ domicilium communis Imperii finibus terminetur: O nationes, urbes, populi, Reges, Tetrarchæ, tyranni, teſtes Cneii Pompeii non ſolum virtutis in bello, ſed religionis in pace. Vos denique mutæ regiones, & ſola terrarum ultimarum! Vos Maria, portus, inſulæ, litora! quæ enim eſt ora; quæ ſedes, qui locus, in quibus non extent hujus cum fortitudinis tum vero humanitatis, tum animi, tum conſilii impreſſa veſtigia?*

Exem-

Exemplum aliud stili sublimis in genere Poetico suppeditat Virgilius (k):

*Principio cælum & terras, camposque  
liquentes*

*Lucentemque globum lunæ, Titaniaque  
astra,*

*Spiritus intus agit, totamque infusâ  
per artus*

*Mens agitat molem, & magno se cor-  
pore miscet.*

*Inde hominum pecudumque genus, vitæ-  
que volantum,*

*Et quæ marmoreo fert monstra sub æquo-  
re pontus,*

*Igneus est ollis vigor, & cælestis origo.*

Figuris vero ad affectus ciendos idoneis stilus iste ad sublimiorem adhuc gradum evehitur, cujusmodi sunt interrogatio-  
nis, conglobationis, gradationis, exclam-  
ationis, ironiæ, apostrophes, descri-  
ptionis pathetiæ, prosopopæiæ &c. Ita  
Cicero Tiberonem exagitat: *Quid enim  
Tubero tuus ille districtus in acie phar-  
salica gladius agebat? cujus latus ille mu-  
cro petebat? quis sensus erat armorum  
tuorum? quæ tua mens, oculi, ardor ani-  
mi? quid cupiebas? nimis urgeo, commo-  
verè*

(k) *Lib. 6.*

*seu diversa dicendi genera.* 113

*veri videtur Adolefcens.* Et contra Catilinam producit patriam expostulantem: *Quæ tecum Catilina sic agit, & quodam modo tacita loquitur: Nullum jam tot annos facinus exstittit, nisi per te, nullum flagitium sine te. Tibi uni multorum virorum neces, tibi vexatio direptioque sciorum impunita fuit &c.* Quodsi jam de rebus exilibus grandi & phalerato sermonis habitu differatur, si ineptis metaphoris, & acuminibus parum argutis, vel epithetis absurdis utamur, oppositus sublimi stilus, quem *frigidum & insulsum* adpellant, nascetur. Verum de his tribus dicendi generibus plura docebunt libri sequentes de Poesi & Rhetorica. Hæc sufficere possunt pro linguæ latinæ tyronibus, ut primis rectisque de stili diversitate bonitate, ac vicio ideis imbuantur. Nunc de subsidiis cultioris stili agendum.

§. II.

*Subsidia Stili.*

XXII.

**P**rimum est, atque ad jus civitatis in Latio acquirendum facile princeps Auctorum lectio: Solus enim usus loquendi haud quaquam sufficit. Novimus enim  
BIBLIOTH. DOMEST. LIB. II. H ipso

ipso latinæ linguæ usu, quem Romani in civitates ac provincias armis victricibus Imperio suo adjectas invexere, latinam linguam (quum nationes istæ eam loqui coactæ sine magisterio satis assequi non poterant) brevi tempore vitiatam, & ex ea postmodum a barbaris seculo V. Romanum Imperium invadentibus omnino corrupta Italicam, Hispanicam, Gallicam, & Lusitanicam natam fuisse, ita ut casta puraque ægre jam in ipso Latii gremio sustentare se posse videatur. Et qui fieri potest, ut quis sincera latinitate in loquendo utatur, si linguæ hujus indolem, dotes, & vitia ignoret, id quod nonnisi Auctorum sedula lectione consequi poterit? Ut autem lectio ista cum fructu & utilitate suscipiatur, duo magni momenti observanda veniunt: primum est, ut ordinis ratio habeatur, alterum ut quam aptissimæ animadversiones fiant ad ea, quæ leguntur. Quod ad ordinem legendi Auctores adtinet, per gradus & classes ire oportet, quarum quatuor commode statui posse videntur: Primo scilicet, ad integritatem & proprietatem vocum latinarum comparandam servient plurimum Cornelii Nepotis vitæ Illustrum Virorum, selectæ Tullii epistolæ Familiæres, Jacobi Pontani S. J. Progymnasma-  
ta,

ta. Secundo ut ad latinitatis elegantiam & concinnitatem via pateat, proderit legere Julium Cæsarem, reliquas Cicero-  
nis epistolas, Minucium Felicem, Chri-  
stianum Scriptorem, & Bidermanni S. J.  
Acroamata. Tertio ut stili diversitas co-  
gnoscat, obvia quædam e Cicerone,  
Livio, Suetonio, Plinio, Tacito, Cur-  
tio, Seneca, licebit lectitare. Quarto  
demum loco, qui ad copiam rerum, ac  
plenam Latil notitiam eruditionemque  
progredi desiderat, evolvant Catonem,  
Varronem, Columellam scriptores rei  
rusticæ, Vitruvium Architecturæ, Julium  
Cæsarem & Curtium, Famianum Stradam  
S. J. artis bellicæ; Velleium Paterculum,  
Valerium Maximum, Florum, Plinium,  
Masseium, & Turselinum ac Brietium  
S. J. de rebus historicis: de Romanis Li-  
vium, Tacitum, Suetonium, Lipsium  
&c. quemadmodum alio in loco monui.  
In horum societatem Auctorum si adscis-  
cantur notæ præstantioris Poetæ, qui la-  
tini sermonis floribus, figurarum deliciis,  
& acutis sententiis abundare solent, ac  
mirum quantum exhilarare ingenium, uti  
Martialis, Virgilius, Ovidius, Horatius,  
Lucanus, Sarbievius & Balde Soc. Jesu  
nihil erit, quod ad supremum latinitatis  
gradum conscendendum desiderari po-  
terit.

terit. Quantum vero ad animadversiones spectat, ubi sensus Auctoris probe cognitus est, oportet primum ad voces & phrasas præ cæteris nitidiores, earumque inter se ordinem ac compositionem attendere: tum dicta ingeniosa, & quæ occurrunt acumina inspersa advertere licebit: porro rerum quôque ratio habenda est, veluti rituum antiquorum, apophtegmatum, similitudinum, & doctrinæ morum, quæ non raro insignis etiam apud ethnicos scriptores reperitur. Demum hæc omnia latinitatis cimelia, ut memoriæ consulatur, neve illa tam prompte quam ad mentem pervenerunt, ea rursus excidant, in adversaria calamo erunt reponenda.

## XXIII.

A lectione ad imitationem progrediamur, utpote alterum cultioris stili subsidium. Hæc aliud non est, uti Bembus ait, quam alienæ dictionis similitudinem transferre in scripta nostra, & quasi eadem uti temperatione scribendi, qua is est usus, quem imitandum nobis proposuimus. Est autem alia imitatio, quæ tyro-nibus, alia quæ provectioris in Latio ætatis hominibus convenit. Prima Auctoris verba & phrasas quasdam selectas colligit,

git, ut illis suum, de quo scribere constituit, argumentum vestiatur & exornet. Quod quidem tolerandum in juvenibus, atque etiam laudandum, dummodo in hoc infimo gradu non diu hæreant, sed ad altiorem sensum enitantur. Profecto Quintilianus latinitatis Magister summus non solum non improbat, sed etiam suadet hoc imitationis genus discipulis suis, dum ait (1): *Sumamus sententiam* (Auctoris alicujus) *eamque versemus quam numerosissime, velut eadem cera aliæ atque aliæ formæ duci solent.* Altera est, quæ ipsum Auctoris ingenium vestigat, & sub verborum cortice latentem nucleum extrahit, atque ejusdem sermonis habitum seu stili ac methodi similitudinem cum judicio ac libertate exprimit. De hac rursus præclare loquitur idem Quintilianus (m): „ Imi-  
„ tatio autem non fit tantum verbis: illuc  
„ intendenda mens, quantum fuerit illis  
„ viris decoris in rebus atque personis,  
„ quod consilium, quæ dispositio, quam  
„ omnia etiam, quæ delectationi videantur  
„ data, ad victoriam spectent. Quid  
„ agatur præmio, quæ ratio & quam  
„ varia narrandi, quæ vis probandi ac re-  
„ fellendi, quanta in affectibus omnis ge-  
„ neris

(1) *Instit. Orat. l. 10. c. 5.* (m) *Ibid. c. 2.*

„neris movendis scientia, quantaque  
 „laus ipsa popularis utilitatis gratia af-  
 „sumta: quæ tum est pulcherrima, cum  
 „sequitur, non cum arcessitur. Hæc si  
 „præviderimus, tum vero imitabimur. „  
 Præterea duo sunt, quæ circa imitatio-  
 nem seu observanda seu vitanda veniunt.  
 Primi generis est, ut non obvium quem-  
 que aut vulgaris stili, sed quantum fieri  
 potest, optimi auctorem in manibus & an-  
 te oculos habeamus, id quod omnium sa-  
 ne scientiarum & artium candidati faciunt  
 dicente Plinio (n): *Stultissimum crede*  
*ad imitandum non optima quæque propo-*  
*nere.* Paucis enim fors obtingit, ipsa  
 prototypa perfecte adsequendi, quin ab iis  
 hinc inde deficient: quid fiet, si imper-  
 fecta sibi proponant, quæ ipsa jam nævos  
 sermonis velut a nativitate secum adfe-  
 runt? Secundi generis est, ne affectata  
 vel nimia sit imitandi cura, quæ omnia  
 quasi vestigia auctoris numeret, nec ullum  
 extra illa passum sibi faciendum esse cre-  
 dat: nimium tristis hæc servitus est, nec  
 liberalium artium studioso digna, quam  
 acriter perstringit Horatius:

*O imitatores, servum pecus!*

XXIV.

(n) *Epist. I. 6.*



XXIV.

Tertium cultioris stili subsidium est exercitatio, quam tantopere commendant latinistis magistri. Nihil enim vel parum proderit legisse attente, ac diligenter excerptisse ex auctoribus optimis optima quæque, nisi ad lectionem & imitationem accedat exercitatio. Cicero *stilus* (ipsam sub eo exercitationem intelligens) *stilus*, inquit, *optimus & præstantissimus est dicendi effector & magister*. Et alio in loco: „Quemadmodum nec Medici, nec Imperatores, nec Oratores, quamvis artis præcepta perceperint, quidquam magna laude dignum sine usu & exercitatione consequi possunt. „ Certe de Hortensio summo illo Oratore memoriæ proditum est, nullum præterire diem unquam esse passum, quo se dicendo non exerceret. Hac autem in exercitatione per gradus eundum est, & ab una classe ad alteram ascendendum. Et primo quidem non parum proderit incipientibus, insignius quoddam argumentum e vernacula lingua in latinam, & versa vice e latina in vernaculam scite transferre, ut hac ratione latinarum vocum idoles, bonitas, elegantia, & vis significandi plenius a tyrone intropiciantur. Sequitur variatio, quæ fit

sententiam aliquam aliis atque aliis verbis, phrasibus, atque figuris adhibitis permutando, quæ res ad copiam verborum acquirendam, & ad dictionis concinnitatem consequendam confert plurimum, exprimendo scilicet sensa sua diversis modis, hosque inter se comparando, quisnam altero præstantior sit. Tum robustior in studio isthoc ætas amplificando se se exerceat, vocatis in subsidium facilioribus quibusdam e rhetorica locis, qua re ubertas sermonis, & amplitudo quædam rerum dicendarum acquiritur. Magis jam eruditos pergere juvat tum ad characterum expressionem, qui characteres aliud non sunt, quam viva quædam imago, qua non solum exterior habitus rerum ac personarum, sed latentes virtutes & animi affectiones notis quibusdam designantur ac veluti depinguntur, quæ quo magis cum natura ejus, de quo loquimur, conveniunt, eo meliores præstantioresque sunt: tum ad descriptiones, per quas res tota suis vestita circumstantiis quasi oculis videnda subjicitur: tum ad etopæias seu imitationem sermonis, quod fit per oratiunculas, quibus magna cum elegantiâ, miraue varietate usi sunt Livius, & Curtius. Verum ne multa scribendo perverse scribere discant adolescentes, commentatio

tio & cogitatio seria est adhibenda, & ad limam sæpius revocanda scriptio. Nam subita & fortuita oratio nunquam tolerabilis, nedum bona esse solet, utpote similis ursæ catulo, quem informem in lucem prodire ferunt, nec nisi crebrius lambendo a matre demum effingi. Plura de stilo suppeditare poterunt, qui de illo præclare scripserunt, Ant. Possevinus & Card. Pallavicinus, ambo S. J. Alphonfus Gartias, Joan. Heineccius, Joan. Schefferus, alii-que. His jam subsidiis postquam adolescentes diligentissime fuerint instructi, & in ipso stilo intra privatos scholæ parietes exercitati, tum in publicum prodire licebit, & dicere cum Poeta (o):

*Sicelides Musæ paullo majora canamus.*



*CAPUT.*

(o) *Virg. 4. Eclog.*

H 5



## CAPUT V.

### METHODUS DOCENDI, DISCENDIQUE GRAMMATICAM.

#### §. I.

#### *Critice circa Methodum docendi.*

#### XXV.

**E**xpositis hunc in modum præcipuis linguæ latinæ ac stili dotibus (his enim finibus totum Grammaticæ artificium circumscribitur) emensi esse institutum iter possemus videri, si non offerrent se aliqua majoris indaginis circa methodum, quam certam adhibere solemus & debemus ad juvenum animos hac Grammatices ac primæ veluti latinitatis disciplina rite informandos. Nam sine methodo discendi docendique, quemadmodum in reliquis omnibus scientiis, ita etiam in ista vagi semper ac peregrini erimus, nunquam incolæ ac cives. Quod si de cæteris verum est, de hac arte verissimum erit, quum sit totius latinitatis fundamentum, quo non bene jacto nunquam ædificium satis firmum superstruere licebit.

Sine

Sine hac, de qua loquor, methodo multum temporis, & plus etiam laboris deperibit, & ubi viæ compendium facere potuisses, ingens facies operæ dispendium, cum damno in seram ætatem redundaturo. Verum circa methodum istam hodie, si unquam, mirum quantum variant sententiæ; uno hanc, alio aliam quasi venum eunte, quovis suam quam excogitavit, præ cæteris commendante. Huic displicet nimis frequens regularum turba, tristisque servitus, ad quam ingeniorum libertas damnatur: Illi non placent morosa nimium in scholis inferioribus diverticula; festinandum esse ajunt, quum ars longa, vita brevis sit. Iste abjectis Grammaticorum libris & cavillationibus omnem in præstantium auctorum lectione operam poni debere, & ex ipsis statim fontibus aquam hauriendam esse censet: Alius contra rei summam in sola propemodum exercitatione scriptioneque collocat, & usui Magistro cuncta tribui oportere arbitratur. Sunt etiam, hoc præsertim ævo, qui longe melius atque felicius bonas literas intra privatos parietes disci docerique posse clamitant, quam publicis in scholis atque gymnasiis, imitantes illam gentem supersticiosam, cui præ omnibus fanis & idolis Lares sui, seu domestici

dæ-

dæmunculi unice in amoribus erant. Ita fit, ut dum quivis in suo sensu abundat, literarum & ingeniorum cultura in partes distrahatur, nec ulla certa methodus firmo pede subsistat, multaque in hoc negotio tam delicato inutiliter, temere, &c ex præjudicatis opinionibus suscipiantur, non sine gravissimo reipublicæ literariæ damno. Mihi si liceat hac in re aperire mentem meam, agam id absque partium studio, eaque utar moderatione, ut judicium meum, quod sentio quam tenue sit, nulla quidem ratione præferam aliorum sapientum judiciis, sed neque inconsultorum hominum quorundam opinionibus, & male criticis artibus a recto tramite ac via, ut vocant, Regia me abduci permittam, nec deferam plus ideis quibusdam, quam solidis rationum momentis. Atque illud ante omnia statuo, quod in libro primo de disciplinis universim demonstrasse me credo, domesticas privatasque scholas neutiquam publicis præhaberi oportere, harumque honorem dignitatemque totis viribus, publicaue Auctoritate sustinendas esse. In his itaque talem linguæ latinæ docendæ methodum adhibendam esse fidenter assero, quæ apta sit, ut omnes, qui ad ejusmodi literarum emporia seu gymnasia accedunt, fructum inde

inde referant, cujusvis indoli, facultati ac modulo convenientem. Non heic res agitur de singularibus ingeniis (quamvis & ista semper multa, in quibus se perficiant, & latius quam domi patentem ostentationis campum invenient) sed de fructu quodam generali in variæ conditionis homines, qui studiis operam ibi navant, & per eos in universam rempublicam se diffundente. Non enim, ut puto, Principes & supremi Magistratus in suis regnis & ditionibus scholas publicas tantis sumptibus erexerunt, atque dotarunt, ut sublimia solum ingenia quædam, id est, admodum pauca, excolerentur, sed etiam habilia, quin & mediocria, quorum longe major numerus esse solet; & quidem cum in finem, ut cuivis hominum forti, quæ aliqua saltem literatura indiget, diversisque muneribus seu sacris seu profanis de sufficiente latinitatis ac eruditionis penu prospectum sit. Si jam in docendo festinanter agas, vel ubique aliquid fulgurans & scintillans exigas, aut cunctos æqualibus passibus ad perfectionis apicem contendere velis, atque ex omnibus lignis Mercurios sculpere, summa quidem ingenia eminebunt, sed paullo humiliora jacebunt, & fructum, quem alias futuris temporibus & officiis satis com-

me-

modum ferre potuissent, vix ullum aut omnino nullum consequentur. Profecto eadem mihi videtur esse ratio literarum ac viarum: sunt aliqui locorum gnari, qui per occultas sibi que notas semitas longiora per valles & montes itinera circuitu quodam evitare norunt, & ad locum destinatum citius quam alii pertingunt; num iccirco vias publicas & communes tanquam inutiles amandandas esse credimus? Idem sane faciunt, qui vel novandi studio, vel exuberantis ingenii ductu novas identidem ac singulares docendæ latinitatis methodos excogitant, atque proponunt non sine plausu eorum, qui literati magis videri volunt, quam sunt; communes vero & plurium seculorum usu fructuque comprobatas speciosis quibusdam argumentis eliminare conantur. Hoc ipso, quod vivimus, ævo quæ non ubique aures fatigant querelæ, quod in muneribus rebusque publicis, in mercimoniis, in exactionibus nova cudantur systemata, non absque magno populi, & ipsorum, in quorum commodum hæc fieri dicuntur, Principum damno: laudamus nunc antiqua tempora, quando nova sentimus esse perniciofa, in quibus prudentiam Majorum nostrorum vehementer desideramus. Cur ergo in re literaria, quæ alter veluti oculus est Rei-  
publi-



publicæ (delicatum plane membrum) tantopere ad novandum sumus proclives? Cur veterum instituta tam maturo consilio introducta leviter explodimus, quæ nos deseruisse aliquando penitebit? Hæc tamen non ita intelligi velim, ac si nefas esse crederem, & grande piaculum (uti credant nonnulli antiqui moris custodes rigidi ac nimium tenaces) vel minimum apicem in veteri receptaque semel methodo mutare, abrogare, addere, vel subtrahere: absit, scio nihil in rebus humanis, quæ tot vicissitudinibus obnoxie sunt, æterna lege cautum esse debere. Æs antiquum denique rubiginem contrahit, & moles firmissimæ tandem vetustatis vitio fatiscunt. Excolantur bonæ literæ magis magisque, perpoliantur, refecentur inutiles pampini, evellantur quæ succreverunt lolia, inferantur nova cimelia, legum & præceptorum excrescens multitudo circumscribatur, quæ obscura fuerunt, redantur clariora, emendentur vitia, & egerantur fordes, quæ aliquorum negligentia veluti per rimas in sentinam sensim confluxere: sed eorum inconsultos ausus probare non possum, qui ubi primum in arte latinitatis ac stilo valere aliquid se vident, mox ad ipsa fundamenta vetera subruenda se accingunt, novas le-

ges

ges ac præcepta condunt, antiquam methodum innumeris scatere vitis clamitant, rogant, obtestantur, ut alii quoque sociam jungant operam ad libertatem eruditionis vindicandam, utpote quæ sub tristi quorundam didascalorum servitute longo jam tempore oppressa genuisset. His vocibus Procerum aures implent, ut orbe antiquo non jam contenti nescio quas fortunatas insulas & novi orbis regna detexisse credantur, Columbi & Americi, si superis placet, Nepotes.

## XXVI.

Verum hæc tanti momenti esse mihi non videntur, ut eorum judicio subscribam, qui exigui multorum in lingua latina profectus causam & originem in methodi hactenus observatæ nescio quod vitium quasi senectutis & ignaviæ, non sine invidia conjiciunt, dum incommoda, quæ hac in re videmus & sentimus, seu aliorum nimix festinationi, seu aliorum negligentix aut animi levitati, seu denique in custodiendis excolendisque illis, quæ didicerunt, incuriæ potius adscribenda forent, ut sequenti paragrapho demonstrabitur. Quapropter Societas Jesu in sibi commissis per orbem utrumque late patentibus scholis atque gymnasiis methodum  
pri-

primitus summis curis constitutam tradendi literas, quas humaniores vocant, sibi retinendam esse censuit; cujus rei multa nec sane levia, ut opinor, rationum momenta potest exhibere. Imprimis quidem ea, quam hucusque tenuit, docendi methodus satis Antiquitate sua se commendat, quam & in ipsis auctoribus Classicis, primisque latinitatis parentibus post tot secula venerari solemus. Quis enim recedendum sibi existimat a Cicerone, Livio, Julio Cæsare, Terentio, Virgilio, Ovidio, Cornelio Nepote, Varrone, Vitruvio, cæterisque aureæ ætatis aut argenteæ scriptoribus, quod labentibus annis, & post tria ferme secula surrexerint recentiores quidam scriptores, Aulus Gellius, Apulejus, Palladius, Censorinus, Quintus Serenus, Julius Firmicus, Magnus Aufonius, Ammianus, Festus &c. qui ab aurea argenteave sermonis latini forma usuque non parum nec obscure deflexerunt, & iccirco inter æneæ ferreæque ætatis auctores passim recensentur? Quin eo respicit isto quod vivimus seculo Literatorum non paucorum cura & labor, ut e vetustatis ruderibus summo studio numismata, inscriptiones, diplomata, ipsos adeo semi-exesos characteres colligant, nec in Eruditorum numero habeant, cu-

jus scripta vel libri antiquitatis aliquid non præferant. Cur ergo, dum gloriæ sibi ducunt, scientias & artes ad priscorum temporum mores revocare, novas identidem docendi discendique methodos, nova cudunt systemata, & heri natas in cerebro ideas indignante Minerva nobis obtrudunt, cum extremo veterum contemptu? Dein illa, quam Societas sibi universim præscripsit, studiorum ratio non, ut alii faciunt, quasi temere arrepta, & e singularem quorundam ingeniorum sensus prognata fuit, sed positis ante oculos & probe expensis veterum præceptis, communi virorum sapientissimorum e diversis Europæ nationibus congregatorum consilio atque consensu est adornata; Principum, Antistitum, ac Literatorum suffragio & auctoritate roborata, utilitateque discen-  
tium, nec non multorum annorum felici experimento satis comprobata. Orbi notum est, tristi illo ignbrantiæ seculo, quo Lutheri, Calvinii ac Zwinglii hæresis totam late Germaniam depopulata est, Societatis homines incredibili labore industriaque non solum fidem Catholicam, & pristinam pietatem, verum etiam bonas artes & literas erectis ubique Gymnasiis, summa Magnatum, Regum, & Imperatorum munificentia & adprobatione, ve-  
lut

lut ab exilio revocasse, ita ut ipsi quoque A catholici, infensissimi cæteroqui hostes hujus Societatis, passim liberos suos in scholis nostris erudiendos obtulerint, docendi dexteritate ac profectus ubertate invitati. Nihil heic ad ostentationem dici, & magnificentius quam verius prædicari prodit testimonium gravissimum Francisci Verulamii, Magni Angliæ Cancellarii, ut vocant, viri citra controversiam doctissimi (p): *Quæ nobilissima, inquit, pars disciplinæ (nempe juventutis erudiendæ) prisca renovata est aliquatenus postliminio in Jesuitarum collegiis, quorum cum intueor industriam solertiamque, tam in doctrina excolenda, quam in moribus informandis, illud occurrit Agesilai de Pharnabazo: Talis cum sis, utinam noster esses (erat Verulamius Anglicæ religioni addictus). Idem alio in loco (q): Ad pædagogiam quod attinet, brevissimum foret dictu: consule scholas Jesuitarum. Nihil est, quod in usum venit, bis melius. Non multo inferius est testimonium illud, quod Eruditissimus Lipsius præbuit, dum scripsit (r) ad Matthæum Raderum: *Ami-**

(p) Lib. 1. de dignit. & augment. scient.

(q) Lib. 6. c. 4.

(r) Cent. Miscell. epist. 30.

*cum me toti Societati vestræ esse quidni profitear? Quæ prima literis his, aliisque me imbuunt: quæ salutaria in omnem vitam præcepta dedit, & præbuit. Amo corpus hoc, amo & membra &c. De Jacobo Pontano S. J. ita loquitur Allegambe (t): Magnum certe nomen Societati vel inter hostes eruditione sua concivit, qui ejus in latinitate sermonem ita astimant bodieque, ut publico nuper typo collectum suis Gymnasiis esse pro Tullio voluerint.*

## XXVII.

Jam vero eadem nunc in scholis Jesuitarum viget docendi norma, eadem disciplina, quæ olim erat usitata, quæque tot viros sapientes doctosque Reipublicæ Sacræ ac Profanæ dedit. Non enim temporibus illis adhuc grassabatur is licentiæ morbus contagiosus, quo hodie non pauci laborant, qui ut aliquod inter Eruditos nomen sibi comparent, varios libros citatis equis percurrunt, ubique aliquid colligunt levissimo brachio: tum vero scientiarum omnium Arbitri & Aristarchi cupiunt videri, negligentes interea non raro studium id, quod gravissimis etiam reipublicæ negotiis sibi concreditis adhibere deberent. Neque tamen adeo tenaciter

eiter instituto veteri Societas inhæret, ut nihil novi admittat, notumque programma illud scholarum suarum foribus affigat: *Nihil innovetur.* Non ita est: admittit libenter nova illa, quæ cum manifesta utilitate conjuncta videt; quin potius in id summo cum conatu incumbit, ut methodum suam pro temporum & locorum ratione magis magisque perficiat, expoliat, novisque accessionibus ditiolem reddat. Certe Philippus Allegambe & Nathanael Sotvellus (t) ad sua usque tempora, annum scilicet MDCLXXV. ultra septuaginta e Nostriſ Scriptoribus produnt, qui utilissimis seu lucubrationibus seu commentationibus Grammaticas res diversis in regnis atque provinciis illustrarunt. Magis adhuc perspicue id palam facit liber Josephi Juventii, celebris Gallie Oratoris ac Historici, *de ratione discendi & docendi*, Decreto Congregationis Generalis XIV. an. 1705. in lucem datus, in quo diligentia exactissima & probatissima latinitate discipulorum & Magistrorum cujuslibet classis officia expendit atque proponit. Non minus idem studium declarant, quæ novissime in Germania typis edita fuerunt Franc. Xav. Kropfii *Ratio & via procedendi in literis humanioribus ætati tene-*

*re*

(t) *Ibidem.*

134 *Cap. V. Methodus docendi,*

*va tradendis, & Francisci Wagneri compendiarie Methodus de tribus lingua latinae virtutibus, ejusdemque auctoris Phrasologia, quibus nihil utilius ad insignem in latino sermone profectum faciendum me legisse memini. Demum non videt societas, cura communi tritaque via discedat, novosque tramites inquirat aut sectetur, quum illi, qui vel maxime in criminando cavillandoque liberales sunt, nec argumenta proferant alicujus momenti, quæ discessionem hujusmodi hoc in negotio viris prudentibus suadeant, nec meliorem & juvenum ingeniis accommodatiorem semitam ostendant, uti ex hætenus disputatis & paullo post dicendis palam esse videtur, & fiet. Potius auream illam prudentiæ regulam sibi commendatam habet, quam Nicolaus Caussin S. J. magnum Galliæ Oraculum, & vir tum in scientiis, tum in consiliis maximus (u), omnibus præsertim Principibus tenendam proponit: Nulla antiqua consuetudo sive ordinatio, hætenus mortalibus proficua, mutanda est in aliam novam, nisi nova evidenter melior sive utilior esse deprehendatur. An non tristitia ubique oculis nostris obversantur exempla regulæ hujus neglectæ? Unde tot damna regiminum & integra-*

(u) *Lib. de regno Dei.*



tegrarum regionum, quæ deploramus, nisi a quibusdam novatoribus, qui spretis antiquiorum sapientissimis institutis, atque principiis, quæ *Maximas* vocamus, alia atque alia Principibus systemata obtrudunt regendi ac publici questus faciendi, quæ vel brevi non sine ignominia concidunt, vel pacem & commercium perturbant, vel ingentem malorum catenam post se trahunt. Væ bonis artibus & literis, si in earum quoque regnum hæc novandi libido aditum inveniat, aut vi facta penetret!

*Eventus varios res nova semper habet (x).*

## XXVIII.

Si quis autem sit, qui forte non satis sibi notam tradendæ Grammaticæ methodum, quæ in societatis nostræ scholis viget, curiosius inspicere explorareque cupiat, neutiquam vereor, illam quam brevissime in conspectum dare, tot testes habiturus, quot discipulos in iisdem educatos. Distribui solet Grammatica in tres potissimum Classes, Infimam, Mediam, & Supremam. Infima est inchoata Syntaxeos cognitio, & brevis quædam in Latium

(x) *Cornelius Gallus.*

tium introductio, agens de Generibus nominum, Declinatione, Præteritis, & Supinis, facillimisque de Constructione præceptis. Ista tum memoriæ mandantur a discipulis, & fideliter redduntur, tum a Magistro explanantur, & notis aliquibus aptisque exemplis illustrantur, tum in propositis thematibus ac pensis domesticis eorum diligens observatio & adplicatio exigitur, quod vel maxime fit eorundem thematum correctione. Præterea græcæ linguæ, tantopere ad eruditionem necessariæ, fundamenta ponuntur. Accedit explicatio aliquot epistolarum faciliorem Ciceronis, ac progymnasmatum Jacobi Pontani, in quibus omnia fere, quæ in consuetudinem usumque communem incidunt, puro latinoque sermone auctor hic complexus est: frequenter habentur exercitationes utilissimæ, dum unus vel plures tam vocabula rerum omnium, quæ Franciscus Pomey collegit, quam integras constructiones vernacula in lingua ab aliis propositas e memoria latine reddunt, victoribus ad altiorem in schola locum promotis, aut quodam alio honoris signo decoratis. Utraque hac lingua etiam concertationes ex historia Sacra Veteris Testamenti, præsentibus ad innocentis gloriolæ stimulos addendos hospitibus instituunt.

tuuntur; ut nihil dicam de doctrina Christiana, quæ rursus in lingua utraque explanatur; aliisque literarum adjumentis, quibus solertes Magistri ad animandam parvi gregis sui industriam uti consueverunt. Ita ab una in alteram septimanam, mensem & annum labor hic docendi continuatur.

Ab his exordiis ad Mediam Classsem fit transitus, quæ plenius explicat regulas syntacticas cum facilioribus appendicibus secundum normam & institutionem Emmanuelis Alvari. Major hæc, quam antea, & emendatæ & ordinatæ constructionis cura habetur; flores quoque ac elegantiae quædam latinitatis tum ex scriptione, tum ex auctorum Classicorum prælectione colliguntur; promovetur sensim linguæ latinæ usus ope progymnasmatum selectiorum Pontani, & reliqua curatius fiunt, quæ superius de exercitationibus & concertationibus, de linguæ græcæ ac sacre doctrinæ studio dicta fuerunt. Quibus accedit historia de quatuor Monarchiis, & Romanis Imperatoribus, quorum omnium series in partes divisa non raro propriis verbis latinis in hospitum corona scite ac eleganter a discipulis exponitur.

138 *Cap. V. Methodus docendi,*

Demum ad supremam Grammaticæ classem ascenditur, ubi absoluta contem-  
 xendi sermonis intelligentia traditur, & ultima velut manus imponitur disciplinæ  
 hujus ædificio : nec jam sufficit emendate  
 loqui ; ad proprietatem, ac copiam ver-  
 borum & sententiarum vel maxime atten-  
 ditur : suggeruntur variæ phrasæ ac mo-  
 di loquendi, ad optimorum scriptorum  
 exempla conformati ; urgetur constans  
 latini sermonis usus & exercitatio. Præ-  
 terea jaciuntur carminis pangendi funda-  
 menta ex arte metrica, & ad poesin via  
 sternitur, explicando selectas purgatasque  
 Ovidii, Tibulli, Propertii elegias : non-  
 nunquam faciliores etiam libri Maronis  
 explanantur, quibus præter reliqua paullo  
 ante commemorata quartum opusculum  
 de orbis terrarum Regnis & Rebuspublicis  
 adjicitur ; quintum enim de geographia  
 & arte scutaria, atque sextum de historia  
 Ecclesiastica Poësis & Rhetoricæ scholis  
 adsignantur. Atque hac ratione intra  
 trium vel quatuor annorum ambitum &  
 lingua latina, & græca, & historia sacra  
 ac profana, & doctrina Christiana a tene-  
 rajuventute, quantum vires illius patiun-  
 tur, ea de qua loquor methodo, in scho-  
 lis nostris usitata, addiscuntur. Quid  
 jam in methodo tam ordinata, tam ado-  
 lescen-

lescentum ingeniis & viribus accommodata, & commeatum ad omne genus eruditionis præbente crimini detur aut dari possit, non video, nec vident alii paullum prudentiores, paucis exceptis, quos velurit nescio quæ invidia, vel excæcat ambitio, vel præjudicata opinio e libellis famosis hausta, vel alia obsessos tenet animi intemperies. Horum tamen conatibus, machinamentis, atque calumniis frangi constantiam suam ac patientiam non patitur Societas, quæ pridem publicæ utilitati totam se devovit. Et hæc ipsa, quam tenet in bonis literis docendis, ratio nisi vehementer fallor, talis est, qua & summa, & mediocria, & infima ingenia proficere possint, modo velint, ac decentem linguæ latinæ notitiam usumque ad reipublicæ utriusque diversa munera secum dotis loco adferre valeant. Non enim credo illud exigetur, quod forte non optandum, certe sperandum non est, ut omnes fiant Prisciani, Homeri, Cicero-nes, Livii. Hoc idem foret, ac velle efficere, ut in republica omnes sint divites, Nobiles, a Consiliis, Aulici, Optimates, Principes. Quanta tunc rerum perturbatio? Sed major adhuc, si quotquot literis operam dant, insignem ac sublimem in illis gradum consequen-  
tur.

tur. Nam verissimum esse Apostoli Pauli (y) effatum hoc præsertim ævo experimur : *Scientia inflat.*

## §. II.

*Critice circa Methodum discendi.*

## XXIX.

**N**on minores circa methodum discendi difficultates occurrunt, in quam veluti messem licentior critice hodierna falcem suam mittit, sed meliore critica, sanioreque merito emendanda. Sunt, qui nimis diu distineri conqueruntur parvulos in ludis, nec nisi pulvere scholastico large oppletos inde dimitti cum non modica pretiosi temporis jactura, quod utilioribus & amoenioribus disciplinis perdiscendis subtrahitur : hebetari hac ratione puerorum ingenia, dum acui debuissent, optimumque ætatis florem ac succum inter nugas & tricas Grammaticorum consumi. Sed non attendunt hi boni viri, plerumque hac plurimum ætate nimia parentum festinatione liberos scholis non tam offerri, quam in eas intrudi, vix prima legendi scribendique peritia tinctos, & ferme sub ipsum rationis diluculum. Si jam  
huic

(y) 1. Cor. 8.

huic in discendo festinationi suam quoque in docendo adjungat Magister, nunquam radices agent in tenero nimium solo prima & summe necessaria disciplinæ istius præstantissimæ principia, velut semina, quæ si non profunde in animum demiseris, omnis solidi fructus spes in ipsa herba præcidetur. Profecto non unius nec alterius anni labor est, ut puerorum indoles adeo vaga in omnem partem, & rerum suarum incuriosa instar mercurii figatur: ut tot rerum voces & adpellationes fideli memoriæ mandent: ut casuum, numerorum, generum, temporum, declinationum, conjugationum leges percipiant, easque diligenter custodiant, & ubi loquendum aut scribendum erit, rite pensis seu scholasticis seu domesticis adplicent: ut auctorum, qui secundum cujusvis classis conditionem legendi proponuntur, sententias intelligant, explicant, resolvant, & rationem eorum, quæ legerunt, promptam exhibere norint: ut postquam emendate loqui ac scribere didicerunt, etiam linguæ proprietatem, phrasium elegantiam, ac verborum copiam, tres illas, de quibus memini, latinitatis dotes comparent. Hæc omnia si vel deficient, vel obiter solum percepta fuerint, qua ratione, quove fructu cruda etiamnum & immatura inge-

ingenia ad altiores classes transmittentur, in quibus historia, carmen, aut oratio erit proprio Marte conficienda? Ut nihil dicam, quantum temporis in tanto discipulorum numero, qualis esse solet publicis in scholis quadraginta, sexaginta, aut octoginta, veluti viritum excipiendis lectionibus, explicandis regulis, enucleandis auctorum sententiis, corrigendis polliendisque thematibus collocari oporteat; quod si facias, nunquam de discipulorum profectu securus eris: ut inquam de his nihil dicam, sunt alia satis multa, & futuris temporibus utilissima, quibus frequenter studiosa juvenus in ludis etiam inferioribus occupari & ad majora præparari solet. Nam præter literarum elementa & præcepta linguæ tam latinæ quam græcæ, probe inculcantur doctrinæ Christianæ placita, explanatur honeste ac pie vivendi norma, & quasi parva morum philosophia traditur, historiæ tum sacræ tum profanæ rudimenta ponuntur, fiunt concertationes propositis præmiis ad fovendam æmulationem, quandoque etiam in theatrum prodire jubentur parvi hi Roscii, ut oris quoque, manuum ac corporis totius gestus & motus decentes induant, & progressu temporis cum decore in publico comparere queant, sive in utroque



que foro dicendæ agendæque sint causæ, seu ex cathedra perorare ad concionem, seu civilia gerere negôtia oporteat. Interea dum hisce occupationibus saluberrimis distinentur, maturescunt ingenia, & ad altiores disciplinas tum Poeseos tum Rhetorices, tum Philosophiæ præparantur. Quis enim fructus, quæ solida doctrina erit expectanda, si undecim aut duodecim annorum adolescens superato veluti per saltum Gymnastico stadio in superiorum scientiarum & Academicarum concertionum curriculum subito transferatur, nec ætate nec judicio bene valens, neque ingenio, neque moribus satis, ut ut decet, excultus? His probe perpensis eritne aliquis vel parum prudens & rerum peritus, qui diu nimium in scholis minoribus pusillum gregem detineri, & observatam hæcenus discendi methodum temporis prodigam esse jure conqueratur? Immo meliori jure jam olim conquestus est Quinctilianus (z) de præcipiti & rapida pueros in literis informandi ratione, quæ sæpe nequiter blanditur parentibus, aliquando ipsis etiam Magistris: *Quod etiam, ait, supervacaneum foret, nisi ab ambitiosa festinatione plerique a posterioribus inciperent, & dum ostentare discipulos*

(z) Lib. I. cap. 7.

144 Cap. V. *Methodus docendi,*  
*pulos circa speciosiora malunt, compendii*  
*morarentur.*

XXX.

Sed alia pulsat aures querela, nescio an  
æquior priore. Vitio vertitur farrago &  
strues regularum, appendicum, & scho-  
liorum, quibus vivida ingenia tot annos  
impallescere coguntur inter perpetua jur-  
gia & cavillationes Grammaticorum, qui  
artem loquendi latine docent, quam pro-  
bare non possunt ipsi, nec bene callent:  
totum ajunt latinitatis artificium & lau-  
dem ab his eo deduci, ut prodeat oratio  
solœcismis & barbarismis expers, parum  
de nitore splendoreque sollicita: & quod  
pejus est, tot annorum labore fatigatos  
adolescentes nihilominus post continuam  
rerum latinarum tractationem latine loqui  
non posse, quum tamen domesticam lin-  
guam minori cura & levioribus impensis a  
nutricibus atque parentibus celerius feli-  
ciusque condiscant. Unde nonnemo fuit,  
qui non ita pridem satis prolixa, nec  
inerudita cæteroqui oratione conatus est  
persuadere, id quod dudum sibimet ipsi  
persuaserat, *Grammaticorum libros, præ-*  
*cepta, & leges una cum crepundiis abji-*  
*ciendas, linguamque latinam e sola classi-*  
*corum auctorum lectione cum temporis com-*  
*pen-*

*pendio esse comparandam.* Equidem lubens fateor, copiam regularum, exceptionum & appendicum, quarum nulla vel modica utilitas est, vitandam esse quemadmodum in aliis, ita & in hac, de qua loquimur, Grammatices arte; nec Grammaticorum veterum tricas omnes longa serie puerorum oculis & auribus adponi debere, tum ne istæ fastidium creent, tum ne illi multitudine præceptorum obruantur. At, quid prohibet, ex præstantibus disciplinæ hujus criticis, quæ isti proluxa disputatione, mutuaque altercatione sunt persecuti, in synopsis redigere, versiculis memoriæ juveniles gratia complecti, brevibus exemplis illustrare, & cum delectu quodam in classes distribuere, uti præclaram hac in re operam præstitit Emmanuel Alvarus Soc. Jesu orbi literato notissimus, cujus codex præceptorum longissimo jam tempore in præcipuis Europæ Catholicæ gymnasiis veluti civitate donatus fuit, & in omnium manibus versatur, nec ulli hucusque diplicuit, si eos excipias, quibus hac ætate nihil placet, nisi quod novum, nisi quod a se recens est excogitatum. Sint multæ leges & scholia: Quid tum? Necessaria hæc sunt tyronibus ad emendatam castamque dictio-

nem ac scriptionem, sine qua, ut ut  
 adsint cætera sermonis ornamenta, nun-  
 quam ad altiora in Latio subsellia elu-  
 ctari, nec honorifice inter linguæ latinæ  
 procures comparere licebit. Sint mo-  
 lestiæ quædam adolescentibus in discen-  
 do devorandæ, quid tum? Quam mo-  
 lesta res est, discere artem musicam &  
 cantum (idem esto de aliis artibus judi-  
 cium) quot regulæ, quot *notæ* ac *pausa*  
 ut vocant, Musicæ? Quanta vocum &  
 sonorum variatio? Quoties idem can-  
 tus ad Magistri arbitrium a discipulo re-  
 peti debet? Num propter molestiam  
 hanc quantamcunque cessatur? Vel an  
 solo aurium judicio, auditioneque excel-  
 lentium Musicorum res tota perficitur,  
 & suavissima hæc ars addiscitur? Pro-  
 fecto ipsius naturæ vox est: *Omne ini-  
 tium grave.* Dicere ausim, ii ipsi, qui  
 nunc ore ac calamo passim & impune  
 criminantur receptam methodum, si  
 quid in arte loquendi scribendive va-  
 lent, potissimam partem debere institu-  
 tioni primæ, quamvis molestæ, quamvis  
 morosæ; nec unquam in latinitatis re-  
 gno heroes forent, aut haberi se cre-  
 derent, nisi probe prius in ludis inferio-  
 ribus, & his ipsis regularum ac præ-  
 ceptorum circuitibus fuissent exerci-  
 tati.

tati. Cur ergo nunc crimini dant, quod grato recolere animo deberent? Cur sibi solis sapiunt, qui cum tot aliis sapere docti sunt? Sed juvat eruditio-  
nis fumum unde unde demum captare, ac magni nominis umbram sequi. In hujus generis hominibus ego judicium vehementer desidero, quo discernant inter ea, quæ adolescentibus, & quæ natu majoribus ac emancipatis conveniunt: Illos arctis constringi legibus ac frenis oportet, ne extra orbitam saltent: his vero libertas quædam est relinquenda, qua tamen non tam facile abutentur, si prius recta præceptorum semita incedere didicerunt. Quippe id continget ipsis, quod experto citharædo, qui, dum parum jam ad regulas attentus, magis de artis elegantia & symphoniaco concentu, quo auribus blandiatur, sollicitus est, nihilominus longa edoctus assuetudine ne latum unguem a primis illis, quibus puer adhuc imbutus fuit, regulis aberrare solet.

XXXI.

Illud autem non satis intelligo, qua ratione lingua latina e sola scriptorum classicorum lectione sit comparanda. Equidem fateri oportet, alterum veluti

148 Cap. V. *Methodus docendi*,  
oculum esse latinitatis perdiscendæ le-  
ctionem veterum auctorum, monente  
Claudio (a):

*Interea Musis animus dum melior in-  
stat,*

*Et qua mox imitere, leges, nec desi-  
nat unquam*

*Tecum Graia loqui, tecum Romana ve-  
tustas.*

*Antiquos evolve duces, assuesce futura  
Militiæ, latium retro te confer in  
ævum.*

Verum nescio, an hæc satis convenient  
pueris ac linguæ latinæ tyrunculis. Ni-  
hil dicam, quam parum apta sit tenera  
ætas ad rectam illorum intelligentiam,  
qui ut plurimum animi sui sensa non re-  
centibus hisce, sed jam maturis ingeniis  
exposuerunt: illud quæro, quis fructus  
sit percipiendus lectitando auctores istos,  
si nescias, quid primum, quid deinde,  
quid postea, quid denique observatione,  
meditatione, notatione, imitationeque  
dignum occurrat? Nescies autem, si  
non prius ex regulis atque præceptis fir-  
mam aliquam totius artis & œconomix  
ideam

(a) *De quarto Honorii Aug. consulat.*

ideam hauseris. Nam plerumque in scriptoribus artificium latet, quod ut eruatur detegaturque, ad ipsius artis leges & canones erit expendendum. Non enim credo, præstantes ejusmodi viros veluti temere ac sine certa norma sibi met ipsis proposita in scribendi munus involasse. Verum quidem est, latinum sermonem non ex Grammatica, sed Grammaticam ex latino sermone (id est loquendi consuetudine usuve) natam esse primis illis beatisque temporibus, quibus ipsa consuetudo sub hominum erat potestate ac imperio posita; sed nunc, quando ea in legem transiit, & sermo, ut sit sincere latinus, veterum usui ac consuetudini conformandus est, oportuit regulas præscribere, quibus vaga oratio intra limites contineretur, & per quas ad hanc ipsam perveniretur conformationem. His prius rite perceptis ac memoriæ mandatis fructum consequi licet uberrimum ex auctorum insignium lectione, quasi oculis intuendo, quam elegans, nitida & succi plena prodeat oratio, si sedula observatio accesserit legum harum, quas ipse veterum usus & loquendi ratio progenuit. Aut dic Sodes, ad quid opus erat magna mercede proposita conducere Grammaticos bene

multos ad juventutem erudiendam Romæ (b), ea in urbe, quæ parens fuit principum latinitatis, eodemque tempore, quo summorum Oratorum, Poetarum, & Historicorum ab ore calamoque viva excipi poterant oracula sermonis istius? & quotidie intueri licuit ipsa hujus artis prototypa? Quis non succenseat illi, qui forte pingendi artificium non ex regulis atque præceptis, quas in arte Magistri tradiderunt, sed ex frequenti ac diligenti nobilium picturarum aspectu hauriendum esse totis viribus contenderet? Stet tyro ante Apellis, Zeuxis, aut Parrhasii tabulas integro die vel anno, easque a capite ad calcem perlustret; si non antea in miscendis coloribus, suoque loco reponendis, in partibus decente cum symmetria, ordine ac mensura delineandis, umbræ ac lucis recta dispensatione, totiusque naturæ viva imitatione regularum ope sedulo informatus exercitatusque fuerit, non solum nihil laude admirationeque dignum in arte hac efficiet, sed nec ipsum pingendi artificium ulla ratione adsequi poterit, idemque

rudis

(b) *Vide libri hujus C. I. §. II. sub initium.*



rudis tyrunculus redibit, qualis accessit. Porro quid longo tardoque per Auctores circuitu latine loquendi artem emere volumus, quam possumus compendio præceptorum comparare, quæ viri maximi ac doctissimi e scriptoribus optimis magna industria judicioque collegerunt, quæque sermonis ornamenta isti singillatim exhibent, illi generatim complexi sunt? Audiri meretur hic loci Ludovicus Vives, in omni disciplinarum genere perquam eruditus (c), qui postquam gravissime invehitur in eos Grammaticos, qui totum linguæ latinæ artificium ad miserum, ut ille loquitur, formularum præscriptum redegerunt, non minus graviter perstringit illos, qui neglectis canonibus græcum latinumque sermonem ex Auctorum lectione petendum esse contendebant: „ Quorum tandem  
 „ usu, ait, discemus linguas has? Ex  
 „ auctoribus inquirunt: quum ergo non  
 „ succurret animo, quemadmodum apud  
 „ illos legerimus, hærendum erit, atque  
 „ etiam obmutescendum, aut solocismis fœdanda oratio, quod iis videmus accidere, qui formulas in totum respuunt, ut modo Cicerones  
 „ sint,

(c) *Lib. 2. de corrupt. art.*

„ sint, modo Solœcistæ. Quid quod isti  
 „ etiam normas quasdam ex usu colli-  
 „ gunt, queis regantur in loquendo.  
 „ Atqui hæc est ars. An non præstat  
 „ collecta a maximis & doctissimis viris  
 „ accipere labore exiguo, quam tanto  
 „ & tam infelici ipsum sibi parare? Et  
 „ quæ tu sigillatim confectaris, habere  
 „ generatim annotata magna cura & ju-  
 „ dicio? Profecto mediocris artis co-  
 „ gnitio & pueros ad cognitionem lin-  
 „ guæ manu ducit, & provectis sæpe-  
 „ numero adjumento est, quum a me-  
 „ moria nihil suppeditatur lectum, quod  
 „ sit ei, quod eloqui conatur, simile.  
 „ Quid quod nec analogiæ normas sin-  
 „ gulorum verborum & compositionis  
 „ negligebant, etiam eo tempore, quum  
 „ a populo peti poterat usus certissimus  
 „ Magister sermonis, ut Quintilianus  
 „ tempore etiam Tullii, & usus prave  
 „ loquentium plerumque analogia refel-  
 „ lebatur. In scriptoribus quoque non-  
 „ nulla depravata corriguntur ex artis  
 „ formulis & canonibus. „ Hactenus  
 Vives, cui aliud non minus grave testi-  
 monium accedit (nolo enim meis dun-  
 taxat ideis temere morem gerere, uti  
 solent alii) ex præfatione ad Thomam  
 Linacrum Britannum, insignem Gram-  
 ma-

maticum (d): „Diu igitur in hoc studio  
 „dio detinendi sunt adolescentes, & diligenter  
 „assuefaciendi, ut & regulas reddere possint,  
 „& habeant in promptu exempla Auctorum, si  
 „quid extra analogiam dicitur. Ac pessime de  
 „pueris merentur præceptores, qui aut regulas  
 „nullas tradunt, aut certe statim abjiciunt,  
 „& magnifice promittunt fore, ut usu loquendi  
 „discantur constructiones. Nam illi, qui non norunt  
 „regulam, etiamsi legunt exempla in Aucto-  
 „ribus linguæ, tamen loqui non satis audent,  
 „quia non habent certam rationem, ad quam  
 „dirigant compositionem verborum. . . . Quare  
 „publicæ debebant in tales præceptores pœnæ  
 „constitui, qui præcepta fastidiunt. Omnino enim  
 „danda est opera, ut tamdiu in ipsa arte detineantur  
 „adolescentes, donec perfecti Grammatici evaserint. „

XXXII.

Demum alia non levis in speciem criminatio contra methodum discendi est diluenda. Sunt enim nonnulli qui omnium

(d) *De emendata structura lat. serm. lib. 6.*

nium ingenia metiuntur decempeda sua: hi palam conqueruntur, in ludis publicis hodie tanto multorum annorum impendio tam paucos ad latinæ linguæ nobilem quemdam usum, ne dicam perfectionem perducere, vitio nimirum tristicius cuiusdam methodi, quæ per mille difficultatum nescio quarum anfractus circumducta ingenia hebetantur, atque inter res nauci & flocci optimos spiritus perdunt, dum nativa quadam alacritate, & generoso saltu cito in sublime ferri potuissent, & ad disciplinæ hujus apicem promoveri. Nolim quidem ego inficiari, esse quædam ingenia, quæ celerius maturescunt, & tardos ætatis passus indolis felicitate antevertunt. Num autem propter hæc, quæ rara sunt, & sane pauca, convenientem tot aliis longe pluribus, & probatissimam methodum eliminare oportebit, talemque surrogare, quæ paucissimorum genio serviat, reliquorum autem omnium utilitati advesetur? Non omnis terra tam felix est, ut fructum progignat, ac crediti seminis census afferat sine patientia, sine labore diuturno: aratro, occis, sarculo, multoque sudore opus est, donec messis colligatur. Et quamquam in Hungaria frumentum fere sine cultura crescere dicatur,

catur, an iccirco ab aliarum quoque regionum solo idem beneficium exspectare aut exigere possumus? Sed istorum quoque, de quibus sermo est, ingeniorum singularium plerumque præcoces partus esse solent, ac similes floribus illis & fructibus, quos arbores aut germina in hyalothecis custodita etiam tempore brumali progignunt, præcipitante opus calore furni, aut solis per vitra intromissi, qui tamen post exigui temporis admirationem & breve spectaculum flaccescunt, utpote succo nativo destituti. Quippe natura sensim & longiore temporis cursu ad maturitatem ac perfectionem operis sui procedit, qui si turbetur, nihil unquam prodire solet, quod ætatem ferat. Nec est, quod irascamur discendi methodo propter paucitatem eorum, qui masculæ latinitatis culmen attingunt. Si licet, veras fati hujus sinistri causas facile detegam; nec enim una est sed omnino plures, quæ rectæ institutionis vim omnem sistunt, & spem conceptam eludunt. Apud aliquos inclementia soli seu sterilitas ingenii obstat: plures otium & socordia transversum agit: alios parentum & pædagogorum oscitantia perdit, non invigilantium, ut quæ puer in ludo didicit, domi ruminet

nete

156. *Cap V. Methodus docendi,*


net: bene multos prava societas & noxia libertas altioribus in scholis abripit: illi demum qui culturæ patientes fuerunt, & egregio cum fructu Gymnasio excefferunt, officio suo plene functos se arbitrantur, nec ulla deinceps seu lectionis seu scriptiois, imitationisve cura tanguntur, sine quibus adjumentis integritas sermonis, elegantia, verborum copia, ipsaque ut ita dicam latinitatis vita diu conservari nequit, sed vigor omnis brevi evanescit, sicut vini sapor, aut balsami odor, vasis ostio non bene clauso. Accedit his aliud impedimentum sane gravissimum, quod tum eo, quo literis opera datur, tum maximo illo, quo a studiis istis removemur, tempore aures nostras perpetuo circumsonet lingua vernacula domesticorum, contubernalium, famulorum, parentum seu domi seu foris, in compitis, in tabernis, in tribunalibus, aliisque quotidianis socialis vitæ negotiis. Nullus dubito, si soli rempublicam facerent disciplinæ hujus alumni, interque se se linguæ commercium exercerent, fore, ut regularum notitia, & præstantium Auctorum imitatione adjuti modico tempore ad maximos honoris gradus in Latio eluctarentur. Sed ubi nunc floret ista hominum

num respublica? Fortassis in luna, si fidem habemus illis, qui in hoc quoque planeta cives & incolae esse contendunt, quamvis nemini unquam visos. Aliud sentire licet de patriis, quin & peregrinis linguis addiscendis, quæ tanto utique tempore laboreque non indigent. Nam priores seu vernaculas veluti cum lacte sugimus, & assuefimus illis, antequam quid & cur loquamur, intelligamus, tantaque dulcedine eas prosequimur, quanta ipsam, in qua nati sumus, patriam, a qua plerumque non nisi per vim abstrahimur: posteriores vero seu peregrinæ neutiquam tot tantisque difficultatibus sunt circumseptæ, nec tanta in iis casuum, temporum, modorum, declinationum, conjugationum, phrasium &c. diversitas reperitur: neque illas ut plurimum eum in finem nobis comparamus, ut in ipsis ad quemdam perfectionis gradum pertingamus, sed stimulante immani quadam cupiditate peregrinos linguæ commercio qualicunque mores, fabulas, & vitia mercandi urgemur ad eas omni cum festinatione addiscendas.

Sit igitur, ut finem faciam, Grammatices ac linguæ latinæ, de qua hucusque  
dis-

158 *Cap. V. Methodus discendi, &c.*

differui, tum docendæ tum discendæ studium & usus ejusmodi, qui prisci moris ac candoris religionem æmuletur, simulque delectationem eruditioni utilitæque conjunctam profiteatur, ac toti literariæ rei decus & ornamentum adferat longe maximum.



INDEX





# INDEX

## RERUM ET VERBORUM

### LIBRI II.

L. Indicat Librum. N. Numerum Libri.

#### A.

*Ætates linguæ latinæ. Prima seu aurea  
ejusque scriptores.* L. 2. N. 7.

*Secunda ætas argentea ejusque scripto-  
res.* L. 2. N. 7.

*Tertia ætas ænea ejusque scriptores.*  
L. 2. N. 7.

*Quid de ænea seu ferrea, & lutea ætate  
sentiendum.* L. 2. N. 8.

*Ægyptii utebantur literis hieroglyphicis  
seu effigiebus animalium, & hominum  
simulacris ad exprimenda animi seu sensa.*  
L. 2. N. 9.

*Alvari Emmanuelis laus.* L. 2. N. 30.

*Andronicus (Livius) primus Romæ lati-  
nas literas docuit.* L. 2. N. 7.

*Animalium diversissimorum loquela.* L. 2.  
N. 18.

*Ar-*

## Index Rerum

- Artium & Scientiarum misera fors medio  
ævo.* L. 2. N. 1.  
*Aristarchus & Aristophanes Critici mor-  
daces.* L. 2. N. 4.  
*Ausonii falsum carmen in insulsum Rbeto-  
rem Rufonem.* L. 2. N. 3.

## B.

- Barbaræ gentes Italiam invadentes pessum-  
dant latinam linguam.* L. 2. N. 7.  
*Battologia vitanda.* L. 2. N. 18.  
*Bella intestina Grammaticorum: Poggii  
& Petri Rami cum Valla: Politiani  
cum Scala & Merula; Scaligeri cum  
Sanctio; Sciopii cum Donato & Probo.*  
L. 2. N. 4.  
*Strabo & Rutilius de verborum signifi-  
catione, Gellius de vocum flexione,  
Petrus Suffridus de verborum pronun-  
ciatione acriter certant.* L. 2. N. 4.  
*Franciscus Philelphus Tolentinus cum  
Timotheo Græculo de potestate cujus-  
dam syllabæ certat, eumque victum  
barba multat.* L. 2. N. 4.

## C.

- Campiani (Edmundi) egregium dictum de  
novis Ecclesiæ vocibus.* L. 2. N. 8.

## ¶ Verborum Lib. II.

*Carolus M. ingenti studio ad latinas literas instaurandas fertur.* L. 2. N. 8.

*Ciceronis præclara sententia de vitanda dictione tum humili, tum inflata.* L. 2. N. 17.

*Cicero excelluit in iisdem rebus alio semper modo exponendis.* L. 2. N. 18.

*Columnæ duæ, lateritia & lapidea, quibus Nepotes Adami disciplinarum elementa inscripserunt.* L. 2. N. 9.

*Copia verborum paratur sex modis: 1. Synonymia. 2. Enallage. 3. Periphrasi. 4. Metaphora. 5. Comparatione. 6. Æquipollentia.* L. 2. N. 18.

*Critici non sunt audiendi, qui rejiciunt nova vocabula, quæ Patres & Ecclesia ad significanda mysteria instituerunt.* L. 2. N. 8.

*Critice circa methodum discendi.* L. 2. N. 29.

*Refellitur querela eorum, qui nimis diu detineri pueros in ludis queruntur.* L. 2. N. 29.

*Ostenditur, non unius alteriusve anni laborem esse puerorum ingenia rite exercere.* L. 2. N. 29.

*Præter latinam linguam multa sunt adolescentibus utiliter addiscenda.* L. 2. N. 29.

*BIBLIOTH. DOMEST. LIB. II.* L. D.

## *Index Rerum*

### *D.*

*Dotes boni Grammatici.* L. 2. N. 4.

### *E.*

*Elegantia latinitatis spuria.* L. 2. N. 17.  
*Errores contra grammaticam inveniuntur  
in antiquis quibusdam inscriptionibus,  
Romanorum, etiam tempore Augusti.*  
L. 2. N. 3.

*Exercitatio: de ea testimonium Ciceronis*  
L. 2. N. 24.

*Exercitationis gradus: 1. conversio ex  
una in aliam linguam. 2. variatio sen-  
tentiarum. 3. amplificatio. 4. chara-  
cterum expressio, seu viva rerum descri-  
ptio. 5. revocatio ad linam.* L. 2.  
N. 24.

### *F.*

*Formulae aliquae vocum exoletarum.* L. 2.  
N. 7.

*Formulae aliae vocum barbararum.* L. 2.  
N. 7.

### *G.*

*Grammatica necessitas & utilitas: ejus  
vindicta.* L. 2. N. 1.

*Gram*

## & Verborum Lib. II.

- Grammaticorum litigia.* L. 2. N. 1.  
*Grammatica est fundamentum reliquarum  
artium & scientiarum.* L. 2. N. 1.  
*Grammatici insignes restitunt scientias.*  
L. 2. N. 1.  
*Grammaticem Romæ docent illustres Præ-  
ceptores.* L. 2. N. 2.  
*Ex Grammaticæ defectu plurimi erro-  
res in scriptorum libros irrepunt.*  
L. 2. N. 2.  
*Grammaticæ neglectæ damna in alias scien-  
tias redundant.* L. 2. N. 2.  
*Grammaticæ elogium ex Quinctiliano.*  
L. 2. N. 2.  
*Grammaticam multi contemnunt tanquam  
artem puerilem.* L. 2. N. 3.  
*Grammatica accusatur, quod sit nimium  
litigiosa.* L. 2. N. 4.  
*Est utilis & apta ad severiores etiam  
disciplinas, nominatim ad Philoso-  
phiam, Medicinam, Jurispruden-  
tiam & Theologiam.* L. 2. N. 5.  
*Grammaticæ historia.* L. 2. N. 7.  
*Grammatici non sunt audiendi, qui reji-  
ciunt vocabula nova, ad mysteria Fi-  
dei, & Ecclesiæ significanda inventa.*  
L. 2. N. 8.  
*Grammatica in recessu habet multa subli-  
mia, & subtilia teste Quinctiliano.*  
L. 2. N. 9.
- L 2
- Gram-

## Index Rerum

- Grammaticæ definitio & partitio.* L. 2. N. 10.  
*Grammatici officium non est sola locutio & scriptio, sed vel maxime intelligentia rerum.* L. 2. N. 10.  
*Grammaticæ variæ divisiones.* L. 2. N. 10.  
*Divisio melior in Theoreticam & Practicam,* L. 2. N. 10.  
*In quibus hæc consistent.* L. 2. N. 10.  
*Grammaticæ ars ex usu & observatione nata.* L. 2. N. 11.

## H.

- Hebræi literas e deserto in tabulis Mosais intulerunt in Palaestinam.* L. 2. N. 9.  
*D. Hieronymi insignis locus ad Latam de tradenda Grammatica.* L. 2. N. 5.  
*Horatii quærelæ adversus Grammaticorum insolentiam.* L. 2. N. 4.  
*Hortensius quotidie se exercuit in palastra oratoria.* L. 2. N. 24.

## I.

- Idiotismi in translatione ab una in aliam linguam sunt vitandi maxime tyronibus.* L. 2. N. 14.

*Imi.*

## ¶ Verborum Lib. II.

*Imitatio auctorum, quæ tyronibus conveniat.* L. 2. N. 23.

*Quæ proveciori in latinitate ætati.* L. 2. N. 23.

*In Imitatione Auctorum duo vitanda.* L. 2. N. 23.

*Institutiones præclaræ utiliter docendi, novissimis temporibus editæ a Jos. Juvencio, Franc. Xav. Kropfio, & Franc. Wagnero S. J.* L. 2. N. 17.

*Julius Cæsar de singulis literis singulos conscripsit libros.* L. 2. N. 2.

### L.

*Latini sermonis usus Romanis familiarissimus.* L. 2. N. 2.

*Ejusdem elegantia cur aliquibus seculis in tradendis disciplinis exulaverit.* L. 2. N. 5.

*Enumerantur, qui ex Antiquis & Recentioribus nitidam latinitatem in omni genere scribendi adhibuerunt.* L. 2. N. 5.

*Latinae linguæ ortus, progressus, & occasus.* L. 2. N. 7.

*Ejusdem ætates: nata est in Latio, angusto Italiae angulo.* L. 2. N. 7.

## Index Rerum

- Latino solum idiomate Legati & Præsides Romanorum in provinciis negotia conficere jussi sunt.* L. 2. N. 7.
- Latina lingua communis est in Ecclesia Catholica per totum orbem tum quod ad S. Bibliam, tum quod ad Religionis mysteria adtinet.* L. 2. N. 7.
- Latina lingua per primos quingentos & amplius annos admodum rudis erat.* L. 2. N. 7.
- Viri celebres inter primos latinos.* L. 2. N. 7.
- Latinitas florere cepit a Ciceronis ævo usque ad Augusti & Tiberii mortem per 80. annos.* L. 2. N. 7.
- Sub Tiberio paullatim cepit latinæ linguæ decus imminui.* L. 2. N. 7.
- De Latina lingua restauranda cogitari ceptum est sæculo VIII. sub Carolo M.* L. 2. N. 8.
- Latina lingua re floruit Sæculo XIV.* L. 2. N. 8.
- Latinitatem veram germanamque pauci assequuntur.* L. 2. N. 11.
- Hujus rei causa est neglectus indagandi in ipsam Grammaticæ oeconomiam & artificium.* L. 2. N. 11.
- Latini sermonis præcipuæ dotes: proprietas, elegantia, copia.* L. 2. N. 11.



## ¶ Verborum Lib. II.

*Latinitatem puram constituunt ea vocabu-  
la, quæ communi hominum eloquentium  
usu trita, & consuetudine adprobata  
sunt.* L. 2. N. 12.

*Falluntur, qui piaculo sibi ducunt alia  
quandoque adhibere verba, quam qui-  
bus aureæ argenteæve ætatis scripto-  
res usi sunt.* L. 2. N. 12.

*Item, qui nonnisi Ciceroniana verba  
probant.* L. 2. N. 12.

*Latinam linguam corrumpunt frequentes  
metaphoræ, synonyma, & poeticæ dictio-  
nes.* L. 2. N. 17.

*Ad Latinitatis eruditionem comparan-  
dam quinam auctores legendi.* L. 2.  
N. 22.

*Linguae matrices.* L. 2. N. 9.

*Ad linguam latinam a barbarie purgan-  
dam studium Caroli M.* L. 2. N. 6.

*Linguae latine elegantia.* L. 2. N. 15.

*Non sufficit, ut sermo sit emendatus,  
sed debet etiam esse elegans.* L. 2.  
N. 15.

*In quo ita sit hæc elegantia.* L. 2. N. 15.

*Ad eam faciunt* 1. aptus particularum,  
præpositionum &c. usus. 2. verbo-  
rum recta collocatio. 3. flores latini-  
tatis. 4. idoneus partium omnium ne-  
xus. L. 2. N. 16.

## Index Rerum

*Linguae aliae cur citius addiscantur, quam latina.* L. 2. N. 32.

*A litteratorum, seu qui tales videri cupiunt, nimia hoc seculo copia timendum.* L. 2. N. 5.

*Litterae quid sint.* L. 2. N. 9.

*Litterarum inventio tribuitur ab aliis Adamo, liberis Seth, Abrahamo, Moysi: ab aliis Mercurio Aegypti Regi, Assyriis, Phœnicibus.* L. 1. N. 9.

*Litteras Hebraei intulerunt in Palaestinam: Cadmus in Græciam: Pelasgi vel Arcades in Latium.* L. 2. N. 9.

*Litteras scribendi ac pronunciandi varioratio.* L. 2. N. 9.

*Lotbarius I. in Italia collapsam latinam studium suscitavit.* L. 2. N. 8.

*Ejusdem tempore latius patuit Grammaticae studium, comprehenditque etiam Poeticam, Historicam, Oratoriam.* L. 2. N. 8.

*Loquendum est in quavis disciplina cum Auctoribus, qui in ea excelluerunt.* L. 2. N. 12.

*Loquendi latine modos selectos collegerunt Sylvius, Buclerus, Hadrianus Card. Franciscus Wagnerus.* L. 2. N. 15.

M. Mes-

## ¶ Verborum Lib. II.

### M.

*Messala (Corvinus) de singulis literis singulos libros conscripsit.* L. 2. N. 2.

*De Methodo docendi variorum opiniones.* L. 2. N. 25.

*Antiqua non est contemnenda, nec rejicienda, sed ubi opus, emendanda.* L. 2. N. 25.

*Rectum de ea judicium.* L. 2. N. 25.

*Marcellus (Pomponius) Tiberium Cæsarem ob dictum minus latinum reprebendere ausus perstringitur ab Atteo Capitone.* L. 2. N. 4.

### N.

*Novandi studium circa methodum docendi discendique.* L. 2. N. 25.

*De Novandis rebus Caussini præclarum judicium.* L. 2. N. 27.

### O.

*Oeconomia Grammaticæ & inferiorum larum palam exponitur.* L. 2. N. 28.

*In Oratione cavenda frequens nimium variatio, & inutiles circuitus.* L. 2. N. 18.

## Index Rerum

### P.

- Paulinus Aquileiensis Patriarcha artis Grammaticæ Magister.* L. 2. N. 8.  
*Pericles inter Græcos eminuit in dictione sublimi.* L. 2. N. 21.  
*Placentinus Cardin. Sigismundum Imp. corripit ob vocem minus latinam, sed vicissim corripitur.* L. 2. N. 4.  
*Pontani (Jacobi) S. J. Progymnasmata.* L. 2. N. 22.  
*De Præceptis Grammaticæ scripserunt præclarissimi Viri prisci.* L. 2. N. 6.  
*Prisciani monitum, quod potius usui quam regulis accommodare linguam debeamus.* L. 2. N. 12.  
*Proprietas verborum unde petenda.* L. 2. N. 22.

### Q.

- Quintiliani præclarum de Grammatica dictum explicatur.* L. 2. N. 1.  
*Ejusdem sententia circa festinationem in informanda adolescentia.* L. 2. N. 29.

### R.

- Regularum Grammaticarum necessitas & utilitas.* L. 2. N. 30.  
Re-

## ¶ Verborum Lib. II.

*Refellitur opinio eorum, qui multitudine regularum juventutem obrui criminantur.*

L. 2. N. 30.

*Rejicitur aliorum opinio, qui neglectis regulis sola classicorum Auctorum lectione addisci debere latinam linguam asserunt.*

L. 2. N. 30.

*Absque Regularum & artificii cognitione nullus in latinitate fructus sperandus.*

L. 2. N. 31.

*Exemplum affertur juventutis Romanæ.*

L. 2. N. 31.

*Præclarum hac de re Ludovici Vives testimonium: item Thomæ Linacri Britannii.*

L. 2. N. 31.

## S.

*Scriptionis materia, seu de corticibus arborum, de tabulis eboreis, plumbeis, aut æreis.*

L. 2. N. 9.

*De usu fruticis, de membrana, papyro & charta.*

L. 2. N. 9.

*Scriptionis instrumenta, ubi de stilo, calamo, & atramento.*

L. 2. N. 9.

*Scribendi varius modus.*

L. 2. N. 9.

*Scriptores mediæ ævi: multi sublimi fuerunt ingenio: sed latinitatis expertes.*

L. 2. N. 13.

Caus-

## Index Rerum

- Causa* bujus rei afferuntur. L. 2. N. 13.  
*De sententiarum proprietate.* L. 1.  
N. 14.  
*De signis seu figillis literarum: item  
de Tabulariis.* L. 2. N. 9.  
*Societas Jesu in scholis suis methodum pro  
rerum & temporum vicissitudinibus  
semper perficere studuit.* L. 2. N. 27.  
*Causa methodi retenta.* L. 2. N. 26.  
*Spiridion Episcopus Trypbillum Ep. repre-  
bendit ob vocem latinam mutatam in S.  
Scriptura.* L. 2. N. 8.  
*Stili latini varietas, ejusque characteres.*  
L. 2. N. 19.  
*Ad stilum formandum debet concurrere  
ars & natura.* L. 2. N. 19.  
*Stilus non raro est in eodem Acutore va-  
rius pro rerum varietate.* L. 2. N. 19.  
*Ex stilo facile cognosci possunt Acuto-  
res.* L. 2. N. 19.  
*Stilus Laconicus justo brevior & abruptus.*  
L. 2. N. 20.  
*Stilus Atticus brevis, ornatus, elegans  
cum acumine.* L. 2. N. 20.  
*Stilus Asiaticus breves sententias multis  
ambagibus verborum explicat.* L. 2.  
N. 20.  
*Stilus Rhodius medius inter Asiaticum &  
Atticum.* L. 2. N. 20.  
*Exempla singulorum.* L. 2. N. 20.  
De

## ¶ Verborum Lib. II.

*De stili diversitate judicium.* L. 2. N. 20.

*Stili divisio in Tenuem, Mediocre, & Sublimem.* L. N. 21.

*Singulorum dotes: exempla Auctorum.*

*His oppositi vitia.* L. 2. N. 21.

*Stili subsidia.* 1. *Lectio.* 2. *Imitatio.*

3. *Exercitatio.* L. 2. N. 22.

*De stilo formando præclare scripserunt*

*Pallavicinus Card. Alphonsus Gar-*

*cias. Joan. Heineccius. Joan. Schef-*

*ferus. Ant. Possevinus.* L. 2. N. 24.

## T.

*Tautologia vitanda.* L. 2. N. 18.

## V.

*Verulamii Magni Angliæ Cancellarii ju-*  
*dicium de scholis Jesuitarum.* L. 2.

N. 26.

*Lipsii testimonium de bis ipsis.* L. 2.

N. 26.

*Vetustis vocabulis quomodo sit utendum:*

*Caussini & Erasmi hac de re judicium.*

L. 2. N. 13.

*Voces Ennii, Plauti, Pacuvii quomodo ad-*  
*bibendæ.* L. 2. N. 7.

*Vocum & Verborum latinorum potestas*

*& vis significandi undependat.* L. 2. N. 8.

## *Index Rerum & Verb. Lib. II.*

*Voces ὁμοῖσιον & ὁμοῦσιον gravissimam  
hæresin excitarunt.* L. 2. N. 8.

*Voces novatæ, barbaræ & peregrinæ,  
obsoletæ.* L. 2. N. 12.

*Voces latinæ quænam cæteris præferendæ.*  
L. 2. N. 12.

*Voces novæ non sunt omnino rejiciendæ,  
teste Cicerone ac Horatio.* L. 2. N. 13.


*Addibendæ, quando necessitas, auctori-  
tas, vel utilitas suadet.* L. 2. N. 13.

*Præcipue in disciplinis Philosophicis,  
Medicis, Juridicis, & Theologicis.*  
L. 2. N. 13.

*In Vocibus seu terminis technicis pluri-  
mum commendatur industria Pexen-  
felder, & Pomey S. J.* L. 2. N. 13.







## Index Rerum

### D.

*Dotes boni Grammatici.* L. 2. N. 4.

### E.

*Elegantia latinitatis spuria.* L. 2. N. 17.  
*Errores contra grammaticam inveniuntur  
in antiquis quibusdam inscriptionibus,  
Romanorum, etiam tempore Augusti.*  
L. 2. N. 3.

*Exercitatio: de ea testimonium Ciceronis*  
L. 2. N. 24.

*Exercitationis gradus: 1. conversio ex  
una in aliam linguam. 2. variatio sen-  
tentiarum. 3. amplificatio. 4. chara-  
cterum expressio, seu viva rerum descri-  
ptio. 5. revocatio ad linam.* L. 2.  
N. 24.

### F.

*Formula aliqua vocum exoletarum.* L. 2.  
N. 7.

*Formula alia vocum barbararum.* L. 2.  
N. 7.

### G.

*Grammaticæ necessitas & utilitas: ejus  
vindicta.* L. 2. N. 1.

*Gram*

## ¶ Verborum Lib. II.

- Grammaticorum litigia.* L. 2. N. 1.  
*Grammatica est fundamentum reliquarum  
artium & scientiarum.* L. 2. N. 1.  
*Grammatici insignes restitunt scientias.*  
L. 2. N. 1.  
*Grammaticem Romæ docent illustres Præ-  
ceptores.* L. 2. N. 2.  
*Ex Grammaticæ defectu plurimi erro-  
res in scriptorum libros irrepunt.*  
L. 2. N. 2.  
*Grammaticæ neglectæ damna in alias scien-  
tias redundant.* L. 2. N. 2.  
*Grammaticæ elogium ex Quintiliano.*  
L. 2. N. 2.  
*Grammaticam multi contemnunt tanquam  
artem puerilem.* L. 2. N. 3.  
*Grammatica accusatur, quod sit nimium  
litigiosa.* L. 2. N. 4.  
*Est utilis & apta ad severiores etiam  
disciplinas, nominatim ad Philoso-  
phiam, Medicinam, Jurispruden-  
tiam & Theologiam.* L. 2. N. 5.  
*Grammaticæ historia.* L. 2. N. 7.  
*Grammatici non sunt audiendi, qui reji-  
ciunt vocabula nova, ad mysteria Fi-  
dei, & Ecclesiæ significanda inventa.*  
L. 2. N. 8.  
*Grammatica in recessu habet multa subli-  
mia, & subtilia teste Quintiliano.*  
L. 2. N. 9.
- L 2      Gram-

## Index Rerum

- Grammaticæ definitio & partitio.* L. 2. N. 10.  
*Grammatici officium non est sola locutio & scriptio, sed vel maxime intelligentia rerum.* L. 2. N. 10.  
*Grammaticæ variæ divisiones.* L. 2. N. 10.  
*Divisio melior in Theoreticam & Practicam,* L. 2. N. 10.  
*In quibus hæ consistent.* L. 2. N. 10.  
*Grammaticæ ars ex usu & observatione nata.* L. 2. N. 11.

## H.

- Hebræi literas e deserto in tabulis Mosais intulerunt in Palaestinam.* L. 2. N. 9.  
*D. Hieronymi insignis locus ad Latam de tradenda Grammatica.* L. 2. N. 5.  
*Horatii quærelæ adversus Grammaticorum insolentiam.* L. 2. N. 4.  
*Hortensius quotidie se exercuit in palæstra oratoria.* L. 2. N. 24.

## I.

- Idiotismi in translatione ab una in aliam linguam sunt vitandi maxime tyronibus.* L. 2. N. 14.

*Imi-*

## ¶ Verborum Lib. II.

*Imitatio auctorum, quæ tyronibus conveniat.*

L. 2. N. 23.

*Quæ provectiori in latinitate ætati.*

L. 2. N. 23.

*In Imitatione Auctorum duo vitanda.*

L. 2. N. 23.

*Institutiones præclaræ utiliter docendi, novissimis temporibus editæ a Jos. Juvencio, Franc. Xav. Kropfio, & Franc. Wagnero S. J.*

L. 2. N. 17.

*Julius Cæsar de singulis literis singulos conscripsit libros.*

L. 2. N. 2.

### L.

*Latini sermonis usus Romanis familiarissimus.*

L. 2. N. 2.

*Ejusdem elegantia cur aliquibus seculis in tradendis disciplinis exulaverit.*

L. 2. N. 5.

*Enumerantur, qui ex Antiquis & Recentioribus nitidam latinitatem in omni genere scribendi adbibuerunt.*

L. 2. N. 5.

*Latinae linguæ ortus, progressus, & occasus.*

L. 2. N. 7.

*Ejusdem ætates: nata est in Latio, angusto Italiae angulo.*

L. 2. N. 7.

## Index Rerum

- Latino solum idiomate Legati & Præfides Romanorum in provinciis negotia conficere jussi sunt.* L. 2. N. 7.
- Latina lingua communis est in Ecclesia Catholica per totum orbem tum quod ad S. Bibliam, tum quod ad Religionis mysteria adtinet.* L. 2. N. 7.
- Latina lingua per primos quingentos & amplius annos admodum rudis erat.* L. 2. N. 7.
- Viri celebres inter primos latinos.* L. 2. N. 7.
- Latinitas florere cæpit a Ciceronis ævo usque ad Augusti & Tiberii mortem per 80. annos.* L. 2. N. 7.
- Sub Tiberio paullatim caput latinæ linguæ decus imminui.* L. 2. N. 7.
- De Latina lingua restauranda cogitari captum est seculo VIII. sub Carolo M.* L. 2. N. 8.
- Latina lingua re floruit Seculo XIV.* L. 2. N. 8.
- Latinitatem veram germanamque pauci assequuntur.* L. 2. N. 11.
- Hujus rei causa est neglectus indagandi in ipsam Grammaticæ oeconomiam & artificium.* L. 2. N. 11.
- Latini sermonis præcipuæ dotes: proprietas, elegantia, copia.* L. 2. N. 11.

## & Verborum Lib. II.

*Latinitatem puram constituunt ea vocabula, quæ communi hominum eloquentium usu trita, & consuetudine adprobata sunt.* L. 2. N. 12.

*Falluntur, qui piaculo sibi ducunt alia quandoque adbibere verba, quam quibus aureæ argenteæve ætatis scriptores usi sunt.* L. 2. N. 12.

*Item, qui nonnisi Ciceroniana verba probant.* L. 2. N. 12.

*Latinam linguam corrumpunt frequentes metaphoræ, synonyma, & poeticæ dictiones.* L. 2. N. 17.

*Ad Latinitatis eruditionem comparandam quinam auctores legendi.* L. 2. N. 22.

*Linguae matrices.* L. 2. N. 9.

*Ad linguam latinam a barbarie purgandam studium Caroli M.* L. 2. N. 6.

*Linguae latinæ elegantia.* L. 2. N. 15.

*Non sufficit, ut sermo sit emendatus, sed debet etiam esse elegans.* L. 2. N. 15.

*In quo ita sit hæc elegantia.* L. 2. N. 15.

*Ad eam faciunt* 1. aptus particularum, præpositionum &c. usus. 2. verborum recta collocatio. 3. flores latinitatis. 4. idoneus partium omnium nexus. L. 2. N. 16.

## *Index Rerum*

*Linguae aliae cur citius addiscantur, quam latina.* L. 2. N. 32.

*A literatorum, seu qui tales videri cupiunt, nimia hoc seculo copia timendum.* L. 2. N. 5.

*Literae quid sint.* L. 2. N. 9.

*Literarum inventio tribuitur ab aliis Adamo, liberis Seth, Abrahamo, Moysi: ab aliis Mercurio Aegypti Regi, Assyriis, Phœnicibus.* L. 1. N. 9.

*Literas Hebræi intulerunt in Palaestinam: Cadmus in Græciam; Pelasgi vel Arcades in Latium.* L. 2. N. 9.

*Literas scribendi ac pronunciandi varia ratio.* L. 2. N. 9.

*Lotharius I. in Italia collapsum latinitatis studium suscitavit.* L. 2. N. 8.

*Ejusdem tempore latius patuit Grammaticæ studium, comprehenditque etiam Poeticam, Historicam, Oratoriam.* L. 2. N. 8.

*Loquendum est in quavis disciplina cum Auctoribus, qui in ea excelluerunt.* L. 2. N. 12.

*Loquendi latine modos selectos collegerunt Sylvius, Buchlerus, Hadrianus Card. Franciscus Wagnerus.* L. 2. N. 15.

*M. Mes-*



## ¶ Verborum Lib. II.

### M.

*Messala (Corvinus) de singulis literis  
singulos libros conscripsit.* L. 2. N. 2.

*De Methodo docendi variorum opinio-  
nes.* L. 2. N. 25.

*Antiqua non est contemnenda, nec reji-  
cienda, sed ubi opus, emendanda.*  
L. 2. N. 25.

*Rectum de ea judicium.* L. 2. N. 25.

*Marcellus (Pomponius) Tiberium Cæsa-  
rem ob dictum minus latinum repreben-  
dere ausus perstringitur ab Atteo Capi-  
tone.* L. 2. N. 4.

### N.

*Novandi studium circa methodum docendi  
discendique.* L. 2. N. 25.

*De Novandis rebus Caussini præclarum  
judicium.* L. 2. N. 27.

### O.

*Oeconomia Grammaticæ & inferiorum  
larum palam exponitur.* L. 2. N. 28.

*In Oratione cavenda frequens nimium  
variatio, & inutiles circuitus.* L. 2.  
N. 18.

## Index Rerum

### P.

- Paulinus Aquileiensis Patriarcha artis Grammaticæ Magister.* L. 2. N. 8.  
*Pericles inter Græcos eminuit in dictione sublimi.* L. 2. N. 21.  
*Placentinus Cardin. Sigismundum Imp. corripit ob vocem minus latinam, sed vicissim corripitur.* L. 2. N. 4.  
*Pontani (Jacobi) S. J. Progymnasmata.* L. 2. N. 22.  
*De Præceptis Grammaticæ scripserunt præclarissimi Viri prisci.* L. 2. N. 6.  
*Prisciani monitum, quod potius usui quam regulis accommodare linguam debeamus.* L. 2. N. 12.  
*Proprietas verborum unde petenda.* L. 2. N. 22.

### Q.

- Quintilian præclarum de Grammatica dictum explicatur.* L. 2. N. 1.  
*Ejusdem sententia circa festinationem in informanda adolescentia.* L. 2. N. 29.

### R.

- Regularum Grammaticarum necessitas & utilitas.* L. 2. N. 30.  
Re-

## ¶ Verborum Lib. II.

*Refellitur opinio eorum, qui multitudine regularum juventutem obrui criminantur.* L. 2. N. 30.

*Rejicitur aliorum opinio, qui neglectis regulis sola classicorum Auctorum lectione addisci debere latinam linguam asserunt.* L. 2. N. 30.

*Absque Regularum & artificii cognitione nullus in latinitate fructus sperandus.* L. 2. N. 31.

*Exemplum affertur juventutis Romanæ.* L. 2. N. 31.

*Præclarum hac de re Ludovici Vives testimonium: item Thomæ Linacri Britannii.* L. 2. N. 31.

## S.

*Scriptio materia, seu de corticibus arborum, de tabulis eboreis, plumbeis, aut æreis.* L. 2. N. 9.

*De usu fruticis, de membrana, papyro & charta.* L. 2. N. 9.

*Scriptio instrumenta, ubi de stilo, calamo, & atramento.* L. 2. N. 9.

*Scribendi varius modus.* L. 2. N. 9.

*Scriptores mediæ ævi: multi sublimi fuerunt ingenio: sed latinitatis expertes.* L. 2. N. 13.

Caus-

## Index Rerum

- Caussæ bujus rei afferuntur.* L. 2. N. 13.  
*De sententiarum proprietate.* L. 1.  
N. 14.  
*De signis seu sigillis literarum: item  
de Tabulariis.* L. 2. N. 9.  
*Societas Jesu in scholis suis methodum pro  
rerum & temporum vicissitudinibus  
semper perficere studuit.* L. 2. N. 27.  
*Caussæ methodi retentæ.* L. 2. N. 26.  
*Spiridion Episcopus Tryphillum Ep. repre-  
bendit ob vocem latinam mutatam in S.  
Scriptura.* L. 2. N. 8.  
*Stili latini varietas, ejusque characteres.*  
L. 2. N. 19.  
*Ad stilum formandum debet concurrere  
ars & natura.* L. 2. N. 19.  
*Stilus non raro est in eodem Acutore va-  
rius pro rerum varietate.* L. 2. N. 19.  
*Ex stilo facile cognosci possunt Acuto-  
res.* L. 2. N. 19.  
*Stilus Laconicus justo brevior & abruptus.*  
L. 2. N. 20.  
*Stilus Atticus brevis, ornatus, elegans  
cum acumine.* L. 2. N. 20.  
*Stilus Asiaticus breves sententias multis  
ambagibus verborum explicat.* L. 2.  
N. 20.  
*Stilus Rhodius medius inter Asiaticum &  
Atticum.* L. 2. N. 20.  
*Exempla singulorum.* L. 2. N. 20.  
De

## **& Verborum Lib. II.**

*De stili diverſitate judicium.* L. 2. N. 20.

*Stili diviſio in Tenuem, Mediocreſem, & Sublimem.* L. N. 21.

*Singulorum dotes: exempla Auctorum.*

*His oppoſiti vitia.* L. 2. N. 21.

*Stili ſubſidia.* 1. *Leſtio.* 2. *Imitatio.*

3. *Exercitatio.* L. 2. N. 22.

*De ſtilo formando præclare ſcripſerunt*

*Pallavicinus Card. Alphoſus Gar-*

*cias. Joan. Heineccius. Joan. Schef-*

*ferus. Ant. Poſſevinus.* L. 2. N. 24.

## **T.**

*Tautologia vitanda.* L. 2. N. 18.

## **V.**

*Verulamii Magni Angliæ Cancellarii ju-*  
*dicium de ſcholis Jeſuitarum.* L. 2.

N. 26.

*Lipſii teſtimonium de his ipſis.* L. 2.

N. 26.

*Vetuſtis vocabulis quomodo ſit utendum:*

*Cauſſini & Eraſmi hac de re judicium.*

L. 2. N. 13.

*Voces Ennii, Plauti, Pacuvii quomodo ad-*  
*bibendæ.* L. 2. N. 7.

*Vocum & Verborum latinorum poteſtas*

*& viſ ſignificandi unde pendeat.* L. 2. N. 8.

## *Index Rerum & Verb. Lib. II.*

*Voces ὁμοῖσιον & ὁμοῦσιον gravissimam  
bæresin excitarunt.* L. 2. N. 8.

*Voces novatæ, barbaræ & peregrinæ,  
obsoletæ.* L. 2. N. 12.

*Voces latinæ quænam cæteris præferenda.*  
L. 2. N. 12.

*Voces novæ non sunt omnino rejiciendæ,  
teste Cicerone ac Horatio.* L. 2. N. 13.

*Adbibendæ, quando necessitas, auctori-  
tas, vel utilitas suadet.* L. 2. N. 13.

*Præcipue in disciplinis Philosophicis,  
Medicis, Juridicis, & Theologicis.*  
L. 2. N. 13.

*In Vocibus seu terminis technicis pluri-  
mum commendatur industria Pexen-  
felder, & Pomey S. J.* L. 2. N. 13.





